

† ქართული †
საყვავილეთი
ლიტერატურის
† ბიბლიოთეკა †

თელა კვიციანი

თბილისი

თბილისი

თბილისი 1979

ქ ჯ ა რ თ უ ლ ი ქ
ს ა ყ გ ა წ ვ ი ლ მ
ლ ი შ ე კ ა შ უ რ ი ს
ქ გ ი ე ლ ი მ თ ე ა ქ

თ ე ლ მ კ ა რ ი კ ა ვ ე რ ი ლ ი

გ მ თ ხ რ მ ე ე ბ ი

ზ გ მ ბ რ
I

«-ს ა მ ა რ ი ა-»

Г 1
899.962.1-93
რ 174
7-6-3

გამოსაცემად მოამზადა
სოლომონ ყუბანეიშვილმა.

სარედაქციო კოლეგია:
რევაზ ინანიშვილი, ნიკო კეცხოველი,
დავით ლორთქიფანიძე, კონსტანტინე
ლორთქიფანიძე. (მთავარი რედაქტორი),
მაყვალა მრეველიშვილი, არჩილ
ჩაჩიბაია, ვალენტინა ძიძიგური

თედო რაზიკაშვილი ფშავის იმ ოჯახის შვილია, რომელმაც ჩვენს ქვეყანას 'სამი ნიჭიერი მწერალი მისცა: დიდი ლუკა, მწერლობაში ვაჟა-ფშაველას ფსევდონიმით ცნობილი, ნიკო (ბაჩანა) და თედო რაზიკაშვილები.

თედოს მშობლები სოფელ ჩარგალში ცხოვრობდნენ. ეს სოფელი ამჟამად დუშეთის რაიონს ეკუთვნის, მღებარეობს მდინარე ფშავის არაგვის ხეობაში.

თედოს მამამ, პავლე რაზიკაშვილმა, წერა-კითხვა მეცხვარეობაში ისწავლა სიბ ქვაზე ვარჯიშობით. შემდეგში, როცა გუთანზე მუშაობდა, წიგნებს ჯიბით იტარებდა და დასვენების დროს კითხულობდა. ბოლოს გუთანზე მუშაობას თავი დაანება და კახეთში წავიდა. იქ ერთ-ერთ მონასტერში სულ მოკლე დროში. ისე მოეშადა, რომ მედავითნედ დანიშნეს ჩარგალში. შემდეგ მთავარდიაკვანი იყო შუაფხოსა და მალაროსკარში. უკანასკნელად მღვდლად განაწესეს თავის სოფელში.

პავლეს დიდი ვაჟუნა ჰქონდა ფშაველურეთში. იგი იყო დიდი და პატარა საქმის განმსჯელი. ბუერს კითხულობდა. სულ შესწავლილი ჰქონია ქართველი კლასიკოსები: დ. გურამიშვილი, ა. ჰაველიანი, ნ. ბარათაშვილი და სხვ. იყო მოღვაწე და მოსწრებული სიტყვა-პასუხის პატრონი. „დიდი დღესასწაული იყო იმისთვის ქართული წიგნის გამოცემა, — წერს თედო ავტობიოგრაფიაში, — ახირებული მოყვარული იყო სამშობლო ქვეყნისა და მისი მწიგნობრობისა. ვინც იმის მსჯელობას გაიგონებდა, იფიქრებდა, ყოველმხრივ განათლებულ და ღრმად განსწავლულ მეცნიერთანა მაქვს საქმე და არა უბრალო სოფლის მღვდელთანაო“. (ეს ავტობიოგრაფია იბეჭდება თედო რაზიკაშვილის მოთხრობების II ტომში).

თედოს დედა, ბარბალე (გულქანი) დავით ფსიკელაშვილის ასული, გაბილოურების თემიდან იყო, მხნე, უსაზღვროდ გულკეთილი, მეოჯახე და მეტად ნიჭიერი მოღვაწე. წერა-კითხვა არ იცოდა, მაგრამ პოეზიისადმი სიყვარული დიდი ჰქონდა. სულ იცოდა ფშაური ზეპირგადმოცემანი, ლექსები, ზღაპრები და ანდაზები.

თავისუფალ დროს ამ ხალხურ საუნჯეს შვილებს უამბობდა. იყო მეტიხმეტად მოსიყვარულე და სათნო. შინაურ საქმეებს სულ ის აკეთებდა და საქმიანობაში გართულს ხშირად კერის პირზე შემოათენდებოდა ხოლმე. ისეთი ტკბილი და შთამაგონებელი ლაპარაკი იცოდა, რომ მსმენელს მისი ნაუბარი ღრმად რჩებოდა შესხიერებაში. „ის რომ ღვევებზედ ან ეშმაკებზედ, მოჯალაფებზე დაიწყებდა ლაპარაკს, — გადმოგვემს თედო, — მე სადაც მოჯადოებულს არა არსთა სამეფოში გადაშტაბებდა ოცნება და ჩემი თავი თვით მნახველ-გამგონედ შეჩვენებოდა... გაჯონილსაც თავის გემოვნებაზედ გადააკეთებდა და თავისი დაბალი სასიამოვნო ხმით გვიზუსუნებდა. როცა ვეიაზობდა რამე სამწუხარო ამბავს, თანა ტიროდა ხოლმე“.

პავლე და ბარბაღე ძალიან მოსიყვარულე შშობლები იყვნენ. მამა სიამოვნებით ისმენდა თურმე შვილების ნაწერებს და მათი წაბაძეთ თვითონაც დაუწყია წერა. თედოს წყალობით ჩვენამდე მოაღწია პავლეს ავტობიოგრაფიის დიდმა ნაწილმა, რომელიც, გარდა იმისა, რომ ვრცლად გვისურათებს პავლეს სიყმაწვილის პერიოდს, საყურადღებო ცნობებს გვაწვდის რაზიკაშვილების წინაპრებისა და ფშაველების ყოფა-ცხოვრებაზე.

ინტერესს არაა მოკლებული მისი დარიგებანიც, რომლითაც ის სასტიკად ილაშქრებდა ისეთი ადამ-წესების წინააღმდეგ, რომელიც ხალხის ვალტაჟეპას იწვევდა.

პავლეს და ბარბაღეს ჰყავდათ ექვსი შვილი: ვიორგი, მართა, ლუკა, ნიკო, თედო და ალექსანდრე.

თედო დაიბადა 1869 წელს სოფელ ჩარვალში. წერა-კითხვა თავისმა ძმამ ნიკომ ასწავლა. პირველდაწყებითი განათლება ჩარვლის სკოლაში მიიღო. მისი მასწავლებლები იყვნენ დავით როსტომაშვილი, ილია მათიკაშვილი და ბოლოს ანისიმოვი. ანისიმოვი კართული არ იცოდა, ბავშვებს რუსული არ ესმოდათ, ამიტომ მოწაფეებმა თანდათან უკლეს სკოლაში სიარულს, ხოლო 1880 წელს სკოლა სულ დაიკეტა.

ორი წლის განმავლობაში თედო სკოლის გარეთ დარჩა. დედ-მამას ეხმარებოდა საოჯახო საქმეებში: მკიდა, თიბავდა, საქონელში დადიოდა. რაზიკაშვილები ძალიან ღარიბულად ცხოვრობდნენ. „ისე გავიზარდე, — წერს თედო, — რომ წითელი კიტაიას ახალუხი მენატრებოდა და ვერ ვეღირსე. ჩუსტი ხომ თავის ღღეში არ გვიანხია“.

თავისუფალ დროს მამა თედოს წიგნების გადაწერას ავალებდა.

თედოს უფროსმა ძმამ ლუკამ 1882 წელს გორის საოსტატო სემინარია დაამთავრა და ერწოში ტოლანთისოფლის სკოლაში დანიშნეს მასწავლებლად. მან თან წაიყვანა თედო და გორის სემინარიაში შესასვლელად ამზადებდა.

ერთ წელს მოუხდათ ვაკასა და თედოს ტოლანთ სკოლაში ყოფნა. ეს დრო თედოსათვის ნაყოფიერი გამოდგა. მატერიალურად უზრუნველყოფილი იყო. ვაკას ეურნალ-გაზეთებიც მოსდიოდა. „როგორც მწყურვალე წყალს, ისე ვეწაფებოდი წიგნებს და გაზეთებს, არ გამიშვია მას აქეთ გადუწერავი, სადაც რომ ლექსი დაბეჭდილი, ან პოემა ჩვენს პოეტებისაო“. — წერს თედო.

ამ დროს გორის სემინარიაში სწავლობდა თედოს ძმა ნიკო (ბაჩანა). 1883 წლის აგვისტოში თედო ბაჩანამ წაიყვანა გორში. თედომ იქ ჩააბარა გამოცდები სემინარიისთან არსებულ რუსული სკოლის უკანასკნელ განყოფილებაში. ცხოვრობდა ნაჭირაეებ ბინაში და ღიდ ეკონომიურ გავიყვებას ვანიცდიდა, რამაც თედოს ჯანმრთელობა შეურყია, დააწყებინა ციება და რვა თვე ავად იყო, სწავლას მოცდა... მაგრამ სემინარიაში მიიწვ შეძლო მისაღები გამოცდების ჩაბარება.

1885 წ. 27 მაისს ბაჩანამ სემინარიის დირექტორს სთხოვა თედოს სახელმწიფო ხარჯზე მიღება. თხოვნა შეიწყნარეს და 28 აგვისტოდან თედო სახელმწიფო ხარჯზე ჩაირიცხეს. ამის შემდეგ მას უფრო მეტი საშუალება მიეცა ბეჯითად შეცადინეობისა და მართლაც ისე კარგად სწავლობდა, რომ კლასიდან კლასში უგამოცდოდ გადაჰყავდათ და 1889 წელს სემინარია საუკეთესო მოწიფედ დაამთავრა.

სემინარიის კურსის დამთავრების შემდეგ თედო ერთი წლით უადგილოდ დარჩა. 1890 წელს კი ქართველთა შორის წერა-კითხვის გამავრცელებელი საზოგადოების გამგებობამ ის ხელთუბნის (გორიდან 7 კმ დაშორებით) სკოლის მასწავლებლად დანიშნა.

ძმები რაზიკაშვილები 1891 წლამდე ერთად ცხოვრობდნენ, სამსახურიდან შევბულების დროს ან სკოლის არდადეგებში მამას მიაშურებდნენ სოფელ ჩარგალში და შეძლებისდაგვარად კიდევაც ესმარებოდნენ ოჯახს.

1890 წლის 16 სექტემბერს თედოს გარდაეცვალა დედა, იმავე წლის 22 ოქტომბერს კი მამა.

დედ-მამის გარდაცვალების შემდეგ ძმები დაიქსაქსნენ: გიორგი თიანეთში დასახლდა და იქ ვეჟილობდა, ბაჩანა ხევსურეთში მასწავლებლობდა, ალექსანდრე თბილისში მსახურობდა, ჩარგალში მარტო ვაჟა დარჩა. მან მოინდომა სოფელ ჩარგალში მამის ადგილას თედოს მღვდლად დანიშვნა, მაგრამ თედო არ დათანხმდა და საბოლოოდ ხელთუბანში დამკვიდრდა საცხოვრებლად. იქ მასწავლებლობასთან ერთად საზოგადოებრივ საქმიანობასა და სოფლის მეურნეობასაც ეწეოდა. გაშენებული ჰქონდა კარგი ხეხილის ბაღი, ვენახი და ჰყავდა რამდენიმე სკა ფუტკარი.

ძმები ერთმანეთს უმეტეს შემთხვევაში თბილისში ხვდებოდნენ უმცროსი ძმის ალექსანდრეს ოჯახში. „პირდაპირ სადღესასწაულო ხასიათი ეძლეოდა მათს ერთად შეკრებას! — წერს ნ. ნაოაქე, — მხიარული ბაასი, სიცილი, ხუმრობა სუფრაზე და სუფრის გარეშე, დაუსრულებელი იყო. ხშირად თედო, სანდრო და მათი დისწული შინა მისცემდნენ ხოლმე ერთმანეთს პირისპირს და აუტეხავდნენ ჟაჟას ხუმრობით დაცინვას, რომ იგი გაეჯავრებინათ, მაგრამ ვაჟა იგერებდა ყველას და არ ყოფილა ისეთი წამი, რომ მის სახეს წყენა შეტყობოდეს, თუმცა ზოგჯერ ხუმრობას ძლიერ ამლაშებდნენ“. ამ დროს, ივ. ბუჭურაულის ცნობით, ვაჟა „იჯდა დინჯად თავის დარბაისლურ შეხედულებით. ბაი-ბუღ არ მიაჩნდა მას მათი დაცინვა, სიცილ-კისკისი, თითო-თითოს ასედ-დახედავდა და ჩაიღიმებდა, თითქოს ამბობდა: თქვენ ვინა ყრისართო“.

ხელთუბნის სკოლაში თედომ დაყო 1905 წლის 11 ივნისამდე. ამ ხნიდან მთავრობამ სკოლა დაკეტა და თედოც დაითხოვეს.

გორის საოსტატო სემინარიაში ყოფნის დროს თედო რაზიკაშვილი დაუახლოვდა ხალხოსანთა წრის წევრებს. ამ მხრივ მასზე დიდი გავლენა იქონია გორის სემინარიაში მისმა ქართული ენის მასწავლებელმა ხალხოსანმა ნიკო ლომოურმა. ხალხოსნურ მოძრაობაში აქტიურ მონაწილეობას იღებდა მოსწავლე ახალგაზრდობაც. ახალგაზრდები დადიოდნენ ხალხოსნების კრებებზე, ისმენდნენ პრობანდისტების სიტყვებს და ეცნობოდნენ ქართველი ხალხის ეითარებას, ვლენთა ცხოვრებას, ამზადებდნენ და კითხულობდნენ რეფერატებს ხალხოსნური მოძრაობის საკითხებზე.

ხელთუბანში თედო ჩაება რევოლუციურ მოძრაობაში და გლეხობაში ნერგავდა თვითმპყრობელობის საწინააღმდეგო იდეებს. ეს შეუძენველი არ დარჩა მეფის მოხელეებს და ამიტომ ქანდარმერიას მეთვალყურეობის ქვეშ ჰყავდა აყვანილი. რამდენჯერმე სცადეს მისი დაპატიმრება, მაგრამ თედო ყოველთვის თავს აღწევდა. ბოლოს, 1905 წ. 12 სექტემბერს, მიიწვი დააპატიმრეს და სამუდამო გადასახლება მიუსაჯეს ოლონეცის გუბერნიაში, მაგრამ ვახუშტი ოქტომბრის მანიფესტმა მოუხსნო და დააბრუნეს. რეაქციის დროს კვლავ შეეცადნენ მის დაპატიმრებას, მაგრამ თედო ფშავში გაიხიზნა ძმებთან. სამაგიეროდ „დამსჯელმა რაზმმა“ ხელთუბანში მის სახლს ჯერ ზარბაზნები დაუშინა და მერე დაწვა. უბინაოდ დარჩენილი თედოს ცოლ-შვილი ვაჟამ ფშავში წაიყვანა და იქ ცხოვრობდნენ რამდენიმე ხანს.

შემდეგ თედო დაბრუნდა ხელთუბანში. გინაასლა თავისი სახლ-კარი და ხელი მოჰკიდა სოფლის მეურნეობას. მისი რჩევით სოფელში ბევრმა ვააშენა ხეხილის ბაღი და კულტურულად მოაწყო თავისი მეურნეობა.

თედო სისხარულით შეხვდა ოქტომბრის რევოლუციას, მაგრამ მას არ დასცალდა მისი აქტიური მშენებელი გამსდარიყო. 1922 წლის 19 იანვარს ავაზაკებმა გამოასალმეს წუთისოფელს. მისი ნეშტი დასაფლავებულია თბილისში, ქართველ მწერალთა და მოღვაწეთა დიდუბის პანთეონში.

თედო რაზიკაშვილმა მწერლობა სემინარიაში ყოფნის დროს დაიწყო. მართალია, სამწერლო ასპარეზზე მოღვაწეობას ის არ აძირებდა, მაგრამ „ოჯახის გავლენას დაემატა მეტად სიმპატიური გავლენა სემინარიაში ქართული ენის მასწავლებლის ნ. ლომოურისა... ამაზე მეტი საკეთილო გავლენა, არა შეინია, კაცმა კაცზედ იქონიოსო, — ამბობს თედო, — ჩემი ველური ბუნება ამისმა ლეთიურმა მოქცევამ დააღბო და გააბატონა, სურვილი საშობლო ლიტერატურისათვის სასახურისა ამან ვამიორკვეცაო“.

თედომ პირველი ლექსი „მწყემსის სიმღერა“ 1886 წელს დაწერა. ამავე წელს დაწერა მოთხრობა „ნიბლია“. თავისი ნაწერების ბეჭდვა დაიწყო 1890 წლიდან. ამის შემდეგ სისტემატურად თანამშრომლობდა ძირითადად საემაწვილო ჟურნალებში. თავის თხზულებებში თედომ მშვენიერად ასახა მშრომელი ხალხის დღუჭირი ცხოვრება და თავისი პროგრესული სოციალ-პოლიტიკური იდეოლოგიური აზრები ალევორიულად ასახა ცხოველთა, ფრინველთა, მწერთა და მცენარეთა სამყაროში.

თედოს ნაწერებმა თავიდანვე შიიყრო მკითხველთა ყურადღება და დიდი

პოპულარობაც მოიპოვა. ზოგი მათგანი ი. გოცებაშვილმა სასკოლო სახელმძღვანელოში შეიტანა და დიდ გავლენას ასდენდა მოზარდ თაობაზე. „ხშირად ცრემლებს ვღვრიდი „მურაის“ და „რქიანის“ ამბავზე. — წერს ე. რაზიკაშვილი. — სამშობლოს მისიორებული „ცირიცელი“ ხომ ვულს გევიკლავდა! სამაგიეროდ რამდენს ვიცინოდით და ნიშნს უფუგებდით მსუნავ მელას, როცა წარმოვიდგენდით, როგორ ვაგებოდა ჯაგებში ჩხაკისა და მისი შეილების ვერავულად დაჭერის დროს და პირის ჩაცემრიელების მაიერად დაგლეჯილი ქურქითა და დაფხაქნილი ღინვით, კულამოძუებული რომ ბრუნდებოდა თავის შეილებთან სიროსში (მოთხრობა „მელიას ბრიკები“ „სნათობი“, 1961 წ. № 9. გვ. 176).

თელოს ნაწერებს არა მარტო მოზარდი თაობა ეწაფებოდა, მას ხალისით კითხულობდა უფროსი ააობაც და მიუთმენლად ელოდნენ საკმაწყოლო ყურნალების ყოველი ნომრის ვამოსვლას. რედაქტორებიც ხშირად მიმართავდნენ თედოს, სისტემიბტურად მიეწოდებინა მასალები. „დიდად პატივცემულო თედო! — სწერდა „ნაკადულის“ რედაქტორი მარიამ დემურია, — გულითა გთხოვთ თქვენ, რაც კი შეიძლება ბუერი მასალა გვივზავინათ, თქენი თითქმის ყოველისფერი იბუჭდება... მარტისთვის თქენი აღარაფერი ვეაქვს. ქენი ჭირიშე, როგორც ჩემი წერილი მოვივიდეს, მოთხრობებიც და ლექსებიც ვამოგვივზავნეთ. ძალიან გთხოვთ. თქენი ჭირიშე, მე მინდა ყოველ ნომერში თქენი მოთხრობები იყოს“. „ჯეჯილის“ გამოცემის ნებაროვით „ტასო დიდი ვასარებულია და იმედია ამ საერთო სიხარულს თქენც შეუერთდებით და სანიქართ მოაწოდებთ თქენს რაიშე ნაწერს. ძალიან და ძალიან საინტერესო და სასურველია, რომ ყველა „ჯეჯილთან“ შეტკობილ მწერლების ნაწერებით იყოს განასლებული „ჯეჯილის“ ნომერი დამშენებული და ამიტომ ვატყობინებთ და ვახოვთ მალე მოაწოდოთ მასალა. ტასოს უნდა მზად ჰქონდეს ნომერი, რომ მოვი თუ არა ნებართვა ოფიციალურად, მაშინვე გამოსცეს“, — სწერდა სონა ციციშვილი.

სსვა დროს იგივე სონა ციციშვილი თედოს ატყობინებდა: „ასე როგორ დაკარგეთ ტასო, რომ ერთხელ აღარ გაიარეთ, „ჯეჯილს“ რას ემართლებით თუ სხვებს უწერებით. დამავალა ტასომ, რომ გთხოვთ „ჯეჯილისათვის“ მასალა. პირველი ნომრისთვის ორიგინალური არა აქვს რა და დიდი იმედი აქვს, რომ რასმეს მოაწოდებთ. გვბეწვებით, რაც შეიძლება დანიშურეთ და რამე გამომიგზავნეთო. პირველ იანვარს უნდა დაარიგოს და არა თუ 15 დეკემბერს მანც არ მისცა მასალა, რაღას მოასწერებს. ერთი სიტყვით, თქენი დიდი იმედი აქვს. უშეველად გეაცნობეთ რამე“.

„მარშან (1910 წ.) რაღაცას გვიწყრებოდით მეონია, — სწერს ნ. ნაკაშიძე. — თორემ ერთ მოიხრობას ხომ მაინც გამოგვიგზავნიდით, წრელს იმედია ვულს შობიბრუნებთ ჩვენსკენ. მომწერე რა უნდა მოვიმოქმედო იმისთანა, რომ მოგაბრუნებინოსთ ვული და თქენებურად ნშეენიერი მოთხრობები დაეაწერიანოსთ. ჩვენ თუ გვიწყრებით, ბავშვებს რისთვის აკლებთ მოთხრობებს, განა ამის უფლება აქვსთ თქენ, როგორც მწერალს? ვიხოვთ მიილოთ მონაწილეობა „ნაკადულის“ ჰვებედში ისე, როგორც ლებულობდით და მოთხრობები მოგვაწოდოთ“.

„ჯეჯილის“ და „ნაკადულის“ ვარდა, მასალებს სსვა რედაქციებიც სთხოვდ-

ნენ თედოს: „მინდა დაებუქლო ჩემი ჟურნალი „ლეილა“ და მსურს რომ ამ მწერალთა თაიგულს თქვენი ყვაილიც ამშვენებდეს. მინდა დაებუქლო თქვენი ერთი ლექსი „ახალ თაობას“. ეს ლექსი გადაცემული იყო დასაბუქლათ 1908 წელს ჟურნალ „ნიაფში“, დაიბეჭდა, მაგრამ ცენზორმა აკრძალა. ასე რომ ვასასყიდათ არ გამოსულა. თუ ნებას მომცემ გადაებუქლავ. კარგი? მომწერეთ დასტური, პატივისცემით ი. გრიშაშვილი“.

„ჩემო თედო, 15 მარტიდან ვიწყებ ბეჭდვას. თუ რაიმე დაამზადეთ, არ იქნება ცუდი, რომ გადმოგიგზავნოთ. რადგან წიგნი შესდგება წელიწადის ოთხის დროიდან. ამის მიხედვით, შეიძლება მზად გქონდესთ შემოდგომა. თუ ზამთარიც მზად გაქვსთ — კიდევ უკეთესი. თუ გაზაფხულიც მზადაა, ეგ ხომ მისწრება იქნება. ზაფხული ბოლოს დაიბეჭდება. მოკლედ რომ ვთქვათ, შეიძლება მზად გაქვსთ შემოდგომის ლექსი, ზამთრის ლექსი და გაზაფხულის. ერთი სიტყვით, ამ ანგარიშის მიხედვით, გთხოვ რაც გაქვსთ, გადმოგიგზავნოთ. თქვენი გულით პატივისცემული არისტო ჭუთათელაძე“.

ამგვარ წერილებს სწერდნენ თედოს ლადო აღნიაშვილი, იე. როსტომაშვილი, ვ. გუნია, ია ეკალაძე და სხვ. (იხ. წერილები თ. რაზიკაშვილისადმი, კ. მარქსის-სახელობის საქართველოს სახელმწიფო საჯარო ბიბლიოთეკის შრომები, III-1937.)

თედომ თავისი მოთხრობების უმეტესობა პირველად „ჯეჯეილსა“ და „ნაკა-ლულში“ გამოაქვეყნა.

მისი მოთხრობები იმდენად პოპულარული ვახდა საზოგადოებაში, რომ ივანე როსტომაშვილმა მათი ცალ-ცალკე წიგნებად გამოცემაც კი განიზრახა. საამისოდ მან ავტორისაგან სათანადო ნებართვა გამოითხოვა, მაგრამ „მურის“ ვარდა არა-ფერი დაბეჭდილა!.

თედოს მოთხრობების კრებული მხოლოდ 1925 წელს დაიბეჭდა.² მოთხრობების უფრო სრული კრებული გამოსცა 1947 წელს „საბლიტგამმა“ ანა ლვინიაშვილის რედაქციითა და წინასიტყვაობით.

წინამდებარე გამოცემაში შესულია თედო რაზიკაშვილის მხოლოდ საბავშვო თხზულებანი. ძირითად ტექსტად მიღებულია პირველი პუბლიკაცია, ტექსტის დადგენისას კი გათვალისწინებულია მათი ხელნაწერებიც. ნაბეჭდსა და ავტოგრაფებს შორის შეტ-ნაკლები რაოდენობით არის ვარიანტული სხვაობა.

ხელნაწერები დაცულია გ. ლვონიძის სახელობის საქართველოს სახელმწიფო-ლიტერატურულ მუზეუმში, მათ შორის საეურობადგებო კრებული № 12381—12390; რომელშიაც მოთავსებულია თედოს 12 მოთხრობა („ფითრი“, „ახალი წელი“, „ვარიელა“, „მშრომელი“, „ფალაენები“, „რქიანი“, „ევანეს ბობოლა“, „მარიამა“ კ-

1 უფრო ადრე, 1891 წელს, ცალკე წიგნად დაიბეჭდა თედოს პოემა „წავდ ფიქრები“.

2 მოთხრობებს გარდა ამ კრებულში დაბეჭდილია პოემა „ია და კესანე“.

შერი“, „მელიას ხრიკები“, „მკლები“, „ცირცელი“ და „სეავი“). ამ ხელნაწერის შესწავლიდან ირკვევა, რომ ავტორს პერიოდულ გამოცემებში დაბეჭდილი ტექსტი გაუსწორებია და შემდეგ სწვისთვის დაუვალეზბია მისი ვადაწერა. სამწუხაროდ, გადაწერილი ტექსტი ავტორს არ წაუვითხავს, რის ვამო ვაპარულია უზუსტობანი და უნებლიე შეცდომები.

თედო რაზიკაშვილის საბავშვო ლიტერატურული მემკვიდრეობა ორ ტომად იბეჭდებია¹.

თხზულებები განლაგებულია ქრონოლოგიურად. ტექსტის დადგენისას ვცდილობდით დაგვეცვა ავტორის უკანასკნელი ნება, მაგრამ ზოგ შემთხვევაში იძულებული ვაეზდით შეგვეტანა ფონეტიკური და სინტაქსური აუცილებელი შესწორებანი. ამას გარდა გასწორდა ბარბარისმები და პარალელური ფორმების მცირე ნაწილა.

მეორე ტომს ერთის ლექსიკონი, რომელიც წარმოადგენს თედო რაზიკაშვილის თხზულებებში მასობრივი მკითხველისათვის ძნელად გასაგები სიტყვების კონტექსტის მიხედვით ახსნას.

სოლომონ ხუბანეიშვილი

¹ თედო რაზიკაშვილი ცნობილია აგრეთვე როგორც ფოლკლორისტი. იკვდიდი სიყვარულით აგროვებდა ხალხური ზეპირსიტყვიერების ნიმუშებს ფშავში, ხევსურეთში, თუშეთში, ქართლსა და კახეთში. მისი შეკრებილი ზღაპრები ორ წიგნად გამოცვა წიგნების გამავრცელებელ ქართველთა ამხანაგობის გამომცემლობამ 1909 წელს.

დადგა გაზაფხული. ჰაერში სითბო დატრიალდა. ყველგან ამოყვეს თავები პატარა ნაზმა ყვავილებმა და მიესალმნენ ერთმანეთსა გრძელი ძილის შემდეგ. ირგვლივ ათასნაირი მწერები აირივნენ. ჩიტებმაც მოიძებნეს ადგილი ბუდეებისათვის, სადაც უნდა დაბინავებულიყვნენ და გამოეჩეკათ ბარტყები.

ყველაზე მეტს ერთი პატარა ნიბლია დახტოდა და გაფაციცებით ეძებდა რაღაცას. აგერ იპოვა ერთი ბუმბული და სიხარულით სადღაც გააქანა. დაბლა გაფოთლილ ჩირგვზე მოსჩანდა ნაშენ-უშენი ბუდე. იქვე დაფანთხალობდა ნიბლია.

* * *

გავიდა ერთი კვირა. ნიბლიამ დასდო ოთხი კვერცხი და ჩაჭდა ბუდეში. ნიბლია ერთს წამსაც არა შორდებოდა ბუდეს და მუდამ იმის შიშში იყო, ვაი თუ ან მტერმა წამიხდინოს ბუდე და ან გამოცივდეს კვერცხებით. თუ რომელიმე კვერცხი გამოჩნდებოდა ფრთის ქვემოდან, ჩიტი მაშინვე შეაგორებდა მხრებსქვეშ და ჩაჰჭუჭკავდა თბილად.

მამალი ნიბლია მუდამ თავის მეუღლის ზრუნვაში იყო: დღე დაფრინავდა მინდორში საჭმლის საზიდაევად, ღამე კი ბუჩქის შტოზე იჯდა და ჰდარაჯობდა დედალ ნიბლიას.

საწყალი ნიბლია! ბევრს შიშს კი გამოივლიდა ხოლმე საბრალო, როდესაც ღამე გამოედვიძებოდა და ბურანში მოესმოდა რამე ხმაურობა! ბუზის ბზუილიც კი შეაკრთუნებდა საბრალოს! ერთ დღეს, აკი მაინც, კინალამ უბედურება ეწვია.

• • •

დილა იყო. ცხვარი მთის კალთებზე შეფენილიყო; მეცხვარე იჯდა და სევდიანად სალამურს აკაკანებდა. კურდღელი ხარბად ჰწიწკნიდა დანამულს ჯეჯილს. ტოროლა „ცას წავალს“ იძახოდა. მზეს პირი მოეკრა მთების წვერებისათვის და ჯერ ჰალამდე ვერ ჩამოედწია.

დღეა ნიბლია იჯდა ბუდეში და ფიქრობდა მინდორში წასულს მეუღლეზე. უცებ ფეხის შლარტუნი მოესმა და ის ჩირგვი, სადაც ნიბლიას ბუდე იყო, ძირიანად შეინძრა.

ნიბლიამ აიღო თავი მაღლა და დაინახა ალალი, რომელიც ირგვლივ ატრიალებდა ცეცხლივით თვალებს და წვეტიანს ნისკარტს აქეთ-იქით იბრუნებდა. იმ წყეულს ყვითელ ფეხზედ კიდევ ეცხო სისხლი თავის მსხვერპლისა. ნიბლია სულგანაბული შესცქეროდა ალალს და შიშობდა, რამე ხმაურობით იმის ყურადღება არ მიექცია.

უცებ ფეხის ხმა მოესმა. მხარზედ თოფგადაკიდებული მონადირე გამოჩნდა. ალალმა გაშალა ფრთები და გაუდგა ყანებით დაფენილს მინდვრებს. ნიბლიამ თავისუფლად ამოისუნთქა და სიამოვნებით ჩაყო ნისკარტი კვერცხებში.

რა კეთილი იყო ამ დროს მონადირე! ღმერთო! რომ არ მეშინოდეს, გავფრინდებოდი და დავაჯდებოდი მხარზედ ჩემს მხსნელს! ღმერთმა დაგილოცოს გზა, ღმერთმა, ჩემო მხსნელო! — იძახოდა ნიბლია.

• • •

ამოვიდა მზე. ნამი შეშრა ყანებზედ. პეპლები აფრთხილდნენ ყვავილებზე. ფუტკარიც აბზუილდა. ცოტა ხანს შემდეგ მამალი ნიბლიაც მოვიდა. მოუტანა სადილი. დღეა ნიბლია ფრთებგაშლი-

ლი მიეგება ძვირფას მეუღლეს და ცრემლმორეულმა დილანდელი ამბავი უკლებლივ უამბო.

ღეღა ნიბლიამ მალე ბარტყებიც გამოჩეკა. იმის სიხარულს რა შეედრებოდა! დახტოდა, დაფრინავდა. გალობდა და შეჰხაროდა თავის უსუსურ ბარტყებს. მამალი ნიბლია ჩვეულებისამებრ მინდორში დაფრინავდა საქმლისათვის. ეხლა შვილებისთვის უფრო მეტი ჯაფაც მოელოდა, მაგრამ არ ემძიმებოდა იმას შვილებისათვის შრომა.

ნათქვამია, „საწყალ კაცს ქვა აღმართში მისწევიაო“. ნიბლიასაც ეგრე მოუვიდა. ერთს დილას მამალი ჩიტი საქმელზე წავიდა. რადგან ჯერ დილა იყო და ციოდა, ბუზებს ვერ გაებედათ თავის საფრებიდან გამოფრენა. კალიებიც კოპიკების პირებში იყვნენ მიპალულები. მამალი ნიბლია იჯდა ნარზე და გალობდა.

მზე სიხარულით უცქეროდა ჭრელ ქვეყანას. ნამები ფოთოლყვავილებზე ელავდნენ და ბრჭყვინავდნენ. ჩიტი მთლად მოეხიბლა მზეს. ალბათ გრძნობდა, რომ უკანასკნელად უცქეროდა ამ ქვეყნის მნათს, მაცოცხლებელს.

ალალი გაკვირიყო მიწას და გაჩქარებით მოცურავდა ჰაერში. ეტყობოდა, რომ იმის გულში კეთილს არა ჰქონდა ადგილი, უცებ შენიშნა ნარზე მჯდომარე ნიბლია. სიფრთხილეს თავი მისცა და ჯერ ნელა წამოვიდა, რომ ნიბლიას არ გაეგო და არ გაფრენილიყო, მერე უცებ მოკუმშა მხრები, დაიქნუვლა და ელვასავით დააწყდა თავზე ნიბლიას კლანჭგაშლილი.

— მშვიდობით, ჩემო მშვენიერო მეუღლე, მშვიდობით, ჩემო პაწაწინა ობლებო! ველარ მნახავთ და ველარც გნახავთ თავის დღეში! მშვიდობით მზევ! შენ გიგალობდი, შენ გიგალობებ შემდეგაც, ეგები კიდევ დიდხანს ანათო ჩემი შვილებისათვის!

ეს კიდევ სთქვა და გაკმინდა ხმა ალალის ბრჭყალებში საწყალმა ნიბლიამ. გახარებულმა ალალმა გასწია ტყისაკენ, რომ იქ შეექამა თავისი მსხვერპლი.

იმ ალაგას, სადაც ალალმა ისადილა, სისხლით გაბასრული ბალახები მოსჩანდა. სიო უბერავდა და ათამაშებდა ნიბლიას ჭრელს ფრთებს და ბუმბულებსა.

• • •

დღეა ნიბლია მოუსვენრად ელოდა ამხანაგის დაბრუნებას. ეხლა უფრო რალაცა სურვილმა მოუარა იმის ნახვისამ. გული უკენსოდა, ცრემლებით ებანებოდა. გადიოდა საათები, ნიბლია კი არა სჩანდა. დღეა ნიბლია უფრო და უფრო დაღონდა.

მოლოდინში დღეც გავიდა, ღამეც, მეორე დღეც შავად გათენდა ნიბლიასათვის. არ იქმნა, ნიბლია აღარ დაბრუნდა.

ვინ იცის, ვინ დაიტირებდა საწყალს? სამარე კი მოსისხლე მეჩიტამ გაუთხარა თავის გაუმაძღარ შავს მუცელში.

დღეა ნიბლია მწუხარე გულს შვილებთან ართობდა, მაგრამ მოსვენებას კი გული მოკლებული იყო. ეხლა თვითონ უნდა ეზრუნა თავისათვისაც და შვილებისათვისაც. ხანდახან დიდხანს მოუხდებოდა ხოლმე მინდორში დარჩენა, რადგან ავდრიან დღეში ადვილი არ იყო საკვლის შოვნა.

ერთს დღეს ორმა მოუსვენარმა სოფლის ბიჭმა ტყისაკენ გასწიეს, სადაც ნიბლიას ბუდე იყო. თითქმის ყველა ჩირგვი და ჯაგი გადასინჯეს, გადააბრუნეს. იცქირებოდნენ ხის ფულურებში, ევლებოდნენ ხეებს კენწერობებზე. ბოლოს ნიბლიას ბუდეს მოადგნენ. ბავშვები ირგვლივ შემოეხვივნენ ბუჩქსა და დაუწყეს ჩხრეკა.

აი, გამოჩნდა ბუდეც, ნიბლია ბუდეში არა სჩანდა. საკვლის საშოვნელად იყო წასული მინდორში... ფეხის ზმაზე ბარტყებს გამოელვიათ და დაიწყეს წიწინი. ბავშვები მიხედნენ, რომ უთუოდ აქ ბუდე იქნებაო. იმ წამსვე შეძვრნენ ჯაგში. ბუდიდან ოთხ ბარტყს გადმოეყოთ თავები და ყვითელს პირებს აღებდნენ, თითქო ბავშვებს გამარჯვებას ეუბნებიანო.

საჩქაროზედ ამოასხეს ბავშვებმა ბარტყები და სიხარულით გასწიეს სოფელში.

ბავშვებმა არ დახოცეს ბარტყები, — უნდა გავზარდოთ, გალობავასწავლოთო. გამოიყვანდნენ გარეთ, მოაბამდნენ ფეხებზე ბაწარს და გაუშვებდნენ ჰაერში. საცოდავებს ეგონებოდათ, თავისუფლები ვართო, და სიხარულით გაშლიდნენ მხრებს. მაგრამ ბაწარი ისევ მიწაზედ ჩამოაჯდებდა ხოლმე მხარგაშლილებს. მერე ბავშვები დაუწყებდნენ წევას და ათრევდნენ მიწაზე.

ასე ასწავლიდნენ გალობას ბავშვები ჰატარა ტყვეებს, სანამ საწყლებს ბავშვების ხელში არ ამოუვიდათ სული. მერე გაიტანეს და ჭიების საკმელად სანაგვეზე გადაყარეს.

სად იყო დედა ნიბლია?

საწყალი დედა გახარებული მოფრინავდა თავის შვილებთან... მერე სად იყვნენ ბარტყები, რომ წიწინით არ მიეგებნენ დედას? სად დაიმაღლნენ? იქნება აღარ უყვართ თავისი მშობელი დედა, თავი დაანებეს და გაფრინდნენ?!

ვინ იცის, სად არ დაფრინავდა საწყალი ნიბლია და სად არ დაეძებდა თავის შვილებს?!

გავიდა ღღე, გავიდა მეორე, მესამე; ბარტყები არსად იყვნენ...

ნიბლია კლდეებს შესჩივის,
ასმენს მთებს თავის ტირილსა,
და თან გაატანს კენესასა
ბალახის ნძრევა-ბიბინსა!

I

გაზაფხული იყო. სიცოცხლის მომცემს მზეს ათასფერად აეყვავებინა დედამიწა. ათასფერი ყვავილი ეგებებოდა გაზაფხულს; იაც გაშლილიყო და თრთოლვით, კანკალით მოელოდა ყოველს ღღეს. იას ძალიან ეშინოდა, არ ვიცი კი, რა აშინებდა: მოკლე სიცოცხლე თუ სხვა რამე. ქარი დაჰბერავდა თუ წვიმის ნამები წამოვიდოდნენ ღაბღაღებით, იას გული უსკდებოდა, ან ქარი მომწყვეტს და გადამაგდებს კლდეზეო, ან ნამები გადამტეხენ ღეროში და გამომასალმებენ წუთისოფელსაო. სიცივე და სიცხე ერთნაირად უშით ააყრეოლებდნენ ხოლმე საბრალო იას.

ია მალ-მალე ამოეფარებოდა ბუერისა და ძირხვენის ფოთლებს, რომ თავი აერიდა მზის დამწყველი სხივებისათვის და არ დასცივივოდა ფოთლები. სიცივის დროს შეიხრიდა ფოთლებს, თითქოს გულხელი დაუკრეფია, რომ სიცივე არ შეჰხებიყო იმის ნაზს მკერდს და არ დაეზრო.

დილაობით ნამები შეგროვდებოდნენ იის ფოთლებზე, მზე ამოვიდოდა, ჩაუხტებოდა მზის სხივი ნამებს და ერთი ბეწო ტურფა ცისარტყელა გადაერტყმოდა იას წელზე. იმას მიემატებოდა იისფერი და უფრო დამშვენდებოდნენ მისი ფოთლები.

იის გარშემო ბევრი ყვაილი და ბალახი იყო ამოსული. ათასგვარი ქია და მწერი დაძვრებოდა იმის ახლოს. ბუზი, კრაზანა, კელა, ბაურა, პეპელა — ათასობით მოდიოდნენ და ასხდებოდნენ იას. ყველა ამათ ისა სურდათ, რომ ამოეწუწუნათ გულიდან, რაც კი სი-ცოცხლე და სურნელება ებადა იას. გულს უკლავდა იას მათი ასე-თი შეუბრალებლობა, მაგრამ რა ექნა!

ია დიდხანს იყო მარტოდმარტო. თავის გულის წადილს ვერავის უზიარებდა. მხოლოდ ზოგჯერ ნიავე თუ წაიღებდა იმის კვნესას და მოჰფენდა ყვაილთ სამეფოში. ესმა მინდორთდედოფალს იის სევ-და. მისი ნაღველი, მისი სიმარტოვე, შეებრალა და გამოუგზავნა მე-გობრად პატარა ყვაილი — კესანე.

კესანე ტურფა რამ იყო. მინდორთდედოფლისაგან მიცემული ცისფერი აბრეშუმის კაბა ზედ აკვდებოდა. ყველას ჰშურდა იმისი სიტურფე, ყველას ენატრებოდა კესანეს სინაზე, იას გარდა: იას ხუთი სოსანი აბრეშუმის კაბა ეცვა და ყელზედ მარგალიტის ღარადე ჰქონდა შემოვლებული.

კესანე და ია ტკბილი მეგობრები იყვნენ. დაჰბერავდა ნიავე და მიახლიდა მეგობრებს ერთმანეთს. ისინიც გადაიჰდევდნენ ყელზე ყელს და სტკბებოდნენ სიყვარულით; მოჰყვებოდნენ ტკბილად ჰუჰჰუჰს, მაგრამ კაცის ყური კი ძალიან ძვირად გაიგონებდა ამათ ლაპარაკს.

II

იამ შენიშნა, რომ იმის ახლოს ხშირად მოფრინდება ხოლმე ერთი ჩიტი და ბუზებს იჭერს. იამ ეს ამბავი კესანეს შეატყობინა.

— მეშინიანო, — უთხრა მეგობარს, — რომ იმ ორფეხა ცხოველ-მა არაფერი მავნოს, სულ ჩემს ახლოს დაფრინავსო.

— ნუ გეშინიან, ჩემო ტურფავ, შენთან რო ბუზებია, იმათ იჭერს! კიდევ უნდა გვიხაროდეს, რომ მაგ სისხლისმსმელებს გვაცლიან; იმათ ჩვენგან სხვა არაფერი არა სურთ!

— მე კი გული რაღაც უბედურებას მიქადის, — სთქვა იამ, — ეგ ან გამჰყლეთს და ან ერთ რასმე დამმართებს!

— რა მშინიანო ხარ! — უთხრა კესანემ იას, როდესაც ბუზისაგან

შეშინებული ია კანკალით მიეკრა კესანეს, — ძალიან ძვირად თუ გიღირს სიცოცხლე!?

იას ტყუილად არ ეშინოდა. იმის ახლო ათასნაირი ბუზი ირეოდა, ბუზებზე ჩიტები ნადირობდნენ და ჩიტებზე — ალალი. ია ირგვლივ მარტო ერთმანეთის ჭამა-გლეჯას ჰხედავდა. ვინც ვის მოერეოდა, ჰკლავდა და სჭამდა.

ია ამ დარდსა და ფიქრში იყო, დრო კი მირბოდა...

დილა იყო. მზეს ის იყო ამოეყო ყური. დედამიწა შეთბა; ნამი აშრა და ათასგვარი მწერი დატრიალდა ჰაერში. კრაზანას და ბუზებს ბზუილი გაჰქონდათ. იის ახლოს ერთი ჩიტი დამჯდარიყო და ბუზებს ელოდა. ჩიტს დიდხანს არ მოუხდაა ლოდინი.

ბზუილი მოისმა. ბუზურას მხრების ქარმა ბალახებს რხევა დააწყებინა. მოისმა „ბზუ-უ-უ“ და ერთი დიდი ჭრელი ბუზურა მიუახლოვდა იას. გრძელი ისარი გამოეშვა და ატრიალებდა აქეთ-იქით. ბანჯგვლიანს ფეხებზედ სქლად ედვა ყვითელი მტვერი ყვავილებისა, თვითონაც მთლად მოსვრილი იყო ყვავილების მტვერში. ბუზურა იას დასტრიალებდა თავს. იას შიშით ფერი დაეკარგა, ათრთოლდა, მთელი ტახი აუკანკალდა. მოხარა თავი და ცდილობდა, როგორმე მიემალა გული, მაგრამ ბუზურას რა გამოეპარებოდა, ერთი კიდევ დაიბზუილა და დააჭდა იას გულზედ. ია გადიდრიკა და ჩაიკეცა.

— დაიმალე, კესანე, დაიმალე! — დაუძახა კენესით იამ; — ამ სისხლისმსმელმა შენც არა ვნახოს!.. მე ნუ მიტირებ!

იის ახლოს ისევ ის ჩიტი იჭდა; იას იმაზე დარჩა თვალი: წყალწალღებული ხავსს ეკიდებოდაო. ბუზურამ გრძელი ისარი მიაგვლ-მოავლო იას გულზედ, უნდოდა სადმე ჩაეკრა. ამის შიშით იას გული მისდიოდა.

ამ დროს ჩიტმა შენიშნა მსუქანი საჭმელი. გადმოფრინდა, ჩაჰკრა ნისკარტი ბუზურას და გააქანა გაუმაძლარს მუცელში, მაგრამ... იის ფოთლებიც თან ჩაატანა. იამ აიწია წელში, გასწორდა. მაგრამ ვაი იმ გასწორებას: ფეხზემდგომს მკვდარსა ჰგავდა! თვალებიდან სხვილმა მარგალიტსავით ცრემლებმა დაუწყეს დაპალუპით დენა. ია ქვითინებდა, თავი დაეხარა უნუგეზოდ და გლოვობდა თავის ბედს. ვინლა უშველიდა! კესანეც ისეთივე სუსტი იყო, როგორც თვით ია. ვერც კესანე გადურჩა უბედურებას, ჩამოგორებულმა ჯვამ წელში გადატეხა კესანე.

ორთავეს ცრემლები სდიოდათ. ცრემლები ძირებს უღბობდნენ
და იქიდან სხვა იები და კესანები აპირებდნენ ამოსვლას.

ღობილებს ეს აძლევდა იმედს: „ჩვენი სიცოცხლე ჩვენს მოდგ-
მას მიემატოსო“, — სთქვეს და ჩაჰკიდეს თავები.

ია უკედებათ, — ყვავილნი
ეთხოვებიან, ტირიან;
შორს გაიგონებს ერთგული, —
ცრემლები ჩამოსცვივიან...
ელიან მინდორთდელოფალს,
მის მოსვლით გახარებასა,
გაზაფხულს ყვავილთ მოსვლასა,
მათ ძირის განჩაელებასა,
ბაღში ვარდისა გაწლასა,
იის კვლავ აყვაეებასა,
ველების შეხამებასა,
მინდვრების აკრელებასა,
ტურფა კესანეს სიხარულს,
ცაზე ფრინველთა დენასა,
ბულბულის შემოჩვევასა,
დილა-სალამოს მღერასა.

[1800 წ.].

პაპანაქებაა. მზე სწვავს დედამიწას. ისეთი ალმური ტრიალებს, თითქო გახურებული თონე არისო. ჰაერში ბული დგას. მიწა სიცხისაგან დახეთქილია. ქვიშა და მიწა მტვრის ფქვილად არის ნაქცევი. ერთს ნიავის დაძვრაზედ მთელი კორიანტელი დგება. ბალახებს ხელის სისქედ აძევს მტვერი. მგზავრებს ჩრდილშიაც ვერ მოუსვენიათ. გზაზე ველარავის დაინახავთ, ყველა ჩრდილოში იმალება. ერთი ცვარიც კი არსად არის, რომ მიწას პირი გაუღბოს და გახურებული მკერდი მოჰბანოს; არც ნიავის სული იძვრის, რომ გული გააგრილოს. ყველა მიურბის საშინელს გვალვასა...

ვის ეძვას მურია?

გზაზედ მხოლოდ ერთი მურია ძალღი მოსჩანს; თავი ძირს დაუხრია, ცხვირი გზისთვის დაუდვია და, რაც ძალი და ღონე აქვს, ამ პაპანაქებაში მირბის, მიეშურება. ზოგჯერ შედგება, აიღებს თავს მალა, დასუნავს ჰაერს, გაიხედ-გამოიხედავს აქეთ-იქით და მერე ისევ გაიქცევა.

მირბის მურია, ეძებს ვილაცას. დროდადრო დგება და მწუხარის

ხმით საზარლად ყმუის და ღმუის. იმისი ღმუილი ზარივით ედება მთა-ბარსა.

ღმუის მურია, მირბის, არ ისვენებს, ბუქში და მტვერში არა სჩანს. ირგვლივ შეკრული მტკრის გორგალის მეტს ვერაფერს დაინახავთ.

რად მირბის მურია? ვის ეძებს? ან იქნება შეაშინა ვინმემ და იმიტომ მირბის? იქნება იმისი მოკვლა სურდათ და სიკვდილს გაექცა?!

არა, მურია შიშს არ უფრთხის. აგერა, სოფლის ახლოს რომ გაირბინა, მთელი სოფლის ძაღლები თავს დაესხნენ, მაგრამ იმან ყურრიც არ ათხოვა იმათ ყუფას, მხოლოდ გზა აუქცია. აგერა მეძროხე ბიჭებმა ქეები დაუშინეს, — მურია არც იმათ მიურბის, იმას თავის ჯავრი აქვს. კაცსა და საქონელს გზას უქცევს, ზედ არ ეხეთქება.

ვის ეძებს მურია, ვისა?

ვისა და პატრონსა, პატრონს ასხლტა როგორღაც ცხვრის ფარიდან, ცხვარი სხვაგან გაირეკეს და ის სხვა გზას დაადგა. ეხლა პატრონს ეძებს, მაგრამ სად არის პატრონი? მიწამ ჩაყლაპა, თუ ცამა, ვერ გაუგია.

მოიარა მთა-ბარი მურია, გადაიარა მინდვრები, მოირბინა სოფლები და ადგილები, სადაც კი ერთხელ მაინც მისულა იმისი პატრონი. ქვეყანა ფეხქვეშ დაიგო და ვერას გახდა. პატრონის ძებნაში აღარც საჭმელი ახსოვდა და აღარც სასმელი. ლუკმა რომ ვისმე გადაეგდო, ის ყურსაც არ უგდებდა, გაშმაგებული გასცდებოდა და უფრო გაიჩქარებდა.

ბევრს ცოფიანი ეგონა; სად თოფით გამოუდგნენ, სად კეტებით, მაგრამ მურია არცა ჰკებნდა არავის და არცა ჰყუფდა, ყველას ერიდებოდა და მირბოდა თავის გზაზედ.

მურია გაცოფდა?

რამდენსამე დღე-ღამეს ასე, უსმელ-უჭმელმა, უსვენებლივ ირბინა, შიმშილ-წყურვილმა თავისი ქმნა. მურიას ფერდიფერდზედ მიეკრა, მუხლი მოეჭრა, თვალებში სინათლე დაეკარგა, ბეწვი აებურ-

ძგნა. მოიღალა, მოიქანცა, დასუსტდა, მოსწყდა, გონებაც აერია. თვალეზში ლანდმა დაუწყო ხლართვა. ერთი ორად ეჩვენებოდა, ქვა — ცხოვლად, ხე — კაცად.

გაცოფდა მურია, გაცოფდა! ღონემ ისევ უმატა. ძალა მუხლებში და კბილებში ისევ მიეცა და ეხლა უფრო გაშმაგებული მირბის მურია.

მირბის, აღარც უკან იხედება, აღარც ღმუის, ეხლა პატრონს აღარ დაეძებს. თვითონაც არ იცის, სად მირბის, ვისთვის, ან რისთვის. ეს ის მურია აღარ არის: რაც წინათ ენახეთ: თვალეზდაჭყეტილი ენაგადმოგდებული, კუდამოძუებული — საზარელი სანახაია!

რაც კი გზაზედ ხედება, ყველაფერს ჰგლეჯს და ჰფლეთს: ქვას, ხეს, ძროხას, ადამიანს, ნადირს, — არაფერს არ ერიდება, არც უფრთხება. სადაც სინათლეს დაინახავს, ისიც იქითკენ მირბის, ან საიდანაც რაიმე ხმაურობას გაიგონებს, — მამლის ყვილს, ძაღლის ყეფას, წისქვილის რახი-რუხს, ისიც იქითკენ მიეშურება. ვაი იმისი ბრალი, ვისაც მოუახლოვდება. აღარავის ინდობს, ჰკბენს, სცოფავს, ჰლოშქრავს. იძახიან: ცოფიანიია, ცოფიანიიაო!

სოფელს თავზარი დაეცა. ყველა კარებსა ჰკეტავს; საქონელი ღრიალით გარბის, ძაღლები იმალებიან. მგზავრები ხესა და ქვებს ეფარებიან, თავს იმალავენ. ვაი იმასა, ვინც მურიას არ მოერიდება! ან იარალი, ან სხვა რამე შეაშინებს მურიასა?

მირბის მურია, მირბის უგზო-უკვლოდ. სადაც გზა გადაუხვევს, ისიც იქითკენ გადარბის. სადაც მოელანდება რამე, ისიც იქითკენ მირბის. სადღა ახსოვს ეხლა პატრონის ვინ იცის, რომ შეხვდეს, იქნება დაგლიჯოს კიდევ?!

მარბის მურია, აღარც ისვენებს, არც დგება, არც წევბა. თავში ტვინი ერევა. ჰინჰველებსავით რალაებიც გაურბიან და გამოურბიან.

აგერა წყალს ეცა მურია. წყალმა წაიღო. ხან ჩაეფარება, ხან ისევ ამოჩნდება. ებრძვის ტალღებსა, — ბოლოს ნაპირზე გადის, არც იბერტყება, არც ისვენებს, მირბის ისევ კუდამოძუებული, ენაგადმოგდებული.

— ცოფიანი ძაღლი მოვიდა, ცოფიანიო, — ყვირის ხალხი.

მურია ბოლოს ავი პატრონსაც წააწყდა. მურიამ კიდეც იცნო თავისი პატრონი. სადღაა ცოფიანი მურია! თვალები გაუცოცხლდა, სინარულით კუდი აიშვირა, დაუწყო ლაქუცი და ლოკვა პატრონს; ხან ფეხებში გაუგორდა, ხან ზედ აატოტდა და წკმუტუნით დაუწყო ლოკვა, თითქო ჰკოცნისო.

ძლივს არ იპოვა პატრონი!.. მურია სინარულშია, ცოფმა თითქოს გაუარაო... მაგრამ, აი, ისევ აერია თვალები, როცა პატრონის ალერსს მორჩა. წინ რალაც ჰრელი ბადეები გაებ-გამოება, გონება აემღვრა.

მურია ღრინავს, ჰყეფს, ტრიალებს; ჰხედავს თავის კუდსა, სულიერი რალაცა ჰგონია და ეტანება დასაჰერად. კუდი უსხლტება პირიდან, — მურია მისდევს უკან. კუდი ირგვლივ მოდის, — ტრიალებს მურიაც. უყეფს თავის კუდს, მაგრამ ვერ იჰერს. გაბრაზებული ქეებსა და ხეებს ღერღავს... აგერა გაერია ძაღლებში და ჰგლეჯავს ყველას, სულ ჩალასაებრ ისერის. შიშით ძაღლებს ხმა უწყდებათ, ზოგი სად მირბის და ზოგი სადა.

— ცოფიანია, ცოფიანია! — ყვირიან მეცხვარეები.

— მურია გაცოფებულა, მურია! — ღრიალებს პატრონი, — ვაიმე, ვაიმე, ჩემო მურიავ, ვაიმე!.. პატრონი თოფს იღებს ჩულიდან, აგდებს შიგ ტყვიას... დაიგრილა თოფმა... მურიამ ერთი კი დაიწკმუტუნა, ნატყვიარზედ პირი იტაცა და ზედ გაცივდა.

წარსულის მოგონება

მოაგონდა პატრონს თავისი კარგი მურია, თავისი ერთგული ძაღლი. მოაგონდა, როგორ იპოვა პატარა ლეკვი, როგორ გაზარდა, რამდენი სამსახური და ერთგულობა გაუწია მურიამ. როცა წვიმდა და ქუხდა, ან სთოვდა და ქარ-ბუქი ტრიალებდა, მურია თვალმოუხუჭავი იჯდა ხოლმე ფარეხის კარებზედ, ან იწვა თეძოზედ და თვალებზედ ლული არ მოსდიოდა. მგელსა და მტერს პირში ეღვა. რამდენს შიმშილსა და სიცხე-სიცივეს იტანდა პატრონის სიყვარულით.

მოაგონდა პატრონს ყველა ეს, მოაგონდა, როგორი თავდადებუ-

ლი იყო ამისათვის მურია, რა ერთგულებას უწევდა! და თვითონ კო
რითი გადაუხადა მურიასა?!.

გული ეტკინა და თვალებიდგან ცრემლებმა დაუწყეს ღაპაღუ-
პით ჩამოდენა. გაუთხარა მიწა და ჩააწვინა შიგ თავისი ერთგულუ
მურია...

პატრონმა მიწის აკვანში
მურია ჩააწვინაო,
იქ მოისვენა საწყალმა,
იქ იქნა იმის ბინაო.
მიწამ გაიხსნა საკინძი,
უბეში ჩაიძვრინაო;
ცამ უაღერსა, და მზემა
ნაღლიდამ გაუცინაო.

[1891 წ.]

გაზაფხულია. ქაბუჯის წვერ-ულვაშივით ახლად აბუსუსებულ ბალახი საამურად ბზინავს თბილსა და მხიარულს დღეში. გასაშლელად მომზადებული კვირტები ნელა-ნელა, შეუმჩნეველად იხსნიან მაგრა შეხვეულს და შეკრულს, ზამთრის სიცივისაგან შეშინებულს, საკინძებს გულზედა, საიდანაც გამოჩნდებიან ჯერ ქორთა მწვანე და რბილი ფოთლები და მერე ათასფერი მრავალსამოსლიანი ყვავილები; ყვავილების გულში, ვინ იცის როდის, ჩასხდებიან პატარა ნაყოფები. მრავალჯერ მრავალი ბუზი გაცოცხლებულა და გაუმართათ ნაზამთრი ფრთები, არხეინად დაფრინავენ და ნელსა და ბოხს. ზმაზედ დაბზუვიან, თითქოს ბუკს აყვირებენო.

* * *

აგერ თამარ დედოფლის ბაღში ვართ, თამარიც იქ ბრძანდება; აუზში მოთამაშე გარიელას შესცქერის. გარიელა სიამოვნებაში ხან ჩაეშვება აუზის ძირისაკენ, ჩაიყურჭუმელავენს წმინდა ნაკადში და ერთს წამს გაჰქრება, მაგრამ მეორე წამს, მეორე ნაპირში ამოჩნდება, თითქო გაუმარჯენიაო და ამაყად თავაღებული წყალს უწყებს მხრებით ცემას და ტყაპუნს; ხან დაიხრება, და ფრთების ცემით გაქან-გამოქანებული ზვირთი კისერზედ და ზურგზედ გადასდის.

¹ ფრინველის სახელია.

ცვარი წყალი კი არ ადგება ზედა, ისევ ისეთი ლამაზი და კობტაა. ნეტა რატომ არ უხუნდება ის მუქი მწვანე საცმელი, შიგადაშიგ რომ მომხიბვლელად თეთრ-წითლად მოუქარგიათ?! გარიელასაც ის უხარიან, რომ საქართველოს სადიდებელი და სალოცავი თამარი თავს დასცქერის, მეტი რაღა უნდა გარიელასა? არ არის კმაყოფილი? რამდენი ოქროსფერი თევზები ბუდობენ აუზში; ვინ დაუშლის გარიელას დაიჭიროს რამდენიც უნდა. მაგრამ აგერ გარიელა მალა ჰაერს შეაჩერდა უცებ, მხრები ჩამოუშვა და წყალზედ გაშეშდა. თავი გადინარა, კისერი აიგრძელა და ცალი თვალი ცის უფსკრულს შიაჩერა.

— რას შესცქერი, გარიელა, ითამაშე! ქორი ხომ არ დაინახე და იმან შეგაშინა? — ეკითხება თამარი.

გარიელა ხმას არ იღებს.

— შავარდენმა ხომ არსად დაიკივლა და შენ გული შეგენძრა, ჩემო ლამაზო, რა არის შენს თავსა?

გარიელა გარინდებული და გაქვავებული ისევ მალა იცქირება.

— ავად ხომ არ ხარ და მიკვდები, გარიელა? — ეკითხება თამარი, მაგრამ გარიელა უძრავად ზის და გაუნძრევლად ისევ მალა იხედება.

თამარმა ხელი წაავლო გარიელას, თითქო იმისი გამოფხიზლება უნდაო, მაგრამ გარიელა ისევ ცისკენ შეიცქირება, სხვა სიცოცხლის ნიშანი იმას აღარ ეტყობა. თამარმაც შეიხედა მალა, მაგრამ იქ წეროების გუნდის მეტი ვერა დაინახა. გაბმულან შორს, შორს და მალა მიეშურებიან ჩრდილოეთისკენ, გარიელა იქნება იმათ უცქერის? მიდიან წეროები, მიფრინავენ აჩქარებითა. აგერ მიიმალნენ თვალთაგანაც. აგერ ბატებმაც გადაიარეს, საოთებმა, გედებმა. გარიელა ისევ უძრავადა ზის და შესცქერის ცის გუმბათსა. მზე ჩაწვევრებულა და ორიოდე შუბის ტარილა აქვს ჩასასვლელი.

აი ფრთების ხმა უფრო ახლო მოისმა. აგერ იმათ თავზე გარიელებმაც გადაიარეს, ისინიც ჩრდილოეთისკენ მიეჩქარებიან. გარიელა უცებ გაცოცხლდა, მხრებით ერთი გაუტყლაშუნა წყალსა და ჰაერში აფრინდა, გაშალა მხრები, ორჯერ თუ სამჯერ კამარა გააკეთა, უნდოდა გაჰყოლოდა თავის მოძმეებს, მაგრამ თითქოს მოაგონდა რაღაცაო. თოფნაკრავივით თამარის ფეხებთან ჩამოეშვა. რაღა

გარიელა იყო! აღარც სიცოცხლე, აღარც სხვა სიხარული იმას აღარ ემჩნეოდა. მხოლოდ თამარსღა შესცქეროდა, თითქოს იმის სიცოცხლე იმაზე ჰკიდიოდა. თამარი მიხვდა, აიყვანა ხელში გარიელა, გადაუსვა მხრებზედ და გულზედ თავისი ბროლის თითები და ალერსით უთხრა:

—წადი, ჩემო ტურფავ. წადი, გაფრინდი შენს ძმებთანა. მე ხელს არ შეგიშლი, გაფრინდი, გარიელ, ღმერთმა გაგაბედნიეროს! ვინძლო არ დამივიწყო კი. მე შენ თავისუფლებას ვერ წაგართმევ; წყეული იცოს და შეჩვენებული, ვინც სხვას თავისუფლება მოუსპოს. იხარე შენც, როგორც ერთი ვინმე ხარობს თავისუფლებითა! — ეს უთხრა და ააფრინა ჰაერში.

გარიელამ მხრებგაშლილმა ერთი შეინავარდა, ერთი შეითამაშა და ისარივით გაემვა თავისი მოძმეებისაკენ.

თამარი დიდხანს გასცქეროდა მიმფრინავის კვალსა, სანამ სულ არ მიეთარა, ეხლა ის ტყვე აღარ იყო!

* * *

გარიელას ამბავი გრძელი არ იყო. ერთმა მონადირემ მოართვა თამარს პატარა გარიელა. თამარმაც გაზარდა, აჭმევდა თავის ხელითა და ეფერებოდა, ჩაჰსევამდა აუზში და თვითონაც თავს ადგა ხოლმე იმის ჭყუმპალაობას. თამარს გულით უყვარდა გარიელა.

მალე გაფრინდა ზაფხული, თან გაიყოლა დარიანი და თბილი დღეები. დარჩა წვიმა და ტალახი. გაიცარცვა მთა და მინდორი, გახმა ჭალაში ბალახი. ზეებიდან ფოთოლმა დაიწყო ჩამოცვივნა და ჩრდილოეთიდან ფრინველებმა დენა სასამხრეთოდ. გაზაფხულითაც წერბოებმა გადაიარეს წინა და შემოდგომითაც ისევ ისინი მოდიან. გაუბამთ სიმღერა და ნაცნობს ქვეყნებს ატყობინებენ:

„ჩრდილოეთიდან მოვდივართ,
უკან მოგვეყება ზამთარი;
მიუბრით სამხრეთისაკენ,
იქ თბილი ბინა მზათ არი.
დავტოვეთ ცივი ყინული,
ჭაობიანი ციმბირი,

იქ ლხინს და ნეტარებასა
აქ გვირჩევნია სიკვდილისი
წესი გვაქვს, მივეჩქარებით,
თბილს ვეტანებით მხარესა,
მაგრამ მალი-მალ თქვენსასა,
ამბავსა ვკითხავ მთვარესა;
მალე მოგიყვანთ ისევე
გაზაფხულს გასახარელსა!”

ბევრი ჩვენც მივნატრებთ წეროებს, რომ ისე თავისუფლად მიდიან და მოდიან. წეროებს ბატები და საოთები მოსდევენ უკანა; ყველანი ქვეითკენ მოდიან.

— ნეტა გარიელები სადლა არიან, ისინი კი არ მოფრინდებიან? — ფიქრობს თამარი. — იქნება ჩემი გარიელა მოკლა ვინმემ? იქნება გზაზედ დაიღალა და დარჩა სადმე? ან იქნება არწივმა მოიტაცა და შეუბრალებლად გაგლიჯა? ან იქნება დავავიწყდი, ცოცხალი იყოს და აღარ ვახსოვდე? ან, რად ვეხსომები, იქ არ ურჩევიან, თავისუფლად, თავის ტოლებში?

ასე ფიქრობდა თამარი, მაგრამ გარიელამ არ დაივიწყა თავისი თამარი; ის გაშურებული მიფრინავდა თავის მხსნელთან. აგერ გარიელების გუნდი გაუსწორდა სასახლეს, ერთი გარიელა გამოერჩია ბრბოდან და დაეშვა დაბლა; აგერ თამარის ფეხებთან დაეცა და მხრებგაშლით მიუღალერსა. დაიხარა თამარიც და დაუწყო კოცნა და ალერსი გარიელასა. როცა თამარი ხელს უსვამდა გარიელას თავზედ, გარიელამ სამი ჩხირი დაუწყო ბროლის თითებზედ. მერე თავისუფლად, თითქო ეხლა კი სიკეთე გადაუხადაო, შემოჰკრა მხარი-მხარსა, აფთხა, აიწია ჰაერში, ერთი კიდედ დაჰტრიალდა თავზედ ნიშნად გამოთხოვებისა გაოცებულს თამარს და წავიდა სამუდამოდ, გაჰშორდა ტყვეობის ქვეყანასა.

— მშვიდობით, გარიელ, მშვიდობით! — შიამახა თვალცრემლიანმა თამარმა. — იყავ დღეგრძელი და ბედნიერი!

• • •

მობრუნდა თამარი სასახლეში. მართალია, ცრუმორწმუნე არ იყო თამარი, მაგრამ ამ ამბავმა დააფიქრა კი. რა იყო ან გარიელას ისე მოსვლა, ან ისე უცებ წასვლა, ან ის სამი ჩხირი საიდან მოიტანა,

ან რისათვის ან ჩადა. — რაღაც სასწაულმოქმედი კი უნდა იყოს ეს ჩხირები, — ფიქრობდა თამარი, — რომ გარიელამ ამითი გადამიხადა ნადლობა. თამარმა დაუძახა მ:შინვე თავის კარისკაცებს და გადასცა ის ჩხირები საცდელად, თუ რა იყო. კარისკაცებმა სცადეს ჩხირები, ბევრი აცოდვილეს, მაგრამ ვერაფერს მიხვდნენ. ბოლოს ერთი ჩხირი ღვინიან თასში ჩააგდეს. აი, დიდება ღვთის განგებასა, ღვინო სპილენძად იქცა, კიდევ დაასხეს, კიდევ იქცა სპილენძად, ეხლა მეორე ჩხირი ჩააგდეს ღვინოში, ის ვერცხლად იქცა. მესამე ჩხირმა ოქროდ აქცია. იმათ გაოცებას საზღვარი არა ჰქონდა.

— ვინ მოგართვათ, სად იშოვეთ, ვინ მოგცათო, — ეკითხებოდნენ თამარსა.

— ღმერთმაო, — უპასუხა თამარმა.

• • •

გამდიდრდა სახელმწიფოს ხაზინა. გამდიდრდა საქართველო. გაძლიერდა თამარი, გავარდა სახელი ქვეყნის კიდემდე. განათლდა საქართველო, სოფელი არ არის, თამარს ეკლესია არ აეშენებინოს; დაბა და ქალაქი არ არის, ციხე-კოშკები არ აღემართოს; მდინარე არ არის, ხიდი არ გაედვას; უვალი ადგილი არ არის, სავალი გზა არ გაეყვანოს; კაცი არ იყო, წყალობა არ ექნას. დაიმართა მრავალი სკოლები და აყვავდა საქართველო. ქეშმარიტად მაშინ იყო საქართველოს ოქროს დრო! ტყუილადღა ცდილობდნენ მტრები საქართველოს ზიანსა. თამარმა გამრავლებული ჯარით სულ ცხვირიდან ძმარი აადინა თავის მტრებსა. ტყუილად კი არ არის ნათქვამი:

„თანარ დედოფალი ვიყავ,
თავი ზეცამდის ავიღე;
სტამბოლს ხმალი ვეარ, დარუბანდს,
შამს საბალახე ავიღე.
ზღვაში სამნები ჩაეყარე,
ხელეთი ჩემკენ მოვიღე;
უსიერი მთა გავკაფე,
დიდი შარა-გზა გავიღე;
ღაღალუღა ტყე ვიარე,
ქედზედ საყდარი ავიგე,
ვადიღე ჩემი ქვეყანა,
სახელიც დიდი დავიგდე!“

ქუდგრძელა წრუნუნას ნაამბობი

(ამბავი სათაგვეთისა)

მე გახლავარ ქუდგრძელა წრუნუნა თხილიპარიაშვილი. მეტად დიდი კუდი მაქვს და იმიტომ დამარქვეს „ქუდგრძელა“. ჩვენი ბინა სკოლის იატაკქვეშ არის. დაწვრილებით რომ მოგიყუეთ ჩემს ამბავს, გრძელი ზღაპარი გამოვა. ვიცი, თავს მოგაბეზრებთ და ისევ მოკლედ მოგახსენებთ.

პირველად აქ ჩემი მამა-პაპა დასახლებულა.

იმ დროს სათაგვეთში საშინელი შიმშილობა ყოფილა, „ცულისყურობას“ რომ იტყვიან.

სათაგვეთის ბელელ-ორმოები სულ დაცარიელებულა, სასყიდი მარცვალი ვეღარავის უშოვია. შიმშილობას არეულობა მოჰყოლია. სათაგვეთის კეისარი ტახტიდან ჩამოუგდიათ; სულ ერთმანეთში არეულ-დარეულან. ვინაც ვის მოერეოდა, თურმე ართმევდა და სძარცვავდა. შიმშილს თან ჭირიც მოჰყოლია, თავგები ძალიან დაზარალებულან. ცოცხლები თურმე მკვდრების დამარხვას ვერ ასწრებდნენ და ისე ოხრავდა ჰყრიდნენ მიწდორზე.

ბევრი ყვავი და ყორანი კი გაძლებოდა იმათ ლეშით; შხამად შეერგოთ.

ეგპ, ვინ მოსთვლის მაშინდელ ცოდო-მადლს, „ხორველობა“ იმასთან რა გასახსენებელია!

ჩემი მამა-პაპა ცოცხალი გადარჩენილან. ამდგარან და აქ გადმოსახლებულან, როგორც იაკობი ეგვიპტეში გადასახლდა.

კვებნაში ნუ ჩამომართმევთ და საღმთო წერილი წყალივით ვიცი. სკოლაში რო ბიჭები კითხულობენ, მე ძირიდან ყურს ვუვლებ და ვიხსომებ. მაშინ ვიტყვი, მოდი, ერთი ავალ და მე დავაყარი ჭორის წიხლებივითა-მეთქი, მაგრამ თან კიდევ მეშინიან იმ ორფეხა აყლაყუდებისა, თუ დამიჭირეს, კუდიდან ტყავს გამაძრობენ.

II

იატაკვემ ლამაზი სოროები გვაქვს გამართული. ჩავაგებთ შიგთბილად, რაც მოგვხვდება, — ბუმბული, მატყლი, ქალაღი, ძონძმანძი, სხვადასხვა ფარჩის ნაკერები, კამფეტის ფოჩები, ჩალა, დავათუნებთ და მერე შიგ ჩავსხდებით. თბილად და რბილად წოლა ძალიან სასიამოვნოა. ზამთარში კაცებსავით ჩვენ ცეცხლი როდი ვიცით! მაინც ცეცხლს ვერ ვეწყობით, რადგან ჩალიანი სახლები გვაქვს. ერთიც ვნახოთ, მოეკიდა ჩვენს ბუნაგებს ცეცხლი, ხომ სულ შიგ უნდა გამოვიხრუკოთ. ჩვენთვის ღმერთს ცაზე უნთია ცეცხლი, არც შეშა ეჭირვება და არც ნახშირი.

ყველა ოჯახს თავისი საკუთარი სორო აქვს!.. სოფელი და ქალაქებიცა გვაქვს თითო თემს გამართული. ომი და ჩხუბი იშვიათად ვიციოთ. მშვიდობიანობა ძალიან გვიყვარს. მამასახლისი და მოსამართლეებიც გვყავს, იმათ უნდა გაგვასამართლონ, დამნაშავე დასაჯონ, მართალი გაამართლონ.

ვისაცა დიდი დანაშაული გამოაჩნდება, ვაი იმისი ბრალი. გადაუწყვეტენ მაშინვე მძიმე სასჯელსა: ხუთჯერ ხუთი გუდა საზღო უნდა მოიტანოს სათავგვეთისათვის იმ ადგილიდან, სადაც ყურდიდა კნავილა ცხოვრობს. ბევრის ძვლები ჩააკნატუნა იმანაც, ნუ დაელიოს ჩვენი ცოდვა!

ჩვენი ხელმწიფე კეისარია. იმისი ცოლი — პეწენიკ დედფალია. ძალიან ლამაზი და მდიდარი ქალია. ათასი გუდა შაქარი მოჰყვა მზითევში. რაკი თვითონ მდიდარია, ჩვენც დიდ ხარჯს არ გვახდევინებს. სულზე თითო მარცვალი ხორბალი ხელმწიფის ხაზინაში უნდა შევიტანოთ და თითო გუდა შაქარი, ან ქონი, თითო სოფელმა პეწენიკს მიართვას. ტკბილი რამეები ძალიან უყვარს და ძალიან მსუნავიცა ბრძანდება!..

სასმელად წყალსა და რძეს ვეწყობით. ღვინო შევევა, არაყი მწა-

რე, ჩაი ცხელი, პირს დაგვეწვავს და იმიტომ არ გიახლებით. წვნიან საჭმელს არა ვჭამთ, რადგან ცეცხლი არ ვიცით, რაზე მოვხარშავთ რამესა?

რბილს საჭმელსაც არ ვეწყობით.

ჩვენ რომ ხმელი რამე არა ვხრათ, კბილები ისე დაგვეზრდება, რომ ტუჩებს გაგვიხვრეტავს და ღრჯოლებიანი გავხდებით, ხმელი რამე ჩვენთვის მზა არის. სიმინდისა, პურისა, ქერისა, ფეტვისა, ბრინჯის მარცვლები, თხილი, კაკალი, ნუში, შაქარი, ქონი და ამისთანა რამეები ძალიან გვიყვარს.

ცერცვ ლობიოს არა ვჭამთ, გრილია, მუცელს შემოგვბერავს და არც მარხვას ვინახავთ, ისევე კაცებმა მიირთვან...

თაფლიც ძალიან გვიყვარს. თუ მივაგენით, შეუჭმელს არ გავუშვებთ. ზოგჯერ კი შიგ ფეხი ჩაეწებება ზოგსა და მაშინ კი უნდა გამოეთხოვოს მზესა.

III

თქვეს, ჩვენს თავზე, ყმაწვილების სასწავლო ოთახში, მრავალი ნამცეცი ყრიაო. ის რომ ხელთ ვიგდოთ, საზრუნავი აღარაფერი გვექნებაო. როგორ უნდა აგვეკრიფა, ფიქრი დავიწყეთ. ასავალი არ იყო პატარა ჭუჭრუტანების მეტი, რომელშიაც თავი ვერ აძვრებოდა.

ბევრი აღებ-დაღების შემდეგ, გადავწყვიტეთ იატაკში ერთი ზვრელი ამოგვეღრღნა. თქმა და საქმის შედგომა ერთი იყო. ათიოდე კბილმაგარმა თავგმა ჩემი მეთაურობით იატაკს ღრღნა დაუწყო. საშემე სტივრივით წავიდა. ასეთი ზვრელი გავაკეთეთ, გაქცეული ისე ჩაეძვრებოდით, თითქო კარებიანო. ჩვენს სიხარულს რაღა შეედრებოდა; ავედით მალლა. როგორ ავწერო, რამდენი რამე ვიპოვეთ იქა, სად მჰადის ქერქი ეგდო, სად პურისა, სად მარცვლები, სად კაკლის გული და ათასი სხვა. ისე გავძელით, ისე, რომ მუცლები რუმბებივით გავვიხდა, უკან რომ დავბრუნდით, ზვრელში კინალამ გავიჭედეთ.

სათაგვეთში დიდი სიხარული იყო. კვისარმაც ჩვენს მამასახლისს

საჩუქრად ერთი გულა ქონში ამოვლებული ქერქი გამოუგზავნა. ვზიდეთ და ვზიდეთ ნამცეცებით სავსე გულები.

რო ავდიოდით, ჯერ გავძლებოდით, მერე თამაშობას დავიწყებდით, გავრბოდით და გამოვრბოდით. ბოლოსა ავკრეფდით შინ წასაღებ სურსათსა, მოვიკიდებდით სავსე გულებს და მივათრევდით.

ჩვენში გულა ქათმის ფეხის წანაყარია, კაცები რომ ხბოს ტყავსა ხმარობენ, ის ხომ არ გეგონათ?..

IV

ჩვენმა თავისუფლად სეირნობამ დიდხანს არ გასტანა. მამასახლისმა რაღაც მოსაზრებით გვიბრძანა, ჯერით გვევლო, გროვა-გროვად, ერთბაშად ბევრი არ უნდა წავსულიყავით.

— რა ვიცი, სიფრთხილეს თავი არ სტკივავო, — სთქვა მამასახლისმა, — იქ რომ რამე დაგემართოსთ, თქვენს სისხლს კეისარი მე მომთხოვსო.

მაგრამ იმისი დარიგება უმეტესობას არ ეჭაშნიკა. ყველას უნდოდა მალღა ასვლა და თავის ნებაზე სუნსული.

ჩვენი მამასახლისი ბებერი იყო, ვიფიქრეთ, იქნება მოკვდეს და თავისთავად მოგვეშორდესო. ველოდით, ველოდით, მაგრამ ის არცა კვდებოდა და ჩვენც ჩვენს ნებაზე ველარ დავდიოდით. უნდა გითხრათ კი, რომ რაც ის იყო მამასახლისად, უბედურება არაფერი არ შეგვმთხვევია. ვითმინეთ და ველარ მოვითმინეთ! ახალგაზრდებმა შეეკარით პირი, ძველი მამასახლისი უნდა გადაგვეყენებია და ახალი ამოგვეჩია. ერთ ღამეს, როცა მამასახლისის თავის სოროში ეძინა, ოცამდე ბიჭი დავესხით იმის სახლს, მივანგრ-მოვანგრეთ და ისიც სულ კუდით ვაფხოკიალეთ, დავკბინეთ, გავწიწკნეთ, გავწუწუეთ ლოგინიც და დავბრუნდით გამარჯვებული.

რაკი ბებერი მამასახლისი თავიდან მოვიშორეთ, ჯერა ვსთქვით, უფროსი რად გვინდა, როგორც გვინდა, ისე მოვიქცეთ თავისუფლადო, მაგრამ ძველს ჩვეულებას ვერ ვუღალატეთ, ისევ ჩვეულებამ დაგვძლია.

დავწუყეთ ახალ მამასახლისის ძებნა. ყველამ ჩემზე მოიშვირა ხე-

ლი. მე უარი ვუთხარ: ძალიან გრძელი კუდი მაქვს, დავლაობაში დამიშლის და კარგს უფროსობას ვერ გაგიწევთ-მეთქი.

მამასახლისად მერე ერთი ყომრალი ავირჩიეთ, კარგი გვარიშვილი, ყოჩაღი, დიდკბილა, მარდი, თვალწვრილი და ცხვირწვეტი. ჭკუა კი მაგდენი არა ჰქონდა. ან რა საჭირო იყო, ჩვენ გვეგონა მთას ბარად მოგვიტანსო.

ამას იქით ახალი ღრო დაგვიდგა.

V

ახალმა მამასახლისმა ნება მოგვცა, როდესაც ჩვენი ნება იქნებოდა, ავსულიყავით და ღროება გვეტარებია. ამის შემდეგ აღარც დღე გაგვაჩნდა და აღარც ღამე.

ეს თავისუფლება იაფად არ დაგვიჯდა. ერთხელ ეგეთი უბედურება დაგვატყდა, რომ ახლაც უწუხრად ვერ მომიგონებია. მოგახსენებთ. ერთხელ იმ ღროს ავედით მალლა ოთახში, რომ ბიჭები ისევ იქ იყვნენ. ხელში რაღაც ეჭირათ, თეთრადა შლიდნენ და ელაპარაკებოდა ის თეთრი იმათა. ის თურმე წიგნი იყო. ძალიან გამიკვირდა, უსულო როგორ ელაპარაკება-მეთქი. ძალიან მომინდა მეცა მქონოდა. ვიჩქე მთელი საათი და ყურს ვუგდებდი. ერთს წიგნში ჩვენი კეცისარი იყო. მე მეგონა შიგა ზის-მეთქი, მაგრამ ბოლოს გავიგე, რომ დახატული იყო. ეს ამბავი სხვებს შევატყობინე, ყველამ ერთად გავარიგეთ, ის წიგნი გვეშოვა. როგორც იყო ის დღე დავალამეთ. მე ყური ვუგდე ბიჭებს, ის წიგნი საღაც შედეს, დავიხსომე.

დალამდა. ფეხის ხმა მიწყდა. ჩვენი სათაგვეთის ახალგაზდობა ფეხზედ დადგა. ერთს წამში მალლა ფხაკა ავიტანეთ. ვეძებთ იმ წიგნს. ბოლოს ვიპოვე. აბა, სად დამეკარგებოდა. შევახტი მაშინვე ზედა, შემოსხდნენ სხვებიც. ვზივარ, ვზივარ, წიგნი ხმას არ იღებს. ხან ირგვლივ ვურბენ, ხან ზედ ვახტები, ხანა ესუნავ, ხანა ვლოკავ, ვლრღნი, ის კადეც ხმას არ იღებს. გული მომივიდა. მოგიკვდე, თუ კეცისარს არ მიგართვა-მეთქი. ძალიან დაგვიმადლებდა და საშვილი-შვილოდაც დარჩებოდა ჩვენი სახელი. ჩემი აზრი სხვებსაც შევატყობინე. მაშინვე მომეშველნენ. ზოგი იქით მოვეჭიდეთ, ზოგი აქეთ. ვეწევით რაც ძალი და ღონე გვაქვს. ამ ამბავში რო ვართ და ერ-

თიკ ვნახოთ, ტყაპ! მოისმა ტყაპანი. აღარ მახსოვს, როგორ გადაეხტი. გულგახეთქილი ერთი თვალის დახამხამებაში სოროს ვეცი, მაგრამ სხვებს კიდევ მიესწროთ. უკანები ფეხს მადგამდნენ ამ ოხერ გრძელ კულზე და აღარ მიშვებდნენ. რის ვაი-ვაგლახით გონს მოველ. დავბრუნდი უკან, რაკი არავინ მომდევდა, ვნახო, რა არის-მეთქი, მივიპარე, მივიპარე, ის წიგნი გდია ძირს: მალლიდან გადმოგვიგდია და პარტყა იმან მოიღო. ეს რომ დაინახეს, სხვებიც დაბრუნდნენ. შეეუღლებით წინანდელ საქმეს, ვეწევით წიგნსა, ვათრიეთ, ვათრიეთ და როგორც იყო ხვრელთან მიუათრიეთ. მაგრამ დახე უბედურებას! ხვრელში არ ჩაეცია. რალა უნდა გვექნა! ვიტრიალეთ, ვიტრიალეთ. მერე მივადექით და დავუწყეთ ხრა, ცოტა-ცოტათი მაინც ჩავიტანოთო. მთელი ღამე ვხარით და ვზიღეთ. გათენებისას დავანებეთ თავი და დავბრუნდით სახლში. დავიძინეთ. როცა გამოგვეღვიძა, შუადღე იქნებოდა, წამოვხტით საჩქაროდ, წიგნის ჩამოტანას უნდა შევდგომოდით. ჯერ ერთი ავგზავნეთ, თქვა, — წიგნი აღარსად არის, ბიჭები ისევ ისე სხედანო. გადავწყვიტეთ ჩვენი წიგნი გვეპოვნა. ერთ წამში იქ დავიბადეთ.

ზოგი სად დავრბოდით და ზოგი სად. ზოგი ბიჭებს შეეუძვერით ფეხებში. უბედურებამ თუ გაგვაგულადა. მე და მამასახლისი კარებთან ვადექით, უცებ ერთი დაიგრიალეს ამოდენა ბიჭებმა, წამოხტნენ და... აღარ ვიცი, რა მოხდა. მე შიშით გულწასული ფეხით ჩამიტანეს ლაბლა, ვინც გამოქცეულიყო, თავისთვის ეშველა.

ერთი საშინელი წრუწუნის და ბრახაბრუხის ისმოდა. მიველ, მინდოდა ხვრელიდან ამეხედა, რა ამბავი იყო მალა, მაგრამ სადღა იყო ასავალი: ქალაღები და ნაფოტები ჩაეჭედათ შიგა. დაილუბა, დაილუბა ჩვენი სათაგვეთი. ბევრი ახალგაზრდა გამოეთხოვა წუთისოფელს, ბევრს მოეშალა მზე. ვისი დედა ტიროდა, ვისი მამა, ვისი და, ვისი ცოლი და შვილი. გლოვა ზარი იყო სათაგვეთში. იმისთანა ნულარაფერი ნახოს ჩემმა თვალებმა!

მეორე დღეს ჩვენი მკვდრები გარეთ უპატრონოდ ეყარნენ. რომელსაც პატრონი გამოუჩნდა და მიწას მიაბარა, ხომ კარგი, და რომელსაც არა. გახდა კაჭკაჭის საწიწკნი. ზოგს თავი ქონდა დაჩეჩქვილი, ზოგს წელი მოწყვეტილი, ზოგისა ტყავი და ხორცი ერთმანეთში იყო არეული, ზოგს გადაღვლეპილი კუდილა გაეშვირა. მე, მამასახ-

ლისი და კიდევ რამდენიმე გადავრჩით, სხვანი სულ იქ დაიხოცნენ. მთელი სათაგვეთი კი არ გაწყვეტილა. ჭკვიანები დარჩნენ. იმათ მალა არც კი აუხედნიათ; გიჟმაჟი ვაჟები გასწყდნენ. საუკუნოდ იყოს იმათი სახელი!

ახლა ვფიქრობ, იქნება ბებერი მამასახლისის ცოდვამაც გეიყო. ბევრს სხვასაც გიამბობთ თუ გესიამოვნებათ: თუ რა მოუვიდა ყომრალს და როგორ იყო ჩვენი ომი კატასთანა. ახლა კი თქვენც დაიღალეთ და მეც ცოლ-შვილს უნდა მივხედო.

[1898 წ.]

სათაგვეთის ამბები

კუდგრძელა წრუწუნა თხილიპარიაშვილს
ნაამბობი

„ამ თაგვებმა აგვიკლეს, აღარ არი ამთგან მოსვენება, ლამის დაგვჭამონ ამ ოხრებმა, თუ ერთი დიდი კატა არ ვიშოვნე, არ იქნება“, მკაფიოდ მოგვესმა ზევიდან. კატის ხსენებაზე ყველას ფერი გვეცვალა.

მე, კუდგრძელა წრუწუნა თხილიპარიაშვილი, მგონია, გაგეგონოთ ჩემი სახელი, დამწვარ მჭადის ქერქსა ეხრავდი; თურმე შიშით კბილებიდან მჭადი გამეარდა, პირი ღია დამრჩენოდა სანამ ერთმა თაგვმა, სახელად „გადაფრინდამ“, პირი არ დააელო და არ გაქრა, ველარა გავიგერა. ხომ არ გამოვეკიდებოდი ამ ჩემის კუდით და შერჩა. ტყუილად კი არ ვეძახით „გადაფრინდას“. ეჰ, აღარც მინდოდა, გეთაყვა, წაიღოს, იმისთვის მაღლია. კატის ხსენებამ მადა სულ დამიკარგა. ყველა შიშმა აიტანა. ეგონათ, ამ საათში აქ დაიბადება კატა, სულ სისხლიდან დაგვცლის და ქერქებს შემოგვაფლეთავსო. ღმერთმა უშველოს, ისევე ყომრალმა შეგვაგულიანა.

— მამა გიცხონდება, თუ მოიყვანე, სათაგვეთში არ ჩამოგვიბტეს და ციხე-ქალაქი არ დაგვინგრიოს, რას გვიზამს. დიამც ის გვიყოს, მაღლა აღარ აგვიშვას. სისხლიანს გვერდს, შვილო, ტალახიანი გვერდი სჯობია. სახუმრო კი არ იყო თაგვებისათვის, მართლა თუ

კატას გაიჩენდნენ. აქ რაღას დაგვედგომოდა, უნდა გადავხვეწილიყავით საღმე, ახლა აყრადაყრა, განა ადვილი საქმეა?!

პირველად რომ თავგებს უბედურობა გვეწვია, მას შემდეგ ისევ, მობევრდა სათაგვეთში ახალგაზრდობა. მოგეხსენებათ, ჩვენი ჯიში ძალიანა მრავლდება. რაც გაჩნდება, რომ ყველა გაიზარდოს, ჩვენ გვარს ქვეყანა ვერ დაიტევს. მაგრამ ყველა ჩვენი მტერია, ყველა ჩვენს გაწყვეტას ფიქრობს, არ ვიცი, ვის რა დავუშავეთ! კაცი, კატა, ყვავი, ყორანი, კაქკაჭი, ძერა, ბუ და ათასი სხვა. ესენი ვერც ერთი ვერ მოგვაგნებს ჩვენს სათაგვეთში, იქ რომ სხვა საშინელი მტერი—თრითინა არა გეყავდეს. დაუვლის ბუდეებს, დიდრონები იქ რას დავუდგებით, მოასწრობს ღლაპებს და ჟლეტს უწყალოდ. არ გაემრავლდებით, მა რა ეშმაკი და ქაჯია!

ჰო, ის უნდა გაამბოთ. საშობაოდ შეგირდები დაითხოვეს. დარჩა ცარიელი ოთახი. ახლა იქაური ავლადიდება ჩვენ ხელთ იყო. ყველანი იქ ავედით. ბებრებსაც ბუდიდან კუდით ვატრევდით, იქ ამოცოცდნენ. ყველას გვეგონა, იქ ღმერთი მანანასა ჰყრისო. გავრბოდით და გამოვრბოდით, ვჰამდით, ვზრავდით, ვქეიფობდით მთელი სამი-ოთხი დღე. რას მოვიფიქრებდით, თუ გათავდებოდა ნამცეცები!

როცა მოვასუფთავეთ ყველაფერი, არხეინად დავბრუნდით სახლში და ღამე ღამაზად დავიძინეთ. მეორე დღეს ისევ იმ გულით გავწიეთ, ისევ ბევრი დაგვხვდებოდა. ის შენს მტერს, რაც იქ ჩვენ დაგვხდა! ცარიელი მაგიდების მეტი იქ აღარაფერი იყო. რაღა იქნებოდა! შერაცხვენილები, გაწბილებულები, მშიერები, დარდიანები, რომ შავი ღლისთვის არაფერი გეჭონდა შენახული, ვბრუნდებოდით შინა.

ის დღე როგორც იყო მოვითმინეთ. შიმშილი არ გვეშვებოდა, მუცელი აღარ ითმენდა. თანდათან ძაან გაძლიერდა შიმშილი. ნამეტნავად ბებრებსა და ბავშვებს გაუჭირდათ. ბებრები ფეხებს ფშეკდნენ, დედებს რძე გაუშრათ და ურძეობისაგან ღლაპები საცოდავად წრიპინებდნენ. ყრილობა ვქენით, ვილაპარაკეთ: ვარჩიეთ, ვერაფერი ვერ მოვიგონეთ. შიმშილმა ჰკვიანებიც კი გამოგვაყრუა. ისღა გადაეწყვიტეთ, — მინდორში კაცი გავვეგზავნა შესატყობად, იყო რამე საშოვარი, თუ არა.

ამბის შესატყობად ფეხმარდი „გადატრინდა“ გავგზავნეთ. რას იპოვნინდა, ისე იყო თურმე თოვლით დაფარული არე-მარე, რომ ერ-

თი ფოთლის ტოლა მშრალი ადგილიც ვერსად ენახა. ერთი პურის მარცვალი, ერთი ბალახის თესლი, ერთი მარცვალი საკმლისა არსად არ იყო. მარტო ქარი ჰქროდა და თოვლს ზიდავდა.

ის წყეული ყვაეიც დამჯდარა მხრებდაშეებულ კაჯალზედ და ჩამოსტირის თავ-პირი. დანახა თუ არა „გადაფრინდა“, ყვაეი მაშინვე ძირს დაეშვა. დაჯდა თოვლზედ და დააბაკუნებს იმ შავ ფეხებსა. „იმასაცა ჰშინან“, — იფიქრა „გადაფრინდამ“, — საწყალი როგორ ეძებს!

ყვაემაც იცის, რომ „გადაფრინდასა“ ჰშინან, თორემ ამ დროს მამლარი გარეთ რად გამოვა, „ჩემს შიმშილს კარგად მოუხდება, თუ ერთი ხელში ვიგდე“. — ფიქრობს ყვაეი. — რა ბედზე გამოველ დღეს დილით, — განაგრძობს ფიქრს. ყვანჩალა, — ერთი თვეა, პირი არ გამისხნილებია, თითქოს ბერი ვიყო. შავეები რომ მაცვია, ბერად ხომ არ შევმდგარვარ, ჯერ კიდევ ბლომად დრო მაქვს, ცოდვები მოვინანიო. ლამის სული ამომძვრეს ხმელ უგემურს მარცვლებზედ. უნდა როგორმე მოვიტყუილო ახლოს, — ამბობს ყვაეი, — და დაუწყო ყვაემა თოვლს განგებ კენკა, ვითომ საკმელი იპოვნა. ნისკარტს აღარ აშორებს, ზედ დასტრიალებს.

— ჰო, ბიჭოს, — იფიქრა „გადაფრინდამ“, — ამ ქათამმა ბლომად იპოვნა, მეც შერგება რამე, — და სიხარულით გასწია ყვაეისაკენ. „გადაფრინდა“ ერთს ბარის პირზე მიუახლოვდა ყვავსა.

ყვაეი ჰხედავს, რომ „გადაფრინდა“ იმისკენ მიდის, სიმსუხავით თითო მუშტისტოლა ნერწყვსა ჰყლაპავს.

„იჰ, იჰ! კარგია, რა მიამება ამ ცივ გულზედ თბილი ჩიჩია!“ — ფიქრობს ყვაეი და აკი, ხმამალლაც არ წამოსცდა ეს კმაყოფილება! და ერთი მადიანად დაიყვირა „ყვააა!“, „ყვა“ ესმა თუ არა „გადაფრინდას“, ერთი ისე გადმოხტა უკან, რომ კინალამ იქვე სული გასცივდა. მირბის „გადაფრინდა“, მირბის როგორც ცხენი, მიფრინავს როგორც ჩიტი, მიხტის როგორც ირემი.

ერთხანად ყვაეი შეკრთა იმედგაცრუებული, პირგაღებული დარჩა. „გადაფრინდას“ კარგა მანძილი ჰქონდა გავლილი, ყვაეი მაშინლა მოვიდა გონებას, პირი გააცმატუნა, „ხორცი მიძევს“ „თუ არაო“. მოჰკრა თვალი გაქცეულ „გადაფრინდას“, იქნება კიდევ დავეწიოვო, იფიქრა და გამოეკიდა მეოტსა, ქვეითად კი არა, ფრენით. მიხტის

„გადაფრინდა“ რაც ძალი და ღონე აქვს, მისდევს ყვავეიც. კიდეც, კიდეც და სწვდება ყვავეი გავაში „გადაფრინდას“.

„გადაფრინდაც“ ყვავეის ნისკარტს თითქოს ზურგზედ გრძნობს, მაგრამ, აი იატაკქვეშ შესასვლელი ხვრელიც.

ცოტა კიდეც და „გადაფრინდამ“ შეყო თავი ხვრელში. მოუქნია ყვავემაც ნისკარტი, აუცდა საწყალს და ერთი ისეთი დასთხლიშა კედლის ქვას, რომ ნისკარტი ორად გაუსკდა. „გადაფრინდა“ კი ამ დროს მშვიდობიანად შევიდა სათაგვეში.

გაწბილებული ყვავეი სისხლიანი ნისკარტით გაიპარა თავის ბინაზედ.

ყველა მოუთმენლად მოველოდით „გადაფრინდას“ დაბრუნებას. საწყალი ისეთი აფორთქლებული შემოვარდა, რომ ჩვენც კინაღამ გული გაგვიხეთქა, სანამ წყალი არ დალია და გული არ დაიშვიდა, ვერაფერი გვიამბო. მერე, როცა გუნებაზე მოვიდა, გვიამბო თავისი თავგადასავალი და თან უსაქმელობაც. სათაგვეთში მცხოვრებნი ერთობ ყველანი დაღონდნენ, შიშშიღმა ძალიან გაგვიჭირა საქმე. აქამდე დაფიქრებული ყომრალი, ახლა ფეხზე წამოდგა და დაიძახა ხმამაღლა:

— ხალხნო და ჯამათნო! ისევ აქვე ვეძებოთ ჩვენი საზრდო, გარეთ ვერაფერს ვიშოვიო.

— ძალიან კარგი და პატიოსანი, მაგრამ, აბა, გვითხარ, სად და როგორ? — შეეკითხა ხალხი.

— მასწავლებლის ოთახში ავკრათ გზა, თუ ვიპოვიო, იქ ვიპოვით საქმელს, თუ არა, მერე თავს სხვანაირად მოუაროთ, — სთქვა „გადაფრინდამ“.

სწორეთ კარგი აზრი იყო, დასწყევლა ღმერთმა, აქამდისვე როგორ ვერ მოვიფიქრე მე, კულდგრძელმა, სიმშლით რაზე ვიხოცებოდით. თქმა და ქნა ერთი იყო. მაშინვე შევუდექით საქმეს. ისევ ხრავდით ფიცრებს, თითქოს მჭადის ქერქი არისო... ერთი ღამე... მზად იყო გზა. გაქცეული ოროლი თავი ერთად გავარდებოდა.

ავყავ ხვრელიდან თავი; ვათვალიერებ, აბა, ვინ არის სახლში, შეიძლება ასვლა-მეთქი, თუ არა. ვხედავ, ერთი მაღალი კაცი მარტო-კა ზის, უჭირავს ხელში რაღაცა, გაუბამს ზედ ძაფები, აცურებს ზედ თითებს, ძაფებიდან ისეთი ხმა გამოდის, რომ ამოდენა კაცი გავიზარ-

დე, ჰალარა გამომერია და ამისთანა არსად გამიგონია. ეს ძაფებიც, რა ვთქვა, ზოგი ბუზურასავით ბზუის, ზოგი წმინდა ხმაზე წივის, ზოგი სტვენს, ზოგი ვერცხლის შიბივით ზრიალებს. შეწყობილან ერთად, შეხამებულან, ისე მშვენივრად უბნობენ რაღასაც ჩემს უცნობს ენაზე, რომ სიმშლი სულ დამავიწყდა. თვალები დავაჭყიტე და ყურები ვცქვიტე. ვინ იცის, რამდენ ხანს ვიჯდებოდი, რომ იმ კაცს არ შეეწყვიტა ის ტბილი ხმები.

გულნატყენი სათაგვეთში დავბრუნდი. ყველას ვუამბე იქ ნახული და გაგონილი. ყველამ მოინდომა იმისი ხმის გაგონება და თავი მოიყარეს ასავალ ხერელთან. ვუცადეთ, ვუცადეთ, აღარ მოგვესმა ხმა. მერე ზოგი და ზოგი აძვრნენ გასაგებად, საღ იყო მასწავლებელი.

წასულები კაი მძიმე ბარგით დაბრუნდნენ, ზოგი მკადს მოათრევდა, ზოგი პურსა, ზოგი ნიგოზს, ზოგი მსხლის ნათალსა. მოლოდინში მადლი მოგვივიდა. დავძეხით. სანამ პატრონი მოვიდოდა, ორიოდ გზა კიდევ ჩამოიტანეს და ყველანი დავძეხით სათაგვეთში. ძალიან დავიტიკნეთ და ზედ სიამოვნება და გართობაც მოგვინდა. საღამოს მოველოდინეთ. მოვიდა ის კაციც, ჩამოილო საკრავი, დაჯდა, ჯერ რაღაც ააქრიალა, უჭერდა რაღაცასა, მერე გააზუზუნა და გამოაზუზუნა. ჩაჰკრა თითები სიმებსა, დაიწყეს სიმებმაც მღერა. ზოგი სწუნდა, ზოგი მხიარულობდა, ხან გაჩუმდებოდნენ, მისწყვეტდნენ ხმასა, თითქოს სულს ვეღარ იქცევდნენ. იბნიდებიანო, მერე ისევ აამალლებდნენ ხმასა და ერთმანეთში რაღაცა წყობილი ბაასი ჰქონდათ.

მე ქვეშ კულამოგებული ვიჯექ და სიამოვნებით უღვაშებს ვიგრახედი. მე ასე ვზივარ და ჩემ უკან ხმაურობა მომესმა. შევხედე, ყველა მოიწევს დასანახავად და გასაგონად „გადაფრინდა“ მოსულა ეშხედ, გაუშვერია კული, დაუბზეკია წვერები, დაუტყვრეცია თვალები და ხტის, ხან ცალფეხზედ შედგება, ხან ქოჩორზე ბრუნავს, ბუქნაობს, თამამობს, შუშპარობს, როკავს, — ერთს ამბავშია. აჰყვნიენ ამას სხვებიც. გაიმართა თამაში და ლხინი. ახ, ერთი კაი ტაშის დამკვრელი! ხტიან თავგები, ახტებიან ერთმანეთს ზედა, ფრინავენ, გარბიან და გამორბიან, ხმაურობენ და წრუწუნებენ. კეისარის ქორწილშიაც არა ყოფილა ამისთანა ლხინი და გახარება. ახ, ერთი ის საკრავი ნეტავი ჩემი ქნა-მეთქი, ვიფიქრე.

მოახლოვდა ახალი წელიც, ტბილეულობის დღე! უნდა წინათვე

სამზადისს შეედგომოდით, თადარიგი დაგვექირა. არაფერი კი არა გვექონდა, ქალაქს ვერავის გავგზავნიდით, დიდი გზაა, მოგეხსენებათ, და ისევ ჩვენი ძველი დალოცვილი ხელობისათვის—ქურდობისათვის უნდა მიგვემართა.

ღვთით, თუმცა არაფერი გვექონდა, მაგრამ ახალ წელიწადს კარგი კოკლოზინობა გველოდა. დილისათვის არაფერი არა გვექონდა, მასწავლებელი წინ იყო და სულ იმედი გადავიწყვიტეთ, ეგ არის ტკბილეულს ვერ ველირსებითო. „ურჩიას ერთი დღე ერგო და ისიც შაბათიო,“ — ისე იყო ჩვენი საქმეც. მოწყენით ვიყავით და აღრე დავიძინეთ.

ღამე ერთი კაი სიზმარი ვნახე. ვითომ სათაგვეთში გაშლილია ერთი ლამაზი სუფრა, რა გინდა სულო და გულო იქ არ ეწყოს. მხოლოდ ჩვენები არსადა ჩანან. მიჰპარვია „გადაფრინდა“, იპარავს ტკბილეულობას და თავის სოროში ეზიდება სულ. ველარ მოვითმინე. „აი, შე ქურდო, შენა-მეთქი, განა ჩვენ არ გვინდა პირის გატკბილება, რომ სულ შენ მიგაქვს-მეთქი. ბედნიერი დღეა, რად დაგვეკვებოს სიღარიბე-მეთქი“ და ჩემს ყვირილზე გაჰომეღვიძა. გაღმოვბტი ბუდიდან, იქნება მართლა ვინმემ რამე მოგვიტანა, მაგრამ ვის რა მივაბარეთ, ვინ რას მოგვიტანდა. მარტო ჩალიანი ბუდეები მოსჩანდა; თაგვები ხვრინავდნენ; ზოგს გაპლვიძებიყო, წამოეყო თავი და იჭყიტებოდა.

თენდებოდა, სინათლე ძაფეზივით შემომძვრალიყო სათაგვეთში. რაღა დამაძინებდა. კვლავ ამ დროს ჩამომივლია სათაგვეთში, შაქრით და თაფლით ყველასთვის მიმილოცნია. სხვებიც ადგნენ და დავიწყეთ ხმაურობა. შაქარი და ტკბილეული არაფერი მქონდა მისალოცად. სახლში ერთი თეთრი ბამბის ქულა მეგულებოდა, ვთქვი, ღარიბი ხალხი ამითი ულოცავს ერთმანეთს და ჩვენც მიუულოცოთ-მეთქი, რა სირცხვილია?! ჩამოვუარე და ყველას იმით მიუულოცე: ასე თეთრად დაბერდით, ასე თეთრი წვერითაო. რას დავემდურებოდით ერთმანეთსა, რაც გვექონდა, იმით შევექცეოდით.

— არა, შვილო, ასე არ იქნება ახალწლის გატარება, სადაც იყოს, ან ძალით, ან ნებით უნდა ვიშოვნოთ რამე.

მეძახიან მეღქოსაო,
ბარემ კიდევ მერგოსაო,

მალა ავალ, მოვისუნსლავ,
ვეგებ რამე მერგოსაო.
ვისაც გინდათ, თქვენც წაჰყევით,
სადაც წავა „გადაფრინდა“,
ჩემმა შუმა იმდენს გაჰმევთ,
სულ იძახდეთ „ალარ მინდა“.

წამოგვეძრახა „გადაფრინდა“ შაირობითა.

— ხა, ხა, ხა, — გაიხარხარა მთელმა სათაგვეთმა. ყვაეზე მაინც გამოგეთქვა ერთი კარგი შაირი, დღუმა რომ კინალამ ჩამოგაცალა, -- მოსძახდნენ სიცილით ჯელები.

-- თქვენ კარგად იყავით, არც იმისთვის მომინდება შაირის ყიდვა, — უპასუხა სიცილით „გადაფრინდამ“ — ერთი კუჭი მოვიმადლიერო ცოტა, რომ კარგს გუნებზე დაგვაყენოს. ლექსები მერე მომკითხეთ.

იმდენი ვიცი ლექსები,
ტიჩიფონაზე გრძელია,
რომ წამოგიდოთ ზურგზედა,
მგონი მოგწყვიტოთ წელია;
გიაშბოთ, ერთ წელს ვერ მოვთვლი,
ველარ შეიძლებს ყელია.

ამ ლაპარაკში და ბაასში მზესაც მალლა წამოეფლო. „გადაფრინდა“ წამოხტა და გასწია ხერელისაკენ. ჩვენ ზოგნი ბუდეებს ვალაგებდით, ზოგნიც პირს იბანდნენ და იწმინდებოდნენ.

— თაგვებო, თაგვებო, თაგვებო! — მოგვესმა ერთი ყვირილი და ღრიალი, ცოტა ხანს უკან ხერელიდან. — ყველანი შეერთნენ. შევხედოთ?! ზოგი სად შეეძვერით, ზოგი სად მივიმალ-მოვიმალეთ, კუდებილა გაგვიშვერია. სადლა ვინ არის? ერთს სულიერს ვერა ჰნახავ. გვგონია, „გადაფრინდა“ დაიჭირა რამემ, სჭამს, და აი, ეს არის ჩვენც დაგვაჯდება და შეგვეჭამს.

კიდევ მოგვესმა ხელმეორედ ყვირილი. „გადაფრინდა“ ყვიროდა. პასუხს არავინ აძლევს. ვსთქვი; რაც მომივა, მომივა-მეთქი, ავღვები, ვნახავ, რა ამბავია. ამოვძვერ ბუდიდან. ამ დროს „გადაფრინდაც“ ჩამოხტა ხერელიდან.

— ხა, ხა, ხა, — გაიფხრიწა სიცილით „გადაფრინდა“, — თქვენ ჩემი ცოდვით სავსენო, თქვენა, რა კატის ჯარი დაგეცათ თავსა, ან

თრითინას ლაშქარი, რას იმალეებით, ადექით ჩქარა, საშოვარი ბე-
რია. ოთახის პატრონი წასულა სადღაც, იქაურობა საესეა საკოკლო-
ზინავებელით. სიკეთე მოგეცეს, მაშინ ყველა წამოძვრა სოროდან,
დიდი — პატარა სულ ფეხზე დადგა.

გაგვიძლვა „გადაფრინდა“ და დოსტორივ ოთახში ავედით. ზო-
გი სად დარბის, ზოგი სად, ვეძებთ, ვჭყვენავთ, გავრბივართ, გამოვრ-
ბივართ, ვიხედებით ქვაბ-ქოთნებში. აგე, მაგიდაზე შევიხედეთ, —
ცხონდა მამაშენი! რა გინდა, რომ იქ არ არის დალაგებული ლამბა-
ქებზე: თაფლი, გოზინაყი, კამფეტები, ხმელი ხილი, მურაბები, იქვე
კოვზი, არაყი და ჭიქა.

— იფ, იფ, იფ! ესეც ახალი წელი! ჩვენზე კარგი ვინ მიულოცავს
მასწავლებელსა. იმისი მეზობლები ჩვენა ვართ, მოდიო! — შევხტით
მაგიდაზედ, დავეცენით ამ ხილს. ზოგი თხილსა ჰხრავს, ზოგი კამ-
ფეტს, ზოგს თაფლში ჩაუყვია ცხვირი, ზოგი ნიგვზის ჩურჩხელას
ებრძვის, როგორც დაეთი გოლიათსა, ზოგი გოზინაყს გაახლებათ.
გაპკვრია კბილებზე და ძლივსა ღეჰს. მოენაყრდით, მოვძეხით, მერე
რიგზე დავსხედით.

— მოიტა ბიჭო, — დაიძახა „გადაფრინდამ“, — დავლიოთ ე არა-
ყი, — თუკი კაცები სმენ, ჩვენ რაღა დაგვემართა, რომ ვერ დაე-
ლიოთ.

დავასხით და ჩამოვაცოლეთ. ძან მწარე იყო, სულ ყელი ჩამწვა
და მახველა. მაინც ყველამ დალია ცოტ-ცოტა და სადღეგრძელოე-
ბიცა თქვეს. შევექეფიანდით, ვხტით, ვწრუწუნებთ. საკრავიც იქ
აყუდებულა! აბა, ამასა ჰქვია ღროების გატარება! ძალიან გავიხა-
რეთ.

— აბა, „გადაფრინდა“. ერთი შეგვაქციე გეთაყვა, ერთი დაუ-
კარ გენაცვა, — ვებეწებოდით ყველანი. „გადაფრინდაც“ დიდ
მცოდნესავეთ მოუჯდა საკრავსა, ჩაქოქდა, ხან ფეხს უსვამს, ხან
კბილსა, წივიან სიმებიც. ვიცინით, გვიხარია. თან ერთ დიდქალიან
კამფეტს დავავლე ხელი და ამოვიღე გვერდზე. ჩემს მაგიდასაც კარ-
გად მოუხდებამეთქი.

— ერთი დაჰმღერე, დაჰმღერე შენებურად, შიირი თქვი, შიი-
რი! — ეხვეწებიან იქით-აქეთ „გადაფრინდას“ — ერთი ყვავი გალექ-
სე, ი ვერანი. — „გადაფრინდამაც“ შეგვაქცია:

სანადიროდ გამოსულა
დაუმენდელი ყვანჩალია.
კაკლის ტოტზე ჩაქოქილა,
მსუნაგი და აეთვალა.
ნატრობს, ნეტა შაპოვნია
ერთი პურის ნათალია.
თუნდა მკვდარი კატა ნახოს,
თუნდა ძალდი დამხრჩვალა,
ყველას ისე გიახლებათ,
ვითომ კარგი სათალია;
ქურდია და ქურდბაცა,
მელა-ტურას ბადალია,
მეც კინალამ მამიტყუა —
ის მეგონა ქათამია.

არ გაეთავებინა, რომ უცებ კარები გაიღო და მაღალი კაცი წა-
მოგვადგა თავსა!

აბა, ვისაც შეგიძლიანთ, ან მუხლი გაქვთ და ან თვალი! ისე წა-
მოვხტით, რომ არცკი გაგვიგია ტყაპატყუპით, როგორ გადმოვიტა-
ნეთ ერთმანეთი ძირსა და თან არაყიანი ბოთლიც... ლაწ! მოისმა.
ბოთლის ნამტვრევები იქით-აქეთ მოიფანტა და არაყის წინწკლები
კედელს შეესხა. ხერელში ერთმანეთი სულ ფეხით ჩავეიტანეთ. რო-
ცა მოვსულიერდით, გვესმოდა, როგორ ჰკრეფდა მასწავლებელი
ბოთლის ნამტვრევებს გარეთ გადასაყრელად.

ყოველთვის ჩვენი სკოლის კარებზედა ჰყავდა ხოლმე თავისი ბატის ჭუჭულები. თუმცა აქ ბალახი არაფერი არ იყო და თონის თავივით გატუსული ადგილი ეგდო ხოლმე, მაგრამ მაინც არ გვეშვებოდა. არ ვიცი, ჩვენი მეზობლობა რად უყვარდა.

პატარა ქალები რომ სკოლიდან გამოვიდოდნენ სწავლის შემდეგ დასასვენებლად, ის მაშინვე გაირეკავდა თავის ჭუჭულებს და საჩქაროდ მიაფარებდა სადმე. უთუოდ ან თავისთვის ეშინოდა ან თავის ჭუჭულებისათვის, არ დამიხოცონო. როცა ვინმე დაუწყებდა ლაპარაკს, კოპებს შეიკრავდა და ხმას არ გასცემდა, სანამ საქმეს არ გაუჭირებდნენ. ამიტომ დაარქვეს ხანუმა.

ეშმაკ გოგო-ბიჭებს სადღაც გაეგონათ ავი ოსი ხანუმას სახელი და ამ კოპებიან ქალსაც ეს სახელი შეუშვნიეს, თორემ, როგორც ნამდვილად გავიგე, ღიზა ერქვა. (თვითონ ჩუმად გოგოებისთვის ეთქვა, რომა, ქალო, ღიზიკოს მეძახიან და კი არა სთქვათო, თორემ ეგ ჩასაქოლები კი აღარ მომასვენებენო, გაიშვირა სკოლის შაგირდებისაყენ ხელი).

როცა პატარა ხანუმა ბატის ჭუჭულებს წაასხამდა, გოგოები დაუწყებდნენ ძახილს.

— ხანუმ! ხანუმ! სად მირბიხარ, მოდი ვიკენჭაოთო.

მაგრამ ხანუმა წყევლის მეტს არაფერს მიართმევდა:

— თვალმც გამოგძვრებათ, სადა მცალიან საკენქაოდ, წიგნსა სწავლობთ, წიგნი ისწავლეთ, მე რაღას ჩამომკიდებიხართ! თუ ვინმე ხელს წაავლებდა ჭუჭულას, ხანუმას წყევლას ვინღა აუვიდოდა: — ამოგილოს ბოლოკივით მიძინების მადლმა, შე ყოვლად წმიდასთან ჩასამარხო შენა, რა დაგიშავა ჩემმა ჭუჭულამა, რო იქერ, არ მომიკლა თორემ...

— თორემ ყურებზე ხახვი არ დამაქრა! — მიაძახებდა ონავარი ბიჭი. ხანუმა ისეთის თვალით შემოხედავდა თავის ჭუჭულის დამქერს, რომ იტყოდი, ეხლავე კრაზანასავით მიახტება საკბენადო.

• • •

როცა გაკვეთალი დადგებოდა, ხანუმა მაშინვე ფანჯარაში ამოფოფხდებოდა და ყურს უგდებდა, ბიჭები რასაც სწავლობდნენ. თუ მასწავლებელი მიიხედავდა ფანჯრისკენ, ის მაშინვე მიიმალებოდა. მასწავლებელისა ძალიან. რცხვენოდა; სადაც უნდა ენახა, მაშინვე გაიქცეოდა და დაიმალებოდა სადმე.

რომ ჰკითხავდნენ: ხანუმი! სკოლაში არ მიებარები? არ გინდა შენც მოგცენ წიგნები და დაფები, როგორც ჩვენს ვასოსა?

— რათ მინდა, ჭუჭულებს ვინღა მოუყენოვო! — უპასუხებდა, მაგრამ თან ჩუმჩუმად რაღასაც ღიღინებდა ხოლმე.

ერთხელ, გულიდან თუ გადუვიდა, შიგ ფანჯარაში წამოგვამღერა თავზედ:

ნეტავი რადნე შაქცია,
ბულბულად გადამაქცია,
ბულბულის ენა მასწავლა,
ამ ბალებს შემომაჩვია!..

თურმე ის კულიანი, როცა შევირდები სწავლობდნენ, ყურს უგდებდა და სწავლობდა ზეპირად, რასაც გაიგონებდა.

ბევრი სხვა ლექსები და არაკები იცოდა ხანუმამ. შინ რომ ჩამოვიდოდა, დედას უამბობდა ხოლმე.

ერთხელ, როგორც იყო, გააბედინეს მასწავლებლისათვის ხმის გატემა.

— რამდენი ჭუჭული გყავს, ლიზა? — ჰკითხა მასწავლებელმა.

ხანუმამ ძლივს გააგონა:

— თერთმეტი მყავს.

— რა ვიცი, რამდენია თერთმეტი, აბა მიჩვენე, — უთხრა მასწავლებელმა.

— აბა, მაშ არ იცი, რამდენია თერთმეტი?! მე თერთმეტი ჰუჭულა მყავს და ვერ გაიგე, რამდენი ყოფილა თერთმეტი?

— რა ვიცი, კი არ დამითვლია და! — უთხრა მასწავლებელმა.

— აი ამდენია, — და დაიწყო თითებზედ თვლა: — ერთი, ორი, სამი, ოთხი, ხუთი, — თან თითო თითსა ხრიდა და ზედ თითს ადებდა. დათვალა ათი. ორივე ხელებზე ათივე თითი ჩამუჭა მუშტში. კიდევ დათვალა და ეს ათიო, უჩვენა მასწავლებელს. ცოტა ხანს ჩაფიქრდა, გაშალა თითები...

— ათანამ, ათანამ — მოხარა ნეკი და — ესეც თერთმეტიო. აი, ამდენი მყავსო — აუხსნა მასწავლებელსა.

— ერთი ჰუჭულა რომ ყვავმა მოგტაცოს, რამდენი დაგრჩება ლიზა? — ეკითხება მასწავლებელი.

— ჯა, რად უნდა მომტაცოს, განა იმიტომ ვუდგევარ, რომ ყვავებს მოვატაცვინო!

— არა ისე. ვთქვათ, ვითომ ერთი მოგტაცა ყვავმა...

— არა, არა! დედა მცემს, რად უნდა მომტაცოს! — იჟინებდა ხანუმა.

— არა, ლიზა! განა მართლა მოიტაცებს, ჩვენ ვფიქრობთ, რომ მოგტაცოს ერთი, რამდენი დაგრჩება?

— ჯა, რად უნდა მომტაცოს იმ ბუდე ჩამოსანგრევმა, რისთვისაო. ვენაცვალე ჩემ ფეხყვითელ ბამბისქულა ჰუჭულებსა! მე რაღა შავი ქვა უნდა გაეკეთო, რო ეგენი ყვავს მოვატაცვინო!

არა, არ იქნა და არა, ვერ დავითანხმეთ ხანუმა, რომ ყვავს ჰუჭულა მოეტაცნა.

ძალიან უყვარდა ხანუმას თავისი ჰუჭულები. მოაფარებდა ხოლმე ღობეს, მოისხამდა ირგვლივ, აიყვანდა სათითაოდ ხელში და გიჟივით ჰკოცნიდა.

— გენაცვალეთ მაგ ოქროსავეით ნისკარტებში და ფეხებში, ჩემო დედოფლებო, ჩემო ლამაზებო, მშვენიერებო, ტურფებო, ნამცეცებო, ლუქმებო. გენაცვალოსთ პატრონი მაგ მძივივით თვლებში!

ვამე, ახლა რომ ერთი პირდაღებული ყვავი წამოვიდეს, დაავლოს ჩისკარტი ჩემს ბამბისქულასა და წააწილოს ბუდეში! მაშინ რაღა ვქნა, როგორღა გიშველოთ, ჩემო სიხარულებო!? — მოწვევებდა ხოლმე ხელს ქუჭულებს და მიიხუტებდა გულში, ხან კალთას გადააფარებდა და ისე ჰყავდა დამალული, ვითომ ყვავს უმაღლესო.

* * *

გავიდა მაისი, გავიდა თიბათვეცი; პატარა ქუჭულები დიდრონი ბატები გახდნენ. პაწაწა გერმის მაგიერად მსხვილი ფრთები გამოუვიდათ. თანდათან ბალახიც გახმა. მკათათვის გასულს დაანებეს თავი თავის პატრონს ხანუმას და გასწიეს წყაროსაკენ. მთელი დღეები წყალში ისხდნენ და ჰყუჟპალაობდნენ. ხანუმა იჯდა ხოლმე წყაროს პირსა და უძახდა თავის ქუჩიებსა. ისინი ყურს აღარ უგდებენ ხანუმას, გაფაციცებით ეძებენ წყალში საკმელსა. ხან ჩაერქობოდნენ თავით წყალში და წითელი ფეხებიღა ამოეყოთ, ხან სულ ჩაიმალებოდნენ, მხრებს სცემდნენ წყალსა და ცვრებს ზურგზედ იდენდნენ.

— არ დაიხრჩოთ, ჩემო კარგებო! — მოსძახოდა ხანუმა. ისინიც უციყინით გასცემდნენ პასუხს და განაგრძობდნენ ნადირობასა. „რატომ არა სველდებიან ეს ჩემი ბატებიო“, იფიქრებდა ხანუმა და თან თვითონაც ჩაპყოფდა შიშველს ფეხს ციეს წყაროში, მაგრამ მაშინვე ამოიტაცებდა, რაკი ცივად მოჰხედებოდა წყაროს წყალი.

ამის შემდეგ ბატები სულ თავის ნებაზე დადიოდნენ. რაღა ყვავი და ძერა წაიღებდა!

იჯდა ხანუმაც სახლში დაღონებული მარტოდ მარტო.

— დედა! როდის გაიხსნება სკოლა, როდის მოვა მასწავლებელი? ზენი ვასო როდის წავა სკოლაში? — ჰკითხავდა წამდაუწუმ დედასა. როცა გაიგონებდა, რომ სამი კვირა კიდევ არისო, ან ორი, მაშინვე თითებზე დაიწყებდა თვლასა.

რა მიზეზი იყო, რომ სწავლის დაწყების დროს ეკითხებოდა?

მარიამობისთვის გავიდა, წავიდა არდადეგები. გაილენა კალოებიც, ყანების ხსენება ხომ რაღა იქმნებოდა. მინდორზედ სიმინდიღა იდგა ხელუხლებელი და ვენახში ყურძენი.

ენკენისთვის პირველში გაისმა სკოლის ზარის წკრიალიც და ერთ

წამს შემოუარა სოფელს. ზოგს ბანიდან ჩასძახა, ზოგს კარებიდან, ყველგან ხმა მიაწვდინა. მოსწავლე გოგო-ბიჭებმა მოძებნეს თავის აბგები. ზოგი წიგნს ეძებდა, ზოგი დაფას, ზოგი ღრიფილს. პატარა ხანუმას კი საძებნელი არაფერი ჰქონდა. ის მოუთმენლად მოელოდა მინდვრიდან ვასოს მოსვლას, რომ სკოლაში გაჰყოლოდა.

მეორე დღეს მასწავლებელთან იდგა მორცხვი ჩვენი ნაცნობი ხანუმა და სიხარულით შესცქეროდა კედლებზე გაკრულს ათასნაირ ხატებსა და სურათებსა, თითქო პირველადა ჰხედავსო. დაფამ და წიგნმა ხომ სულ გადაარიეს. სკოლის წიგნში ეწერა: „ლიზა ბეჯითა-შვილი მიეზარა ორს ენკენისთვეს 1892 წელს“.

[1898 წ.]

— ოჰ, ოჰ, როგორა ცივა, ძვლები მეყინება, ლამის კანკალმა ამიტანოს! მოწექ აქეთ, გენაცვალე, ე გვერდი მომადე, რომ ცოტათი მაინც გავთბე; თოვლს ხომ ჰხედავ, ზევიდან როგორ დაგვდის. ცოტა ზანში ისე დაგვთოვლავს, რომ აღარც კი ვჩანდეთ. კიდე, კიდე გენაცვალე! ხომ არ გეშინია, სადმე გადავქანდე, ეს წითელი ისე მაგრა დგას, რომ მე კი არა, მთის ზვაეიც რომ მიაწვეს, ვერ დასძრავს.

დედალ შეველს სციოდა და თავის რქიანს ამხანაგს იპატიეებდა ისე ახლო.

— რა დროს სიცივეა, ქალო, — გაეხმაურა რქიანი, — ლამის შიშით გული გადმომეარდეს. თოვლი ჩემს ზურგზედ წყალდება სითბოსაგან, ჩემი გული შიშისგანა დნება. რა ბნელი ღამეა, ხომ ჰხედავ, რა ცივი და საზარელია. აბა, აქ რა ცუდ ალაგას დავბინავდით. გული სულ რაღაცას შემომკენესის, ქარის ხვივილი მტრის ფეხის ხმად მეჩვენება. ხის ტოტები რომ ცვივა, მე მგელი მგონია. სხვა კი რა მოგვაგნებს ახლა, კაცი ამ დროს და ამისთანა ამინდში ვერ ამოაღწევს. მგელი მაშინებს, მგელი!

მგლის ხსენებაზე დედალი შეველი სულ გაშრა, საცოდავად დაიწყა კანკალი და თრთოლვა. ახლად მოაგონდა თავისი მდგომარეობა, ამოდენა თოვლი, ამისთანა სიცივე, გვერდობი, ფერდობი, უხვი-ირო გზები, მშვიერი მგელი, იმისი სისხლიანი თვალები, ბასრი კბი-

ლები და მასთან მარდი რბენა. საწყალს სიცივე სულ დაავიწყდა. უფრო და უფრო მოუმატა კანკალი. შიშისაგან თვალები დაეჭყიტა, რაც ძალი და ღონე ჰქონდა, მიაღო წიფელს ყური და დაიწყო სმენა.

დაიკვილა ბუმ შორს, ზედ მოუქცეველ ღრუეში, ყრუ ტყემ რაღაც საზარელი და შემაშფოთებელი ბანი მისცა. შეხტა შველი, გაეყინა სისხლი. დაუგდო კიდევ ყური. დაიკვილა კიდევ ბუმ და დაიარა იმისმა კვიილმა მღუმარე მთები და გულჩათხრობილი ტყეები. შეკრთა კიდევ შველი.

— მადლობა ღმერთსა, — წაიდუღუნა შველმა, — ბუ ყოფილაც ტყუილად შევშინდი. აგერ მოსტყდა ხმელი ტოტი ხისა, ლაწალუწით თირს ბარტყანი მოიღო. დათოვლილმა ხეებმა ჩუმად გაუხმინანეს. შეათრთოლა შველი, შიშით ყელში წაეჭირა. უნდოდა ეთქვა რამე რქიანისათვის, მაგრამ შიშით არაფერი ხმა აღარ ამოუვიდა ყელიდან. დაუგდო ისევ ყური, ნელი ქარი თოვლს ზემოთ პირზე შრიალებდა, ახლად დადებულს და დაუზერქნავ თოვლს თევზის ქერქეჭელასავით ურევდა ერთმანეთში, ტყის უფოთლო წვერებში გველივით სისინებდა.

— ოჰ, ღამევე, რა ძნელი ხარ ჩემთვის, ნეტავი იცოდე, შენი გაუსვლელობა რას მიშვრება, რომ გათენდებოდი. დღევ, შენ მაინც მოდი ძალით, თუ ღამე არ მიდის ნებითა, — ევედრებოდა კანკალით: შველი, მაგრამ უეამოდ არც ღამე მიდიოდა და არც სინათლე აჩენდა მთის იქიდან რქის წვერებსა. ისიც თავის დროს თუ ელოდა.

ღამე გრძელდებოდა, თმენა ძნელდებოდა შვლებისთვის.

— ახ, ნეტავი მალე გათენდეს, ძალიან მეშინია, არ ვიცი, რაღა? ამაღამ ამიგორდა შიშის გორგალი. აკი უმისოდაც ტყეში ვათენვალამებთ. შენ მაშინებ, რქიანო, შენა, მითხარ მაინც, მალე გათენდება თუ არა.

— ეს არის, ახლა არ დაღამდა, ჯერ ხომ საღამოს ნიავიც არ ჩამდგარა. — უპასუხა რქიანმა და თვითონაც როგორღაც შემკრთალმა, თითქოს ყური რალასაც მოჰკრაო, ჰაერს ყური მიუშვირა. ქარმა ახალი თოვლი და ხეებიდან ჩამონადგნი ბარდანის¹ შეაყარა ყურებში.

— ბლუუ, ბლუუ, — ბლუოდა და დაზუზუნებდა ქარი.

¹ ბარდანს ხეებზედ დამდგარს თოვლს ეძახიან, წვერივით რო დაეკიდება ტოტებზე.

— უუ! უუუ! უუუ! — მოჰყვა ქარს საზარელი ღმუილი. რქიანი გაქვავდა, სული შეუგუბდა და სუნთქვა გაუჭირდა.

— აუუ, უუ! — გაისმა წინა ხმის პასუხად ჰაერში ახლა სხვა მხრიდან და პირდაპირმა მთამ უკანასკნელს გაგრძელებასლა მოსცა ხმა. — უუ! ღმერთო, გვიშველე! ღმერთო, ნუ დაგვკარგავ! — წაიბუტბუტეს ორივემ გულში.

— გაიგონე? — უთხრა ხმის კანკალით რქიანმა დედა შველსა.

დედა შველს თქმა რაღად უნდოდა. იმან მხოლოდ ერთი ღრმად ამოიქშინა, მიეკრა რქიანსა და შეშლილივით დაებლიტა თვალები.

— რაღა ექნათ, რქიანო, რაღა გვეშველება. ხომ გაიგებენ, რომ აქა ვართ, გაგებულები ექნებათ. იმიტომ ყმუის ისე, ტოლს ეძახის, რომ უფრო ადვილად დაგვიჭირონ. რაღა ექნათ, გენაცვალე, რქიანო! მითხარი რამე, თორემ აქვე სული გამცვივა. რაღა ექნათ, რაღა ექნათ! ნეტავი დაგვხოცა მაინც ერთადა, რომ იმათი საგლეჯი არ გავხდეთ; ვინ იცის, შენ სად შეგჭამენ და მე უშენოდ სად გამომხვრენ. არ დამანებებ თავსა, რქიანო, არ გამეჭკევი, განა? არ შემაჭმევ იმ სისხლისმსმელებსა განა! — გაუგებრად ემუდარებოდა შველი.

— სუ, აბა დაუგდე ყური, ეხლა მეორე მხრიდან რა მოდის, გესმის, შეყრილან ერთად, თავს ვუშველოთ.

* * *

ერთ წამს ორივენი ფეხზე იდგნენ. რაღა დააძინებდათ. მიჰყუდეს ერთმანეთს ზურგები და გადაფრენ-გადაფრენაზე იყვნენ. ტყის ბნელს გულში უცებ რაღაცამ დაიჭექა და ერთის ხრიალით ძირს გაიტყაპუნა. შეშინებული ფრინველი ამ ხმაზე წივილ-კივილით აფთხა და გაჩქარებული შეეფარა ხეების ფარდულ ტოტებში. დედალი შველიც შეხტა და დაბლა ფერდობზე უნდა დაშვებულებოდა, რომ რქიანს არ დაეჭირა.

— დაიცადე, გენაცვალე, დაიმშვიდე გული, სად უნდა გადახტე მანდა, ხო კლდეზე დაიღევი სადმე. ხე მოსტყდა და იმან როგორ შეგაშინა. ისინი ჭერ შორს არიან. სანამ აქამდე მოვლენ, კიდევა თავს ვუშველოთ.

— წავიდეთ, წავიდეთ, რქიანო, აქედან. ქვევით ჩავიდეთ, გორის

პირს ჩაეყვით. ქვევით კარგი ველიანები არის, გასაქცევიც ადგილია და თავსაფარიც.

ორივენი ფეხაკრეფით, ფრთხილად, უხმოდ დაიძრნენ ადგილიდან, შედგეს გორაზე ფეხი და შეჩერდნენ. მისცა ცხვირი ჰაერს რქიანმა და დაუწყო ჰაერს ხარბად სუტვა. ერთგული ცხვირი მტრის სი-ახლოვეს უტყუვრად და გულადად ეტყოდა.

— ფიქრი არ არის, მოდი შენც, — მოუბრუნდა ამხანაგს.

რქიანი და იმისი ტოლი ერთს წამში ხმლის. ზურგივით სერზე დაეშენენ ჯანჯალით დაბლა, ველებისკენ. პატარა ხანს შემდეგ ველების გვერდში თხილებსა და თხილებს შუა ფარდაგის ტოლა ცარიელ ადგილზე იდგნენ რქიანი და იმისი ტოლი. სულს იღებდნენ (ჰაერსა სუნავდნენ) აღმა-დაღმა, მაგრამ ქარი აღმოსავლეთისა ჰქროდა, ჩრდილო მხრისას რას გაიგებდნენ.

• • •

ამ დროს გორაზე, სადაც რქიანსა და მის ტოლს ჰქონდათ წინათ ბინა, ორმა დაყმენდილმა მგელმა ამოყო ცხვირი. ერთს წამს შედგნენ, რაღაც სუნი ეცათ და ერთმანეთის მემჯობიას ჯორის წიხლებივით ტყუპად გადაეშენენ შვლების ნაწოლისკენ. შვლების გამო საღერღელი აშლოდათ, ორივემ დაღებული პირები და დაკრეჭილი კბილები გადიყოლეს, იქვე ენებათ პირის ჩაგემრიელება. მაგრამ მოსტყუებდნენ და ორივემ ცხვირი წაპყო თოვლში.

მარცხი თითქოს არაფრად ჩააგდესო, ერთი მიბრუნდა წასასვლელად, მეორე კი გასწორდა, დაუწყო წინა-უკანა ფეხებით თოვლს თხრა და უკან ყრა, თან თავისი საზარელი აუუუ გააბა, თან მწვეტი ცხვირი მალა აიშვირა და დაუწყო წუწნა ცივს ჰაერს, თითქოს თავის ცხვირსა ჰკითხავს, სად წავიდნენ შვლებიო. მერე თოვლში ჩაპყო ცხვირი, რაკი ჰაერიდან ვერაფერი გაიგო, და გაჰყვა ცხვირით შვლების ნაკვალევს. მერე რაკი დარწმუნდა, რომ მართლა ნავალი არისო, თავი მალა აიღო, ერთი კიდევ ჩასუნა, და გადახტა და გადახტა კვალდაკვალ შვლებისკენ.

რქიანი ჰაერსა ჰსუნავდა, რომ ერთი უცებ შეხტა და სამი თავდაყირა თავდაღმართზე გადაიარა, მაგრამ, მარდმა ფეხებმა არც აქ

ულალატეს, — ერთ წამს, ერთს თვალის დახამბამებაში ისევ ფეხებზე დადგა, თვალი მოჰკრა, რომ იმისი ამხანაგი ველზე გადახტა.

— მუხიანზე, მუხიანზე! დაღმა ცერად! — მიაძახა რქიანმა და თან თვითონაც ცდილობდა მარჯვე საფრენისკენ გადამხტარიყო, მაგრამ ერთი მგელი სწორედ იქ ამოჩნდა, საითყენაც აპირობდა. მეტი ღონე აღარ იყო, უნდა ჩრდილოს ფრიალო ფერდობზე დაშვებულიყო, სადაც ადგილზე მეტი თოვლი იდგა. გადახტა რქიანი, მიჰყვა მგელიც. იმ დაღმართზე და ღრმა თოვლში რქიანი სულ ცხრა ადღზე ფრინავდა. დაბალ ბუჩქებს და კუნძებს თავზე გადაეველებოდა. მგელი ერთი ნახტომით მოისხლიტა. მშიერმა მგელმა ვერ გაჰკრა კბილი, მაგრამ რაკი ჰხედავდა თვალთ, რას მოეშვებოდა! ფერდობი თითქმის ჩამოათავეს. რქიანს ერთი ნახტომიდა აკლდა და ხევში გადახტებოდა, რომელზედაც დიდი საშეშე გზა მიდიოდა ზევით სულ მთის კუდამდე და ქვევით სოფლის შარამდე. რაკი ხევში ჩავიდოდა, ან აღმა წავიდოდა, ან დაღმა. ამ ორს ფიქრობდა რქიანი. რომ უცებ ბეგს წაადგა ხევისკენ გადაკიდებულს. გაზაფხულზე მოვარდნილს წყალს ძირი გამოეთხარა ფერდობისათვის და რაც ოცი ადლის სიმალღეზე კრიახ კლდეს მიწა ჰკვროდა და ხეები და მცენარეები მდგარიყო, სულ ჩამოხვავებულიყო, წყალს წაელო და ახლა ტიტველი ფეხმოუკიდებელი ბუჩი იდგა. რაღა დროს ფიქრი იყო, იშვირა რქიანმა ფეხები და გადაეშვა ძირსა. რქიანი მთლად თოვლმა დაფარა, თითქმის თავზედაც კი გადაეყარა. „ეგ არისო, — იფიქრა, — ახლა კი დავრჩილუქმად მგელისაო. ვაჰ, თუ ფეხებმა მილალატესო“, მაგრამ იმისთვის არც ახლა და არც წინათ ფეხებს არასოდეს არ ელალატნათ. ამ ფიქრს თვითონაც თან ამოჰყვა რქიანი და გადახტა გზაზე. ამ დროს რქიანის ზემოთ თოვლიდან მგელიც ამოძვრა და შველი სოფლისკენ დაეშვა.

• • •

ჰყეფენ სოფელში ძაღლები; ერთი ამბავი, ბრძოლა და გნიასი აქვთ. კივიან კაცები. შეშინებული ძაღლები კარებს მისწოლიან ზურგით, თან აწვებიან, უნდათ შეამტვრიონ, შევიდნენ სახლში, თან იყეფებიან, ეგები პატრონმა გაიღვიძოს და გამოგვეშველოს მაინცაო. მაგრამ პატრონი ყურს არ იბერტყავს, იცის, რომ საიმისო არა უქირთ რა.

დალოცვილი ძალი ჰრელია კი მგლებს ორს ვერსზე გაპყოლია. იმას მგლები ვერაფერს უზამენ, ბევრჯელ შემოერტყნენ ალყად გარსა; მაგრამ გადაახტა თავზე და გამოექცა. ერთ მგელს ხო არ გაუშვებს ცოცხალს, მაშინვე დაახრჩობს. იმის პატრონს მწარიას ბევრჯელ გაუყიდნია ჰრელიას დახრჩობილი მგლის ტყავი კახეთს ძროხაზე.

ახლაც მწარია ამდგარა, აუნთია ცეცხლი, გაუღია კარები, რომ ძალი სინათლეს ჰხედავდეს პატრონის სახლში და გულადად იყოს.

— ძალიან შორს გაპყვა ჩემი ჰრელია, — სთქვა მწარიამ, — მგლებმა კი არ დაიჭირონ. — მაგრამ პასუხი კი არავის მიუცია, რადგან მარტო იმას ეღვიძა. შებრუნდა სახლში, დაჯდა კერასთან და დაუწყო ჰრელიას ლოდინი.

* * *

ამ დროს რქიანი, ორი მგელი და ძაღლები საყანურებზე ამოვიდნენ. დალაღულა რქიანიც, მაგრამ არც მღევრებია დასვენებულნი. მუდამ წამს ელის რქიანი გაგლეჯსა და გულმწუხარე იგონებს თავის ტოლსა. „ვინ იცის, ის გაგლიჯეს კიდევ, იმისი ძვალიც აღარსად არის. მე კი ცოცხალი ვარ და სიკვდილს გავურბივარ, რაღად მინდა უმისოდ სიცოცხლე. იმასა სკამენ, ვინ იცის და მე კი ვერა ვშეველიდე. ეპ, შემქამონ, შემქამონ ბარემ, რალათა მტანჯავენ“.

ამ დროს შენიშნა მწარიას სახლის კარებიდან ნათელი. გრძლად სვეტად გამოწოლილიყო ბნელს ღამეში თეთრი სინათლე თეთრს თოვლზე, თითქოს გაჭირვებულს ხელს უწვდისო. „სინათლისაყენ, სინათლისაყენ!.. ის მიხსნის, იქ არის ხსნა. — გაუელვა რქიანს აზრმა. — იქითყენ, იქითყენ!“.

ფეხები თითქო არ ემორჩილებოდნენ საიქაოდ, მაგრამ თვითონ დეზად იქითყენ გასწია. იქ კაცი ცხოვრობს, ის მგლებს არ შემაჭმევს, დამიხსნის ამ მოსისხლეებისაგან. რაც უნდა იყოს, ის კაცია, ადამიანი, მგელი ხომ არ არის, მიშველის.

— ვენაცვალე შენს მოსვლას, აბა ბედიც ამასა ჰქვიან, — შესძახა. გახარებულმა მწარიამ და გადუსვა კისერზე ხანჯლიანი ხელი. დალაღულა, არ მოკვდეს და გაუყარა ყელში ხანჯალი.

რქიანს ოფლიან ყბებზე ჩამოუგორდა ცხელი ცრემლები და უსულოდ წაიქცა კერაზე.

კვრინჩხიან გორაკზე, ხევის პირას, ამოეთხარა მელიას სორო. სოროს კარები შიგ ბექში იყო და ზედ კვრინჩხისა და ეკლის ბუჩქები ჰქონდა წამოფარებული. ეშმაკი მელია მოუფიქრებლად არაფერს გააკეთებდა. თავიდანვე ჰქონდა ყველაფერი მოფიქრებული და მოსაზრებული. მართლაც და იმის სოროსთან ძნელად თუ ვინმე მიაღწევდა, გასაქცევი გზაც სულ ეკლებში ჰქონდა. ყველაზე მეტად ძაღლებისა ეშინოდა. მელიამ ისიც იცოდა, რომ ამისთანა ეკლებში ძაღლი თან ვერ შეჰყვებოდა.

მზე ჩასვლაზე იქნება. ფრინველები იბინავენ. მენახირეები ნახირს სოფლისკენ ძოვნით მოაყოლებენ. მინდორი თანდათან მშვიდდება.

მელიას გამოელვია თავის სოროში, თვალები მოიფშვნიტა, წამოჯდა, კუდი ქვეშ ამოიღო.

— გიშველა ღმერთმა, ჩემო კუდო, — ეუბნება კუდს მელია, — რა მასიამოვნებელი მყევხარ. როგორ რბილად ვზივარ შენზე, მგონი ბალიშიც არ იყოს შენსავით რბილი, ბუმბულის დორიც ვერ მოვა შენთან. ცოტახანს კიდევ მასიამოვნე, მერე კი ვინადიროთ და ეს ჩვენი სახლი სულ ბუმბულით დაევათ. არ მოითელო კი, და არ დამლუპო და დამანელო. აბა ავდგე, ერთი გნახო ისევ ისეთი ლამაზი

და ფაფუკი ხარ, როგორც აქამდე, თუ გაიქუცე; ეს ოხერი ზაფხულის მოსვლა შეგათხელებს ხოლმე.

მელია წამოდგა, კული უკან გაიშვირა და სიამოვნებით ზედ გაიხედა.

— ფოლს არა ჰგავს! რა კარგი რამ არის! ვის ექნება ამისთანა კული?! კვერნასა?! — ხა, ხა, ხა, ხა!, — გადიკასკასა მელიამ, — საცოდავი კვერნა. მე რომ იმისი ვიყო, იმ კულს კი არ ვატარებ. რა ექნა რო ლამაზია, იმის მტერი ის არის. იმ კულისათვის არ უმწარებენ დღესა?! სიკვდილი რომ თან არ ატაროს, მოიქრას და გადააგდოს რა! შენ არა ხარ ჩემი მტერი, განა კულო? შენ მარტო მემსახურები და ჩემს სიამოვნებაზე დგებარ. შენს მეტი მოკეთე არავინა მყავს.

— მართალია, მართალიო, — ექნეოდა კული.

ამ დროს მელიას სოროში შემოპარული მზის სხივი მოჰხვდა.

— ჰერიპა, კარგა დამძინებია, მზე კიდევ ჩადის, საღამო ახლოა, საცაა გორას მოეფარება. აბა, ერთი გავიხედო.

მელია წამოდგა, სველი ენით ბეწვი გადისწორა, გადილოკა, ჰაერი დასუნა და ნელა-ნელა კარებისკენ გასწია, ფრთხილად თავი გარეთ გამოყო, მიიხედ-მოიხედა, ხევში ჩაიჭყიტა, გაღმა გაიხედა და რაკი მტერი არსად იყო, გამოძვრა.

— მშიან, მშიან, — ამოჩხაოდა მუცელი...

— არ იქნა, ვერ გაგაძლე, შე ღორო, — უთხრა მელიამ.

— მშიან, მშიან, — თრთოდა მუცელი.

— ქვა მაინც ჩავყლაპო, ვერც მაშინ გაძლები, იმასაც მაგრე ჩქარა მოინელე. შე გაუმაძღარო?!

— ძალიან გავსუქებულვარ, — თქვა მელიამ, — აბა, ერთი გადავხტე.

მელიამ ისკუპა, რუს მეორე ნაპირზე გადახტა.

— ყოჩად, კარგა შორს გადმოვხტი! კულო, რუში კი არ ჩამაგდო, რა უკან მეწვევი?

მელიას ფეხის ქვეშ რალაც გაჩუჩუნდა. მელია გვერდზე გადახტა, მობრუნდა, რამ შემაშინაო.

მელიის ნაფეხურში მსუქანი კუტი კალია წამოდგა, ფეხები ააყუდა და მძიმედ გადასკუპდა.

— აბა, ერთი კიდევ გადახტი! — მიაძახა მადალძრულმა მელიამ, — რა უშავს ჩავახრამუნო ეს ხტუნია, შეწვა არ დასჭირდება.

— კალიავ, შენ რო შემაშინე, მეც უნდა შეგაშინო, აბა, ერთი დადექ!

მაგრამ კალია რას დაუდგებოდა. შეშინებულ-შეძრწუნებული მწერი მიხტოდა და სულ ყირა-ყირა გადადიოდა.

— ხა, ხა, ხა! ცხენი არ დაგივარდეს, ცხენი. — ხარჯარებს მელია და თან მისდევს კალიასა.

გულგახეთქილი ხტუნია სულ გადირია. მელიას კბილებში გრძნობს თავსა.

— გეყოფა ხუმრობა, დადექ! — და ჩაარტყა მელიამ თავში ტოტი. მერე აზიზად წინა კბილები მოჭიდა, კალია საცოდავად გაიზმო-რა.

— მოიცა, შენ ისევ ცოცხალი ხარ? — მელიამ ისევ ძირს დასვა. იგრძნო თუ არა თავისუფლად თავი, კალია გადახტა, მელიამ ჩა-არტყა კიდევ თავში. ასე ახტუნა კალია, სანამ საცოდავი გვერდზე არ შემოწვა, ფეხები გაჭიმა და ორ ულვაშსა ანძრევდა.

— გეყოფა თამაშობა, — თქვა მელიამ, ჩაიდო პირში და კამფე-ტივით ჩაახრამუნა.

— ეგ შენ, შავო მუცელო, არ გეყოფა?

— არ მეყოფა, არ მეყოფა, — შემოჩხაოდა მშიერი მუცელი. ამრიგად შეჰყვა მელია რუს პირას. კალიებო და ჭიები ბლომად ჩაალაგა თავის ტიტველ გულაში, ახლა პირის ჩაგემრიელება მო-უნდა.

— ბორა ხომ არა ვარ, სულ კალიები ვჭამო, ქა, პატარა პირიც რითიმე ჩავიგემრიელო!

მიდის მელია, ჩირგვებში და ბუჩქებში იხედება. თავგის სორო-ებსა ჰსუნავს. უცებ ცხვირში სასიამოვნო სუნი ეცა. პირში ნერწყვი მოადგა.

ჯაგებში ნარის ჩიტი იჯდა და იქექებოდა.

— რა კარგი იქნება მაგისი საწიწკარა! მე ვიცი, ძვალის ჩაკენე-ტა გამიჭირდება. ვეცადო!

ეპარება მელია. ნელა-ნელა მიცოცავს. მიწაზე წვება, კუდს მიათ-რევს, ბალახებს ეფარება, თან ჩიტს თვალს ვერ აშორებს.

ჩიტი მობრუნდა, ორჯერ-სამჯერ ბოლო დააქნია, როგორც კაცები თითს დაუქნევენ ხოლმე ცელქს ბავშვსა, — ქურდო, ქურდო! სად მიდიხარ! მოვიდა მელია, გაიგეთ, თვალები გააჭყიტეთ.

მელიამ სული გატვრინა, გაინაბა. არ შეჰხედა ჩიტსა, თითქო არ ესმისო.

შეშინებული ჩიტი უფრო მალლა შეხტა. თან რალასაც წრიპინებდა და ჯაერობდა. ჩიტმა რაკი ნახა, რომ მელია იქ ველარ შესწვდებოდა, არხეინად წამოყუნტდა.

რამდენჯერმე შეჰხედა კიდევ მელიამ ჩიტსა, კბილები დააკაწკაწა და სირცხვილიანი გაიპარა.

— ეჰ, ისევ კალიები, თორემ ჩიტი საშენოდ რას გახდება! თუ მაგისი ბუდე ვიგდე ხელში, მე თვითონ ვიცი, — ფიქრობდა მელია.

აღვიწყვის ღამე

— სადამო მშვიდობისა, ნათლიდედ, რას დაფიქრებულხარ, ქვეყნის ვალს ხომ შენ არ გთხოვენ, — ეუბნება მაჩვი.

— გმადლობთ, ჩემო დაო; არაფერსა, ისე რაღა.

— შინც ღმერთმანი, სად მიდიხარ?

— შენთან მოვდიოდი, პატარა პიტნის შექამადი მასესხე.

— აი, შე ეშმაკო მელიავ, რას დამცინი. მე რომ ბალახ-ბულახის ძირებსა ვჰამ, აკი ქურდსაც არავინ მეძახის! მოდი, შენც ჩემ რჯულზე დადექ. ბალახი მუდამ არის. ჰამას შეგაჩვევ, მშიერი ერთხელაც არ დარჩები. არც არავინ დაგაყვედრებს.

— არც უიმისობაა, შენმა გახარებამ, ქალო, ქვეყანა წახდა, ხალხი გაეშმაკდა, აღარავინ რად გვაგდებს, წელანაც ერთმა სკინტლიანმა ჩიტმა მასხარად ამიგლო. სისხლი ყელში მომადგა, მაგრამ რას იზამ. ამალამ კიდევ მივივლ-მოვივლი, მივიცუნცულ-მოვიცუნცულე, ეგება ერთხელ კიდევ გავიწითლო კბილი, მერე კი აღებას დავიყენებ, შენსავით სულის საქმეზე დავდგები.

მზე ჩავიდა. სინათლე ქვეყნიდან სულ ერთიანად აიკრიფა. მხოლოდ ცოტაოდენი ცასლა შეჰქრჩა. ხმელეთი ბნელი დარჩა. ფრინველები ხეებზე შესხდნენ, ნახირი და ლორ-ხბო სოფელში დაბრუნდა, ღამის ხარი მებრეებმა ჭალაში დაყარეს. მარტო მხიარული ბაყაყების გაუწყვეტელი „როტოტო“ ისმის და ჩვენი მელიაც ამ გალობის

ზმაზე ქეიფობს. ერთადერთი მფლობელი შინდერისა ეს არის ამჟამად. კული კობტად გვერდზე გადიგდო, ყურები მოიმახვილა და გადუარა ყანებს საქცევებზე, ბევრი თავი ჩაახრამუნა ძვალტყავიანად, მწყრის ბუდიდან კვერცხები ამოსანსლა.

— ვერც ახლა გაძლა მელიას მუცელი?

— როგორ არა, გაძლა და ძალიან ბარაქიანადაც გაძლა.

მელიამ მუცელში თითქმის სიმძიმე იგრძნო.

— ახლა ამ გამაძლარ მუცელზე რო? მწვერები წამომაწყდნენ, ჩქარა კი მომანელებინებენ, — ფიქრობდა მელია, — მგონი კულილა დარჩეს უმელიოდ... ეჰ, რა ოხერი გოგრა მაქვს, ვინა ჰკითხავს, მწვერები მომაგონეო, გუნებას რაზე ვიხდენ, ის ვიფიქრო, წელან ლიაში როგორი მსუქანი იხეები დაცურავენ, ოქროსფრად რო? გაჰქონდათ ბრკყვიალი. კინაღამ თვალებით დავბრმავდი, ცხვირწინ რო? იმოდენა მწყერი ამიფრინდა. ფუი! რა ფისი ამეკრა თვალეებზე, რომ ვერ დავინახე. მერე ამ ჭეჭილობაში რა მსუქანი იქნება, სანამ კრუხად დამჯდარა. სწორედ სულელი ვარ, მწყერზედ კარგს რასა ვქამ!

ს ბ უ მ რ ა დ

— რა ჰქენ, დობილო, ვერ გასძენ, რომ აღარ გშიან? — ჰკითხავს მაჩვი.

— ჯა, შენ აქავე ხარ? რაც მე წაველ, მგონი მას აქეთ სულ აქ დგეხარ და ძელი.

— მოდი, მელიავ, დაესხდეთ, ვილაპარაკოთ. მეც მარტოკა ვარ, მოწყენილი, სად გავერთობი! ჩემი ამბავი ხომ იცი, შენსავით მარდი ფეხები არა მაქვს, სოროს ვერ გავცდები. პატარას თუ გავივლ-გამოვივლი, მაშინაც შიშითა და კანკალითა. ეს ოხრები, ძალიან მოკლე ფეხები მაქვს, კაცი ფეხდაფეხ დამიჭერს, ძალს კი, აბა, სად გავეხვეწები. კიდევ კარგი, ჩემი ხორცი არ იქმება, თორემ ჩვენი გვარეულობა სულ ამოვარდებოდა. არც ტყავი მაქვს ძვირფასი. ჩემი ტყავი მარტო თოფის ჩულებისთვის არის გამოსადეგი, ღირს კი იმისათვის მომკლან?! გამიგონე, მელიავ, აქ დარჩი, ბალახ-ბულახი ბევრია, მაჩიტას და თეროს ძირს არ მოგაკლებ, არ მოაკლდეს დღე ჩემს დაზრდილებს. მეზობელიც კარგი მყავს; აქვე ჩემს ახლო ერთ ჩხიკვს აქვს ბუდე; ტყიდან ჩამოსულა და აქ ეკლებში ჩაბუდებულა. როცა შენ

არა გხედავ. ჩემი სიხარული და გამმართობელი ის არის. რაც უნდა დაღონებული ვიყო, გულიდან სევდას გადამყრის. ლამაზიც ძალიან არის. სულ ნაირნაირ ხმაზე ლაპარაკობს: ხან კრუტივითა ჩხავის, ძერასავით წივის, კატასავით კნავის, ან ძაღლივით ჰყეფს. და მამალივით ყივის. თქვენ რო გაგაცნოთ, უეჭველად დაქვებობრდებით; ისიც ეშმაკი, შენცა, ორი ეშმაკი ქვეყანას ამოაგდებთ. მე კი აქ ველარ დავდგები მაშინ. ეს არის, რომ ჩემი ხორცი არ გამოვადგებათ და ტყავი. კვერცხს მე არ ვდებ, თორემ არც მაგრე აღვილად დაგიმეგობრდებოდი. ხვალ საღამოზე ამოიარე, ჩხიკვიც შინ იქნება, ეგებ იმანაც თავისი თავგადასავალი გვიამბოს, ტყიდან აქ რამ ჩამოაგდო, თუ მაგის თავს არაფერი საქმე იყო.

— უნდა წავიდე, თორემ საცაა გათენდება. ღამე მშვიდობისა, ქალო!

— დილა სიხარულისა, გეთაყვა. აბა, როგორც გითხარ, არ დავიწყო, ხვალ საღამოთი ამოიარე, ვილაპარაკოთ.

— კარგი, კარგი, ამოვივლი.

ნ ა ც ე ლ ბ ი

— რამდენი რამე გადამხედია... ერთი წისქვილი არ მობრუნებულა ჩემ თავზე, თორემ სხვა ყველაფერი გადავიარე, — უამბობდა ჩხიკვი მაჩვსა და მელიასა. მელია კუნკუხოზე იჯდა, მწვეტი ცხვირი ცოტა აღმაცერად ჰქონდა აწვერილი, ხან ერთს გვერდზედ დაჭრიდა ყურს და ცერად შეჭხედავდა ჩხიკვსა, ხან მეორე ყურს ჩამოჭრიდა და ახლა აქედან შეაკქერდებოდა. — შეინდის ტყეში ერთი მუხა იდგა. იმ მუხას შემოდგომაზე ფოთოლი არ ცვივოდა, ზედვე ხმებოდა და ზამთარშიაც ისე დაბურული იყო ხოლმე, როგორც ზაფხულში. მხოლოდ იმ განსხვავებით, რომ ზაფხულში მწვანე ფოთლებით დაიბურებოდა, ზამთარში კი ხმელი ფოთლებით იფარავდა სიცივისაგან თავსა. ზამთარში ეს მუხა კი სახლსა ჯობდა. შევძვრებოდი შიგა, ზევიდან თოვლს არ უშვებდა და გვერდებიდან ქარსა. ვიჯექ მყუდროდ და ვთბებოდი, როცა გამაძღარი ვიყავ და საშოვარზე არ ვიყავ წასული. სოფელიც ძალიან ახლო იყო. ზამთარში იქიდან გამოვდიოდი იოლად, ნეხვსა ვქექდი, ბზეში მიყოლილ მარცვლებს ვეძებდი, ნამცეცებსა ვკრეფდი; ღმერთმა უშველოს, მშიერი არა ვკვდებოდი. თუ

საფქვავს გაფენდა ვინმე, მაშინ ხომ ჩემი აღდგომა იყო, ჩაიპარებოდი, დაჯვრებოდი ფარდაზე და რაც შემეძლო ვცლაპავდი და ვცლაპავდი წითელ პურის მარცვლებსა, თეთრს ქერსა და ყვითელს სიმინდსა. სიმინდი კი მერჩივნა ყველას, ნამეტნავად როცა ნელლია, რა შეედრება.

— რა ჭრელია ეს ჩხიკვი, — უცქერის მელია და ფიქრობს, — ცისარტყელასავით მხრები რომ აქვს, ჩემს სოროს როგორ მოუხდება! ხორცი კი მჭლე ექნება. საკმელად არ ვეარგება, ფრთები კიდე, ჰო! — ფიქრობს კულდგრძელა და თან ჩხიკვისკენ მიექანება. რამოდენიც მელია იმისკენ მიიწევს, ჩხიკვიც უკან დგამს ფეხებსა.

— რა ეშმაკი რამ არის ეს ჩხიკვი, აბა თუ ერთს აღგიღზე გაჩერდეს, იქნება ახლოს მინდა მაგის ქულაჯის გასინჯვა. რა უკან-უკან იწევს. ეშმაკი რო ყოფილა, იმიტომაც აქ წამოუბრძანებიათ.

— რა მსუნავი რამ არის ეს მელია, მისგან კარგი არა გამოვა რა, მაგრამ ბებერს მგელს რას მოატყუებს! — ფიქრობდა ჩხიკვი.

— მერე, ჩხიკვო, მერე, მამა გიცბონდა, გვიამბე, გვიამბე, ქათმები ბევრია იქითკენ, თუ არა?

— ბევრი, ბევრი, კვერცხები სულ ხეებქვეშ აგროვია, კრუხადაც იქვე სხედან.

მელიას პირში ენა კინალამ გაუდნა ნერწყვისაგან.

— კურდღლის ბაჭიებიც არის, ჩხიკვო? ძალიან ეშმაკებია თუ არა?

— კურდღლის ბაჭიებს ფეხს ვერ აუქცევს კაცი, ბევრს ბრუტინანს ბაჭიას ჩაეარტყი ჩემი ბოკვი ნისკარტი გამოყეყეჩებულ კოფხროლიაში (თავში).

— მაშ იქითკენ რომ წამოვიდე, მგონი შშიერი არ მოკვდეს, — ეკითხება ალტაცებული მელია.

— შშიერი? იქაური მელიები სიმსუქნით კულებს ძლივსლა ათრევენ. თუ არ მსუქანი მამალი, არც კი იკადრებენ.

— ნამდვილად წავიდეთ, ნამდვილად, მინდა ერთი ვნახო, როგორი ქვეყანაა...

— მეც გულით მინდა წასვლა, დამენატრა ყველაფერი; ვნახოთ, ღმერთი რა წყალობას მოიღებს... ჰო, იმას გვიამბობდით, მუხაზე ბუდე მქონდა. ჩემს ირგვლივ შვინდებზე შაშვებსა ჰქონდათ ბუდეები.

როცა კრუხად ვიჯექ, შორს წასასვლელად არ მეცალა, ავდგებოდი, ჩავეპარებოდი შაშვის ბუდეს და რასაც შიგ კვერცხს მოვასწრებდი, ვჭამდი. მერე გამოვიპარებოდი და ჩაეჯდებოდი ჩემს ბუდეში. მოვა პატრონი, ჰხედავს: აღარსად არის კვერცხები, იქით ეცემა, აქეთ ეძებს, რა დაგიკარგნია, რას ეძებ? კბილებს ხომ ვერავის გაუსინჯავდა. ჩამომივლის გვერდზე, მეძახის:

— ბოლოქრელო, ჩემი კვერცხები ამოუსანსლია ვილაცას, ხომ არავინ გინახია?

— უი, ჩემს თვალებს, რა უბედურება მოგვვლია, ვინ იქნებოდა ის თვალდამდგარი, ვინ იცის, ან კვერნა იქნებოდა, ან ციყვი, აბა, შენ იმათ რას გამოარჩები, ვინ იცის, სად გაძვრნენ. ველარას უშველი, ისევ ისა ჯობია ხელმეორედ დაიბუდო, კვერცხები დადვა, იქნება ღმერთმა გიშველოს, ბუდის მოშლ: კი აბა რა ხელს მოგცემს, დაგივინანდება, ბარტყებს ველარ დაზრდი, — ვეუბნები მე. —

მეორე დღეს ახლა სხვა ბუდეს დავხედავ, იქიდანაც ამოვალაგებ, ვნახავ, საღამოთი ერთი ქყრიალი და ქახჭახი დგას, კითხულობენ კვერცხებსა. კარგა ხანსა ვჭამე იმ შაშვების კვერცხები: მოვსუქდი, კრუხობა ვის ეტყობოდა, მაგრამ ბოლოს კი ამომაშხამეს ჩემი ოინები.

შაშვები ძალიან შეწუხდნენ, ვერც ბარტყები დაზარდეს, ვერც ქურღი იპოვეს; შეყრილან ერთად და გადაუწყვეტიათ ბუდეებს უყარაულონ, რომ ქურდი თხლეზე დაიჭირონ. ზოგი ღრუში ჩამჭდარა, ზოგი ფოთლებში შემძვრალა და იქიდან ელიან ქურდსა. მე რა ვიცი, ბოლოც კი არავის უჩანდა. შუადღის გულზე ამოველ ბუდიდან, გავიბერტყე, გავისწორე ფრთები, ერთიც დავიჩხიკვინე და ჯავსწიე შვინდიანში. ვესტუმრე ერთ ბუდეს, ცარიელია, არც კვერცხებია, არც პატრონი. ეჰ, აქ აღარ დაუდვია იმ უგნურს, ვინ იცის, სად გაიკეთა მეორე ბუდე. ვესტუმრე მეორეს — ჩავიხედე, ერთი კვერცხი გდია; ეჰ, ეს არაფერია, ვიფიქრე, გავცდე, სხვაგან ვნახო! არა, მითხრა მუცელმა, ეგ ერთი აქ შეჭამე და მერე სხვაგან წადი.

ჩავხტი ბუდეში და ვსტაცე ნისკარტი კვერცხსა. დახე ჩემს სისულელეს, აქეთ-იქითაც არ ვიხედები.

ეს უნდა ამოვსულიყავი ბუდიდან, რომ ჩემს თავზე საშინელი გაბმტლი ქახჭახი მომესმა და ერთი ყვითელნისკარტიანი შაშვი დამეტა-

კა. მკრა კლანჭები და ჩამინისკარტა. ცოტა არ იყოს შევეკრთი. ვე-
ლარც გაფრენა მოვახერხე, ვერც კვერცხი დავაგდე. არ მინდოდა
ხელცარიელს წასვლა და შაშიც მკენკავდა. ბოლოს როგორც იყო
გონს მოველ. ამოვხტი და მოვცხრილე ხმაამოუღებლივ. მომდევს
უკან შაში, ჭყივის, ჭახჭახებს, მსკერტავს და მკენკავს. ხან შინ-
დებში შევძვერ, ხან ჩირგვებში შევიმალე, მაგრამ არ მეხსნება, მომ-
დევს უკან, ვუვლით ირგვლივ ტყეებსა. არ ჩამომეხსნა და არა. რო
ველარაფერი გავაწყე, ისევ ბუდისკენ მოვკურცხლე. გავეჩანე და
ფხაჭა მოვილე. კვერცხი ბუდეში ჩავაგდე, ნისკარტი გავაღე და
მხრებგაშლით შევუტიე ურცხვ შაშესა. სიკეთე მოგეცესთ, მაშინ
კი იკადრა უკან დადგომა; იტრიალა, იტრიალა, ხან იქით დაჯდა,
ხან აქეთ; რაკი ველარ წამართვა კვერცხი, გასწია ჭახჭახით ტყისკენ.

ვიჩქე ბუდეში და ყურს ვუგდებდი. რალა დავმალო, კვერცხი
აღარც კი მახსოვდა. ამ ერთმა შაშემმა როგორ შემაშინა-მეთქი, ვჯავ-
რობდი. ვუგდებ ყურს და ერთი გასტვენ-გამოსტვენა, ჩხივილ-წრი-
პინი მოისმის; ხის ფოთლებში ხრიალ-ფრთხილი დგას. რას ვიფიქ-
რებ, რა იქნება, რამდენი იმისთანა შემიჭამია, გაუგიათ კიდეც, მაგ-
რამ შაშეს ჩემთვის ყურებზე ხახვიც ვერ დაუჭრია. ეხლა რალა ნის-
კარტს მომტეხენ-მეთქი. რალაც ამბავი კი უნდა იყოს-მეთქი, ვამბობ.
ისეთი ხმაურობა იღვა, გეგონებოდა, ტყეს სულ ნისკარტები გამოსხ-
მია და ჩემზე მოდისო. შევხელო, თავზე ერთმა შაშემმა გადამიარა
და იქვე ახლოს დაჯდა. ამას მეორე მოჰყვა, მეორეს — მესამე, მესა-
მეს — მეოთხე, მეხუთე, მეექვსე, მეშვიდე, მერვე, მეცხრე და ვინ
მოსთვლის. აივსო მიდამო შაშეებითა; შავად დაიბარდნა მუხები და
შინდები. ტევა აღარ არის. შავმტევენებით ახუნძლიან.

— ერიპაა, — როგორღაც საწყინარმა მხარმა მითხრა, — თუ თავს
არ ვუშველე, ცუდად არის ჩემი საქმე; გული შემეხუთა, ვალებუ-
ლი ნისკარტი ჩამომვარდა, კლანჭები დამიდუნდა, კისერზე ბუმბუ-
ლი ამეშალა. შაშეებმა ცოტა ხანს ილაპარაკეს რალაც, მერმე ერთბა-
შად აიშალნენ და დამეხსნენ თავსა; დამიწყეს გლეჯა, წეწა და ფლე-
თა. ვუძლე, ვუძლე და ველარ გავუძლე, ამოვძვერ ბუდიდან და და-
ვეშვი დაბლა, გავკეარ მიწის პირსა. გავძვერ და გამოვძვერ ხეებში.
მომდევს ამოდენა შაშვის გუნდი, მგლეჯენ, მცემენ, ჩემი ბუმბული
აქა-იქ ხეებსა და ბალახებში მოიფინა. მდიეს, სანამ არ დაბნელდა,

სანამ თვითონაც არ დაიღალნენ, მერე ჩამომეხსნენ. იქ რალა დამაყენებდა, ავდექ და აქ გადმოვსახლდი. სადღაა აქ ის ცხოვრება, გავლარობდი, გავლატაკდი, გავხდი, სულ ძვლები მიჩანს. სადღაა წინანდელი პირის პატივი. კვერცხებს ვინ იტყვის, ხილიც კი დამენატრა. სად აღუბალსა ვჭამდი, სად ბალსა და ყოლსა. ახლა ბალახის თესლით უნდა ვირჩინო თავი და კალია-ჭიებითა. მერე ბუდეც ასე დაბლა მაქვს. ყველასი მეშინიან. შენ კი დაგიძმობილდი და იმედო მაქვს მელიები შენის შიშით ვერას გამიბედავენ.

მ ა რ ხ უ ლ ი

ჩხიკემა ბევრი სხვა რამე ილაპარაკა, მაგრამ ჩვენ აქ ყველას ვერ დავწერთ, ბევრი მოვა, „ჯეჯილში“ არც კი დაეტევა, ამხანად ესეც: კმარა იმის გასაცნობად. ხოლო ამ ლაპარაკში კარგა რამე გავიდა, მელიას მოჰშივდა. ჩხიკესაც კვერცხები გაუცივდებოდა.

— ლამე მშვიდობისა, მეზობლებო, თუ ბუდეს არ მივხედე, კვერცხები გამიცივდება, უნდა წავიდე. თქვენც მოგშიოდათ, მგონი უნდა ინადიროთ, — წამოდგა წასასვლელად ჩხიკვი.

— რას მიეშურები, შე კაი კაცო, მოგებზრდით, თუ რა არის? პატარას კიდევ ილაპარაკებდი, მაგისტანა ენაწყლიანი ყოფილხარ. ვინძლო არ დაგვივიწყო და მარტო ამ ამბავს არ დაგვაჯერო, — მიაძახა მელიამ.

— ძილი ნებისა, ბოლოჭრელო! გიშველოს ღმერთმა, რომ მაგრეუ შეგვაქციე, — უმაღლებდა მაჩვი.

— რას გაცქერისხარ, მელიავ, ჩხიკვის კვალსა, წავიდე, ვივანშ-მოთ, მსუქანი თეროები¹ ვიცი, გემრიელად შევექცეთ.

მელია ჩხიკეს უთვალთვალებდა, თვალი არ მოაშორა, სანამ არ დაინახა, სადაც ჩხიკვი შეძვრა.

— ჰო, ძალიან პატიოსანი, — თქვა მელამ, — დახე მაგ ეშმაკს, როგორ ეკლებში გაუქეთებია ბუდე. მაგ კუნელს კი ადვილად დავიბ-სომებ.

მაჩვმა და მელიამ ვახშმის მისართმევედ გასწიეს.

ჩაუარეს ხნულის პირებს. მაჩვი მადიანად შეექცეოდა მრავალ-

¹ თერო ერთნაირი მცენარეა, კარტოფილივით. ძირით. აქვს ტაბილგემოსი.

ძარღვასა და ყინტორას¹. ფეხებითა თხრიდა, კბილებით ამოკვნეტდა ზოლმე. მელიაც თან დასდევდა.

— მიირთვი რამე, ქალო, მადას ნუ დამიკარგავ; შეექეც, აპა, ეს თერო მიირთვი, — თავაზობს მაჩვი.

გამოართვა მელიამ, აზიზად მოსჭიდა პირი, მოუჭირა კბილები, ორად თუ სამად გაკენიტა და ისევ გადმოყარა.

— ფუი, ფუი, გაურეცხავი რო არა ვქამო, რა ძალა მადგია!

— შენ სულ მშიერი დარჩები, ჩემო დობილო; ახლა გასარეცხად სად უნდა ირბინო?

კარგა ხანს ისმოდა მაჩვის კბილების ხრამა-ხრუმში, მელია სხვა ფიქრებში იყო.

— ვერ გაძეხი? წამო, დავიძინოთ, მაჩვო, ცოტა როგორღაც გუნება შემეკრა.

მაჩვი კარგად გამოძლა და მელიას რაღას აწყენინებდა.

— წამოდი და დავიძინოთ, მაგრამ შენ რომ მშიერი დარჩი!

— რა უშავს, ერთი ღამის სიმშლილი მუცელს არ გამიხვრეტს.

შამლის ყივილი მოტანებული იქნებოდა, როცა მელია და მაჩვი ბინაზედ მივიდნენ. მაჩვი სოროში შეძვრა.

— მელიავ, თუ გინდა, შენც სოროში შემოძვერ, არხეინად დავიძინოთ.

— არა, ნათლიდედ, ცოტა სიცხე მომცა, თუ ნიავე არ წამოვწექ ვერ გავძლებ. შენ არხეინად დაიძინე, მეც მოვახერხებ როგორც იქნება.

მელია სოროს პირზე მწვანეზე წამოგორდა, თან ყური მაჩვისკენა ჰქონდა; დროდადრო სოროს ადებდა ყურსა; დაეძინა თუ ისევა ბორგავსო. მელიამ ორჯელ ჰკითხა კიდეც: გძინავს, თუ გლვიძავსო. „მღვიძავსო“ — უპასუხებდა მაჩვი.

— რატომ არ გეძინება, ქალო, ხომ არ გცხელა მა სოროში.

— ჰო, ცოტა ვერ მოვისვენე, რწყილებმა შემაწუხეს.

ცოტა ხნის შემდეგ მელიას ხვრინი შემოესმა სოროდან.

ზის მელია, მუცელი სიმშლით წიწკნის.

— ის ჩხიკვი ახლა ბუდეში იჯდება, — ამბობს მელია, — მაგრამ

¹ ყინტორა თეროსა ჰგავს, მხოლოდ უფრო ტბილია.

რა უშავს, თვითონ იმასაც ბუდეში დავიკერ, ჩემს ბუდეს როგორ მო-
უხდება იმისი მხრები. ნეტა ამ მაჩვენს სძინავს? რომ გაიგოს გამომიდ-
გება; არ გამიშვებს. ისე უნდა მოვახერხო, რომ არც ჩხიკვა გაიგოს
და არც მაჩვმა.

ჩხიკვა რომ გაიგოს, მშიერიც დავრჩები და შევრცხვები კიდევ-
რომ შევჭამო კი მუცელში ვერაფერს იფიქრებს. ახლა კი იტყვიან,
აი, როგორი დაუნდობელი და გაუტანელი ყოფილა, ერთი დღეც ვერ
დაგვინდოვო. დავანებო თავი და ისევ კალიებს ჩავუარო?! მუცელი
კი ამოიყოროს და რას დავდევ.—აქ მელიას ხორცის გემო გაახსენდა,
რამდენი დღეა ფრინველის ხორცი არ უჭამია, დაენატრა.

— მაჭამე, მაჭამე, — წიწკნიდა მუცელი.

ადგა ნელ-ნელა მელია, თითის ფრჩხილებზე წაფოფხდა, სანამ
კუნელთან მივიდოდა, ოცჯერ დაწვა და ადგა. ბოლოს როგორც იყო
მიადწია, შედგა. სული მოიბრუნა, ჰაერი ხარბად შეისუნთქა, დაისვენ-
ა, რომ დადლილობას არ გაეცა და ხმამაღლა არ დაეწყო სუნთქვა.
შეძვრა კუნელში და შეიხედა მალლა.

— ოჰ, ღმერთო, ბუდე რა ახლოა, ზედ თავზე არის, ჩხიკვიც
შიგა ზის. აბა, მელიავ, ეხლა შენ იცი, როგორც ყოჩაღად მოიქცევა.
ერთი გაბედე და ჩხიკვი შენია თავის ბუდიანად. ეგ ქურდი შაშვის-
კვერცხებს რო ჭამდა, ახლა მე შევჭამო მაგისი კვერცხები!

ააპარა მელიამ ჯერ ერთი ფეხი, უნდოდა ბუდე ერთის ხელით
(თათით) ჩამოედო, მაგრამ ბუდე მალლა აღმოჩნდა.

— არა, თუ უკანა ფეხებზე არ შევდეგ და ორივე ხელი არ ავ-
ყავ, ერთი ხელით ვერაფერს გავარიგებ. — ამ დროს მელიას კუნ-
ელში ერთი საჩეჩლის კბილივით ეკალი შეერჭო. მელიას ძალიან
ემწვავა: როგორც იყო მოათმინა, ხმა არ ამოიღო. სიმწარით კი ხე-
ლები ძირს ჩამოუშვა.

— არა, თუ უცებ პირი არა ვტაცე, შეიძლება ხელიდან გამის-
ხლტეს. — მელიამ აპყო ცხვირი მალლა; აქ რამდენიმე ეკალი შიგ-
რბილ ცხვირში შეერჭო. მელიამ სიმწვავით კინალამ დაიყვირა.

მელიას ცხვირზე სისხლი ჩამოსდის, გულს მაინც არ იტენს.
„ვისაც თევზი უნდაო, ფეხიც სველი უნდაო“. გაუჭირებლად რა
მომივა! მერე ჩხიკვის ხორცი მამირჩენს, ფიქრი არ არის.

ბევრს ეცადა მელია, ძვრა ჯაგში, ეკლებსაგან სულ გაიკაწრა, გული მოუვიდა, როგორ თუ ამდენი იკაწრება და წყეული ჩხიკვი კი აქამდე ხელში ვერ იგდო.

— ერთი უცებ უნდა შევხბე და რაც იყო, იყო!

შეხბა მელია რაც ძალი და ღონე ჰქონდა. ამ დროს ჩხიკვიმაც დაიფრთხილა და გაფრინდა. მელა კი ბურთივით ეკლებზე შედგა, თვალში ეკალი ეძგერა და სიმწვავისაგან ისეთი დაიყვირა, რომ სოროში მაჩვს გამოელვია. გამოვარდა მაჩვი და მაშინვე ჩხიკვი ბუდისკენ გასწია. ხედავს მელია მატყლივით ეკლებში დარჩენილა.

— ფუი, შეგიტყვევებ ნამუსი, უსირცხოვ, არა გრცხვენინან, აბა რა საქნელია, — მიიძახა გულმოსულმა მაჩვმა; — ახია შენზე, რომ არ ჩამოგიყვანო და ძალებმა გამოგწიწკნონ.

— მიშველე, მიშველე, — ყვიროდა მელა.

მაჩვმა უშველა. როგორც იყო გასისხლიანებული მელა ჩამოიყვანა.

— კიდევ იქურდებ? ხო ნახე, რო ღმერთი ქურდს არ შეარჩენს.

— რას მიბრძანებ, ნათლიდედ, შენს გახარებას, შენმა მზემა და ჩემი შვილების დღეგრძელობამ, მე თავვს გამოვეკიდე, იმას შევყევეთორემ აბა შენგან არ მიკვირს, იქ რა მიმიყვანდა მერე ნაცნობისა და მეგობრის ბუდესთან.

— მაშ, მალლა რაღა გინდოდა, ეკლებში რო გაჩხერილხარ?

— ეკლები შემერტო, სიმწვავეთ შევხბი, ჩემი თავი მინდობზე მეგონა, რაკი ბნელოდა, ვერაფერი გავიგე და აქ კი გავები!..

სკინდისის მხილვა

— ეს ვერაფერი ნადირობა მომივიდა, როგორ შევტყვევებ და თავი მომეჭრა, ფუ! — მოდიოდა მელია გზაზე თავჩალუნული, მოსაუბრობდა და თან იფურთხებოდა. — ამისთანა დარბაისელი, მიღებული კაცი შევტყვევებ, გავწბილდი. რაღად ვარგა მელია, რაღა ხმის გასაცემია. ლამის ბეწვები გაცვივდეს სირცხვილითა. აბა ამ ტიტველა მუცელმა რა მიყო, ამიტომ არის ნათქვამი: „მძიმედ იყავ, წონაში მეტი მოხვიდეო“. მე კი ასე გავიმსუბუქე თავი. რა გინდა შენ, ჩემო თავო, ეშმაკს შეუტყამია, ვინ მოატყუებს შეჩვენებულ ჯათარსა. ახლა ხომ მაჩვსაც ვეღარ დავენახებები, რა თვალთ უნდა შევხბე-

დღე. — ძალიან ფიქრში იყო მელია. სირცხვილით ოფლი წურწურით ჩამოდიოდა.

— ეჰ, რაც იყოს, იყოს. „გატეხით გამაგრებითა ხმალმა ბედენად არ გაჭრა, გატეხილისა ვაჟისა ყორანმა ლეში არ ჰამაო“, ფიქრი არ არის, — იმაგრებს გულს მელია. — ჰირსა არ უნდა გატეხა, თუ კაცი გონიერია. წაეა და ყველგან დარჩება, ქვეყანა ღონიერია. რაო, არ დამიტევს ტყე და მინდორი თუ? მე თუ ასე დარღს მივეც თავი, ნეტავი ჩემს ცოლ-შვილს, რაღა უჭირს! ძალიან შევეპუები ვიღაც მაჩესა და ბოლოჭრელს ქურდ-ბაცაცა, სხვისა კვერცხების ჰამია ჩხიკვსა! მეხი კი დავათხლიშე იმ ქურდს თავზე! იმისგან მე დავიციანები! შვილები არ დამეხოცება, იმის ხორცი არც კი იჭმება. რომ ჰამდნენ მაგის ხორცს, მონადირეები რას გაუშვებდნენ, აჰამდღე მაგრე არხეინად კი ვერ ივლიდა. ვინ შეჰჰამს მაგისა, კაჰკაჰისა და ყვავის ხორცს? უკაცრაული ჰართულია, კატაც კი არა კადრულობს, რო სადმე ნახოს. ახლა თავის მოწონება ნახე და! რა ოხრებია, შიშველა ფეხით მიწაზე არ გაივლის, გლახა ამპარტავანია! — მელია იმართლებდა თავს, ცდილობდა გასამართლებელი სარჩული დაედო თავის საქციელისთვის, მაგრამ ძალიან ცხოვლად ახსოვდა ეკლებში გაბმა და წუხანდელი მარცხი.

— ვინ იცის, იქნება დაიჭერეს კიდევ იმათ, რომ მე უცაბელი მომივიდა და იმიტომ გავები ეკლებში. ჩხიკვისთვის ხომ კბილი არ წამივილია, რომ პირში ბურთი ჩამჩაროს, შენ უეჭველად ჩემი შეჰჰამა გინდოდაო? მაჩეს მე თვითონ დავაჭერებ ჩემს სიმართლეში.

ჩხიკვი ბუღეში

ჩხიკვი კი სულ სხვანაირად ფიქრობდა. იმან კარგად იცოდა მელიას რაცა ნებავდა, შიშით ახლაც გული უკანკალებდა, მაგრამ ჯავრის ამოყრა უნდოდა თუ არა? „თუ მაგ მელიას ჩემი დაწიოკება შევეარჩინე, რაღა კაცი ვიქნები, ყველა ზედ შემდგება მერე უფრო; პირდაპირ შებმა კი არ იქნება, ხელდახელ რომ შევებრძოლო, ვერ მოვერევი, ვაი, თუ გამბდღვნას და მერე უფრო დავზარაღდე. ტყუილად არ უთქვამთ: „ჰკუამ მოჰამა ქვეყანა, ვერ ხმალმა ამოღებულმაო“. ისევ ეშმაკობით მოვექცე, ისა სჯობია, არ შევატყობინებ, თუ ვიცი რამე, სიტყვას გადავუკრავ, ვითომ ეჭვი სრულებით არა მაქვს

მელაზე, დაიჭერებს ის უბედურიც. მერე თვითონ მოვახერხებ რაც უნდა“.

ჩხიკვი ასე ფიქრობდა და ბუდეს არა შორდებოდა, მელიის მოსვლისა აღარ ეშინოდა, სხვისა კი აღარავისი ფიქრი არა ჰქონდა. ან კი ბუდეს თავს როგორ დაანებებდა. — „უნდა დავაჩქარო ბარტყების გამოჩეკა, სანამ საზრდო უხვია, დავზრდი, დავაფრენ და მერე სადაც მინდა წავალ, ახლა სისულელე იქნება ჩემგან ბუდის თავის დანებება“.

ზის ჩხიკვი არხეინად, იქექება და აქეთ-იქით იხედება, ხან ქვეშ იყოფს ნისკარტს და ურევს კვერცხებს. თუ ცაში არაფერი ჩანს, დედამიწაზედ არავინ დადის, ფეხის ხმა და ფრთის შრიალი არ ისმის, ჩხიკვიც მოსვენებით, ამაყად ზის, არწივივით ყელმოღერებული. თუ ცაში ქორი ტრიალებს, ძერა ქარს ყლაპავს, ან შევარდენი კივის და ან არწივის ყეფა დააწყდა, მაშინ კი... ნულარა ნახავთ ჩხიკვსა. ღმერთმანი საჭირო არ არი. აბა, რად გინდათ, რომ ახლა დაინახოთ. ჭერ სულ შიშით ქრება, ბუდეს ფარატინივით ეკერის, თავს მხარზე იჭუჭკავს და ცალი თვალით ცასა ხვრეტს. რად გინდათ, რომ უფრო შეარცხვინოთ!

თუ სადმე ახლო-მახლო მიწაზე ფეხის ხმა მოესმა, მაშინაც სულ სხვანაირად იცვლის ნირს. წამოდგება ბუდეში, გადმოყოფს თავს და დაშტერებული უცქერის, ვინ მოდისო. თუ ან ძროხაა, ან კამეჩი, ან ცხვარი, ან მაჩვი, იმისთანა ვინმე, ვისაც ხეზე ასულა არ შეუძლია, ფრენა არ იცის და თოფისა და ქვის სროლის არა გაეგება რა, ჭათარა გულღამშვიდებით უცქერის, თვალს ადევნებს იმათ მოქმედებას, ხან კიდევ იცინის, თუ სასაცილო რამე დაინახა; ზოგჯერ შეებაასება კიდევ, გამოელაპარაკება დარბაისლური კილოთი. თუ თავვია და ფოთლების შრიალით ჩხიკვს მყუდროება დაურღვია, მაშინ ნახეთ, გადმოუხტება და თუ დაეწია, მგონი, ველარავინ ველარ გააგდებინოს, სკერტავს და ურახუნებს საბრალო გოგრაში. მაგრამ თუ თვალი მოკრა, რომ თოფიანი ბიჭი სადმე გადმოხტა და თოფი გადმოატრიალა, ისეთი ჩხივილით მოკურცხლავს, გულგახეთქილი, ბურძგლაშლილი, რომ ვისაც ის წინათ გინახიათ, ახლა სიცილით მუცელი გაგისკდებათ. სად მირბი გმირო? სად მირბი, სად დაგრჩა შენი გმირობა?!

ჩხიკვმა ბოლომდის არ უღალატა თავის ბუდეს. გულიც გაიმაგრა,

თვითონაც იჭდა მაგრა, გამოჩეკა სამი-ოთხი გინგლიანი ბარტყი, დაზარდა და დააფრინა. რაკი ბარტყები თავიდან მოიშორა, თავისუფლად ამოისუნთქა. ახლა რალა უჭირს, სადაც დაულამდება, იქ გააფთნებს, სადაც ერლო მალალია, ეს იმისი მაყარია. ახლა ბუდეც აღარ აღარდებს, ჩხირებს ზომ ვერავინ შექამს და შიგ კი არაფერია.

— ის ოხერი მელია რატომ აღარ გაჩნდა, მაჩვო, რად შემომწყურა, ნეტა რცხვენია, თუ ეშინია? ამას ჰგონია, რაკი აქ აღარ მოდის, იმით დამავიწყდება იმისი საქმე. კაი ძმობილი არ მიშოვე! კაი მეგობრობას კი გამიწვედა, რომ კბილებში ჩავარდნილვიყავ.

ნ ა ღ ი რ ო ზ ა

შემოდგომაა. წვრილი ცივი წვიმა, თითქოს საცერში ცრიანო, ისე ეჩხელავს. მინდვრის მცხოვრებლებს ძვლები უკანკალებს. გაუვალი ტალახი საქმეს აჭირვებს. ზაფხულის სტუმრები სულ მიმალულ-მომალულან, აღარავინა ჩანს. დაცალიერდა მინდორი, დაცალიერდა მელიას მუცელიც. სამი დღეა არაფერი უჭამია; შიმშილით ფერი დფრდზე მიეხრაკა.

ნეტა იმდენი მწერები სად ჯანაბას წავიდნენ. რა ცოდვა გაუდიდდათ, ნეტავი ერთი კალია მაინც იჭდეს სადმე, რომ თვალით მაინც დაინახოს.

თავზე რომ ფრინველები გადავლებოდნენ, მელია სულ ქრებოდა სიმსუნავით. — „ახ, შე ოხერო მამალო, მაგრე შორს რო ყივი, პატარა ახლოს მაინც იყო“.

ქარი სოფლის მხრიდან მოჰქროდა და გარკვევით ისმოდა მამლის გაგრძელებული „ყიყლიყოო“, თითქოს მელიას მადას დასცინისო.

შეხედე ამ მინდორს! მარტო მელია დაბრძანდება. რალა ამას ერგება ხოლმე მარტოკა მინდორში თრევა, ერთი ხმის გამცემი არავინ არის. რა გუნებაზე უნდა იყოს, ცალკე მუცელი შემოტირის, ცალკე ქოშები რჩება ვერანა ტალახში. ხან ერთი ჩარჩება ტალახში, ხან მეორე. ამოიღებს ფეხს, გაიქნევს, გაიბერტყს. მოაშორებს ტალახს, ახლა მეორე ესვრება.

— უჰ, რა ცუდი ამინდია! დალახვრა ცხრა წმინდა გიორგიმ! მშვიერი მაინც არ ვიყო, ტალახს ვინ იჩივლებს, არც ქურქი მაქვს მშრალი, ლამის საყელო გამიფუჭდეს. ტყავი სიცივით სულ ძვლებზე

მიმეკრა. მაძლარს რო გულიც მხიარული მაქვს და სისხლიც ადუღებული! გუნებაზედაც მაშინ ვარ, როცა ცხვირზე იხვ-წეროებისა, ან ქათამ-ინდაურების ბუმბულები მაკრავს და კბილებში თბილი ხორცის ნაგლეჯები მჩრია. ახლა რა უნდა ვქნა მშვიერმა? კაქკაქმა რო გაბედოს და შემებას, ისიც კი შემქვამს. აბა, რა ვქნა? თავზე მტირალი ცრემლნამიანი ცა, ძირს შიშველ-ტიტველი ტალახიანი მინდორი, ზედ მშვიერ-მწყურვალ მონადირე!.. ახ, ახლა!..

რა ახ? განა ერთს რასმე ნატრობს მელია? ყველა საჭმელზე მუშტის ტოლა ნერწყვი მოსდის.

წარმოიდგინეთ კალიებიც კი ინატრა, კალიები, აბა! ვაი ჩვენს გაჭირვებას, მაშ, არ ინატრებს? ინატრა და ორი და ხამი? სულაც არა, — კარგა ბარაქიანად ინატრა, — მთელი ერთი წამოსაკიდი გოდორი.

არც არჩევანში შესულა: კუტი, მხრიანი, შავი ზტუნია, ყველა იქ მოაქცია, ყველას მადიანად გაიხლებოდათ, რომ სადმე იყოს.

მოდის მელია, ჩირგვებში იხედება, ქვების ქვეშა ყოფს ცხვირს, თავის სოროებს თხრის.

— ყველანი არ დაკარგულან! თითქოს ხორველობა იყოს, ან მტერს აეოხროს! — მინდორი კი ღმერთმა დაიფაროს, მაგრამ მელიის მუცელში კი შიშვილის უშველებელი ლაშქარი დათარეშობდა.

მელიამ ლიებს გადაუარა, საღაც წინათ იხვები ენახა, ახლაც იქვე ეგულებოდა. მიიპარება მელია, მიიპარება მუცელზე, ლიის პირამდე მიცოცდა, ფრთხილად შედგა და გადიხედა. გადასაფრენადაც ემზადებოდა. ფუქ! არსად იხვები. ერთი ბაყაყიც არსად იფშიკებოდა.

— ფუი, ფუ! — იფურთხება მელია.

ამ დროს თვალი მოჰკრა, ჯაგებში რალაც გაძვრა.

— რა უნდა იყოს? ნეტავი ვინ იქნება?! თუ ყურგრძელი და ყურბრტყელი კურღლეღია, საამური მგზავრი მეყოლება. — მელია დააშტერდა იმ ადგილს, იქნება მართლა საკბილო იყვეს რამეო, მაგრამ იქ ველარავინ შენიშნა.

გამობრუნდა მელია გაწუწული.

ახლა ჩალიან რუებს შეყვა. აქაც გაღმითა ნაპირზე თითქოს გაფრინდა რალაცაო, ისე მოეჩვენა.

— თუ იხვი იყო?

— არა, აფრენაში მხრებს გაატკაცუნებდა.

— წერო თუ იყო?

— არც მაგრე პატარა გამოჩნდებოდა.

— თუ ბატი იყო?

— არა, ყიყინით გაფრინდებოდა.

არა, სხეას გავდა რაღაცას. ჰრელად მოეჩვენა, თითქოს ენახა წინათ საღდაც, აგონდებოდა მელიას და ველარ მოეგონა. ბოლო კი ჰრელი უჩანდა.

— ეჰ, რაც უნდა იყოს, ჯანი გავარდეს, საჩემოდ არავინ გახდებდა, ჩემო ძამია, საღაც უნდა წავიდეს, ყველა თავის გზას მისდევს.

შეყვა მელია ნელ-ნელა ჰაობიან რუსა...

ოჰ, შენ გენაცვალე, ბედო!

ღმერთო, შენ მიეც მოთმინება მელიასა, რომ სიხარულით არ შეხტეს.

რამდენი კაჩაგრძელი წეროა რუს პირზე, ღმერთო მაღალო!

ზოგს ბოლოები ჩამოუშვია, თითქოს ურემი დაბოლოვებულაო, კისერი ჩაუკეცია და კინწი მოწყვეტია, იმათ უეჭველად ძინავთ. რუსის დაშნებივით რო ნისკარტები ჩინჩახვზე დაუკიდიათ, ზოგი, ყვითელ შალვარიანი გენერალივით, არხეინად დაბრძანდება ჰაობებში, აქა-იქ ტალახიდან აძრობს რაღაცას და გემრიელად მიირთმევს.

— მეც რატომ ვერა ვპოულობ, რასა ჰამენ ეგ ვერნები, — ფიქრობს მელია, — ზოგსაც თავები აუღიათ მაღლა, კისრები აუძაგრიათ და ყარაულივით იქით-აქეთ იცქირებიან.

— ეგენი დარაჯებია ნამდვილად, — იფიქრა მელიამ, — არა, ახლა საქმე და ბიჭობა! თუ ახლაც ვერ ვინადირე, მშვიერი მოვკვდები.

შიშითა და სიხარულით მელიას სული შეეხუთა, გულმა და მუხლებმა კანკალი დაუწყეს. გული ისე უცემდა, რომ მელიას კიდევ შეეშინდა, იმათაც არ გაიგონ გულის ბაგა-ბუვიო.

შედგა, გაწვა მიწაზე, პატარა სული მოიქცია, გული დაიმშვიდა, მერე ნელ-ნელა იწყო ადგომა.

დარაჯმა წეროებმა თითქოს შენიშნეს ეს რაღაც საშიში მოძრაობაო. შეძრწუნებული ჩმაურობა გააბეს. ერთმა კიდევ წამოიყვირა „ყარუნტ!“

ამ ხმაზე ვისაც ეძინა, იმათაც თვალები ჰყიტეს.

მელია არ შეშინდა, თავისი კული მალა აიშვირა და წვერი მოუხარა, როგორც წეროს თავი და გაემართა წეროებისკენ.

წეროები დაკვირვებით შეცქეროდნენ ამ ახლად მომავალ წეროსა, მაგრამ მალე მოწყინდათ იმისი ცქერა, ძალიან საკვირველი არაფერი იყო, მხოლოდ ფერი ჰქონდა სხვანაირი, როგორღაც ხმას არ იღებდა. იქნება მებაყაყიაც იყოსო, იფიქრეს და ძილს მისცეს თავი, მხოლოდ ერთმა იკითხა, რად გაგვალვიძეთო.

— რა იყო, რაზე დაგვაფეთიანეთ. რა მოხდა, რომ გაგვალვიძეთ და აღარ მოისვენეთ?! — შეეკითხა მრისხანე კილოთი ერთი მალალი და კოხტა წერო ყარაულს.

— არაფერი, თქვენო უდიდებულესობავ, — უპასუხა დარბაისლურად დარაჯმა, — აგერ იმ შორს დარჩენილმა წერომ დამაფიქრა.

— მაგისთანა უბრალო საქმისთვის კვლავ ჩემი გალვიძება აღარ ინებო, — უბრძანა ქუსლმალალმა წერომ.

კილოზე ეტყობოდა, რომ წეროების მეფე იყო.

მელია ცდილობდა, რაც შეეძლო წეროს დამსგავსებოდა ქცევაში და მიმოხრაში.

ვითომ წერო ვარო და ვკენკავო, მელია ხან ასწევდა კუდსა და ხან დასწევდა. კუდის წვერს წყალში ყოფდა, რომ ექვი არ აეღოთ. ზოგჯერ ერთს ადგილას კარგა ხანს ჩერდებოდა და უქნევდა კუდს ნისკარტივით ჰაობსა, ვითომდა ბევრი საქმელი ვიპოვნე და ვჰამო. იქნება ღმერთი გაუწყრეს და ერთ-ერთი დარაჯიც გაბრიყვდეს და მომეშველოსო. მართლაც ეს გარემოება ყარაულებს შეუნიშნავი არ დარჩათ.

— ახ, ერთი ახლოს იყვეს, მივეშველო, — ფიქრობს ერთი წერო, — იქ იმან ბლომად იშოვა რაღაცა და ლამის გაძღეს. მე ყარაულობაში მუცელი შიმშილით უნდა შემეხრუქოს, ძალიან არ დაინახვენ!

მეორე წეროც წამოყელყელავდა, სულმა წაძლია, ორიოდ ფეხიც გადმოდგა მელიასაკენ, მაგრამ პირველმა წერომ შეუტია და შეაყენა.

— შენც რომ არ წაეჩარო, ჩვენ კი ველარ მოვერევიტ? ხომ ხედავ, რომ მეც იქ მივდივარ, რა არის შენი სიმსუნაგე, მუცელი შენს

ქვევით არის, შენს ზევით ხომ არ არის. ყარაული ხარ, შენს ადგილზე უნდა იდგე, თვალი ფხიზლად გეკვიროს, არაფერი მოგვეპაროს.

მიდის წერო თანაბარი ნაბიჯით მელიასაკენ. ჯოხივით ფეხებს მოუხრელად ხან ერთს აიღებს და ჩააყუდებს ქაობში, ხან მეორეს. უახლოვდება მელიასა. მელია სიამოვნებისაგან კინალამ შექარივით გადნა. წეროს სულის ქცევა თითქოს ესმის, იმის თბილი ამონასუნთქი ცხვირში შედის. შექარისა რო ყოფილიყო მელია, უეჭველად გადნებოდა, მაგრამ რაკი ხორციელი იყო, უტკივარი და უვნები, იმიტომ გადაარჩა ეშმაკის მანქანებმა.

— ერთი წერო თუნდა ორ დღეს მეყოფა, არ შეინახება თუ? ღმერთმანი, წახდება თუ ამ შემოდგომის სიცივეში? ნეტავი ერთი ათიოდე წერო მომცა, მუუუუად ჩავდო და მერე წახდეს! — ფიქრობდა მელია.

ეპ, წუთისოფელო, ცრუო და ორპირო, აბა, ნატვრა ვის ახდენია, მელიას ახდენოდა.

ამ დროს... ჩხს, ჩხს, ჩხს! — მოესმა გარკვევით მელიას.

— ფუი, დასწყევლოს ღმერთმა, ეს ჩხიკვი საიდან გაჩნდა! შენი ფეხიც გამხმარა და აქ ამ დროს არ გაჩენილიყავ! — მოწყდა წელი მელიასა, — მოგტყდა ფეხი, მოგტყდა მხარი, — კენესოდა მელია.

ჩხხხხ, გააბა ჩხიკვმა წეროების თავზე და შიგ მელიის ცხვირწინ მაღლობ გორაკზე შემოჯდა.

წეროებს ყველას გაეღვიძათ და წამოიყაყვენენ.

მელია მუხლებში ჩაიკეცა.

— გამარჯვება, მელიავ! როგორ მშვიდობითა ბრძანდებით, ძმო-ბილო, რამდენი ხანია, აღარ მინახივხარ და აღარც შენი ამბავი რამე ვიცი. რად დაგვივიწყე, შე კაი კაცო? განა მაგრე უნდა მეგობარსა? შენ ხომ იცოდი ჩვენი ბინა? იცოდი, რომ ჩვენ ადგილობრივა ვართ, მოხვიდოდი, დაგვხედავდი ერთხელ მაინც. ჩვენ კი ვერ დაგვემღურებდი, ღვთის მადლით, უნახაობას. შენი ბინა არ ვიცოდი. და აბა საიდან განახავდი. ახლაც უკებ შეგხვდი, შემთხვევით დაგინახე, თორემ, თავი არ მომიკვდება, ეს ერთი თვეა გეძებ. რაც ბარტყები დავაფრინე, სულ შენს გზაზედა ვდგევარ. კაი ენაწყლიანი რამა ხარ

შე კუდიანო და ვწუხდი შენი გულისთვის. მთელი ქვეყანა შემოვი-
არე, ვერსად შეგხვდი, გავჯერდი, გავჯერდი. მერე არ ვიცი, რამ მო-
მაფიქრა, აქეთ წამოველ. არა, რას მოვიფიქრებდი, თუ შენ ამ ქაო-
ბებში გნახავდი, მაგეთი აზიზი ბრძანდები. რას მოვიფიქრებდი... აქ
რას აკეთებ მართლა, კაცმა რომ გკითხოს. აჰა, იქნება წურბელებს
ეძებ შე ეშმაკო, დალაქობას ხომ არ აპირობ? ბლომად წურბელებ-
ში კი იქნება, ვიცი, მერე კუდსა ყოფ და სულ კუდი შეგეხორსლება.
დარბაისლურად ეკითხებოდა მშრალზე მჯდომი ჩხიკვი ქყანტში
მდგომ მელიასა.

— ახ, შენი ფეხი რო გახმეს და მოუსაველეთ წახვიდე, — ამოიკე-
ნესა მელიამ.

„მელიაო!“ გაიგონეს თუ არა წეროებმა, ერთი კი დაიყრანტა-
ლეს და ისეთი გულგახეთქილებმა მოცხრილეს, რომ უკან აღარ მო-
უხებდნიათ. იმათ კარგად იცოდნენ, მელია როგორი დალაქიცა ბრძან-
დებოდა და სისხლის გამოშვება როგორც იცის.

მელიას ენა ჩაუვარდა, ხმა ველარ ამოიღო, საწყალს კინალამ
დამბლა დაეცა.

— რა იყო, ძმობილო, გეწყინა ჩემი მოსვლა, თუ რა იყო, რო
ხმა ვერ ამოგაღებინე, — უსაყვედურა ცბიერი ღიმილით ჩხიკვმა.
თანაც კარგად იცოდა, რამაც მოწყვიტა წელი მელიასა და როგორ
ძმობილობასაც გაუწყვედა ახლავე, თუ კბილში საიდანმე ჩაუვარ-
დებოდა. — რას გეწყინა, ძმაო, შენს ბარგად ხომ არ გავხდები, ერ-
თი მუტელი მაქვს, ზედა მაქვს, საქმელი არ მინდა შენი და სასმელი.
თუ მოვსულვარ, შენს სანახავად მოველ. სხვა აქ რა მესაქმე-
ბოდა.

ეს ჩხიკვი როგორ კადნიერად და ურცხვად დამცინისო, — იფიქ-
რა მელიამ. დააცქერდა მელია ჩხიკვსა, გაუყარა თვალი თვალში, მაგ-
რამ ჩხიკვს ისეთი დაფიქრებული და დადინჯებული სახე ჰქონდა,
რომ მელიამ ზედ ვერაფერი ვერ ამოიკითხა.

— დავიჯერო, — იფიქრა მელიამ, — რომ მაგას ბუდის ამბავი და
თავის გაბიაბრუება დაავიწდა? ვინ იცის, ჭავრის ამოყრა უნდა და
მაგრე ლაქარდიანი ენით იმიტომ შექცევა. მეტი რაღა ჭავრის ამოყ-
რა უნდა, პირიდან გამომგლიჯა ერთი წერო. ათიათას ჩხიკვსა და

იმის კვერცხებს არ მერჩია ერთი წეროს ბარკალი!? მეტადლა შეიძლება კაცის დაბრიყვება!?

— ქონს ნუ მისვამ ბოლოჭრელო, ძაღლები მომიტაცებენ.— უპასუხა მელიამ გაჯავრებული კილოთი. თან ჩხიკვზე დარჩა თვალი, მაგრამ ჩხიკვს ამ სიტყვაზე ისეთი დალონებული სახე მიეღო შეურაცხყოფილისა, რომ მელიას კინაღამ შეებრაღა. — უთუოდ ეგ კეთილი გულით მეუბნება და მე კი სიავეში ვართმევო, — გაიფიქრა მელიამ.

ნასვლა ჩხიკვის ქვეყანაში

ამას შემდეგ რაც მოხდა, ეგ ცალკეა მოთხრობილი მელიას მატინეში. რადგან მე მატინეებს არა ვწერ, იმიტომ გამოვტოვე ყველა წვრილმანი გარემოება და შემთხვევა; ახლა მხოლოდ იმას გიამბობთ, რაც საყურადღებო მოხდა. საყურადღებო კი ის იყო, რომ ჩხიკვმა დააჩერა მელია, გულში არაფერი ხინჯი არა მაქვს და არც ავსავფიქრობ შენზეო. რასაკვირველია, ჩხიკვი უამბობდა მელიას თავის ქვეყნის ტკბილ-ტკბილ ამბებს. იქამდე აეგზნო მელიას ჩხიკვის ქვეყანაში წასვლის სურვილი, რომ თვითონვე აღარ აცდიდა ჩხიკვსა, სულ ჩასჩიჩინებდა, წავიდეთ, წავიდეთო. ამას კი ვიტყვი, რომ წასვლა მეორე ზაფხულამდე დაუგვიანდათ.

ბოლოს წავიდნენ.

მგზავრობა ფრიად სასიამოვნო იყო. რაც თავის დღეში არ ენახა მელიასა, ახლა ნახა, რაც თავის სიცოცხლეში არ ექამა, ახლა ჭამა. ძალიან გასუქდა მელია, ქონი თვალებზე გადმოეფარა, სიმსუქნისაგან ისე ოფლიანდებოდა, რომ შინეიც შეეპარა გულში, ვაითუ ნაოფლარზე ქარმა დამბეროს, გავცივდე და ავად გავხდეო.

მაგრამ იმის წილი ღმერთი მთელი და უტკივარი იყო.

ისე მივიდნენ ჩხიკვის ქვეყანაში, რომ ფრჩხილიც არ წამოსტკივნიათ.

აღთქმული ქვეყანა ძან ქვეყანა გამოდგა, ერთი რძე კი არ მოდიოდა რუებად და სხვა კი არაფერი აკლდათ. ვინ მოთვლის, რასა სვამდნენ და ჭამდნენ. არჩევანში შედიოდნენ, ესა ვჭამოთ, ამას ნუ ვჭამთო, ჯერ ეს ჩავახრამუნოთ, მერე ამითი ჩავიგემრიელოთ ყელიო.

ყელს იგემრიელებდნენ, მაგრამ ჩხიკვის გულში დალატმა დაიბუ-
და. რა დაიბუდა, მელიის მძულვარება ახრჩობდა, არა ჰქონდა მოს-
ვენება, თავი კი ისე ეჭირა, თითქოს დიდი მეგობარი ვარ შენი და
დიდი ერთგულიო. არ ვიცი, ღმერთმანი, მელიას სჯეროდა ჩხიკვის
ერთგულობა, თუ იმასაც გულში რამე ხინჯი ჰქონდა, თორემ მელიას
აბა რა მტრობა უნდა ჰქონოდა ჩხიკვისა?

ჩხიკვის სიკვდილი მელიას არაფერ სარგებლობას არ მოუტანდა.
აი, თვითონ თუ წასძლევედა სული და მოშიებულ პირს წაატანდა-
თორემ სხვა მტრობაზე კი შორს იყო.

სხვას კი არ მოაკვლევინებდა და თვითონ მშიერს, რომ მუცლის-
თვის პატარა მიეწოდა რამე, რა უშავდა?

ჩხიკვის საქმე კი სულ სხვა იყო. იმან იცოდა, რომ მელიას ჩხიკ-
ვის შექმა უნდოდა ოდესღაც და კიდევაც წაეტანა წესაქმელად, მაგ-
რამ ბედისწერამ დაიხსნა ჩხიკვი ამ განსაცდელისაგან და მელიის
მუცლის ხილვისაგან. იცოდა, რომ მოშივებული მელია მუდამაც შე-
ქამდა ჩხიკვსა, იცოდა ეს და ბევრჯელ გაივლებდა ხოლმე გულში.
როცა მელიას მძინარეს ნახავდა, მოდი, მოესპო ამ წუნკალის ხსენე-
ბაო, მაგრამ თვითონ მარტოკას შებმა ვერ გაებედნა, ხმალი არ
ჰქონდა და ხანჯალი, თოფი და დამბაჩა. აბა, რით უნდა მოეკლა.
გეთაყვა, ყელში ხომ ვერ წაუჭერდა. ხელდახელ მელია დასძლევედა
და დაიღუპებოდა ჩხიკვი. ბევრი რამ იფიქრა, იფიქრა და სულ ერთი
ანდაზა აგონდებოდა: „ხერხი სჯობია ღონესო, თუ კაცი მოიგო-
ნებსო!“

სოფლად ✓

— იცი, მელიავ, რა გითხრა? მე ქათმის ხორცი მომინდა, კარგა-
ხანია წიწილის ხორცი აღარ მიჭამია. იცი, სოფლად რომ ჩავითა-
რეშოთ ხოლმე, იქ ძალიან ბევრს მსუქან-მსუქან ყვერულებს და
დედლებს ვიშოვით. შიში არაფრისაა, ერთი გავებდოთ, ის გვინდა-
სხვა არაფერი... სოფლად ქათამ-ინდაური სულ ოხრად არის, საქათ-
მის კარები ღიაა, კრუნ-წიწილები კარებზე სხედან, პატრონი არავინ
არის. ძაღლები ცხვარ-ძროხასთან ჰყავთ, მგლისათვის. ჩვენ მსხვილ-

ფეხი რად გვინდა, წვრილფეხობაც გვეყოფა, თუკი კარგად მოვიქცევით.

ჩხიკვის სიტყვამ მელიას შადა აღუძრა, მაშინვე ზეზე წამოდგა, წასასვლელად მოემზადა.

— მაშ რაღას ელი, კაცო, თუკი მაგისტანა ლუკმა იცი სადმე, ამ ეკლებში რაღას მახევინებ ქურქსა, შე მამაგანათლებულო! აბა, მზადა ვარ, წავიდეთ!

— მოიცა, მელიავ, მოიცა პატარა ხანი, მზემ გადაიწიოს.

მზემაც გადაიწია. მელია და ჩხიკვი დაეშვნენ სოფლისკენ.

სოფლის ახლო რო მივიდნენ, მელია შედგა, ყური დაუგდო, ძაღლების ყეფა ხომ არ ისმისო.

ჩხიკვს კი ძაღლისა არ ეშინოდა, ხეებიდან ძირს ადვილად არ დაადგამდა ფეხსა. ჯერ ჩხიკვი დაზვერავდა, მერე მელიას შეატყობინებდა.

პირველადვე ერთს ბალში გადავიდნენ. დაუგდო მელიამ ყური. ახლო, სულ ახლო, დედლის კაკანი ისმის. მელიას გული უფანცქალებს. ერთი თვალთ მანც დაინახოს ეს მოკაკანე კვერცხისმდებელი. გადმოძვრა სიმიწლებში. წაძვრა ცერცვებში. სკუპ! დაავლო პირი დედალს, რომელმაც ერთი კი დაიჭყვილა და გაკმინდა ხმა. გადმოხტა მელია და მოძუძგა ტყისაკენ.

— კარგისაა, მელიავ? — ეუბნება ჩხიკვი.

მელიას ბევრი აღარ უსმენია, გაცდა თუ არა სოფელს, მოუარა ჩირგვებს, დაუჯდა დედალს და მიირთმევს.

— მომეშველე, ჩხიკვო, შენც. — ჩხიკვს უნდოდა მოეთმინა, მაგრამ სულმა წაძლია, დაჯდა ისიც მელიასთან. მელია კბილით გლეჯს დედალს, გაუღეჭავს ყლაპავს, ძვლებს აკნატუნებს. ჩხიკვიც ცემს ნისკარტს, მაგრამ ბუმბულის მეტი არაფერი ჩჩება ნისკარტში.

— მე ხომ დავიწვიე და რა მენადვლება, — ფიქრობს მელია, — რაც შენ ამ დედლის ხორცი შეჭამო, მე მაკლდეს, — თან გულიანად ყლაპავს.

— მოიცა შვილოსა, მეც მომივა დრო, — ფიქრობს ჩხიკვი.

ამნაირად მეორე დღეს, მესამეს, მეოთხეს, არც ერთხელ არ მოკლებიათ ქათმის ხორცი. დერეფნიდან კრუხიც წაიყვანეს, ჩხიკვმა წიწილა მოიტაცა საკუთრად... ამათი გაბედულობა იქამდინ მივიდა, რომ თვითონ საქათმეშიაც დაიწყეს შესვლა.

პატრონმა მოიკითხა ქათმები. ჯერ მეზობლებს დააბრალა, — ესენი დაიჭერდნენო. მერე ქორსა, მერე ძაღლებს, — ისინი გაიყვანდნენ საქათმიდანაო. მელია კი ავიწყდებოდა. არ იცოდა თუ მელია პარავდა, სანამ თვალი არ მოჰკრა იმის კუდსა.

— ახლა კი მე ვიცი შენი, — გაათურთხა პატრონმა, — გამობრუნდა და გამოსწია სახლში. ამას შემდეგ კარებს კეტვა დაუწყო, მაგრამ მელიამ და ჩხიკვა ძირი გამოუთხარეს საქათმესა და ახლა იქიდან იწყეს პარვა.

— ახლა კი საკმაო ზარალი მივეცი თ ამ გლეხს და კარგა აღრენილიც იქნება მელიაზე, — თქვა ჩხიკვა, — დროა საქმეს შევუდგე.

ღ ა ლ ა ტ ი

დამჯდარა დაღონებული ჩხიკვი გლეხის კარებწინ სარზე, ჩამოუშვია მხრები და ბოლო. თავ-პირი ჩამოტირის, თანაც ოხრავს.

— რას დაღონებულხარ ჯაფარ-გმირო? — ეკითხება გლეხი, — აქ რათა ზიხარ, არ გეშინიან ბავშვებმა ქვა მოგარტყან?

— იპ, გენაცვა, ნეტავი მომარტყან. მომკლან და მომასვენონ. რაც მე საცოდაობა დამადგა, რაღად მინდა სიცოცხლე, ჩემი სიკვდილი მადლიც არის.

— რა ამბავია, რა დაგმართნია, შე საცოდავო, — ეკითხება გულმტკივნეულად გლეხი.

— რაღა რა, ჩემო ძმაო, იმ წყეულმა მელიამ ამიკლო, დამღუპა, დამანელა, აი, აქ შენი საქათმე რო გააცია. უპოვნია ჩემი ბუდე, გამიტყუა მე სხვაგან, მისულა, სულ ამოუხსლექია. მიველ, პირს კატა მეცა. ბარტყებს ვინღა ჩივის, მეც კინალამ შემჭამა, უკან დამდევეს ძაღლივით შესაჭმელად. თუ შენ მიშველი რასმე, თორემ ჩემი საქმე ცუდად არის. მიშველე რამე, აგრემც ღმერთი გიცოცხლებს ცოლშვილსა. იმან დაგღუპა შენც, იმ კარამოსაქოლავმა, შენი ქათმების ბუმბულისა სამი ბალიში შეუყერია, ქალებს უნდა გაატანოს მზითევში.

— მეც ჯავრი მჭირს, ჩხიკვო, იმისი და თუ როგორმე ხელში ჩავიგდებ, მერე მე ვიცი რასაც ვუზამ.

— მე ხელში მოგცემ მელიასა და შენ იცი რასაც უზამ.

— აბა, როგორ?

— საქათმის კარი ღია გაუშვი, კედელში რო გამოხვრეტილია, ის ქვებით გამოქედე, შენც შიგ დაიმალე. მე მოვიყვან მელიას. მოუხურე კარები, დაიჭირე და მოკალ. თუ ვინიცობაა, სულზე გაიგო შენი იქ ყოფნა, მე შემოვუძღვები წინა და ისე კი არა ქნა, მეც არ დამიჭირო.

— უჰ, ცხონდა მამაშენი, ჩხიკვო, რა ჭკუიანი ყოფილხარ. თუკი მაგისტანა სიკეთეს მიზამ, დაგიჭერ კი არა, პირიქით, მრავალს დაგიმადლებ.

გ ო ლ ო

ბნელა, სოფელს ძინავს. ცნობილი გლეხის ბაღში ჩურჩული და ნელი ფოთლების ფაჩი-ფუჩი ისმის.

— სადა ხარ ბოლოჭრელო, შენ რა ეკლები შეგერჭო ფეხში, არხეინად დაფრინავ. მიჭირს მე საქმე, რომ ამდენ ეკლებში ვიკაწრები. აბა, ერთი დაზვერე, ძინავს საქათმის პატრონსა?

— მოდი, მელია, ჩქარა მოდი, ყველასა ძინავს, ფიქრი ნურაფრისა გაქვს, დაბლა კი ილაპარაკე, სიფრთხილეს თავი არა ტკივა.

— ვინ იცის, დაკეტეს საქათმის კარი, საწყინარი მხარი მეუბნება.

მელია და ჩხიკვი თავგებივით მიცოცდნენ საქათმესთან.

მელია იხედება შორიდანვე, თვალს ავლებს გარეშემოსა, ყურს უგდებს, ხმაურობა ხომ არაფერი ისმის. უცებ ცხვირში რაღაც ემწევა. მელია კინაღამ გადმოხტა.

რა მოხდა, რა იყო?

რა იყო და ისა, რომ მელიამ სუნი დაიყარა კაცისა.

— ბოლოჭრელო, უკან დაბრუნდი, უკან. სად მიდიხარ, ხათაბალაში არ გამხვიო, მანდ ვიღაც არის დამალული, — ეჩურჩულება მელია.

— რას ამბობ, მელიავ, შენ ხომ ჩემზე კარგა ვერა ხედავ, მე უფრო მაღლიდან არ დაეცქერი? მოდი ახლო, მოდი, ნუ გეშინია, ჩქარა მოვიტაცოთ და მოგკურცხლოთ.

მელიას. ცოტა არ იყოს შიოდა, ცხვირს აღარ დაუჭერა, გასწია კარებისაკენ. რას მიზამენ, ფიქრობს მელია, თუ კარებში მომასწრეს,

კედლის ქვეშ რომ ხვრელი გამოეთხარე, იქიდან გავძვრები. ბრალი ჩხიკვისა, რომ შეიძლება სამუდამოდ გამოეთხოვოს ქვეყანას.

შეფრთხილდა ჩხიკვი საქათმეში, შეეცა მელიაც. აჩქარებულს მელიას არც კი მოუხდენია იქით-აქეთ, ისე უცებ ქანდარისკენ გაქანდა.

ქყყ! ქყყ! — მოისმა ქათმის ჭყვილი.

ჯახ! — მიეჯახა კარები. მელიას ეგონა ქანდარა ჩამოვარდაო, მაგრამ საქათმეში ძალიან ჩამოხდებოდა.

ლაწ, — მოისმა ჯოხის ხმა და მელიას ეგონა თავზე მეხი ღამეცაო. ეცადა ხვრელისკენ გადახტომას, მაგრამ წელი აღარ მიყვა. როგორც იყო კიდე მიეთრა, მაგრამ ამოქოლილი დახვდა. ლაწ! — კიდევ დაიკვნესა მელიამ. დაიკვნესა მთელმა საქათმემ, დაფრთხა ქათმები, ჩამოცვივდნენ ქანდარებიდან.

კარგახანს ისმოდა უკუნეთ საქათმეში ჯოხის ლაწალუწი, კუნჭულებში რალაციის ფრთხილი, კვნესა და გმინვა.

ბოლოს ფრთხილიც შეწყდა, ძირს უსულოდ ჩამოვარდა რალაც.

— კიდევ შეხვალთ საქათმეში?! გამაციეთ თქვენა, მაგრამ არც ნაკლებ მე დაგიხვდით, — აყვედრებდა ხელჯოხიანი გლეხი.

I

დიდმარხვის შავი ორშაბათია. სოფლის პატარა ბიჭებს ყვენი მოურთავთ, სოფელ-სოფელ დადიან პურისა და ღვინის მოსაგროვებლად. დიდი დავიდარაბაა, თამაშობა და მღერა აქეთ. მეზობლის შაქარამ ჩვენებიანთ ვანესაც შესძახა:

— ვანე, წამო ყვენი დავატაროთ. მერე ყველანი არიფანაზე დავსხლეთ.

— დაიცადე ცოტა, ამ საათში მოვალ! — მოესმა სახლიდან.

შაქარა კარებს აეტუზა და ყვენის ფიქრში გაერთო.

— არ მოდიხარ, ვანე? შენ გელი, — შესძახა კიდეც შაქარამ.

— მოდი შაქრო, ცოტა საქმე მაქვს, ჯერ ამას მოვრჩეთ და მერე წავიდეთ, — გამოჰძახა ვანემ.

შაქრომ შეალო მიწის ხრუწუნში¹ კარები, პატარა ვიწრო კედლებ შუა გაიარა და განათებულ სახლში გავიდა. ვანეს სახლს ბელტის კედლები ჰქონდა და ბოხოხ ქუდივით წოპი ბანი ედგა. სინათლერიგიანად ჩამოდიოდა.

მარცხნივ ტახტი იდგა, ზედ ჰილობი იყო გადაფენილი. ქვევით,

¹ ხრუწუნი — მიწაში ჩადგმულ სახლსა ჰქვიან.

კედელთან, კარების ახლო, გაშვებულ პურის კიღობანი იდგა. ტახტს ზემოთ თავზე გახუნებული საბანი, უსაურო ბალიში და საპირდახეული ლეიბი იდგა.

ვანე ტახტზე იჯდა, წინ მჩვრები ეწყო და ხელში ნემსი და ძაფი ეჭირა.

შაქარა შევიდა, არც გამარჯვება უთქვამს, არც ხმა ამოუღია, მივიდა და ჩუმად მიეყუდა ვანეს ახლო ტახტსა. შაქრო ისევ ყეენზე ფიქრობდა.

— დაჯექ, კაცო, ერთი ჯერ ეს ბობოლა შევეკროთ და მერე წავიდეო.

— ძალიან კარგი იქნება, — მოუწონა შაქრომაც.

ორივენი დასხდნენ. ნემსით ძალზე დაიწყეს მუშაობა. ძონძი ძონძს მიაკერეს, მჩვარი მჩვარს დააკონკეს.

ცოტა ხანს უკან პარკი მზად იყო. შაქრუა კერაზე ნაცარსა ჰხვეტდა და ჰყრიდა პარკში. პარკუჭანა გატენეს, სულ გოჭივით გაჭიკნეს.

— აბა, ვანე, ფთები შოიტანე, შეურჭოთ და ჩამოვკიდოთ.

ვანემ ზემოთ ყურეში მიირბინა. იქ რალაც ყუთს დაუწყო ბრძოლა. ამოაბუდა, ამოყარა, ამოარჩია შვიდი ფრთა და მოიტანა. შემოურიგეს პარკუჭანას ირგვლივ ბორბალივით; მოაბეს ბაწარი და მოახვიეს გრძელ ჯოხზე.

ცოტახანს უკან ბობოლა ფრთებ გაშლილი ბორასავით ბანზე ამაყად ტრიალებდა და ბრუნავდა ხან წაღმა და ხან უკუღმა. ვანე და შაქრო სიხარულით ფეხზე აღარ იდგნენ.

— აბა, ახლა კი წავიდეო, დროა, დაგვიგვიანდება, სხვა ყეენები, დაივლიან, ჩვენ აღარავინ რას მოგვეცემს, — უთხრა შაქრომ, — ერთი საღვინე გექნება რამე, ისიც წამოიღე.

შუადღე მოახლოვებული იქნებოდა, ათი-თორმეტი პატარა ბიჭი დახეულ დაირით და პატარა ექვსშაურიანი დანჯღრეული მუზიკით კარიკარ დადიოდნენ. დაირას აბრახუნებდნენ და მუზიკას საცოდავად აჟყვიტინებდნენ. ვერც ყეენი დაიკვებებდა თავის მორთულობას. პირზე შაქრის თეთრი სქელი ქაღალდი ჰქონდა აფარებული, ქაღალდში ცხვირისა და თვალების ადგილი იყო გამოხეული. ტანზე დახეული ჩოხა ეცვა და თავზედაც ძველი ჩაჩი ჰქონდა ჩამოცმული.

— ვისთან უნდა დავსხდეთ, ბიჭებო? — იკითხა ვილაკამ.

— ჩვენსა დავსხდეთ, ჩვენსა, — იძახდა ერთი.

— შენ გენაცვალე, ჩვენსა დავსხდეთ, — ეხვეწებოდა მეორე.

— არა, ძმაო, თქვენსა ვერ დავსხდებით, თქვენსა ბევრი კაცე-
ბია; შენი ძია ძალიან რუმზიანი კაცია. ის კიდეც გამოგ-
ვრეკს.

— ჩვენსა დავსხდეთ, შაქრო, დედაჩემი ყველაფერს გაგვიკეთებს,
ეხვეწებოდა მესამე.

— არა, ვერც თქვენსა დავსხდებით, თქვენ ავი ძაღლები გყავთ.

— მაშ ვისთანლა დავსხდეთ?

— აი, ვანეს სახლში დავსხდეთ, არც ძაღლი ჰყავს, მამაც სხვა-
გან არის, ჩვენს ნებაზე ვიქნებით.

ძალიან კარგი იქნება; ვანესთან სჯობია, ვანესთან დავსხდეთ, —
დაეთანხმნენ ყველანი.

III

სალამო ხანზე ვანეს სახლში რომ შეგვეხედნა, კაი ამბავს დავინახავ-
დით. ბიჭები ფაცაფუცში იყვნენ. ზოგი ბრინჯს არჩევდა, ზოგი
წყალს აცხელებდა, შეშას უკეთებდნენ, ჯამებს რეცხდნენ, ღვინის
ჭიქებსა სწმენდნენ. ერთი საღვინე ღვინო ლიცლიცი ედგათ. ღუქ-
ნიდან სამი შაურის ბრინჯი და ზეთი წამოიღეს; ერთი კაპეიკი და-
უკლდათ და ისიც გიგას ძიამ დაადო. ფლავის შიშხინს ნერწყვების
ყლაპვით შესცქეროდნენ. ზეთის სუნი ცხვირში მადას უღვი-
ძებდა.

— ი, ი, ი, ი, რა კარგია! — ამოურია ფლავს ვანემ, რომელსაც
პირში ნერწყვი მოსდიოდა. ოჰ რა კაი გემო ექნება! ე დალოცვილი,
იანვრის თოვლივით თეთრი არ გადასდის! შეხე, შეხე, ბრინჯის მარ-
ცვლები აღდგომის ბატკნებივით არ დაბერილან! დაილოცა შენი
გამჩენი!

მეორესაც მოუნდა ფლავის დანახვა, მესამესაც, მეოთხესაც; შე-
მოეხვივნენ ქვაბსა და მადიანად ჩასცქეროდნენ გემრიელს ფლავსა.

— მოხარშულია, ღმერთმანი, ძირი დაეწვება, გადმოვდგათ, — ურჩია ერთმა. ყველანი დათანხმდნენ.

კერძები ოროლმა დაიდგა. ერთი მეღვინედ დადგა. თამადაც ამოირჩიეს.

სადღეგრძელოს სადღეგრძელო მოჰყვა. ჭიქებს თითქოს ჰლოკავენო, ისე ცლიდნენ.

IV

გათენებამ მოატანა. ხრუწუნში ბარაქიანად ბნელა. ვანეს დედას ძილი რალაცამ გაუფრთხო. ყური დაუგდო. ვანე ლოგინში ტრიალებს, ოხრავს, იწევს, რალაცას ჩიჯდინებს. „დაიცა, დაიცა, შენ დაიჭირე, მე დავკრავ, ძალიან აფარებ ხელსა, წვერი გამოუჩინე, თითებს, ზომ ვერ დავკრავ“, — ლაპარაკობს ვანე. „მოიცა, კაცო, კვერცხი არ გამიტენო! მოიტა კაცო. მომეციიი“... და თან კენესის ვანე, ოხრავს.

— რა არის შვილო, გენაცვალოს დედა. რათა სტირი, სიზმარში ზომ არაფერი ნახე? — ეკითხება დედა.

— აა, ეეე, უ, უ, — აგრძელებს ვანე, თან ისევ სძინავს.

რასა ხელავს ვანე, რამ შეაძრწუნა, ასე რათა ტირის და შფოთავს.

V

ვანე შესცქერის ბობოლასა, შვიდი ფრთა ურჭვია, თვლის ვანეცა. ბიჭო, შვიდი კი არა, ექვსი იყო. ამას ხუთილა აქვს. ეე, ღმერთო, რა თანდათან აკლდება, რა ჩქარა მიიპარება ეს მარხვა!

ორი კვირა უცებ გავიდა. თვლის კიდევ დღეებსა.

რა იცის, როდის რა ღღეა, ბობოლა იმიტომ დაჰკვიდა, რომ იმან უნდა გააგებინოს.

ბიჭოს, ოთხის მეტი აღარა აქვს ფრთა ბობოლასა, მას ოთხშაბათს შუა მარხვა იქნება, მერე ნახავ, როგორ ჩქარა წავა ეს მარხვა. მგონი ცხენივით მიაჰენებდეს...

შუამარხვაც გავიდა. მირბის დღეები, გადის კვირეები, ბობოლას ორი ფრთაღა დარჩა. ვანე ცოტა მოწყენით არის, ეს ვერანა, ლამის დიდმარხვა გაიპაროს და მამას კი ჯერ იმისთვის საახალუხე არ უყიდ-

ნია. ბზობას შაქარასაც ახალი ახალუხი ექნება, გიგასაც, მიტრასაც, სისოსაც. ამას კი არა აქვს ჯერა. მაინც ხომ ისინიც არ ჩაიცმენ აღდგომამდის, მანამდის იქნება მეც მამიტიანონ...

ბზობაც მოვიდა. ვანემ ერთი მუქა აყვავებული ბზა მოიტანა სახლში საყდრიდან; თვლის ყვავილებს დედა.

— ეე, რა კარგი ჭირნახული მოგვივა, რა პურიანი ბზა არის.

— კარგი ბზა მოვიტანე დედა, დიაკვანმა სთქვა: რა კარგი ბედისა ყოფილა ეს ბიჭიო, ბედი მექნება ჭირნახულისა, განა? — ეკითხებოდა დედას ვანე.

— დედასაც მაგიტომ უყვარხარ, გენაცვალოს დედა. რომ მაგეთი კარგი მყევხარ, — ეუბნება დედა, — მოდი რა მაქვს შენთვის შენახული, — და გადმოიღო დედამ თაროდან ჯამით კარგი მსუქანი ზურგიელის ნაჭერი.

იპი, პი, რა კარგია! რა გემრიელია!

სკამს ვანე, აყოლებს თან მჭადსა, ილკავს თითებს, ჰყლაპავს გემრიელს ლუქებს, მაგრამ არ აძლებს როგორცა.

აი. შექამა კიდევ სრულებით, თითებიც გაილოკა, მაგრამ ისევა შიან. ცოტა დიდი მაინც გამოეგზავნათ ბატონიანთ, ან დედას შეენახა ცოტა მეტი. მაგრამ დედას ხომ სრულებით არც კი უჭამია, პირიც არ გაუხსნილებია ამ ბზობა დღესა, სულ ვანემ შექამა, დედას არაფერი შეუნახა. რცხვენია ვანესა, რომ ასე იმსუნაგა და ერთი ჩიჩქიც არ მისცა დედას, რცხვენია, მაგრამ ახლა რალა იქნება. კვლავ კი აღარ შექამს, დედას შეუნახავს.

ბზობაც გავიდა. ბობოლას ერთი ფრთალა აქვს გაშვერილი. ვანეს საახალუხეც უყიდეს. აშურებს დედას ვანე, ჩქარა შეუტკეროს ახალუხი, წყალზე თვითონ დარბის, ნახირში ძროხა თვითონ გაჰყავს. დედას ესაქმება, ყველაფერს მარღად უგონებს.

დიდი ხუთშაბათისათვის ვანეს ახალუხი მზად არის. ღუგმები აკლდა, ისიც დილითვე დააკერა დედამ. ჩაიცვა ვანემ. ტანზე რა კარგად დაადგა!

წითელი პარასკევია, კერაზე ცეცხლი გუზგუზებს, ქვაბში წყალი ხუშხუშებს, კვერცხები იხარშება, ბანში ბობოლა საცოდავად ტრიალებს ბოლისაგან, ერთი ფრთალა გაუშვერია. ის ფრთაც გამოვარდნაზედაა. ექვსი ნახვრეტიდან ნაცარი გამოდის.

ვანე სიხარულით ფეხზე აღარა დგას. არჩევს კერკეტ კვერცხებს, იშინჯავს კბილზე, რა მაგარია, მოლეული დედლის დადებული იქნება. აბა, ერთი ამას დამიკრან თუ სულ არ დაუმსხვრიო ყველასა. ეს დიდი კვერცხი კი ფუყე იქნება, ხმაც ისეთი აქვს. თან ჭიბეებს იშინჯავს. კაი დიდრონებია; ბლომად კვერცხები ჩავა, მარჯვენა ჭიბეში სულ მთელებს ჩაიწყობს, მარცხენაში კი დამტვრეულებს.

თან მსუქანი ქადა და ხორცი აგონდება. პირში ნერწყვი მოსდის. რაღა შორს არის, დღეს არაფერი, ხვალ შაბათი და ზევ რო გათენდება, პირსაც გავიხსნილებთ.

დღეს წითელი პარასკევი,
ხვალ შაბათი თენდებაო,
ხვალე... ზევ რო კვირა მოვა,
ყელი ჩაიპოხებაო.

მღერის ვანე.

პარასკევიც დადამდა. კვერცხების ლებვაში ბრჩხილები და თითებიც შეილება. როგორ იქნება, აღდგომას უნდა ეზიაროს, მღვდელი რას ეტყვის, წითელხელებიანი ხომ ეკლესიაში ვერ შევა.

აი, დადამდა შაბათიც. ვანემ ახალი ახალუხიც ჩაიცვა, ახალი ქალამნები და წინდები. მოირთო, მოიკაზმა, ნეფეს დაემსგავსა. ვახშამიც არ უჭამია, ხვალ უნდა ეზიაროს, ტანგაუხდელი დაწვა ლოვინზე, ლიტანიაზე ხომ დაუგვიანდა, რომ გაიხალოს, სანამ ჩაიცვამს, მერე წინდები ისეთი ვიწროებია.

დაიძინა ვანემ, მაგრამ, ვაი იმ დაძინებას! სულ ლიტანია ეზმანება, წითელი კვერცხები, გაჩაღებული სათლლები!

ვითომ დასძინებია, ზარები დარეკილა, ხალხი სულ მისულა, მხოლოდ ის დარჩენილა. ტირის ვანე, ღრიალებს, პირდაუბანელი გარბის საყდარში. აკი კვერცხები შინ დარჩენია.

„ოჰ, ოჰ რა უბედო ვარ. რაღა მეშველება“ — გულამომჭდარი კვნესის, გმინავს. ღმერთმა შეიბრალა. ლიტანია ჯერ აღრეა, მღვდელი არ მოსულა: ვანე სიხარულით სახლში ბრუნდება, რაც ძალი და ღონე აქვს უკან მორბის.

— კვერცხები მომაგებე, დედა, კვერცხები, — ეძახის ისევ გზიდან დედას.

დედას არ ესმის, არ გამოდის.

„დედა! დედა!“ ყვირის ვანე, აწვება კარებსა. კარები მძიმედ იღება, ბნელა, დედა არსადა ჩანს. სასოწარკვეთილი ვანე, რაც ძალი და ღონე აქვს უყვირის დედასა და ამ ყვირილზე გამოელვითება.

გათენებულა, ბანიდან ფანტელ-ფანტელა თოვლს ჰყრის, გარეთ ქარი გრიალებს და კედლებში ბუზივით შემობზუსის. იხედება აქეთ-იქით, დაიხედა ტანზე, ისევ ის ძველი ახალუხი, ჯიბეებიც ცარიელი, მართლაც გაუხდელს დასძინებო.

[1804 წ.].

I

ძალიან მკვებხარა ვინმე იყო პატარა გოგლია.

ვინ იცის, კვებხნა თავის დღეში აზრადაც არ მოსვლიყო, რომ თავის დედისაგან არა სპენოლა მუდამ დღე, მუდამ საათს: „უპ რა გმირია ჩემი შვილი, ენაცვალოს დედა, რა ღონიერია, შეხედეთ ამის ტატყებს (უჩვენებდა იმის მსუქან დარგვალეზულ ხელფებს), გოლიათს არა ჰგავს! შემოევლოს თავისი დედის ძუძუები თავის ტკბილსა. ვინ გაუძლებს ჩემს ფალაენს, ჩემს რკინის კენეტელა დევ-გმირსაო!“

გოგლიამაც წარმოიდგინა თავისი თავი გმირად. ეგონა, დედაჩემის სიტყვები — ჭეშმარიტია, მართლა ჩემი მომრევეი აღარავინ იქნებაო. თვითონ სიარულშიაც შეამჩნევდით, რომ თავის ღონეს გაჩვენებდათ. რაც ძალი და ღონე ჰქონდა, გადაალაჯებდა ხოლმე, რომ მნახველს ეთქვა: „აბა, უყურეთ, როგორ შორს აბიჯებს, რა ბიჭია გოგლიაო!“

ხანდახან ისე გადიხაჩხებოდა ხოლმე, რომ მეორე ფებს ველარ გადიტანდა და იქვე ჩაქოქდებოდა.

— უი, ქა, გენაცვალე! — გამოქანდებოდა შეშინებული დედა, — ლაჯებში არ გაიყარო! — ააყენებდა გოგლიას და წამოიყვანდა. ამით გათავდებოდა იმისი სიგმირე. ბალიშზე დაწოლილ კატას დაავლებდა ხელს და მთარბენინებდა დედასთან.

— უყულე, დედა, უყულე! — ვითომ, ნახე, რა ბუმბულივით ავიტაცო!

—ჰო, გენაცვალოს დედა, შვილო, რო გეუბნები დევი მყევხარ!— და ჩაიკრავდა გულში გამარჯვებულ შვილს, რომელიც თავმომწონედ გადმოხედავდა დამარცხებულ კატას.

წალას იპოვნიდა ტახტქვეშ, თუ ლიტრას მაგიდასთან გადადგმულს, მოათრევდა დედისკენ, „აბა, რა ღონიერი ვარო“.

საწყალ მამალს იმისგან არ ჰქონდა მოსვენება: საყვირები სულ დააგლიჯა, ზოგი ახლაც ქუდის სანაპიროში ერჭო. მიეპარებოდა ხოლმე გაბერილ მამალ ინდაურს და, როცა ბოლოგაშლილი დაშვებულ მხრებს მიწაზე მიაფხაკუნებდა, გოგლია ბოლოში წაეტანებოდა დასაქერად.

მაშინ უნდა გენახათ, იმისი სიცილი, როცა ინდაურს უკან-უკან მოათრევდა ბოლოთი და ფეხით მიწას მოაკაწვრინებდა. ისეთი ხარხარებდა, ისეთი, ისეთი, რომ... მაგრამ ეს ინდაურთან ბრძოლა ხშირად ტირილით გათავდებოდა ხოლმე, თუ მარჯვედ ვერ შეხვდებოდა გოგლია, განზე არ ექნებოდა ფეხები გადგმული, გამფრთხალი ინდაური გაიწევა ხოლმე და გოგლიაც პირქვე წამოყუნქალავდებოდა (წამოყირავდებოდა), წაჰკრავდა ცხვირს. მაშინ უნდა გენახათ თვალცრემლიანი, ცხვირგასიებული, დაშვერილი ყიყვით, ღრიალით და ტუსტუსით გასწევდა ხოლმე დედისკენ.

— ვინა სცემა ჩემს შვილს? ვინა გცემა ჩემო მშვენიერო? მითხარ, გენაცვალე? დაიცადე, ინდაურო, შენ თუ შეგარჩინოს თავის გაბიაბურება, ჰნახავ, მაგ ჩინჩლოზე გეზიდებოდეს.

II

ძალიან გაითქვა გოგლიას გმირობა. სადაც კი გაივლიდით, სულ იმის გმირობის ამბავი ისმოდა, მოლექსეებს ლექსიც კი გამოეთქვათ, აი, ის ლექსიც:

ამირანივით გაითქვა
მთელ დუნიაზე გოგლია,
არწივს მთით ჩამოფრენილსა
მხოლოდ ფრთებიღა აკლია;
ეს ქათამა-ინდაურები
სუ პარკებივით ათრია.

ქათმები წუხდნენ: ლამის ჩვენს მამალს ყვილი დაავიწყდეს, მაგის შიშით, ბაიათი ველარ აუწყევიაო.

— ჩვენი მამა-მამალი ველარ იფხორება, გოგლიამ ფრთა-ბოლო გააგლიჯაო... კიკვივებდნენ ინდაურები.

— ერთს ადგილზე აღარ მასვენებსო, — ჩიოდა წაღა, — ჭიანჭველის გუდასავით დამათრევს, აღარ ვიცი, სად მოვაფარო თავიო.

მხოლოდ ერთს ოჯახს არ ეშინოდა გოგლიასი. აინუნშიაც არ მოუდიოდათ იმის ტრაბახი და ბაჭიბუჭი. ეს იყო ყურშას ოთხი პატარა ლეკვი. ამათი გოდორი კუთხეში იდგა და თითქმის მთელი დღე და ღამე გოდორში ჩაგებულ ჩალაზე იწვნენ. გოგლიას ერთხელაც არ მოსვლია ფიქრად იმათი დახედვა. სანამ პატარები იყვნენ, ლეკვებისა მხოლოდ კენესა და წკაეწკავი ესმოდა ხოლმე, ახლა კი, როცა მოიზარდნენ, გოგლიას ბრახაბრუხზე ამოცვივდებოდნენ ხოლმე გოდრიდან და გააბამდნენ ყეფას. დიდხანს ითმინეს იმათ გოგლიას კვენხა-ტრაბახი.

— ერთი გადუხტეთ მაგ გოგლიას და სულ კუდით ქვა ვასროლინოთ, რომ ტრაბახობს, რასა ტრაბახობს, — დაემუქრნენ ლეკვები.

III

არ ვიცი, პირველად ვინ გამოითხოვა, გოგლიამ თუ ოთხმა ძმა-ლეკვებმა, ყურშას შვილებმა.

მე მხოლოდ მაშინ ვნახე პირველად, როცა ფალავანი გოგლია გამოვიდა საჭიდაო მოედანზე და გამოითხოვა ოთხივე ძმები.

— თქვენ, ყურდაუჭრელებო, ჩიხმეიდან, გამოდით მოედანზე, გინდა სათითაოდ, გინდა სულ ერთად, ჰნახავთ, სულ კურკებივით დაგალაგოთ, რა ბიჭები ხართ, გამოდით რაღა!

ის კი არ იფიქროთ, თუ გოგლია სამტროდ ეშაადებოდა, არა! სამტრო რა ჰქონდა, ისე უნდა თავის ბიჭობა ეცადნა; გოგლიას იმათთვის უნდა დაემტკიცებინა, თქვენ რომ არაფრად მაგდებთ, მე ღონიერი ვაჟკაცი ვარო.

არ ვიცი, გაეგონა, თუ ენახა, ფალავნები ტანისამოსს იხდიანო, გოგლიასაც სულ ერთიანად გაეხადნა ახალუხი, შარვალი, წინდაჩექმები, ქუდიც კი მოეხადნა, დამამძიმებსო, ერთი პერანგის ამარაღა იყო. ასე და ამგვარად გამოვიდა საჭიდაოდ.

საფალაენოდ გოდრის წინ მდგომი ტახტი აირჩია. ვინცობაა წაქ-
ცეულიყო, პატარა რბილად მაინც დაცემულიყო.

— აბა მოდიტ, პა, რალას ელიტ? ვნახოტ, რა ბიჭები ხართ, თუ
დაგალაგეთ, დაგალაგეთ, თორემ მე ცუდი ბიჭი! გეშინიატ, რას იმა-
ლებიტ?

ლეკეები იგვიანებდნენ, პასუხს არავინ იძლეოდა, მხოლოდ ფა-
ჩი-ფუჩი ისმოდა.

— თუ არ ამოხვალტ, მე ამოგიყვანტ! — მიუხტა გოგლია გო-
დორს. ჩაყო ხელი და დაუწყო ერთს წევა.

— მაშ, ეგ არის გვითხოვ, გვითხოვ საჭიდაოდ, ბაქია გოგლიავ,
რალა? — შეეკითხა ერთი მურა ლეკვი. — აბა, ძმებო, მომეშველეთ,
ანას ნუ დაეაბრიყვებინებტ თავს. ამის ფალაენობა დავაჩალოტ.

სამი ლეკვი ერთად გადმოძვრა გოდრიდან და ყეფიტ შემოესია
გოგლიას, მეოტხე კი შიგვე დარჩა სეირის საყურებლად.

— აბა მურავ, ჟერ შენ მიდი ხელდახელ, ჩვენ ფეხებში ვეცე-
მიტ! — უტხრეს ბროლიამ და ციბრომ მურა ლეკვს, რომელიც უფ-
რო გულადი იყო.

— არა, ყველანი ერთად შემოვეხვიოტ, აბა, ბიჭებო, ჩქარა, ჩქა-
რა. აღარ დააცალოტ, ზოგი ცალ ფეხში ვეცეთ, ზოგი მეორეში, ერ-
ტი ეგ შევარცხვინოტ! — ამის თქმა და შეტევეები ერთი იყო.

შემოეხვივნენ ფეხებში და ტიტველ კანკებზე წაავლეს კბილი...
ლეკეების წვრილი კბილები ცოტა არ იყოს ემწვაეა გოგლიას, თან
კიდევ აირია, პირველ შეტევებას ვერ გაუძლო და მორტო ყვირილი.

— მოიცატ, მოიცატ, უჯეროა, უჯერო, ფეხებს რო მიწევტ, რა
ჭიდაობის წესია, ერთი ხელდახელ უნდა მოხვიდეტ, ვნახოტ რას გაპ-
ყიდიტ!

მურიას ბრძანებით ბროლიამ და ციბრომ აუშვეს გოგლია და გან-
ზე გადგნენ, ჩანმახებვიტ ფეხზე შემდგარები გოგლიაზე იერიშის
მისატანად.

— აბა, მურავ, მოდი შენ ხელდახელ, რა ბიჭი ხარ, განახავ. — და-
ეტანა გოგლია მურას, მოხვია ერთი ხელი ყელზე და ერთიც წელზე.

ბევრს იბრძოდა მურა, მაგრამ რალას გაუშვებდა გოგლია! დაძალა
რალა, დაძალა მურა.

— მიშველეთ, ძმებო, ბროლავ და ციბროვ! — ეძახის გაჭირვე-

ბული მურა. მაგრამ რაღა იმის დაძახება უნდოდა, ორივე ძმები ეცნენ მარდად გოგლიას კოჭებში და ერთს წამს დასცეს ძირსა. წამოიქცა პირქვე გოგლია და მურაც ქვეშ ამოიღო.

— ჰა, ეს ერთი ხომ ძირსა მყავს, — იძახის გაღიმებული გოგლია და დაუმუქნია მაგრად მურა. საწყალი მურა ძლივსდა ახელს თვალებს და სულს ძლივსდა იბრუნებს. უნდა გამოძვრეს, მაგრამ ვერ უდგება. თან წკმუტუნებს და კენესის.

მურას დედაც წამოყუნტებულა იქვე და შეშინებული შეცქერის თავის მურას. „არ დამიხრჩოს კი იმ გოგლიამ ეს შვილი, რას უშვრება?“ მაგრამ რა იქნება, სანამ არ გაშველდებიან.

გამარჯვებული ბროლია გვერდში დაეტაკა გოგლიას, ციბროდუნდულეებზე შეახტა და წაავლო კბილი რბილ ხორცზე. ახლა კი ემწვავა გმირსაც.

— გამიშვით, გამიშვით, — ყვირის გოგლია, — გეყოფათ, კმარა, ძალიან ნუ იკბინებთ, ე!

[1894 წ.]

ვახშმობა გადასული იქნებოდა. სოფელში ხმაურობა მიწყდა. წინანდელი ღრიანცელი აღარ ისმის. ხანდახან სახლის გვერდზე, სოფელს შუა, შარაზე ურემი მძიმედ მიჭრიალებს და მეურმეც ღამის ერთფერობას არღვევს. ზოგჯერ ძაღლის ყეფა მოისმის, მაგრამ იმასაც მალე სწყინდება.

სახლების ბან-ფანჯრებში შუქი თანდათან კლებულობს. მხოლოდ ბებე ქეთევანას სახლიდან ისევ ისეთი სინათლე გამოდის. შევიხედოთ, რას აკეთებს?

ბებე ქეთევანას დაუყრია ცეცხლზე შეშები, თვითონაც გვერდზე მოჯდომია და საწინდე ძაფსა ჰგრებს, ეტყობა, ძალიან ეჩქარება.

ფანჯრიდან რომ მთელი საათი უცქირო, ერთხელაც არ შემოიხედავს. აი, შეშა თუ გასკდება და ნაპერწყალი დაეცემა კალთაზე, იმას თუ გააქრობს, მაშინ მოაშორებს ტარს ხელს, თორემ სულ ერთავად აბრუნებს და აბრუნებს. ნამწვავ მუგუზლებს ფეხით ისევ ცეცხლში ჰყრის.

— ამ კრაქის სინათლეზე ვერას დავინახავ, თუ ცეცხლმაც არ გააშუქაო. გვერდზე ერთი გულთეთრი ექვანა კატუნია მოჯდომია.

ბებეს ხელების პარჭყვას და ტარის ბზრიალს გაკვირვებით შეცქერის, როცა ბებე ძაფს გააგრძელებს და ხელს განზე გაიტანს, ისიც თვალს გადააყოლებს; როცა ბებე ტარზე ჩაახვევს და ხელს ახლო მოიტანს, ახლა აქეთ მოაყოლებს თვალებს.

რასა ფიქრობთ, ვითომ რთვა უნდა ისწავლოს, ან გრეხა-ძახვა? არა მგონია! რა ბავშვებისათვის მოუნდება წინდების დაქსოვა! ვინ იცის, იქნება ცნობისმოყვარეობითაც მოსდიოდეს, იქნება მართლა სწავლა უნდა. არ ვიცი, ღმერთმანი! ის კი ვიცი, რომ ციციუნიას მოჰპოვიდა, კაი ხანია არაფერი უჭამია და პატარა კბილის დასადგმელს ელის ბებესგან, როდის იქნება, მორჩეს, ვახშამი ვჭამოთ.

მაგრამ ბებეს არ მოჰწყინდა გრეხა და ტარს კი, აბა, რა დაჰლაღავს. თითქო ერთმანეთს ეჯიბრებიან ბებე და ტარიო.

— როგორ ეჩქარება ბებეს ამ საწინდეს რთვა,— ფიქრობს ციციუნია.— მარტო ეგლა ახსოვს, მე ვილას ვაგონდები, ან ჩემი ღობილი თეკლია. ნეტა ვიცოდე, რა უცდება უმაგისოდ! ვაგონილა ამდენი მუშაობა?! ერთ წამს ხელიდან არ უშვებს.

პური მშია, ველი, იქნება ან ახლა გაშალოს ვახშამი, ან ახლა, მაგრამ ეს არახეინად ზის; გული გადამელია ლოდინში. ჰო, ჰო, მე არაფერი, რატომ თვითონ მაინც არა ჭამს ვახშამს ეს დალოცვილი დეიდა. ქაა, ვაგონილა მშიერი მუცლით მუშაობა? თუ თვითონ ქვის მუცელი აქვს, იქნება სხვასა ჰშიან. მაგას რომ მაღა არა ჰქონდეს, ჩემი რა ბრაღია. თეკლიასაც უეახშმოს დაეძინა. მე კი, აბა, რა დამაძინებს, პატარა რომ წამთვლიმოს, მაშინვე გამომელვძიება ტარის გრიალისგან. ანძრევს თითებს ბებე, ტარიც, რაც ძალი და ღონე აქვს, ტრიალებს. თან ბუზარასავით ბზუის. შევცქერივარ, თანდათან იზრდება, მუცელი უსქელდება, ბოლოკივით უხდება.

მიკვირს, რა ზრდის, მე რატომ არ ვიზრდები მაგრე მალე? როცა ძალიან ვავძლები, პატარა მაშინ თუ დამეტყობა მუცელი, თორემ უიმისოდ გამოწლულსა ვგევიარ.

ხანდახან ტარის წკრიალზე ძილი მომეკიდება ხოლმე და კრინვას მოვყვები.

— ეს კატა როგორ ტკბილად კრინავსო, — იძახის ბებე, — აბა, ჩემო კატუნო, არაკები უამბე თეკლიასა, თვითონ ხომ არაფერი იცის, სულ სხვა უნდა უამბობდეს.

ბებეს ძალიან ეჩქარება, თეკლიამა თქვა: „მამაჩემი ხვალ ქირაზე უნდა წავიდეს, ფეხებზე წინდები არ აცვიაო და ბებე იმიტომ აშურებსო.“

საწყალი ბებე! როდის უნდა მოქსოვოს? ზარმაცი თეკლია ხომ

არ უშველის, სულ დედოფლებს გაჰზიდავს, სხვა არაფერი აჯავრებს, იმის ხელში საქმეს ვერა ჰნახავ. მე მაინც ვიცოდე ქსოვა, აქამდე კი არ ვალოდინებდი.

მეშველნა, მალე მოვრჩებოდით და ვახშამსაც გემრიელად გიახლებოდით. არ შემერგებოდა თუ? ახლა კი ლამის შიმშილით გული წამივიდეს.“

შუალამე გადასული იქნება. კერაზე ცეცხლი ჩაქრა.

ჭრაქი ხომ ბებემ დაწოლის წინათვე მოასვენა.

დაღალული ბებე ტახტზე ძველ საბანქვეშა ხვრინავს, თეკლიაც ბებეს მიჰკვრია გულში, ხელები დამჰქანარ ძუძუებში ჩაუყვია. მხოლოდ ჩვენს ნაცნობს ციციუნიას არა სძინავს. არც რწყილსა ძინავს. კალიასავით დახტის თეკლიას ლოგინში. არც თავგსა ძინავს, გოდრის ძირში რალაცას აფხაკუნებს, ჰხრავს, აენატუნებს.

რატომ არ დაუძინია ციციუნიასა? რა ფიქრებშია გართული?

რა დააძინებს გენაცვა, ყველამ რო დაიძინოს, სახლს ვინღა უყარაულებს?

განა არ ესმის გოდორქვეშ რომ ვიღაცა აფხაკუნებს? ერთიც ენახოთ გამოქვრა.

კიდევ რა არ აძინებს?

საქმე ხომ მოგვხსენებათ რა მოსაქმეა, ღმერთმა ნუ დაგილიოსთ მაგისთანა მშრომელი!

— ამ ბებეს ხვრინვაც არ მაძინებს, როგორ სტვირივით უკრავს ბებე ამ ცხვირით, — ფიქრობს ციცა, — პატარა ბამბა დაუცო?...

ეს დალოცვილი თავგებსაც აფრთხობს აბა, მაგ ხმაურობაზე თავგს რა გამოიყვანს შიშითა. მგონია, ეგონოს კატების ლაშქარია ჩასაფრულიო. მეც ასე უნდა ვიჯდე. თვალი და გული ჩამოვიწყალო მოლოდინითა. ვიცოდე მაინც, ბებემ რა უყო ნაქსოვი წინდა.

გრენას რომ მორჩა, წინდაც შეაბა და მგონი ერთს ტერფს (თათს) ქუსლიღა აქვს გადასახვევი. საწყალი ძალიან დაიღალა. ვინ იცის, მოასწრებს მოქსოვას? მოსაქსოვი რომ დარჩეს, ხომ თეკლიას მამას ფეხები დაეძრება ამ სიცივეში. ვიპოვო და მე ვქსოვო? ვერ მოვქსოვ? — რა დიდი საქმეა, გავერთობი კიდევ, ბებესაც გავახარებ; ადგება საწყალი, ჰნახავს მოქსოვილია ტერფი, ქუსლი გადუხხვევიათ,

გაიკვირვებს, მგონი საწყალმა იფიქროს, ალბათ წუხელი ძილში თუ მოექსოვეო.

არა, თუ არა ექსოვე, არ იქნება.

წამოდგა ციცუნია, გაიზმორა, წინა ფეხები წინ გამოიჭიმა, უკანები უკან გაპარკყა, ერთიც დაამთქნარა.

— ბნელა, იქნება თვალეზი ჩამიცვინდეს, სანთელი მაინც ენთოს. არა, ჯერ ვიპოვნო წინდა, მგონი აქ შეინახა.

ციცა მივიდა ხოკერთან, ჩაიხედა, ჩაყო ფეხი, იქ არაფერი იყო. მერე ბებეს იქით გადაძვრა, ბალიშ ქვეშ ნაქსოვ წინდას გვერდი უჩინდა.

— აქა ყოფილა, კარგია! — მოჰხვია წინა ტოტები წინდას, გადმოითრია ძირს და დაუჯდა საქსოვად.

ებრძვის ციცა, ატრიალებს, ჰსუნავს, როგორღაც არ ემარჯვება, ეს წინდის ჩხირები უშლის.

— მეც ამით უნდა ვქსოვო? — ფიქრობს კატუნი, — ბებე ამეებით არა ქსოვს? — არ იქნა, ვერ დაიჭირა კლანჭებში გაღესილი ჩხირები, სულ ხელიდან უძვრებთან.

— ეჰ, ტყუილად მიშლიან, სჯობია გამოვადრო ეს რაღაც ჩხირები. — აი, ახლა აღარაფერი მოუშლის, ახლა ჩქარა მოქსოვს.

ჩაპკიდა ციცამ წინდის თავს კბილები, აიღო მალლა, მერე კლანჭებით დაიჭირა, გადააქვს და გადმოაქვს იქით და აქეთ ეს თათი, როგორც ბებე შერებოდა, თან მეტის სიფიცხით მალლა ისვრის და ეტანება. საითკენაც თათი გადავარდება, ისიც იქით ტრიალებს, ხან ზურგზე, ხან კუდის თავზე, თან გორგალიც გორავს, ძაფიც იწეწება.

ახლა გორგალს ეცა, წააჯდა ზევიდან. გორგალი გაგორდა, გაჰყვა ციცაც, გააქვს და გამოაქვს. ხან ტანტქვეშ შეაგორა, ხან გოდრის-უკან გადიტანა. უქურებს ციცა და უხარია გორგალი რომ ილევა.

ოჰ, რა ჩქარა იქსოვება წინდა, ჰხედავ, მთელი გორგალი შეაქსოვა. მხოლოდ ეს ძაფები რად არის გადაბმულ-გადმობმული ამ ტანტისფეხებში. იქნება დარჩა ქუსლსა? ვნახოთ, გაღიხვია?

ახ, ეს უმადური თათი თითქო წელან უფრო გრძელი იყო, როგორ დამოკლებულა.

დაუჯდა ისევ ტერფსა, ეტყობა შეჰშლია.

ჩასქიდა ძაფს პირი, ტერფი ფეხებით დაიჭირა. ეწევა ძაფს, ფრთხილებს თათი, ძაფი უბევერდება ციცუნისას. ტერფი თანდათან ხელიდან უქრება—რა ვქნა, ეს ტერფი სად მეპარება, რა ეშმაკზე შემეჭდარა.

— ახლა კი მეც დავიღალეო, — თქვა ციცამ, — დროა, მეც მოვისვენო, დილაზე ადრე ადგომა მომინდება.

შემოუწვა ჩვენი მშრომელი თავის ხელსაქმეს გვერდზე, ბებესავით თავით დაიდო წინდა.

დილით ბებეს წინდა უეჭველად მოქსოვილი დახვდებოდა, არა?

[1895 წ.]

I

— დედილო, აბა ელთი გამოიქედე, ჩვენს კამეჩს ლა მშვენიელი ფუჩინა ჰყავს. უპ, გენაცვალე, დედა! ლამოტოლა ყულები აქეს, ლოგოლ აბალტყუნებს, თითქო კულდღელიაო, უყუღე, დედა უყუღე!—პატარა მარიამა დაეინებით ეთახდა დედას გაპოსულიყო, ფუჩინა ენახა.

— უყუღე, დედილო, ლოგოლ აღხეინად დაბძანდება! ხომ აღ მელჩოლავს, ლომ ხელი მოვჭიდო?!

— არ გერჩის, შვილო, არა, გენაცვალოს დედა.

— უპ, უპ ლა მცუქანია, ლა თეთლი აქეს, დედილო, კუდის წველი, ლოგოლი ფაფუკი და ლბილია! ლით უნდა მელჩოლოს, ლომ ელთი კიკნა ლქებიც ალა ჰქონია ამ საწყალსა. დედა, საწყალი ფუჩინა, ჯელ ისევ ლბილები აქეს, ლა ეშველება, ლომ ელთი მგელი შეხვდეს ამ ჩვენ ფუჩინასა? ლქები ლომ ალა აქეს, ლით უნდა ულქინოს მგელსა?

— ვერაფრითა, შვილო, თავისი დედა თუ მიეშველება, თორემ შესჭამს. თუ დედა იქ ეყოლება, კი არა უშავს რა.

— მალთლა, დედა, მეც ლომ მალტოკა წავიდე მინდოლში, მგელი შემჭამს? ჰო დედა?! იმ ველანას ლადა პაწაწინეებისათვის მოუცლია, აბა ელთი მამა შეჭამოს, თუ კაი მგელია, ნახავს თავის სეილსა! განა დედა?

— ჰო, შვილო, მაშა!

— წავიყვანოთ, დედა, ფუჩინა შინა, აქ მალთლა მგელმა აღ ჩა-
მოიალოს და აღ შეგვიქამოს. მაშინ ლადა მეშველება, მგელი შოლს
გაიქცევა და ველალც დავაკლებთ. ი ოხელი ლა დიდებულ ტყეში
შეძვლება.

— არა, შვილო, იმასაც ძალიან ეშინიან კაცებისა და ძაღლებისა.

— უჰ, დედა, ამ ფუჩინიას დედას ლამოტოლა ლქები აქვს, ნე-
ტა ის მგელი მოკლას სადმე და! საღამოზე ნახილიდან ლომ მოაგდე-
ბენ, უნდა უთხლა, აგე მგელი გვემტელება მე და შენს შვილსა და
ელთი კალგად მიბეყე, მინდოლში თუ ნახო-თქო. ის ოხლად დასალჩე-
ნი, წავიდეს, ყანები ხომ ბევლია და სიმინღები, პაწაწები ლომ ალა
ქამოს, ყანა მოძოვოს ლა, ძლოხები სულ ბალახს ალა ძოვენ?

პატარა ქალი მარიამა აღარ ეშვებოდა პატარა ზაქსა. ხან პირში
უყოფდა ხელსა, ხან ზედ უპირებდა შეჯდომასა. ხან ებუჩავებოდა.
პატარა ზაქი კი არხენიანდ შეცქეროდა. თითქო უკვირს, რას მელაპა-
რაკება ეს პატარა ადამიანიო. შემოწვა გვერდზე, თავი გვერდზე გად-
მოიდო, ხან ერთს ყურს ჩამოატყაპუნებდა ძირს, ხან მეორეს. ბუზი
რო დაჯდომოდა, მთელი ტანი შეუთრთოლდებოდა. როცა პატარა მა-
რიამა ხელს ახლებდა, ფუჩინაც ერთ თვალს გაახელდა და მერე ზარ-
მატად ისევ მილულავდა. პატარა ქალიც აღტაცებული შეცქე-
როდა.

— დედა, ეძინება ჩვენს ფუჩინას, შეხედე დედა, ლოგოლ თვა-
ლებს ხუჭავს, ვინ იცის, წუხელ აღ ეძინა, ვინ იცის, მგელი აშინებ-
და, უჰ, აბა ლა დააძინებდა ამ საწყალსა! დედა, ლა ცოტა კბილები
ჰქონია. უკბილო ბებერი ყოფილა. იცი ლა გითხლა დედა, ამ ფუჩი-
ნას ელთი კალგი სახელი უნდა დავალქვა. ჩემი უნდა იყოს, დედილო,
ფუჩინა. მე ლო გავიზღები, მე უნდა მოვწველო ხოლმე, ახლა ამას
ლო პატალა ფუჩინები გაუჩნდება. ფუჩინა, ძუძუები გაქვს? ლა უნ-
და მოაწოვო შენს შვილებსა ქა, აბა ელთი გნახო.

პატარა ქალი ცდილობდა შეეყო ხელი ლაჯებში ზაქისათვის ძუ-
ძუების სანახავად. ზაქიც რაც ძალი და ღონე ჰქონდა, უჭერდა ფე-
ხებს და კუდს იფარებდა, თან ტოკავდა.

— სულე, ფუჩინა, სულე, განა ძუძუ უნდა მოგპალო ქა! უნდა
გნახო, გაქვს ძუძუები თუ ალა. უჰ, უჰ, ლამოტელა ლქეს მომიწვე-

ლის ჩემი ფუჩინა, ლამოტელა მაწონს შევადებდებ და კალაქს შევდღე-
ვებ, განა დედა?

— ხარია შვილო, საფურე ხომ არ არის.

— უჰ, მაშ ლა უნდა უყო!

აქ გოგონას ოცნება სრულებით შეიცვალა და სრულიად ახლა სხვანაირად წაუვიდა ფიქრი. პატარა მარიამას არ ეკაშნიკა, რომ ზა-
ქი სახარე გამოდგა, მაშ აღარც ფუჩინებს მოიგებს, აღარც რძეს მო-
იწველის, მაშ რაღას მოწველავს პატარა მარიამა ქალი, ან რაღა მა-
წონს შეადებდებს? მაინც კიდევ გული არ გაიტეხა. მოაგონდა, რომ
ხარ-კამეჩებიც გამოსადეგებია. მამა იმითი ზიდავს შეშას, ფიჩხსა,
ძნასა, ხნავს, თესავს, წისქვილში საფქვეავი მიაქვს. აქი ლომა და ნი-
კოლა შეაბა მამამ, ჭვარობაში რომ მიდიოდნენ, დიდედანთან რომ
რთველში იყვნენ, ამათ არ მიჰყვანდათ ურმითა. პატარა მარიამას
თვალეები გაუბრწყინდა, მოაგონდა რთველი, ყურძენი, ხილი. „უჰ,
უჰ, ლა კალგი იქნება“, ფიქრობს მარიამა.

— იცი, დედა, ლა მოვიგონე, ჩემი ფუჩინა თუ ხალია, ხომ უღემ-
ში შევბამ, დაუჯდები და ჰალალე და ჰალალეე, გავწევთ დიდდა-
საკენ ლთველში.

ჩემს ფუჩინას ვეტყვი, აბა ჩემო, ელთი კალგად გამაქცუნე, ისე-
თი ძიენ გამაქცუნე, ლომ, სულ ცხენივითა-თქო. ჩემს ფუჩინას უნდა
მალიამა დავალქვა, დედა მეც მალიამა ვალ და ესეც მალიამა იქნება,
განა დედა?!

— ჰო, შვილო, ჰო, მაშ, მეცა ორი შვილი მეყოლება, ერთი მარი-
ამა შენ იქნები და მეორე ეგა. ძუძუსაც ორივეს მოგაწოვებთ, ერთს
ძუძუს შენ მოწოვ, ერთს ეგა, ჰო შვილო?

— ალა, დედა, ძუძუ ლათ უნდა, თავისი დედა იქ ალა ჰყავს?
ისიც ბეულს მოაწოვებს. ისე იქნება ჩემი მალიამა, განა ძუძუც უნ-
და მოაწოვო? ისე მიყვალს, დედა, ეს ფუჩინა, ლომ მუტეღში ალალ
მეტევა ამის სიყვარული.

II

ამათ ახლო ერთი ძველი ეკლესია იყო თავისი სასაფლაოთი. როგორც
ყველგან, ამ სასაფლაოზედაც გაზაფხულზედ მშვენიერი ბალახი ამო-
ვიდოდა ხოლმე. მთელი დღეები სავსე იყო ეს არემარე ხბორებდითა

და ზაქებით. სოფელში თავისუფალი ადგილი ეს იყო და ყველა აქეთ ერეკებოდა.

უქველია პატარა მარიამას „მარიამა ფუჩინასაც“ იქ გააგდებდნენ. მარიამა აბა თავს როგორ დაანებებდა თავის „მარიამასა“, კუდივით სულ უკან დასდევდა.

ჩემი მალიამა ისეთი უნდა გავასუქო, ისეთი ლომა, სულ ბლუოდეს აგე, ლოგოლიც ჩვენებიანთ მოზველი ბლუის ხოლმე,—და სადაც კარგი ბალახი იყო, სულ იქ უმარჯვებდა, — მოძოვე ფუჩინა, აქ მოძოვე, ჰხედავ, ლოგოლი თმასავით ბალახია, — თან ეკლებსა და ნარებს არიდებდა.

— მაგას ნუ მოძოვ, ფუჩინა, თოლემ შიგ ტუჩებში და ენაში შეგელჭობა, ყელში ალ შეგელჭოს და მელე... აბა ლაღა გეშველება და ლაღა შავი ქვა ვქნა.

არავის ახლოს არ მიაკარებდა. რო თვალი არ სცემოდა, ყელზე შელოცვილი ღვინჭილა, კოვზის პირი და ლოკოკინა დაჰკიდა. სანამ დაცხებოდა აძოვებდა, მერე მოიყვანდა საყდრის ჩრდილში, ზაქი წამოწვეებოდა, პატარა მარიამა კი უვლიდა საყდარს ირგვლივ და ჰკოცნიდა.

— შენ გამიზალდე ჩემი „მალიამა“, შენ გენაცვალე ფუფალავ, შენ თავს შემოგველე ფუფალავ, შენ წამლად დაგედე ფუფალავ, გამიზალდე ჩემი ფუჩინა, ნუ მომიკლავ, შენს მუხლებს ვენაცვალე. ფუფალავ, აგლემც ღმელთი გაგიზღის შვილებსა. აბა ფუფალა ჩემი „მალიამა“ ლომ მომიკლა, ხომ მეც მოვკვდები ფუფალა, შენი ჭილიმე ფუფალავ, და დედა ქადას გამოგიცხობს, მაწონსაც შეგიდებებს, ფუფალავ, დედაჩემსაც შეეხვეწები, ფუფალავ, ლომ შეგეხვეწოს, ლომ ჩემი „მალიამა“ გაიზალდოს, გაძიგონებ, ფუფალავ, ახლა?

როცა ხვეწნითა და საყდრის კედლების კაცნით გულს იჯერებდა, გასწევდა დედასთან სახლში. საკვირველია, თავის დღეში არ მოსწყინებოდა „მარიამასთან“ ყოფნა.

III

ისმინა უფალმა მარიამ ქალის ხვეწნა — ახლა „მარიამა“ ის „მალიამა“ აღარ იყო, რომელსაც მარიამ ქალი საყდართან აძოვებდა ხოლმე. ახლა ვეებერთელა გაიზარდა. რქები თითო ტკაველზე მეტი

ჰქონდა და ნახირში დადიოდა. მარიამ ქალიც გაიზარდა, მაგრამ თავისი „მარიამა“ კი არ დავიწყებია. თუმცა ახლა ისე გაგიყვებით აღარ უყვარდა, ეშინოდა კიდევ იმისი, მაგრამ გააზიზებულ მიინცა ჰყვანდა. მოვიდოდა თუ არა ნახირიდან „მარიამა“, მაშინვე ზმუილით გასწევდა სახლისაკენ. იცოდა, იქიდან მარიამა ქალი უეჭველად პურს გამოუტანდა, ან მარილს აალოკებდა. თუ ვინცობაა, მარიამა შინ არ იქნებოდა, „მარიამა“ ყვირილით გასკდებოდა, ველარც ბაკში დააყენებდნენ.

„მარიამას“ სოფლის ყველა ბავშვი იცნობდა. ჩამოივლიდა თუ არა სოფლის შუა შარაზე, გამოცვივდებოდნენ პატარა ყმაწვილები და დაედევნებოდნენ. იცოდნენ მისი სიმსუნაგის ამბავი და დაუწყებდნენ ტყუილად ძახილს: — „მარიამა“, მოდი პური გაჭამო, მოდი! „მარიამაც“ არხეინად შეხედავდა. თუ შეატყობდა ხელში უჭირავს რამეო, მაშინათვე იქითკენ გაექანებოდა, თუ ვერაფერს დაუნახავდა ხელში, მაშინ კი ერთს ყურს შეიბერტყდა, კუდს მოიქნევდა, თითქო გემრიელ ქერქებზე მოსულ სიმსუნაგეს ერეკებოდა და გასწევდა გზაზე. როცა თავს მოაბეზრებდნენ, მაშინ კი სრულებითაც არ შეიხედავდა იქეთკენ. განგებ საღამო ან სათივეში, ან ბაკში გადაპყოფდა თავსა და უცმაცუნებდა ტუჩებს გამხმარ ლობეს, ვითომ და რამესა ვჭამ, თქვენი ლაპარაკი არ მესმისო.

IV

— ბიჭო, ხვალ ჩვენი ზაქი „მარიამა“ უნდა შევებათ გუთანში, ნაფუზარში ჩაიტანეთ გუთანი, — დაუძახა „მარიამას“ პატრონმა მეხრეებს.

თავის ანეულობა იყო. მოწმენდილი ცა სიცხეს აპირებდა. დილით პატარა ნიავი ჰქროდა, მერე, სადილობის დროს, როცა მზემ წამოიწია და შეიმაღლა, ქარი ჩადგა, ჰაერი დაგუბდა, გახურდა და დაუწყო წვა დედამიწას. პეტრუანთ გუთანი ნაფუზარში გაჭიმულიყო, გაგებლებულიყო და თითქმის სულ გარბოდა. მეხრეებს ერთი კიყინა და „ოროველას“ ძახილი ედგათ. გუთნისდედა პეტრუა, „მარიამას“ პატრონი, სიხარულით ცას ეწეოდა.

— ე, ბიჭებო, რა ზაქი გამოდგა, რა ზაქი, ეს ქედღალოცვილი.

ისე მიდის გუთანში, როგორც ცხენი. როგორ მოიტაცა გუთანი, კაცო, თითქო ერთი ფარატიანი იყოსო.

— დაუხიეთ, ბიჭო, დაუხიეთ, ნელა უყავით, ზაქი არ წამიხდინოთ, ხომ ხედავთ, რა უღმერთოდა ცხელა, ხუმრობა საქმე არ არის, ზაქი არ დაიძალოს. — გუთნისდელა მებრეებს არიგებდა, მაგრამ „მარიამას“ სიფიცხით წახალისებული მებრეები ერეკებოდნენ დანარჩენ ხარ-კამეჩს, რაც ძალი და ღონე ჰქონდათ. გუთნისდელა ძლივს მიჰყვებოდა კვალდაკვალ გუთანს, ხელში ველარც კი იმაგრებდა.

„მარიამას“ საქმე კი სულ სხვანაირად იყო. უღელუჩვევს, ჯერ უღელი ეჩოთირა, გაიწია ნაპირისკენ, ფიქრობდა, გავგლეჯ, ან გუთანს გავითრევ და მოვიშორებ კისრიდან, ეს რალაც დამადვეს მძიმეო. მაგრამ ვერც აპუტრები დაგლიჯა და არც გუთნიდან ტოლმა გაუშვა. რამდენიც კვალიდან ამოსვლას დააპირებდა, მეუღლე ისევ აგდებდა კვალში. თან მებრეც ცხვირში სახრესა სცემდა.

„რალა ცემა მინდა, ლამის ისეც ძარღვები დამიწყდეს, ვერა ხედავ, შე უგულო ქეავ, შენა.

ღმერთი აღარ გაქვს, შემომხედე მაინც, როგორ მიჭირს, განა რო გავრბივარ, მართლა მსუბუქად ვარ, აბა მოდი, შენ შეები ჩემს მაგივრად, თან გცემონ და თან ეწიე, ვნახავ, როგორ მოუმატებ წევასა“.

სიცხისაგან გალექებულს „მარიამას“ პირიდან თეთრი ქაფი სდიოდა, პირი დაელო და ქწიტივებდა, რაც ძალი და ღონე ჰქონდა გარბოდა. ისა ფიქრობდა, ასე რომ ვირბინო, უთუოდ მალე გათავდება ეს სარბენი მანძილი და მერე გამომიშვებენო. ბელტი ბელტს ემატებოდა. მზეც კიდევ თითქოს ჯიბრს უწევსო, უფრო და უფრო აცხუნებდა, რამდენიც მალა აღიოდა, აჭერდა კისერში, თითქო ცეცხლის შუბებიტა სჩხვლეტენო.

„მარიამას“ წინა მკერდზე ოფლი დაჰხეთქა, სულ წურწურით გასდიოდა, მაინც ისევ გამალეებული იწევდა. ქვევით დააბრუნებდნენ გუთანს, „მარიამა“ ქვევით ნაპირისაკენ ეშურებოდა, ეგონა, იქ ჩავალთ და გამომიშვებენო. მაგრამ გუთნეულს ისევ შემოაბრუნებდნენ და კამეჩები ისევ კვალში ჩადგებოდნენ. „მარიამა“ ახლა ზევით ნაპირისაკენ მიეშურებოდა. „მარიამა“ თანდათან მოწყდა, თვა-

ლებში ღრუბელი აერია, ყელში ქშიტინი დაიწყო. ამის მერე აღარაფერი ახსოვს. თვალები დაუბნელდა, ფეხები აღარ მიჰყვნენ, „მარიამა“ გალექებული მიწაზე წაიქცა, ხრიალებდა.

— ნუ დამლუპეთ ბიჭებო, ბიჭებო ნუ დამლუპეთ, ნუ დამიქციეთ ოჯახი, — ღრიალებს პეტრუა. — მიშველეთ, ჩქარა წყალი, ჩააჭერით ავეურები, გამოუშვით, ზაქი არ მომიკლათ, ხალხო, ზაქი! — ტირის პეტრუა.

— არიქა, ბიჭებო, ვაგრილოთ ჩქარა, წყალი მოიტანეთ კოკე-ბით. — ყველანი დატაცურდნენ, გუთანი დააყენეს. მეხრეები გადმოხტნენ, ზოგი წყალზე გარბოდა, ზოგი ზაქს შეცქეროდა.

— ეე, რა უღმერთოდ იწევდა, ხალხო, და! არ მინახია მაგისთანა მხრიანი საქონელი, ჩემმა მზემა. — იძახდნენ მეხრეები. მოიტანეს წყალი, გაუხიეს ყურები, სისხლი გამოუშვეს. „მარიამა“ მოსულიერდა, ააყენეს „მარიამას“ წელანდელი ამბავი მოაგონდა: გუთნეული დაინახა, თვალებს გიჟივით ცეცება დაუწყო.

კარგა ხანი გავიდა, სანამ „მარიამა“ კამეჩი უღელს შეეჩვეოდა. ბევრი შავი დღე ნახა, მაგრამ შეეჩვია და სანაქებო კამეჩიც დადგა.

— ლუემას მაგისგანა ვჭამთო, — იტყოდა პეტრუა, — ჩემი ოჯახია და ეგა. მაგის ქედსა ვკიდევართ თორმეტ-ცამეტი სულიო.

V

გაუფრინდა ყმაწვილობის ტკბილი დღეები „მარიამასა“. ზაქობაში გატარებული დრო სანატრელი გაუხდა. ანკი, როგორ არ ინატრებდა! მაშინ თავის ნებაზე, სადაც უნდოდა, იქ დასეირნობდა, ბალებსა და ვენახებში სძოვდა, პატრონიც ისე ააზიზებდა, ხელით პურს აჭმევდა, ვენახიდან რო მოვიდოდა ან მინდვრიდან, თან ილლით ბალახს მოუტანდა ხოლმე.

— ჭამე, ჩემო „მარიამაე“, ჩემო ხარ-ზაქო, ნახავთ ჩემს „მარიამას“, როგორი ხარი დადგეს. მგონია, გუთანი სულ მიფრინავდეს, მეხრეები უღლებზე ველარა დგებოდნენ, როცა ჩემი „მარიამა“ შევაბა გუთანში, დავუსვა ჩემი ვია მეხრედ, რალა გავვიქირდება მაშინა!

მოაგონდებოდა ხოლმე „მარიამას“ ის დღეები, გული დაუწყებდა სინარულით ხტუნაობას, თითქოს ახლაც ისე გაააზიზონ. მაშინ რა იცოდა, რა იყო უღელი?

რა მძიმეა ეს კისერზე დადებული ტვირთი და შიგ ჩაკრული კისრით ხარი და კამეჩი! მაშინ არ იცოდა, რა იყო გუთანი, მიწასთან ბრძოლა და წელში გრეხა. ახლა კი გაიგო, გამოსცადა, იწვნია ყველა ამის გემო. ღმერთო, წინანდელი დობილი მარიამა ახლა რომ ჩამოუვლიდა გვერდზე, ერთს გუთნის გაშლაზე ველარ მიეკარებოდა ახლოს. „არ მერჩოლოს, ჩემკენ იხედება“. ან კიდევ „წიხლი არ მომარტყასო“.

ესპოდა ეს „მარიამა“ კამეჩს და გული ცრემლით ებანებოდა: ამას აქ ამოღენა სიმძიმე აწვა კისერზე, ეს ამოტელა მთასავით დადებული ურემი ამის ძარღვებში უნდა ზიდონ, და ის კი, ის ქალი მარიამა მარტო საცინელს ან მხეცურს რასმეს ხედავს. ბიჭები შიშით ვერც კი შეხედავენ ამათ მოტანილ ფიჩხის ურემს. რამდენჯერ მიფიქრია, რომ დამინახავს იმოდენა მთასავით დაყუდებული ურემი, აქ კი არ გადაბრუნდეს და არ დამიტანოსო. მართლაც, ერთიც ვნახოთ, ეს უზარმაზარი ურემი გადაბრუნდა, ხომ მოიტანა ქვეშ კამეჩები და გაჰყლიტა. მე რომ ერთი ხეც დამაწვეს, ხომ იმასაც ვერ ვვუღლები. „მარიამას“ პატრონს კი რამდენჯერ გადაუბრუნდა ურემი და კამეჩები ცოცხლები გადარჩებოდნენ ხოლმე. ტყიდან რო ურემს წამოიღებდნენ დაღმართზე, როგორ დაგორდებოდა ხოლმე ურემი და მიაწვებოდა კამეჩებს. განა კაცი დაიმაგრებდა იმ ურემს? თავის ღლეშიაც ვერა, მგონი ქათამივით გაჰჰყლეთდა. კამეჩები კი, „მარიამა“ და მისი მეუღლე, გაიმაგრებდნენ ფეხებს, მხოლოდ კუდების ქნევას მოუმატებდნენ ხოლმე და ვეშაპებივით ქშენა ისმოდა.

საქმე არ აშინებდა „მარიამას“, არც ეზარებოდა. ცივი და მძიმე მიწის ბრძოლას შეეჩვია. გუთანი რო ბურბუშელასავით ჰყრიდა ბელტებს, „მარიამას“ ეამებოდა ხოლმე მიწის სუნნი.

რა დაავიწყებდა „მარიამას“ იმ დღეს, როცა პირველად გუთანში შეაბეს. ის დღე „მარიამას“ ხსოვნაში ცეცხლის ასოებით იყო ამოჭრილი. რაც უნდა კაი გუნებაზე და კაი ჭანზე ყოფილიყო, ის მოგონება სულ დააღუნებდა და დააღონებდა.

ძალიან დამსხვილდა „მარიამა“, კისერი გაუსქელდა, რქები დაეწარდა. ღაბაბი ერთს მტკაველზე ეკიდა. თვალებს ცეცხლის ალივით ატრიალებდა.

— ე ქედდალოცვილი სულ ვეშაპივითა ქშინავსო, — იტყოდნენ ხოლმე.

— ბიჭო, უნდა ჰნახოთ როცა ქალაქზე ჩავატარებთ, აქეთ-იქით თვალდაცეცებული იხედება, თავს ველარ გაასწორებინებ. სიფრთხილედ და ყოჩაღობა აბა მაშინა ჰმართებს მეურმეს, თუ „მარიამას“ ხმაურობა რამე მოესმა და ერთი გაფრთხა, რალა დაიჭერს, მგონი, სულ ფეხით გაანადგუროს რაც წინ დახედება. ხილზე თვალებს აუხვევდნენ ხოლმე, რომ არაფერი დაენახა. „მარიამას“ პატრონს, პირიქით, კიდევ უხაროდა ქალაქზე ჩავლა. გზაში ყველას „მარიამაზე“ დაპრჩებოდა ხოლმე თვალი. ვაჭრები იცნობდნენ და რომ ჩამოივლიდა, დაეხმაურებოდნენ პეტრუას.

— პეტრო, არ გეშინია, რო დაგიფრთხეს ე კამეჩი?

— კობტონს არ გამოუხდი ზამთრისთვის? — ეკითხებოდა მეორე.

— მაშ, ისე დავაყენებ კაცო, უკობტონოდ რა ლაზათი აქვს კამეჩსა.

— რატო უგრეხელას არ აქმევ, როში და უგრეხელა კარგია, — გამოიჩინდა ცოდნას მესამე.

— არა, ძმაო, როში და უგრეხელი კობტონთან ვერ მოვა, კობტონ ნაჭამი კამეჩი სუ წყალში დაიწყებს წოლას სიმხურვალით. ახლა უნდა ნახოთ ტანი როგორ ბროწეულივით გაუწითლდება. კობტონისთანა ტყუილია.

ამ სიტყვებს მგონი, ხუთჯერ იტყოდა, სანამ ქუჩას ჩაათავებდა და ჰაერში გაატყლაშუნებდა შოლტს ჟინის მოსაკლავად, რაკი დაჩვეული იყო, თორემ იმის „მარიამას“ რეკაც არ უნდოდა.

— განზე ატარე, განზე კამეჩები, ფაიტონმა არ გაგიტანოს, — უყვიროდნენ დუქნებიდან, როცა პირდაპირ ვინმე მოაქროლებდა ეტლსა.

— ე მანდ ჰკვიანად იყავით, შვილოსა, თორემ თუ გატანაზე მიდგა, ჩემი „მარიამა“ მაგ თქვენს ცხენებს თავის ფაიტონიანად სულ ფეხით მოსწყლეტს.

VI

გავიდა ხანი, დაბერდა „მარიამა“. ხორცი დააკლდა, ძვლები გამოუჩინდა. ბეწვი გაუთხელდა, ალაგ-ალაგ სულ ტიტველი კანი უჩანდა. ჭუნლშიაც ძალიან აკლო; თვალებიდანაც ველარაფერს ჰხედავდა. კბილები სულ დასცვივდა. ერთი ლუქმის გალოღვნას მთელ საათს

ანდომებდა. ურემში რის გაჭირვებით შეაბამდნენ ხოლმე, გუთანში ხომ აღარ აბამდნენ. ცოდო არის, გუთანში ამოძვრება სულიო.

გაჭირდა ცხოვრება. აღარაფერს ჰქონდა გემო. თუმცა ახლა უფრო მოსვენებით იყო ჩოლმე, მაგრამ ძვლებს ძლივლა ჰზიდავდა. ზამთარში წყალზე ძლივ ჩავიდოდა ხოლმე.

— საცოდავი „მარიამა“ წელან კინალამ წყაროზე დაიჩეხა, ძლივს ამოაღწია, — იძახდა პატრონი, — ვერ დამიკლავს, მეცოდება, დიდი შრომა აქვს ჩვენზე დადებული, კაი საქონელი იყო. იყოს, რას გვიშლის, მაგისი ერთი გოდორი ბზე ხომ არ დამლუპავსო.

სოფელშიაც ყველა იცნობდა „მარიამას“, როცა ახალგაზრდა იყო, ჩხვერვა იცოდა ხოლმე. რომელი კაციც არ მოეწონებოდა, გამოეკიდებოდა, ბალებს ახლაც ახსოვთ „მარიამას“ ბუჩაობა. წინათ ეშინოდათ ხოლმე იმისი და ახლა, როცა დაბერდა და გაქცევა აღარ შეეძლო, გადაუდგებოდნენ ხოლმე გზაში.

— აი, „მარიამა“, აი, „მარიამა“ კამეჩო! აი, შე ბებერო გადაყრუებულო, უუ!

„მარიამას“ თითქო არ ესმისო, შეშინებულივით გააჩქარებდა ფეხსა. ბავშვები უფრო უმატებდნენ კიყინს. ზოგი კუღში სწვდებოდა, ზოგი ფეხში, ზოგი სახრეს ურტყამდა. ამას კი ვეღარ მოითმენდა „მარიამა“. ერთ წამს სიბრაზით თვალები აენთებოდა. ძვლები შეუშლუბუქდებოდა. მოუბრუნდებოდა ამ გაკადნიერებულ ბალებს და სულ საბძელ-ბოსლებში აძვრენდა. მერე ისევ ფეხ აჩქარებით გასწევდა თავის გზაზე, რომ ის ბოროტი ბალები აღარ გამოსდგომოდნენ.

მთელი შემოდგომა გარეთ იყო ხოლმე.

— რა მოვლა უნდა, ვენახები მოკრეფილია, რას შესჭამს, იაროსო, — იტყოდა პატრონი.

ჩამოივლის „მარიამა“ სოფელზე, მშვიერია, დილით უზმო გაუგლიათ; რას შეჭამს, ჭერ ზაფხულში რას მოსძოვდა თავის უკბილო ღრძილებით, როცა იმისთანა ბალახი იყო, რომ ახლა მოძოვოს. აქაიქ ან კაკლის ფოთოლს შეხვდებოდა, მოხობნიდა, ან ფუჩეჩს იშოვნიდა გზაზედ. ურმებს თივა გასციენია, იმას მოჰკრეფს, მაგრამ რას ეყოფა ერთი მუჭა თივა.

დაიანახა „მარიამამ“ ურმით დადგმული ფუჩეჩი, მივიდა, „ერთ ორ ლუკმას გამოვაძრობ, ვინ რას მეტყვის, მშვიერი ვარ, რა დააქლ-

დება“, — ფიქრობს „მარიამა“, მივიდა ფუჩეჩთან, ერთი ღერო გამოაძრო და ძლიერდღივობით ჰლოდნის. ამ დროს დაინახა პატრონმა. გაბრაზებულმა წამოავლო კეტს ხელი — აი, შე ვერანა, შე უპატრონო შენა! — ერთი თუ ორი ისპის ბრახაბრუხი, „მარიამას“ ხმელი ზურგისა და გვერდებისა. შეშინებული და დაღონებული „მარიამა“ მოდის ახლა ქვევით. თვალებიდან ცრემლები ჩამოსდის. ვინ იცის, მკითხველო, რასა ფიქრობს, ვინც შეხვდება, იძახის, თვალში შემოუქრავთ, ცრემლი სდისო...

VII

— ეს კამეჩი თუ არ გავყიდე, ამ ზამთარ ველარ გავკვებავთ, — თქვა პატრონმა. „მარიამამაც“ გაიგონა. არც კი გაჰკვირვებია ეს სიტყვები „მარიამასა“. იცის, რაც მოელის ყველა იმისთანას კაცისაგან. რა ექნა, „პირუტყვები ვართო, — ფიქრობდა „მარიამა“, — ჩვენს გაჰირვებას ენით ვერავის გავაგონებთ, ვერ ვიტყვით, უნდა ესე ვიტანჯოთ, წელი ვიწყვიტოთ, ყელში დანას გვაწერდნენ და მაშინაც კი ვერა ვთქვით ჩვენი განწირულება. კაცებს კი ჰგონიათ, პირუტყვებს არ ესმისთ რას ვუშვრებითო. გვესმის, მაგრამ ჩვენი გულშემმატკივარი სადღაა. იმათ მართო ხორცი უნდათ ჩვენ მართო ხორცადა გთვლიან, სხვა ვითომ არცა გვტკივა, არც გაჰირება გვესმის. რა ვქნათ? სად წავიდეთ, ვის შევეხიზნოთ. აკი ვინც თავისუფლად დაიარება, ჩვენი მოძმეები აფრიკისა და ამერიკის ტყეებში, ბედნიერებიც არიან. იმათაც თუ ჰხოცენ, იციან მაინც, რომ მტერია იმათი კაცი, ან გაექცვიან, ან მოჰკლავენ, ან შეაკვდებიან. ჩვენ კი პატარა ბავშვივით საითაც უნდათ, იქით გვიკვრენ თავსა, რათა? იმით, რომ დამონებულები ვყევართ და აღარ ვიცით, აღარ გვახსოვს თავისუფლება როგორია, აღარ ვიცით იმისი სიტკბო. ისე შევეჩვიეთ მონობით ყოფნას, რომ გაგვაგდონ კიდევ. ისევ შინ მივრბივართ იმავე კაცებთან. გამყიდის ჩემი პატრონი, არ უნდა რომ: სიკვდალს მაინც მოსვენებით დავხვდე. არ უნდა, რომ ჩემი ღლით მოვკვდე, უნდათ ლეში ჭამონ ჩემი და ტყავი ჩაიცვან. გამყიდეთ, გამყიდეთ, მაინც მეტი ბედი არც სხვა ჩემფერებსა აქვთ. ისინი დამკვლენ მაინც, მომაშორებენ ამ ოხერა სიცოცხლეს“.

ჩოდარმა „მარიამა“ კამეჩი ჩამოიყვანა ქალაქში და რიყეზე ერთ გომში დააბინავა. ზაფხულის სიცხე იყო და დამწყვედელს „მარიამას“ ხომ სულის ქცევაც აღარ შეეძლო. მართალია, ქალაქში პირველად არ იყო, მაგრამ წინათ რო ჩამოსულა, სტუმრად ყოფილა, ისევ მალე გასცლია იქაურს შემხუთველს ჰაერსა და ახლა კი სამუდამოდ უნდა აქ ეცხოვრა. ვინ იცის, რა მოელოდა, რამდენს ხანს მოუნდებოდა ამ თონესავით გახურებულს ქალაქში ყოფნა. წინათ რო ორ ღამეს დარჩენილიყო, სოფლის სურვილი აღარ დააყენებდა. ახლა? ახლა კი აქ უნდა იყოს სიკვდილამდე დამწყვედელი, კარებ გამოკეტილი. იმასთან კიდევ რამდენიმე სხეე მობუზული საქონელიც იყო, მაგრამ ისინი რას უშლიდნენ! ისინიც ამასავით იტანჯებოდნენ. გარე არც კი გამოუშვებდნენ, ან კი სად უნდა წაესხათ, აქ რა მინდვრები და ჩალები იყო. შეუყრიდნენ ნახევარზე დამპალ ბზესა. ილოდნებოდნენ საცოდავად უკბილო ბებერი კამეჩები. დღეში ერთხელ გამორეკდნენ ეზოში, ჭა იყო, ჭასთან გეჯა იყო, იღებდნენ წყალს ჭიდან, გეჯაში უსხამდნენ და ისე ასმევდნენ. მერე გაირეკავდნენ და ისევ ბოსელში უკრავდნენ თავსა. ყოველ დღე „მარიამას“ ამხანაგებს ზოგი ემატებოდა, ზოგი აკლდებოდა. დაუქერდნენ ყურს და მიათრევდნენ სადღაც. ისმოდა ბრახაბრუხი, საშინელი კვნესა და ხრიალი. დატრიალდებოდა თბილი სისხლის სუნი. „მარიამა“ ამ სუნისაგან ცოფიანივით ხდებოდა. ეხეთქებოდა აქეთ-იქით. უნდოდა გაემტვრია კარები და მიეარდნილიყო იქ, სადაც იმის მოძმეთ სისხლი იქცეოდა. კაცები საქონლის სისხლს წყალივით აქცევდნენ. „მარიამა“ კი სისხლის დანახვებზედაც საზარლად ღრიალდებდა.

მიდიოდნენ დღეები. „მარიამას“ ყოფნას არ ყოფნა ჯობდა. სიცხეს სიცხე მოსდევდა. ისმოდა კარების ჭრიალი, სახრის ტლაშატლუში, დაკლული საქონლის ღრიალი. დაბუზოდნენ მიწურის ბუზები. გრიალდებდნენ ქუჩაზე ეტლები. ისმოდა ყრიაშული.

— სად ჩავევარდი აქა, რა მომდის, განა, ისეთი რა შევცოდლე ღმერთსა! ოჰ, დალოცვილო ღმერთო! რამდენი იტანჯება ტყუილუბრალოდ უცოდველი! სინათლე მაინც დამანახვონ, მინდორში მა-

ინც გამაგდონ. ერთხელ კიდევ მელირსოს მწვანე ბალახის მოწიწ-
ნა და ქორთა ფოთლის მონახნა! ცივი წყლით დაგრილება! —
ტყუილად ნატრობდა „მარიამა“. არ უსრულდებოდა ნატვრა.

— რატომ არ გაიქცევი სადმე, შე საცოდავო „მარიამა“, რატომ
თავს არ უშველი. — ეტყოდა თავის თავს სასოწარკვეთილი „მარია-
მა“ კამეჩი, — საიდან წავიდე, საიდან გავაღწიო ამ სისხლის მსმე-
ლებს, ვერა ჰხედავ სულ დაკეტილში ვარ, როგორ გავტეხო კარები,
სად გავივხო გზა. — იტანჯებოდა და იკვებებოდა „მარიამა“ დალო-
ნებული.

IX

ერთ დღეს გომის პატრონს კარები ღია დარჩა. „მარიამა“ კარგა
ხანს შესცქეროდა გაღებულს კარებს, ან ახლა გაიხურავს ან ახლაო.
მაგრამ პატრონი არა ჩანდა, არც კარები იხურებოდა. იქიდან კი
თავისუფლება შემოიჭყიტებოდა და ეძახდა თავისთან „მარიამას“.

— იქნება მეშველოს რამე?! — თქვა „მარიამამ“, — იქნება ბო-
ლო მოელოს ჩემს ტანჯვასა?! — აღგა ნელა-ნელა „მარიამა“, გულის
კანკალით მიუახლოვდა კარებს. იქით გზა იყო, ზედ ხალხი ჭიანჭვე-
ლებივით ირეოდა. ეტლებს გრიალი გაჰქონდა. „მარიამამ“ შეუმჩ-
ნევლად ამოყო თავი ქუჩაზე. მიდის „მარიამა“ და, ღმერთმა იცის,
იმისი ფიქრი სად მიჰქრის. აქამდე ყურადღება არავენ მიაქცია, აქ
ხშირად ენახათ გომებდან გამოპარული კამეჩები, როცა ზევით
ამოვიდა, აქ კი ნირი იცვალა ხალხმა.

— საით ბეხო კამეჩო, სად მიდიხარ, შე გადაყრუებულო? — ეძა-
ხის ერთი.

— ნოეს ხბოვ, რას დასეირნობ? — დაცინის მეორე ვაჭარი.

„ნეტა, რასა ყვირიან, — ფიქრობს „მარიამა“, — პატრონმა კი
არ გაიგონოს“.

— შე გადაყრუებულო, სად მიეხეტები, — უყვირის მესამე.

— დუქანში არ შემომივარდე, შე უპატრონოვ! — უხევს მე-
ოთხე.

აგერ მოაქროლებენ ეტლსა. „ხაბარდა“! — ყვირის მეეტლე. რა
იცის „მარიამამ“ რა არის „ხაბარდა“. „ხაბარდა“, შე სატიელო! —
უყვირის მეეტლე კიდევ. ისმის ცხენების ნალის წკრიალი, ფაიტო-

ნის დგარდგარი. დაეჯახება უცებ რაღაცა „მარიამას“ და ზედ ქუჩაზე გადააგორებს.

ისმის ღუქნებიდან ხალხის ხარხარი. ეტლი ქვევით მიდრიგინებს.

— ყოჩად შაქრო. რა მარჯვედ გადააბრუნა კამეჩი! — ქშიტინებს გაბერილი სომეხი. არ ესმის „მარიამას“ რა ამბავია იმის თავსა. ირგვლივ ავლებს თვალს, უნდა ერთი ღერი ბალახი მაინც დაინახოს, ერთი ძირი ხე, ერთი ვაზის ფოთოლი, მაგრამ ტყუილად! უნდა წამოდგეს „მარიამა“ და ამ დროს შემოეხვევიან ხმლიანი და ჯოხიანი ხალხი. უბრაახუნებენ საცოდავს „მარიამას“ ხმლის ყუებს და ჯოხებს.

ააყენეს „მარიამა“, სცემენ და მიჰყავთ. უსუსტდება მუხლები. ქვაფენილმა ჩლიქები სულ დაამტვრია. აქეთ-იქით თვალაუწვდენელი სახლებია წამოჭიმული. „სადა ვარ, სად მივყევარ? სადა ხარ, მინდორო? სადა ხარ, ჩემო მტკვრისა და ლიახვის ქალებო?! რატომ მანდვე არ შემეპამეს მგლებმა, სანამ ამ ყოფაში ჩავვარდებოდი. მიშველეთ ვინმემ, სადა ვარ, რა ხალხში, რა ქვეყანაში“, — მიდის „მარიამა“, მილახლახებს. ან კი სული რაღაში უდგია. ცარიელი ძვალი და ტყავია. მიდის, მიდის და... „ღმერთო! იქნება მართლა? იქნება მომხედა ღმერთმა! „მარიამას“ წყლის სუნი დაავიწყდა. ნიავემა მოუტანა მტკვრის სიო. მაწინვე იცნო, მტკვრის ღუღუნიც მოესმა. თვალები გაუცოცხლდა, მუხლებში ძალა მიეცა. მირბის „მარიამა“, რაც ძალი და ღონე აქვს, მირბის. აღარ უტკეერის გზასა. დიდი ხანია, მღვერები უკან ჩამორჩნენ. აი, მოვიდა კიდეც. აი, მტკვარიც! ძლივს არ ეღირსა კიდეც მტკვრის ნახვა! ახლა კი ეღირსება თავისუფლებას!

არც კი დაუხედნია „მარიამას“ წინა, ერთი ზარბად შეისუნთქა მტკვრის სიო და ყირამალა გადაეშვა ზვირთებში.

„დაილოცე ღმერთო, იკურთხა შენი სამართალი. სიკვდილის დღეს მაინც მაღირსე თავისუფლება. ახლა გინდ მოვკვდე, შენ მაინც დამიტირებ“.

მიაგორებს მღვრიე ზვირთებს კლდეებში ჩაჭედილი მტკვარი. „მარიამას“ თავილა უჩანს. აგერ, გამოჩნდნენ წისქვილების ჩარხებიც, იმათაც ჩაცილდა. „მარიამას“ არ ეტყობა, რომ ნაპირისკეხ იწვევდეს, ის უფრო შუა გულში მიიწივს, რომ უფრო უშიშრად

ფერძნოს თავი. არ ვიცი, სად მიდის „მარიამა“, ან რასა ფიქრობს ამ წუთში. ის კი ვიცი, რომ ენით გამოუთქმელ ბედნიერებასა გრძნობს.

ხიდებზე ხალხი დგას და გასცქერის.

— დაიხრჩობა უეჭველად, — იძახის ერთი.

— საიღამლა გამოვა. სად არის გამოსასვლელი, — ამბობს მეორე. „მარიამას“ კი ავლაბრის ხიდქვეშ ღურღუმელი ატრიალებს. სახეზე არავითარი შიში და ვარაში აღარ ეტყობა. აგერ, აგერ ქულის ტოლად ძლივსლა მოჩანს.

საით შენი გზა, „მარიამა“, საით?

I

ზაქარიამ ახალწლისთვის წინაღლითვე დაკლა ერთი კაი ბურჯაკი, გაფუფქა, გაწმინდა, გაათეთრა, გაალამაზა, თავი მოჭრა, ცალკე ხონჩაზე დააგორა; გოჭი აკაფა და ფეშხვი სახლში ლურსმნებზე დაჰკიდა.

— ეფემია ერთი შეხედე, მამა გიცხონდა, რა არის და! ყველივით არ ითლება!

— ზაქარია, ძალუაანთ არაფერს მიაწოდებ? არაფერი აქვთ ბედნიერი დღისთვის, ერთი შამფური მწვადი ბედენას არ გვიზამს.

ზაქარია ჩაფიქრდა. ცოტა არ იყოს, არ ესიამოვნა ამისთანა მეტიჩრობა დედაკაცისა, ყოყმანობდა, არ იცოდა, ჰო ეთქვა თუ არა. როგორღაც არ ემეტებოდა კარში გასატანად ამისთანა გოჭის ხორცი, მაგრამ არც ეფემიას წყენა უნდოდა.

რას ბრძანებთ, მთელი ზამთრის სარჩო ის გოჭი იყო იმისთვის, თუ ხორცი, თუ ქონით. ბედნიერი დღე მოიმიზეზეს, თორემ მაინც საზამთროდ ასუქებდნენ, ექვსი ჩანახი სიმინდი შეაუბამეს. ახალწელიწადს თავით გამოვლენ იოლად, დანარჩენი აღებაში ეყოფათ.

— ქა, რას დაფიქრებულხარ, კაცო, ერთი თირკმელი, პატარა

გულისა და ღვიძლის ნაჭერი და ერთი მწვადი ხორცი იმათ ეყოფათ, გულს დაედებათ, ჩვენ კი ბევრი არა დაგვაკლდება რა.

— შე დალოცვილო, ჯერ ჩვენც არ გვინახავს გემოთ და აღარ დამაცლი, გავუგზავნი მა რა! — წაიბურტყუნა ზაქარიამ.

II

ახალწლის წინა ღამე იყო და ეფემიაც სამზადისს შეუდგა წინდაწინვე. ერთი კასრი ფქვილი გამტკიცა და შოთებად და ლავაშებად მეზობლის თონეზე მიაკრა. თავი და თავი ბასილა იყო; კაცის სახედ გააკეთა, ფეხები გამოაბა, ყელის ადგილას ხელი მოუჭირა, გაუწვრილა, თავი გაურგვალა ხელის გულებით, თვალები და ცხვირი ჩხირით დაუჩხვლიტა. უნდოდა ბელისკვერებიც მიეკრა, მაგრამ ახლა აღარავინ იცისო თქვა და თავი დაანება. შოთებს, ლავაშებს და ბასილას კი ვერ აიცილებდა.

— ბედნიერი ღღეა, არ იქნება არავინ შემოვიდესო, — თქვა ეფემიამ, — არქონებაში ხომ არ ჩამოგვართმევენ, ხალხი სხვანაირად იტყვისო.

ერთი გირვანქა თაფლიც ამოიტანა გორიდან, ორი შაურის კამპეტები, ჩურჩხელა, ჩამიჩი და კაკალი შინა ჰქონდა, სამშობლოდან მოუვიდა და ბედნიერი ღღისთვის შეინახა, რამდენიმე ქურწითელი ვაშლიცა ჰქონდა.

ეფემიამ ერთი პატარა ლამბაქი გოზინაყი მოადღუდა; დანარჩენი თაფლი ზოგი ფიალაზე დაასხა ტაბლისთვის და ზოგიც შეინახა. თავშენახული ადამიანი გახლდათ ძალიან!

ზაქარიამაც ცხელცხელი გოჭის თავი ქვაბიდან ამოაბძანა და ხონჩაზე ბრაზხანი მოადინა. ისეთი სუნი დატრიალდა გოჭის თავისა, რომ დიაკვანსაც კი ნერწყვი მოუვიდოდა. ერთი სიტყვით, კარგი სამზადისი ჰქონდათ. ნეტავი, იმათ მეკვლეს.

— იპ, იპ! დაილოცე! მოიტა, ეფემია, მარილი მომაწოდე, — მოაყარა მარილი, გადააბრუნ-გადმოაბრუნა, პატარა კიდეც უქბინა, ჯერ მე ვნახო გემოთაო, ჩემი პირის გემო სხვამ რად უნდა წაიღოსო, — და მერე ხონჩაზე გააგორა.

ეფემიამაც დაალაგა და დაასუფთავა სახლი და კარი, ჰკერი ჩამოგავა, რაც მეზობლებში ან საციქველი ჰქონდა, ან სესხი, მოიტანა, თვითონაც წაუღო, რაც ნათხოვარი ჰქონდა.

ახალწლის მოსვლით ყველა მხიარულობდა: ზაქარიაც, ეფემიაც, პატარა ფეიცი ხმელი შეშისგან ხითხითებდა და გურგურებდა.

მართლა, ის კი დამავეიწყდა, ზაქარიანთ ერთი კნავილა კატა ჰყავდათ, იმას აღდგომასაც არ უხაროდა, თორემ ახლა კი არ შეუწყვეტია კნავილი. ის სამგლე მშიერი იყო, თუ მაძლარი, იღვა, თუ დადიოდა, სულ კნაოდა. ძილშიაც კი კნაოდა.

ეფემიას ძალიან შეეკვეთილ-შემკვდარებული ჰყავდა. ანკი როგორ არ შეეყვარა — შვილი არ გააჩნდა და ძირი, ხარი და ძროხა, კამეჩი და ცხენი, ის იყო და ის, იმათ ბედზე ისა კნაოდა. ეფემია საითაც წავიდოდა, კატაც კუდაშვერილი კნავილით უკან დასდევდა, კაბაზე ეხახუნებოდა.

ზაქარია რომ გოქსა სწელავდა, კატაც გვერდზე უტრიალებდა, ხან ეხახუნებოდა, ხან თვალეში შესცქეროდა და შეჰკნაოდა, ხან გოქსა სუნავდა.

— იქით გასწი, შე მუდრეგო! აქ საშენო არაფერია, ტყუილად გესულნება¹, — წარტყამდა წიხლს ზაქარია და გააგდებდა ციცას.

ციცა მაინც არ ეშვებოდა, მიდიოდა და შეჰკნაოდა.

— რამ გააცოფა ეს სამგლე, სადა ხარ, ადამიანო, მოდი, ერთი მომაშორე, ლამის ხორცი სულ გაზიდოს.

— მიუგდე ერთი ჩიჩქნა ხორცი და მოგშორდება, კაცო, ვერა ჰხედავ, მაგისტვის შემოგჩხავის.

ზაქარიამაც გაიმეტა და ერთი ბეწო წელის ნაგლეჯი მიუგდო.

კატამ გადაყლაპა და ისევ ზაქარიას მიუტუტქდა.

— მიაუ, მიაუ! — აგრძელებდა ციცა, თითქოს ახრჩობენო.

იშორა ზაქარიამ, ვერ მოიშორა, გაბრაზდა, წამოვარდა, გაეცხლებულმა ორიოდე წიხლი ჩასცხო შიგ მუცელში, ისე რო კატამ სიმწვევით საცოდავად შეჰკნავლა.

— შე ოხერო, შე ტიელო, არც ახლა მომშორდები! — ყვიროდა ზაქარია.

— რა დაგემართა, კაცო; წელეები არ გამოაყრევიანო, კატის ცოდ-

¹ გესულნება — სული ვძლევსო

ვაში არ ჩადგე. რას ერჩი, რა იცის, პირუტყვია, მიუგდე ლუკმა და თვითონ მოგშორდება როცა გაძლება.

გაჭავრებული ზაქარია გოქის ნასხეპებს მალლა ლურსმნებზე ათითობდა.

გაბეგვილი კატა შეძვრა ტახტქვეშ, ცალი თვალი ზაქარიასკენ ეჭირა, ცალი თვალი მალლა დაკიდულ ბურვაციის ნასხეპებზე.

— მიაუ, მიაუუ, — ისმოდა დროგამოშვებით მსუნაგი კატის კნავილი.

— მაგრე იკნაველე, აი, შე მსუნაგო, შენა! ერთი კიდევ მოდი ახლო, ერთი კაი ჯოხი გდო! — ემუქრებოდა ზაქარია.

— მიაუ მიაუ! — აძლევდა პასუხს ციცუნია, თითქო ეუბნება, თქვენთვის რო იმზადებთ, მეო?

ზაქარიამ კარგად იცოდა თავის კატის ამბავი და ბურვაციის ნასხეპებს ისე მალლა იმიტომ ჰკიდებდა.

ეფემიამაც მანამდე ტაბლა დააშადა— „ტაბლა აბრამიანი“.

ცხრილზე დაალაგა შვიდი პურის მარცვალი, ორი წყვილი სანთელი, კვერცხი, ვაშლი, ჩურჩხელა, მთელი ბასილა თავის კამპანიით, ორიოდე შოთი, თაფლიანი ფიალა, გოზინაყიანი ლამბაქი, ერთი ჯამი კაკალი, კამფეტებიც ზოგი ღორის თავს გაუკეთა ცხვირის ნესტოებში და ყურებში, ზოგიც ჩურჩხელასთან დაყარა. მართლა, ის კი დამავიწყდა, ღორის თავს პირში ჩურჩხელის ნაჭერიც ჩაუდვა. მორთულ-მოკაზმული ტაბლა კიდობანზე დადგა.

IV

კაი ხანი გავიდა, გრძელი ვახშმობა გადავიდა, ზაქარია და ეფემია ისევე ზეზე იყვნენ, კიდევ რაღაცას ფუსფუსებდნენ.

— დავწვეთ, ეფემია, ტყუილად ან შეშას რათა ვწვეთ, ან სანათსა, დავიძინოთ, ზვალ ადრე ადგომა მინდა, წყაროს მინდა მივულოცო!

სანათი მოასვენეს, ლოგინში ჩაწვენენ.

ზაქარიას კარგა ხანს არ დაძინებია, ახალწელიწადზე ფიქრობდა,

1 ქართლში იციან, ქაოშები რო ყვილის დაწყებენ, ადგებიან და თუ წყარო ან წყალი აქვთ სოფელში, ჩაიტანენ ხორბლის მარცვლებს, ჩაყრიან და ახალწლით მიულოცვენ.

თუ ვინ მოუკვლევს, ან თვითონ ვისთან წავა, ვის მიულოცავს. მართლა, კიღობანში რომ ეფემიას ერთი ბოთლი არაყი ედგა, რატომ ისიც არ ამოვალდებინეო, — მოაგონდა ზაქარიას, უნდოდა ამდგარიყო, მაგრამ ისევ გადიფიქრა. — „აბრამიანზე“ ხომ ვერ დავდგამ და სანამ ვინმე მოვა მოსალოცად, ხომ კიდეც მოვასწრებთ ამოღებასო. — ამ ფიქრებში ზაქარიას ჩაეძინა.

ეფემიაც გულის ძილში იყო და ბარაქიანად ხვრინავდა. მხოლოდ ზაქარიას კატას. არ ეძინა. ის ისევ გულიანად კნაოდა, რაკი მალლა დაკიდებულ ხორცებსა ხედავდა, რალა ეშმაკი დააძინებდა. ბევრი უარა, ბევრი ებღაოტა, მაგრამ არ იქნა, ვერ შესწვდა საბრალობელი. თვალებდაბრეცილი უკან გამობრუნდა, ამ დროს მოხარშული გოქის თავის სუნი ეცა.

V

ზაქარიას ძინავს. ეფემიაც ხვრინავს. ესიზმრა ზაქარიას: ვითომ იმის სახლში ქურდები შემოპარულან. სულ ერთიანად გაუზიდნიათ, რაც რამ ებადა, გოქის ნასხეუბებიც ჩამოუღიათ, არყიანი ბოთლისთვის მიუგნიათ და ზაქარიას სადღეგრძელოს სვამენ. ზაქარია ვითომ ავადმყოფია, არ შეუძლია ფეხზე ადგეს, გული მოსდის, ბრაზდება, სისხლი ყელში აწვება, იწევს. ასადგომად, საბანი არ უშვებს, ფეხები აღარ ემორჩილებიან. იხელება გაჭირვებული ზაქარია, ეფემია მაინც სად არის, რო ხმას არ იღებს, ერთი მაინც დაიყვიროს, სოფელს შეატყობინოს. მოვლენ, მომეშველებიან.

უყვირის ეფემიას.

— სადა ხარ, ადამიანო, სად დაიქარგე, ვერა ხედავ აგვიკლეს. ამ ყვირილზე ეფემიაც წამოვარდა.

ის იყო კატასაც ერთი ყური ძირამდე დაეყვანა და ახლა მეორეს უპირებდა შედგომას, რომ ზაქარიას დაყვირებაზე გულგახეთქილი შეხტა და ტაბლას ღორისთავიანად ძირს რახვანი მოხდა.

სიზმარს ეს ბრაზხუნიც ზედ დაერთო, ზაქარიას ძილში შესწვდა, ფეთიანივით წამოვარდა, ჯერ ისევ მძინარ ზაქარიას რახხუნი კანთიელად მიესმა, სიზმარი და ცხადი ერთმანეთში აერია, მართლა ქურდები ეგონა და მორბო ყვირილი.

— არიქა ქურდები არიქა! ვინ ხარ, მოასწარით, დაიჭირეთ!

ეფემია, სად არის ჩემი თოფი მაჟარი, ხმალი ფრანგული, ხანჯალი მისრული, დამბაჩა ქისტური, არიქა მომიტანე. ერთი ეს ოხრები დავ-ხოცო სულა, რო შემოპარულან, ჩემი სახლი უპატრონო ჰგონიათ, თუ რა არის, კაცი არა ვარ?! — გაჯავრებული ზაქარია გადმოხტა ტანტიდან, კიდობანიც იქვე იყო; დასცა ფეხი ძირს გადმოყრილ ტაბლა-აბრამიანს და თაფლიან-გოზინაყიანი ლამბაქები სულ დაა-ნაჭუჭა.

— სად არის ქურდები, რა იქნენ?

გულგახეთქილი ეფემია ამ ხმაურობაზე წამოვარდა ზეზე, საჩქაროდ აანთო სანათი და შენმა მტერმა ნახოს, რაც იმისმა თვალემა ნახეს!

ღორის თავი კიდობნის ქვეშიდან გამოიყურება, გოზინაყიანი ლამბაქი დამტვრეულ-დალეწილი ზაქარიას ფეხზე მიკვრია, თაფლი მიწაზე გალესილა.

— სად არიან ქურდები, რა იქნენ?

— ვუი, შენს თვალებს და შენს ქურდებს, ზაქარია!

შერცხვენილი და გაბრაზებული ზაქარიაც დგას და იფურთხება. ზაქარიას ქურდი, შეშინებული კატა, კარებთან ატუზულა და სახტადღარჩენილ ზაქარიას შემოჰკნავის: მიაუ, მიაუ!

— მცივა, მცივა, შემიბრალე, თავშესაფარი მომეც, სიცივით ნუ მომკლავ, ზო ზედავ, რა პატარა ვარ, ლამის ქარმა გადამაგდოს და თოვლმა დამახრჩოს! ბინა მომეც, ცასქვეშ ნუ დამაგდებ, — ასე ევედრებოდა სიცივისაგან სიკვდილის პირზე მისული პაწაწა ფითრის თესლი მსხლის ზესა, რომელსაც ამაყად თავი მალლა აეღო და ირხეოდა.

ქარი ჰქროდა, თოვდა, ნამქერი ტრიალებდა.

მსხალმა წვერებიდან გადმოხედა ფითრის მარცვალსა; ეძებდა, ვინ ეძახდა, რა სულიერი იყო მთხოვნელი. ათვალიერებდა, მაგრამ არაუინა ჩანდა.

— გამოჩნდი, არ დამენახვები, ვილაცა ხარ, ჭოგრიტით გეძებო? სადღაც შემძვრალხარ და წრიპინებ! — ჩამოსძახა გაჯავრებულმა მსხალმა.

ფითრის მარცვალი ზედ ტოტზე აცოცდა, ქერქს ამოეფარა და რაც ძალი და ღონე ჰქონდა, იჭიმებოდა, დამინახოსო. თან მსხლის ქერქს ეკვროდა, ებლაუჭებოდა, რომ ქარს არ ჩამოეგდო ძირსა.

— აქა ვარ, პატარა ვარ, დაიხარე კიდევ, რო დამინახო; ჩემი ტოლ-ამხანაგებიდან მართო მე გადავრჩი. გაუმადლარმა ჩხართვმა გადაყლაპა ყველანი, მეც ნახევრად დაგლეჯილ-დაფლეეთილმა აქ შენ შემოგაფარე თავი. შენ თუ არ დამმალე, ის მსუნაგი მეც ჩამყლაპავს, არ გადავურჩები.

მსხალიც მოიდრიკა, აიყვანა ფითრის თესლი და შინჯვა დაუწყო.
— რა პატარა ყოფილა ეს საცოდავი! ამისი თავშესაფარი რა უნდა იყოს, ან ამისი შექმა, ვის რა უნდა გაუხდეს, რა მუცელს გაუძღობს?! — იფიქრა მსხალმა.

რამდენი ჭია-ლუა ზის ჩემს ქერქვეშ, დათბება, გამოძვრებიან, თავის გზაზე წავლენ, არც მოსვლასა მკითხავენ, არც წასვლასა.

წელან კოდალა იყო აქა. თავიდან ფეხებამდე სულ გამსინჯა, ამივლიდა და ჩამივლიდა, იმის ნისკარტს ჩემს ტანზე რაკა-რუკი გაჰქონდა. საწყალ ჭია-ლუებს გულეები დაუსკდათ, მევედრებოდნენ: — შეგვიბრალე, ნუ შეგვაქმევ ამ მოსისხლესაო! — მერე რა მეშველა? ბევრი ჩაყლაპა და ბევრიც გადაჩა ისევ ჩემს ქერქში.

მუხა მეძახდა: „კაცო, ჭკუაზე მოდი, რამ გაგასულელა, ვინც მოგადგება, შენც კარებს უღებ, იმათაც აულიათ თავი და ყველა შენზე მოცოცავს. მე გირჩევ, რაც ქერქვეშ ჭიები და ბუჭყები გისხედს, გარეთ გამოორეკე, კოდალამ შექამოსო. აღარ გახსოვს, გაზაფხულზე როგორ ჰყვავი? გამვლელ-გამომვლელი იძახის: „ძალიან მოაქვს ამ მსხალსა, ბევრს მოისხავს წლეულობითაო!“ გავა ცოტა ხანი, დაიყვავილებ, წვრილი ნაყოფი ჯერ ბევრი გასხია, თითქო ფოთოლსა სჭარბობს. მოდის ზაფხული, საღღაა ხილი? მეთადი აღარ გასხია...

— რა იქნა, საღ წავიდა, რამ ჩაყლაპა?

— რამა და სულ მაგ ჭიებმა, შენ რომ შემოგზიზვიან. თვალი გაახილე, თვალიო, — თითქო მე ბრმა ვიყო.

— ნეტა შენა, მუხავ, რო მაგისთანა ეჭვიანი ხარ, ნიადაგ ბევრი ნაყოფი შეგჩრება.

მერე კაკალსა ვკითხე, კაკალმაც ისეთი პასუხი მომცა, როგორც მუხამ.

— მე მაგათი შიშით ჩემს თესლს ორნაირ ტანისამოსში ვახვევ, გარეთ მწარე წენგოს ვუქეთებ, შიგნითაც ძვალვით მაგარ ნაჭუქს, მაგრამ კიდევ უზარალოდ ვერა ვრჩები. ნახევარს მაინც ეგ ჭიები მიჭამენ და მიფუჭებენ. მაგათგან კარგი არა გამოდნება რა. მუხაც მაგას გეტყოდა, ჭკვიანია, შენც გაფრთხილდიო.

— მცივა, მცივა! — წრიბინებდა ფითრის თესლი, — აქვე შევძვრები, თორემ ეს არის სული ამოვიდა.

— შეძვერ, შე საწყალო, ადგილს როგორ დაგიქერ, — უთხრა

გულმტკივნეულად მსხალმა, — თუ თქვენები კიდეც ნახო ვინმე გა-
ჭირებულნი, მოვიდნენ, არ დავიშურებ არც იმათთვის ბინასა. თქვენ
ხომ ნაცოფს არ შემიჭამთ ჭიებზე, მუხა რო იძახდა?

— რასა ბრძანებთ, თქვე დალოცვილო, ჩვენი ჯიში ხილეულს არ
ეწყობა და არც მე გიახლებით, არხეინადა ბრძანდებოდე. ოპ, რა
მადლობელი ვარ, რა მადლი მიყავ, ერთი სული მომარჩინე სიკე-
დილსა. თუ ფითრი ვარ, გადაგიხდი შენს სიკეთესა.

ფითრის მარცვალნი შეძვრა მსხლის ქერქვეშ, სადაც უფრო
ღრმად იყო გახეთქილი და ზედ ცილაზე მიეკრა.

— ოპ, რა კარგადა ვარ, არც შემცივია, არც მომშივია! — ბუტბუ-
ტებდა ფითრი.

— ვის ელაპარაკები, მანდ ყოფნა ხომ არავინ დაგიშალა? — ჩა-
მოსძახა მსხალმა.

— არა, გენაცვა, ნაცნობი შემხვდა, იმას გამოვეხმაურე.

— ხომ აღარა გცივია, ვერ გათბი?

— ახლა რაღა მიშავს, რაკი ჩხართვს თავი დავადწიე და შენ შე-
მოგეხიზნე.

* * *

ფითრის მარცვალმა ის ზამთარი მსხლის ქერქში გაატარა. არა
ციოდა, არა შიოდა, მტერი ვერაფერს დააკლებდა და დუშმანი, ისე
იყო შემძვრალ-შემალული, სინათლეც კი ვერ დაინახავდა. რამდე-
ნიმე დღეს შიშით თავი არ გამოუყვია გარეთ. სულ ჩხართვი ელანდე-
ბოდა, ან ახლა ჩამცხებს ნისკარტს ან ახლაო. არ იცოდა, დღე იყო
თუ ღამე. მაგრამ დრო გავიდა, თავის მდგომარეობას შეეჩვია. პირ-
ველმა შიშმაც გადაუარა.

ერთხელ მზის შუქი პირდაპირ თვალებში მიადგა ფითრსა. ფითრ-
მაც ნამძინარები თვალები მოიჭმუნა, გაინძრა, გაიშალა ცოტათი
წელში, მზეს თვალი აარიდა და ზურგი კი უცხუნა. ძალიან ესიამოფ-
ნა მზის სტუმრობა.

— ახლა აღარა მიშავს რა, რაკი ჩემს სადგომს მზემაც მოავნო, —
ფიქრობდა ფითრი, — თქვენ კი, მანდ გეძინოთ, ჭია-ღუებო, ზოგს
კოდალა ამოგთხრით და მძინარს ჩაგყლაპავთ, ზოგს ქარი ჩამოგყრით
ძირსა. იქაც კაკაკილები და ჩხიკვები კაი გემოს ჩაგატანენ. მე კი აქ

არხეინად ვიქნები, პატარა, თქვენგან ათვალისწუნებული ფითრი, ნახავთ, როგორ გავიზარდო და გავსუქდე. მსხალს კაი ღონიერი ფესვები აქვს, საკმაო საკმელი გვექნება. მსხალი მომაწოდებს მიწიდან მზამზარეულს საზრდოსა. მოხმარება ჩემზე ჰკიდია. — ასე ფიქრობდა ფითრის მარცვალი მზის შუქისაგან გახარებული.

ქარი გრიალებდა. თოვლი მზეზე სპეტაკად ბრწყინავდა. მსხალი ნელ-ნელა ირწეოდა. ჭია-ღუები ღრმა ძილში იყვნენ გაზაფხულის მომლოდინენი. მართლაც ბევრი მათგანი ფრინველებისა და თაგვების წერა ხდებოდა. ფითრმა კი რაკი მზის შუქი დაინახა, რალა დააძინებდა, ფიქრად გადაიქცა, სულ რალასაც საზრობდა. დღეებიც გადიოდნენ და მზესაც სითბო ემატებოდა.

რამდენიც ღრო გადიოდა, იმდენი ფითრიც იცვლებოდა. მსხლის ქერქზე, ტკიპასავით დაკრობილი, იზრდებოდა, იბერებოდა, სულ გან-გან იწევედა. მსხლის ცილა რამდენიმე ალაგას ჩაეხვრიტა და ტუჩებით დაჰკვროდა.

მსხალს აღარც კი ახსოვდა ფითრი, ან კი რა ყურადღების ღირსი იყო რამდენი იმისთანა შემოხიზნული თბებოდა და ძლებოდა მსხლის ოფლითა! კიდევ რა ხსომებოდა, ბევრსაც არ ინალვლიდა ფითრის გულისათვის: ვინ იცის, საწყალი, სად გადავარდებოდა, რა შეჰამდაო.

ცილაში ჩაკრობილი ფითრის თესლი კი რაც ძალი და ღონე ჰქონდა, წუწნიდა ახლად გამართული ტუჩებით ისეც სიცივისაგან გამოფიტულ მსხლის ქერქსა.

ეს სისხლის წოვნა კი უგრძობელი არ დარჩა მსხალსა.

— რალაცა მილიტინებს, თითქოს არცა მკებენს და არცა მწუწნისო, — იძახდა შეშფოთებული მსხალი და იპროლებოდა მთელი ტანითა. ვინ იცის, დაუდეგარი ჭიები თავშესაფარს ხვრეტენ. კოდალამ მაინც ჩამოიაროს და მომაშოროს ეს აბეზრები.

კოდალამაც რამდენჯერმე ჩამოუარა და გაარაკრაკა ნისკარტი იმის ქერქზე. დამფრთხალ ჭიებსაც ამ ხმაზე ელეთ-მელეთი მოსდიოდათ. შეშინებულები ხან აქ ამოჰყოფდნენ თავს და ხან იქა.

კოდალასაც სხვა არ უნდოდა რა, სტაცებდა პირს და ყლავ!

მსხალს კი მაინც რალაცა ულიტინებდა და რამდენიც ღრო გადიოდა, იმდენი მოუსვენრობა ემატებოდა.

• • •

გავიდა ზამთარი. ქია-ღუები დათბნენ, გაცოცხლდნენ, ამოძვრ-
ნენ მსხლსა ქერქიდან, ფრთიანები ცის ქვეშ გაფრინდნენ: უფროთო-
ნი ზოგი ძირს დაეშვა ნეხვის საძებნელად, ზოგი ტოტებზე გავიდა
ყვავილის კვირტებში კვერცხების ჩასადებად.

ფითრი?! იმან რალა ქნა?

სადაც ფითრი შეძვრა, იმ ადგილზე ერთი მწვანედ გალღანებუ-
ლი ბატის ფთის სისხო ყლორტი ამომძვრალიყო და ორიოდე ფო-
თოლიც გაშლოდა.

— გამარჯვება, ფითრო! აქ რამ ამოგიყვანა, ამ ქორფა მსხალ-
ზე? — ეკითხებოდა გაკვირვებული ხავსი, — ოცი წელიწადია მაგ
მსხლის გარშემო ვტრიალებ, მინდოდა როგორმე ამოვსულიყავ,
მაგრამ აქამდე ვერ მოვახერხე; დახე, დახე, ისევ შენ არ დამასწარ.
ოჰ, რა ეშმაკი რამა ხარ! შენ მანდ არხეინად უნდა იჯდე და მე აქ
უნაყოფო ქვებსა და გადამღრძვალ ხეებს წევცქეროდე!

— რა არის, კაცო, შეგშურდა ჩემი აქ ამოსვლა, თუ რა დაგემარ-
თა. მოესწრები შენც ამოსვლასა. მეც ხომ ეს არის, ახლა ვერევი
ქვეყანაში, ჯერ წუთისოფელი არ მომიქამია. ღმერთმა ააშენოს
ჩხართვის ოჯახი. ზოგი ქირი მარგებელიაო, რომ იტყვიან, სწორედ
ჩვენზე არის. ის რომ არ გვქამდეს, ჩვენი გვარი ღუნიაზე ამოვარდე-
ბოდა. მოგეხსენება რა ღორმუცელაა ის შეჩვენებული, სადაც კი
ფითრს ნახავს, იქ დაიბუღებს, აღარ მოეშვება, სანამ სათითაოდ არ
გამოჰკენკავს. ჩვენც ძალიან ამტანები ვართ, ჩხართვის მუცლიდა-
ხაც კი ბევრი ისევ უვნებლად გამოდის. წავა ჩხართვიც, სადმე ქორ-
ფა მსხალზე, ან ვაშლზე მოსკინტლავს, ჩვენებთაგანიც ვინმე გა-
ჰყვება სკინტლში უჭირველ-უტყვიარი. ძალიან ბედნიერადა გრძნობს
იქ თავსა. სამშობლოს მოშორებული თავისთვის იწყებს წარმოე-
ბას. შეხედავ სამი-ოთხი წლის შემდეგ ერთი უშველბელი გამხდა-
რა. მსხლის ტოტებში მწვანე კორდივით გადაფენილა. გამრავლდე-
ბა, გაავსებს ტოტებსა და დაიჭერს მთლად ყველა ადგილს. საკვირ-
ველი კაი ჩიში გვაქვს. ის არის კიდევ საკვირველი, რომ თუ არ ხე-
ზე, თუ არ მზამზარეული საკვებით, ჩვენი გვარი ვერ ხეირობს. თუ
სხვას არ ვასხედვართ, დედამიწაზე ჩამოყრილები ერთ დღეს ვე-

ღარა ვცოცხლობთ. რამდენსაც განვიზრდით, იმდენი ვმრავლდებით და ვსუქდებით, ჩვენი სამშობლო იქ არის, სადაც ზეებია. საფითრეთი არსად გამიგონია. ან კი საიდან რა მეცოდინება, სულ ერთი ზამთარია, რაც აქ მოვედი. ამ მსხალმა შემოფარა, ბინაც მომცა და საჭმელიც. მეც დავბინავდი და ფესვები მაგრად გავიდგი. საზუღამოდ აქ ვაპირებ დარჩენას. სანამ მე ცოცხალი ვარ, ეს მსხალიც იცოცხლებს და მეც არა ვამიჯირღება რა. როცა მე აღარ ვიქნები, ჯანი გავარდეს, ვინც დარჩეს, თავის თავს თვითონ მოუაროს. შენი ჯიში ვიცი, ხავსო, მალე შენც მესტუმრები.

— ძალიან რომ გამრავლდეთ და მსხალი აღარ გეყოთ საწუწნად, მაშინ რაღას იზამთ, ერთმანეთს ხომ ვერ დაჭამთ? — ჰკითხა ცბიერმა ხავსმა. ფითრი გაჩუმდა, პასუხი არა მიუცია რა.

მსხალს ესმოდა იმათი ხმაურობა, მაგრამ რასა ლაპარაკობდნენ, კი ვერ არჩევდა. ეს ძალად სტუმრები უცხო უცხო ენაზე ლაპარაკობდნენ; ფითრს არ იცნობდა, ხავსი კი გაეგონა და ენახა კიდევ: აგერ, ა იმ ბებერ მუხას როგორი ხავსები ეკიდა. ძირზე შავად ჰქონდა ბალანივით შემოდებული და ტოტებზეც აბლაბუდასავით ჩამოჰკიდებოდა მწვანე ფოჩებივით.

* * *

თუ სხვა წლით იზრდებოდა, ფითრი დღითა. ღერს ღერი ემატებოდა, ტოტს ტოტი, ფოთოლს ფოთოლი. გასუქდა, გალალდა, გაიბარჯდა, გაიზარდა; გაშალა შორს თავისი ბჭყალები. ფესვებიდან მომდინარე წვენს წვერებისკენ აღარ უშვებდა, წოვდა, როგორც ობობა. ბუხსა, წუწნიდა, როგორც ბალლი შაქარსა, ძღებოდა, როგორც სვავი სისხლითა.

მსხალი კი თანდათან იმშეოდა. ახლა კი მწვავედ იგრძნო მსხალმა ტკივილი იმ ადგილზე, სადაც, ფითრი აჯდა. მჭამელივით ჰკამდა და ჰგლეჯდა რაღაცა, ჩხვლეტდა და სწვავდა შანთივითა.

— ვინა ხარ, რა ხარ, რა სულიერი ხარ? აღარ მომშორდები? — ეკითხებოდა ფითრსა. — თუ სტუმარი ხარ, სტუმრობა ამდენი ხანი არ გაგონილა, სხვებიც იყვნენ ჩემს ქერქქვეშ შემოხიზნულები, მაგრამ წაივინდნენ თავის გზაზე. მგონი, შენც ისე უნდა ჰქნა, სტუმრის წესი აასრულო. თუ მტერი ხარ, გამაგებინე, გამეცალე, რას ჩამციენიხარ?!

— ხა! ხა! ხა! — გადაიხარხარა ფითრმა, ისეთი საზარელი და სა-
ძაგელი ხმითა და კილოთი, რომელშიაც გამოიხატებოდა მწარე და
გულის მომკვლელი დაცინვა. — სად უნდა წავიდეთ, ვერა ჰხედავ,
რამდენი ვართ?! ჩვენი სამშობლო ეს არის. აბა, გაიხედე, აი, იმ
ტოტებზე!

მსხალს თვალი დარჩა იქით, საითყენაც ფითრი უჩვენებდა.
აუარებელ წვრილსა და მსხვილს ფითრს ამოეყოთ თავები მსხლის
ტოტების ქერქიდან და გაჯეჯილებულიყვნენ.

დაფიქრდა მსხალი, თითქო ახლალა იგრძნოვო, მთელმა ტანმა
დაუწყო ქავილი და ჭამა.

— არ მომშორდებით მაშა, ვილაცეები მოთრეულხართ ამ ჩემ
ტოტებზე! — დაუყვირა მსხალმა, — თქვენი ნებით წადით, თორემ
სულ ძირს ჩაგყრით და ირემს შეგაკმევთ.

ყელმოღერებული ნაიალადარი ხარირემი ამაყად და მსუბუქად
ატრიალებდა მრავალშტოვან რქებსა. აქა-იქ ჰგლეჯდა და ჰყლაპავდა
ხეებიდან ხავსსა. იმ დალოცვილის რქებში არწივი გაიკეთებდა ბუ-
დესა. ბაღს გარს უვლიდა და ხეებსა ჰკორტინდა. მსხლის ხმაურო-
ბაზე თვალი მალდა დარჩა, იქნება ჩამოყაროს რამეო. ფითრები
არხეინად ისხდნენ და ყურსაც არ იბერტყავდნენ.

გაბრაზებული მსხალი კი ძირიანად ირყეოდა, უნდოდა მათი ჩა-
მოყრა. ირემი კი ნაღვლიანად ილიმებოდა.

ფითრი თითქო ჯიბრზე, რაც ძალი და ღონე ჰქონდა, სწოვდა
მსხალსა. ახლა აღარც იმალებოდა და აღარც თავს იკატუნებდა. ისე
იყო გასუქებული-გათამამებული, რომ ყველა გაიგებდა, საიდანაც
მოჰქონდა საზარდო. ფოცხვერივით აჯდა კისერზე და წუწნიდა რაც
ძალი და ღონე ჰქონდა.

მიდიოდა ხანი და მსხალს უფრო და უფრო უჭირდებოდა საქმე.
ჯერ შუა ხნისაც არ იყო და ბებერს კი დამსგავსებოდა. დახავსე-
ბულ-დაძაბუნებული ქერქი ძონძებივით ეკიდა. ერთი ფრჩხილის
ტოლა ნაზარდიც კი აღარ უჩანდა... სასოწარკვეთილი, ღონემიხდი-
ლი აქეთ-იქით იხედებოდა, ეძებდა მშველელს, არავინ კი შვე-
ლოდა.

— ქარო! ქარო! — შეევედრა ქარს, — ერთი შენებურად დაუქ-
როლე და ეს ფითრები მომამორე, ჰო ჰხედავ, ვკვდები.

— როგორ მოგაშორო, შე საცოდაო, ძირიან თუ მოგტეხ, თორემ ეგენი შენ არ მოგშორდებიან, აბა რა გიყო, რა გიწამლო?!

— კაცო, შენ მაინც მომამორე ეს ფითრები, ლამის ზეზეურ ჩამომახმონ, ცოცხალი გამომსუტონ, — ეხვეწებოდა ძროხების პატრონს მსხალი.

— შე დალოცვილო, ჩემთვის ისა სჯობიან, რაც უფრო ბევრი ფითრი ესხმის ტყესა; ჩემს ძროხებს ძალიან უყვართ და ძალიანაც ასუქებს. — უპასუხა მწყემსმა.

აღარავინ იყო მშველელი, აღარავინ!

* * *

ზამთარია. ქარი ჰქრის, თოვლსა ჰყრის, ზუის და წუწუნებს. დატიტვლებულ-დაშიშვლებული ხეები ქარის ქროლაზე ბუზებივით ბზუიან და ნადირივით ღმუიან. დახედე სიცივეს, უენოსაც კი აკვანესებს! აღარსად არა სჩანს სიცოცხლის ნიშანი. მწვანე ფოთლების მაგივრად თოვლი დაჰყინვია, ბარდანი დასდებია ხეებსა. ზაფხულის მომღერლების მაგივრად ქარი შემოჰღმუის. სიცივისაგან დაფიჩხებული ტოტები კანკალებენ და ცახცახებენ. ზოგი გაყინულ-გაქვავებული ველარ უძლებს ქარის მოწოლას. ტყდება და პარტყაპურტყით მოაჩახუნებს ძირსა. ყველა შეუშინებია და შეუძრწუნებია ზამთრის სუსხსა. მხოლოდ ბაიბუათაც არ იგდებს ფითრი. ის ახლა მწიფს და ნაყოფიერდება. ნახევრად დამტვრეულ-დაძაბუნებულ მსხალს ქორის ბუდეებივით ახხმია და მწვანედ ხასხასი გააქვს. მართო ისა ზარობს და ლხინობს. იმჟსთვის არც სიცივეა, არც ზამთარია, არც მიწა გაეყინება, არც წყალი დაუშრება.

ამდენი უზარმაზარი ხეები საცოდავად შესტირიან მოღუშულ ცას. ფითრი კი აზის ზურგზე მსხალს და დღე და ღამე წოვს და წუწუნის.

— ჰაი, ჰაი, ფითრო, აღარ გახსოვს ამ ათი-თხუთმეტი წლის წინათ როგორი იყავ, როცა მსხალს თავშესაფარს თხოვდი. ახლა კი მსხალმა შენ უნდა გთხოვოს, რომ სიცოცხლე აჩუქო იმ საბრალოსა! აღარც ქარი გაშინებს, ისიც შენ გემსახურება. ქარსა და ჩხართეს

მრავლად გააქვს შენი თესლი და ირგვლივ ხეებზე ჰდებს. სად არ მოუკალათნია ფითრსა, სად არ აცოცებულა და არ გამოჰიმულა! მსხალზე, ვაშლზე, თელაზე, იფანზე, რცხილაზე, მურყანზე კაკალზედაც კი აქა-იქ ამომშვრალა, თხილზე, ხეკერჩხალზე, ვერხვზე. მუხნის ტოტებშიაც კი ამოუყვია თავი. სად არ არის. სად არ გაჩენილა! მაგრამ ისე კი ვერსად მოუკიდნია ფესვი და გამრავლებულა, როგორც მსხალზე. იმის ნაზი ქერქიდან უფრო ადვილად და გაუქირებლად წუწნიდა საზრდოსა, ვიდრე მუხნის გაქვავებულ-გამეშებული ქერქიდან. არც დიდი დღე აქვს მუხანზე ამოსულსა. ცოტა ხანს იღონლიალებს, მორჩება მერე და მოისპობა, აგრეთვე კაკალზე. ბრალი მსხლისა!

გავიდა ხანი. კობტა თავმომწონე მსხალი უდროვოდ დაბერდა. ასი წლის ბებერივით მოიკაკვა. დახავსდა, დაიღმიჭა, დაელრიჭა ქერქი, დაუსკდა კანი. ტოტები დაუკოპიტდა, ზოგი დაემტვრა, ზოგიც ნახევრად ხმელი აქა-იქლა გაეშვირა. საცოდავი შესახელი იყო. „ვაი შენი ბრალი, შე საწყალა! ხილს შენ აღარ იხსამ და შტო შენ აღარ გეზრდება!“

წლის ნაზარდი სრულებით აღარა ჰქონდა. სულ უკან-უკან მიდიოდა.

— რა დაემართა ამ მსხალსა! — იძახდა პატრონი, — სანამ პატარა იყო, მსხმოიარებით ემტვრეოდა ტოტები, იმის ხილი პირში დნებოდა. ახლა კი მაგის ქეციან ნაყოფზე კაცს შესახედავდაც აღარ მიუვა გული. უნდა მოვჭრა, მეტი ღონე არ არის, ტყუილად ადგილსა ჰხაფრავს. მართალია, ცოდოა, არ არის გასამეტი, მაგრამ რა ვქნა, ძაგის ადგილზე ახლა სხვას დავრგავ, რად მოვაცდინო ადგილიო. ენანებოდა პატრონს, არ უნდოდა იმის ჯიშის გაწყვეტა, მერე იმისთანა იყო ის ძირკურთხეული, რომ მთელს იმ არემარეში იმაზე კარგი აღარა იყო რა.

— რას უვლი, ფიღონ, მაგ მსხალსა, რა ცული დაგიჭერია, რას წეცქერიხარ, შემა ხომ არ შემოგელია და ხმელი ტოტების შერთმევას უპირობ? — დაეკითხა გზაზე მიმავალი მეზობელი მსხლის პატრონს ფიღონას, რომელიც ხელცულიანი მსხალს შესტრიალებდა, უვლიდა აქეთ-იქით, და არც ემეტებოდა მოსაპკრელად.

..— რას ამბობ, კაცო, რის ხმელი ტოტები; მინდა ძირიანად მოვჭ-

რა და მოვიშორო, მინდა ამის ადგილზე ახლა სხვა დაერგო. რა ხანია შევეცქერივარ. აღარაფერს ისხამს, მომატების მაგივრად ამან სულ უკლო და ახლა თითო-ოროლასლა იბამს და იმასაც პანტასავით. ბარემ მოსაჭრელი ხილი არ არის, ამისთანა ჯიშის მსხალი არსად მეგულებდა. ვინც კი გემოთ ნახა, ყველამ წაიღო სამყნობი ტოტები. ალბათ ბარაქა და იღბალი თუ გაჰყვა სადმე, აღარ ვიცი, ღმერთმანი, რამ გადაავგვარა ამისთანა ბედაური მსხალი!

— კაცო, ეს ფითრი რო შესხმია, რატო არ უპატრონე, მაგაზე შეტად რა აფუჭებს ხეხილსა? ვისაც კი თავისი ხეხილი უყვარს და ეზოგება, განა ფითრს დააყენებს ხეებზე? მოაშორე, არ იქნება ისევ არ გამობრუნდეს, — ურჩია მეზობელმა.

— როგორ მოვაშორო, ერთი მოვგლიჯო, იმის ადგილზე სხვა ამოვა, — უთხრა ფიდონამ, — რა ეშველება, რა ვუყო?

— გადაკაფე დაზინებული ფითრიანი ტოტები, სხვა ნორჩს აიყრის და გადახალისდება. ისევ ისეთს ხილს მოისხამს, როგორც წინათ, — ურჩია მეზობელმა.

— შენს პირს შაქარი, თუკი მაგის მეტი არა უნდა რა, გადაკაფვა რა დიდი საქმეა, თუკი ისევ აიყრის. ვაი თუ გახმეს და აღარა აიყაროს რა. რა მომაგონებდა, ძმაო, თუ ფითრს მაგოდენა ნაენების მოტანა შეეძლო.

— ვაი შენ, ჩემო თავო! — წამოიძახა გაბრაზებულმა მეზობელმა, — მოიტა აქ ე ცული, თუ შენ არ იცი, როგორ მოიქცე!

კაპ! კუპ! კაპ! კუპ! — მოისმოდა ცოტა ხანს შემდეგ ფიდონას ბალიდან ცულის ხმაურობა

მსხალს შიშით და ელდით თავისი დაემართა. დაპალუპით ცრემლები ჩამოსდიოდა.

კაპ! კუპ! კაპ! კუპ! — ისმოდა ცულის კაკუნნი, თან მოჭრილი ტოტების ჭრიალი და ბარტყუნნი.

ოჰ, რა შეშინებული იყო მსხალი! რა ტკივილსა გრძნობდა, თითო ცულის დაკვრაზე თითო ლიტრა ხორცი აღნებოდა. ტოტებს რო ჭრა და მორვა დაუწყეს, იმას კინალამ სული ამოხდა.

— ახლა კი დაითვალა ჩემი დღეებიო, — ფიქრობდა მსხალი, — აღარაფერი მიხსნის!

დახუჭა თვალები, თითქო არ უნდა სიკვდილის თვალით დანახ-

ვაო. თავისთავი მკვდრად მიაჩნდა. მაგრამ აგერ, აგერ, ძირიდან, მიწის ჯურღმულიდან რალაცა ზმაურობა და ღუღუნე მოესმა, რომელსაც თანდათან უფრო და უფრო არკვევდა.

— ჩვენ ისევ ცოცხლები ვართ, არ მოვკვდებით, ჩვენამდე ჯერ სიკვდილს არ მოუღწევია, სასოებას ნუ ჰკარგავო.— იძახოდნენ თურმე ფესვები. ისინი ისევ ღონიერნი, მძლავრნი, მრავალნი, უთვალავნი იყვნენ. თავისთვის ჩუმად ბნელს, უმზეო თვალჩაუხედველ უკუნში მიმალულ-მიჩქმალულნი, მსხალს ახალ-ახალი ტოტებისთვის უხვ საჭმელ-საზრდოს უმზადებდნენ და აწვდიდნენ.

* * *

სამ წელს შემდეგ მომიხდა ჩამოვლა იმ სოფელზე. ფიდონას ხუთი-ექვსი ბალდი სიამოვნებით შეცქეროდა ქარვასავით ყვითელ, დაშაქრებულ მსხლებს, ან ახლა ჩამოვარდება, შევჭამოთ, ან ახლაო.

(1896 წ.).

დიდი ხანია რაც ეს აქ მოვიდა და მაღალ, მწირსა და ყინულიან მთაში დაბინავდა. განა სიცხისა ეშინოდა, ან მთა უყვარდა, ან ყინულებს შესტროფოდა და იმიტომ დასახლდა აქა? სრულებითაც არა! ბარში აღარ დააყენეს, შიმშილით სიკვდილს ისევ თოვლიან მთაში არჩია შეხიზვნა; თუ ბევრი არ იქნება, ცოტას ხომ მაინც ვიშოვი საჭმელსაო. მეცხვარეებისაგან არ იქნება არა მერგოს რაო. მგელი მოითაცებს ჩასმეს, ძვალი მაინც დამრჩება, კლღებზე დაიჩეხება რამე, ხო ჩემი ლუკმა იქნებაო.

მართლაც და ძალიან გამხდარი იყო. სქელ ძვლებზე მარტო ლურჯი კანილა ეკრა.

რა იჭერდა, ღმერთმანი, იმ სისხო ფრთებს და ბუმბულს ცარიელა ტყავში?! ერთი ბუმბულისთვის რო გამოგეწია, ასე გეგონებოდა, მთელი კანი აეყარაო.

ან კი რა გაასუქებდა, იმის მუცელი განა მაგრე ადვილად გამოიყორებოდა?!

თბილი სისხლი უყვარდა და რბილი ხორცი, ის იყო სვავის აღდგომა.

მაგრამ სად იყო რბილი ხორცი?!

კურდღელი მარდი იყო, იმას არ ჩაუვარდებოდა ხელში; როჟო და კაკაბი ფრთხილები იყვნენ, საამისოდ არ გახდებოდნენ; მწყემსი ძუნწი იყო, სვავისთვის არაფერს გაიმეტებდა.

მგელი იმაზე უარესი ხარბი და გაუმაძღარი იყო, საშოვარი თვითონაც არა ჰყოფნიდა, ნახევარზე ძშიერი მუცლით დალაწლაწებდა.

თვითონ სვავი კი ძშიშარა იყო, ან არწივთან უნდა ებრძოლა და ნადავლში წილი ჩაედო, ან ლეშზე გაბოტიტნებულ ყაჩირს მიჰხტომოდა და თვითონაც ეთქვლითა დამპალი ლეში, ან შავარდენს შესცილებოდა გემრიელ კაკბის ლუკმასა.

რა ექნა, რით გამაძღარიყო, რით უნდა გასუქებულიყო. მეტი ღონე არ იყო, რაკი ჯერ ძალით ვერას გახდებოდა, უნდა დრომდე ეთმინა. ითმენდა სვავიც, როგორც ის კლდეები ითმენენ შავ მთაში დგომას, სადაც სვავი ბუღობდა და ძირს არ იმზღვლეოდნენ; ითმენდა და ზღვაე-ყინულების ძღენითა კმაყოფილდებოდა.

• • •

გადიოდნენ ღღეები, თვეები, წლები. წყლის ნაკადულივით გაუწყვეტლივ მიექანებოდა დრო-ჟამი.

შეეჩვია სვავიც თოვლიან მთასა. სადღა ახსოვდა ბარი. რო ეკითხნა ვისმე: საიდან მოხველ, სადაური ხარო, გაკვირვებით დაიწყებდა ცქერას.

— რასა მკითხავ, არ იცი, რომ მთის შვილი ვარ, ამ კლდეებსა და ყინულებში გავჩნდი და გავიზარდეო. მართალია, არწივისთვის არა წაურთმევია რა, საშავარდნე კლდესაც შიშით ახლო ვერ გაუვლიდა ხოლმე.

ერთხელ შავარდნების ბუღის ახლო მოუნდა გავლა. დაუხულუზუნეს (დაუქროლეს) შავარდნებმა, ჰკრეს კლანჭები; ერთი წივილი და შხრების ტყლაშა-ტყლუში იდგა. საცოდავი სვავი ხან-მხრებს აეფარებოდა, ხან ზურგზე გადატრიალდებოდა და თავის ბოკო კლანჭებს მიაგებებდა მოტევებულ შავარდენს. მაგრამ ამ დროს ძირიდან ახლა სხვა შეუტევედა და ისევ გადმობრუნება დასჭირდებოდა, რის ვაი-ვაგლახით გააღწევდა ხოლმე.

— ოხრად კი ვახდეს! ამაზე რაღა გამომატარებს, შიმშილითაც რო ვკვდებოდეო, — იტყოდა ხოლმე.

• • •

ძალიან მიყვარს, როცა ცხვრის ფარები რთვილივით დაედება ხოლმე მთების კალთებს. მეცხვარეც ხომ თვალისჩინივით უფრთხილდება, შესტრფის და შეჰხარის თავის ღუმასქელ ერკემლებსა. მაგრამ ყველაზე მეტად კი სვავს უხაროდა ხოლმე იმათი მთებზე ამოსვლა. სიხარულით თვალები გოდრებივით დაუხდებოდა ხოლმე. იჯდა კლდის თავზე, ან არყის წვერებში და სიამოვნებით იქექებოდა, თან ხარბად მწყემსსა და იმის სააწყყოს გასცქეროდა: ან დავაზღნილი ცხვარი ხომ არსად დარჩა, ან ყუყუჩი ბატკანი არ ასხლტა ფარასაო.

თუ სადმე ყორნების ყრანტალი შემოესმოდა, ან ფრინველების ბოინს შენიშნავდა, რომ ერთ ადგილს ეთელებოდნენ, სვავიც მხრების ტყლაშა-ტყლუშით იქითკენ მიეშურებოდა, არ იქნებოდა არა რგებოდა რა.

იმისი თვალი ძალიან, ძალიან შორს ჰხედავდა გაღმა-გამოღმა მთებში, ძირს კიდევ ხევხუვში არა გამოეპარებოდა რა. დაჯდომის დროს მუდამ მალლობ ადგილს რჩებოდა, თუ ფრინავდა, მალლა-მალლა აღიოდა და იქიდან ათვალიერებდა.

ხალხი კი იძახოდა: სუნი იცის სვავმა, მაშინვე გაიგებს, სადაც ლეში გაჩნდებაო.

გაიგებდა ხოლმე კიდევ, თუ შეხვდებოდა, ერთი ბარაქიანადაც მიაძლებოდა. შეეჩვია სვავი მთასა და მთის მცხოვრებთა. იმის ფიქრით, მწყემსი იმიტომ იყო გაჩენილი, რომ სვავისთვის ცხვრები დაეზარდა; მგელიც იმიტომა ნადირობდა, რომ იმისთვის საკმელი ლეში გაეჩინა; ყორნები კიდევ იმისი ჯაშუშები იყვნენ. შეეჩვია ყველა ამათ სვავი. ყველას თავის სასარგებლოდ იყენებდა. გაგულადდა, თან ამაყი, გულზეავი და თავმომწონე გახდა. მკვდარ ლეშს აღარა ჭერდებოდა, ცოცხალ ცხვრებსა და ბატკნებსაც დაუწყო ტანება.

• • •

წვიმიანი და ნისლიანი დღე იყო, ორი დღის მშვიერი სვავი, წვიმისაგან შეწუხებული და შიმშილით დაყმენდილი, ხმელ ძვლებს ხრავდა და ჰგლეჯდა ძალღივითა, მაგრამ თითო ციცქნა ხმელი ძარღვის ნაგლეჯი იმის მუცელს რას ამოჰყორავდა.

— მზე მაინც გამოვიდეს, შეეშრე ცოტა. რა ოხერი ნისლიან-ბურუსიანია ე მთა, რა იშვიათია აქ მოკრიალებული ცა, — იძახდა სვავი, ვითომ მზესა ნატრობდა, მაგრამ თან ფიქრი სხვაგან მიუბრუნდა.

— არა, არა! მზე რად მინდა, მე მოკრიალე ცა ვერ გამაძლობს, ისევ ჭანდიან-ბურუსიანი, მოტირალ-ჩამოშავებული დღე მირჩევნია. საშოვარი ამისთანა დღეში იშოვება. დარში და მზეში ყველა თავისთავს უპატრონებს. რაზე კვდები მშოიერი, შე ოხერო ჩემო თავო, აღეკ, მეცხვარე ხომ ფარეხში ვერ დააღრძობს ცხვარსა, არ უნდა აძოვოს?!

ადგა სვავი, გაიზმორა, შეიბერტყა შავი მხრები და ცხვრების ფარის მუქარაზე წავიდა.

მეცხვარესაც ნამწვიმისაგან დაზუზული ცხვარი ლიჭყიან მთის კალაუბზე გაეშალა. თვითონაც ნაბადწამოსხმული, ყაბალახჩამობურვილი კომბალს დაჰყრდნობოდა და თვალს ადევნებდა ცხვარსა. ცხვრის ფარა ზეავივით მიჰქანაობდა, ხან აღმა მიცურავდა, ხან დაღმა დაეშვებოდა, ხან ხევხუვის პირებს მოსდევდა, კლდეებში და ბექებში ებლოტებოდა.

უცებ კლდიდან მოწყვეტილი ქვა ერთ ცხვარს მოხვდა და იქვე გადააკორა.

ფარა გასცდა. ვერც მეცხვარემ და ვერც ცხვრის ფარამ ერთი ცხვრის დაკლება ვერ გაიგეს.

ქვისაგან დაეყვილ-დამტვრეული ცხვარი ფორთხავდა, იკლაკნებოდა, უნდოდა ფეხზე წამოდგომა, რის ვაი-ვაგლახით წინა მხრებს აიწვევდა, უკანას ველარ აიტანდა და ახლა ისევ გულაღმა გადაყირავდებოდა. კარგა ხანს ეგდო ასე ოხრად.

ახლო მდგომი ბალახები სულ გაჰქელა, ქვეები ტალახითა და სისხლით მოსეარა.

ამ დროს მშოიერი სვავიც გამოჩნდა. ასლი საამისო იყო! კარგა ხანს დაჰფარფაშებდა თავის მსხვერპლსა, ხან სულ ზედ გაეხახუნებოდა, ხან ვითომ იქვე დააპირებდა დაჯდომას, მაგრამ არა ჯდებოდა კი; ამ დროს ის გარეშოსა ჰზვერავდა და ათვალეირებდა: ან ჩასაფრებული არავინ იყოს, ან ბადე არ იყოს დაგებულო. რაკი საშიში არა ჩანდა რა, მიბედა და პირდაპირ ცხვრის თვალებწინ დაჯდა, დაზვერა, ადვილად დაიმორჩილებდა თუ ბრძოლა მოუხდებოდა, მაგ-

რამ რა წინააღმდეგობას გაუწევდა სულთმობრძავი ცხვარი. საცო-
დავი სვავის კლანჭებში მარტო ბორგავდა, აქეთ-იქით ეხეთქებოდა-
და აწყვეტდა თავს.

სვავიც ჯერ თვალებს ეტანებოდა, პირველად იმათი ამოჩიჩქნა-
უნდოდა. საზარელი იყო იმათი ბრძოლა, — დამარცხებული, სულთ-
მობრძავი, სვავის კლანჭებში ლევდა უკანასკნელ სიცოცხლის წუთ-
სა. გამარჯვებული სისხლისმსმელი ზედ იყო გადალაჯული, ჰგლეჯ-
და და თან ფრთებბოლოს აბერტყებდა ზედ. გაბოტიტნებული სვავი
ჰგლეჯდა და ჰბღლეძდა, ძვალს, ტყავს, ხორცს ერთნაირად ყლაპავ-
და. ნახევარი კიდევ ჰქონდა გამოხრული, რომ ცხვარმა მაშინდა-
დალია სული. გაძლა სვავი, გაილექა თბილი სისხლით, აფრინდა
იქიდან და იქვე შორიანლოს, ძირგადაკიდებულ ერთ კლდეზე დაჯდა-
და დაიწყო ქექა. იქექებოდა, თან ნისკარტს იწმენდა და ფრთა-
ბუმბულს ისწორებდა.

დასვენებულმა მძიმე-მძიმედ, ყვინტ-ყვინტით გასწია სასვაოს-
კენ.

რა შურით შეცქეროდნენ სხვა სვავები ამ სისხლით მთვრალსა,
ზოგს გულიც ეღრინებოდა, მაგრამ ვინ რას გაუბედავდა. ზოგი ში-
შით, ზოგი იმ იმედით, იქნება დანარჩენიდან მეც მარგუნოს რამეო.

მეორე დღეს მწყემსმა მატყლის ნაფლეთები და წელლების ნაგლე-
ჯებილა იპოვნა თავის ცხვრისა.

* * *

ვინ იცის, რაძღენმა ხანმა გაიარა ამას შემდეგ. გაონავრებულმა.
სვავმა მრავალი ცხვარი და ბატკანი გაგლიჯა, ბევრი ბელაურის ცხე-
ნის გავა გამოხრა, სუყველაფერს ინელებდა იმისი კუჭი. ძალიან გა-
დიდგულდა, ასე ფიქრობდა მთასა ვარ, ფეხი ბარს მიდგა, ჩემია-
მთელი ქვეყანაო. არავისთვის იყო იმისი გამოჩენა სასიამოვნო; მეცხ-
ვარემ იცოდა, რომ თუ ფარას სვავი დასტრიალებდა, უეჭველად
გაგლეჯდა რასმე. არც სხვა სულიერნი ხარობდნენ იმის გამოჩენას,
იცოდნენ მისი ამბავი.

სვავისთვის კი სულერთი იყო, ვინ რას ფიქრობდა, ის ყველაფ-
რით კმაყოფილი და გულგრილი იყო. თავისთავი ყველას ბატონად.
შიაჩნდა. ეგონა უიმისოდ ქვეყანაზე არა გარიგდებოდა რა. უკვირდა,

სადაც მე ვარ, იქ სხვა ფრინველ-ნადირნი რითლა საზრდოობენო.

მხოლოდ ერთი დარდი და შიში ჰქონდა შავ სვავსა, ის უფრ-
თხობდა ძილსა და მოსვენებას უქარგავდა: რაც უნდ კაი გუნებაზე
ყოფილიყო და კაი საშოვარიც ჰქონოდა, როცა არწივის ყეფა იმის
ყურამდე მიაღწევდა, მაშინვე მხრები უღუნდებოდა, გული და-
უწყებდა კანკალსა და აფორიაქებული გაეშურებოდა სასვავო
კლდისკენ. იქ იყო იმისი ბინა. სვავის უძლომ მადას კიდევ არწივის
შიში უდებდა საზღვარსა, თორემ მთელ ქვეყანას აიკლებდა. როცა
არწივის კვილისაგან დამფრთხალ-დაფორიაქებული სვავი მიაღწევ-
და თავის თოვლიან-ყინულიან კლდემდე და თავს კლდის ყბაში დაი-
გულებდა, მაშინ კი გული ეძლოდა და სიბრაზით ამღვრეული
სისხლიანი თვალებით მუქარას უთვლიდა ფრინველთა მეფეს.

— ან მე უნდა ვიყო ამ მთებში ბატონი, ან შენ, არწივო! ორი-
ვეს აქ ბინა არა გვაქვს. ბრძოლამ უნდა გადასწყვიტოს, ვის დარ-
ჩეს ბატონობა, ან ვინ უნდა გაერთხოს დედამიწაზეო. — მართლაც
და ამ ორ ქვეყნისმკამელ ბუმბერაზების ბრძოლა სანახავე იქნებო-
და, ვინც კი მოესწრებოდა. მაგრამ ერთ-ერთი ამ ბუმბერაზთაგანი
ისტორიამ და ღროთაბრუნვის საიდუმლოებამ მოსპო უომრად და
სისხლის დაუღვრელად, თუმცა ერთ-ერთის სისხლი კი დაიქცა.

* * *

საზარელი წელიწადი იყო ხალხისათვის. შეშინებული ბარი
მთისკენ გარბოდა და ზარდაცემულნი მთის მცხოვრებნი კიდევ ცაში
თუ აებლოტებოდნენ, თორემ სხვა საშველი აღარ იყო. ჭირი იყო
მთასა და ბარს მოღებული და საქონელს მუსრს ავლებდა.

აღარავინ იყო მშველელი. შვილის დარი ხარები უპატრონოდ
იხოცებოდნენ, სადაც მოხვდებოდათ. ბინები, ბაქები, გზები, ხეები
სულ სავსე იყო საქონლის ლეშით. გაზიდვასა და გადაგორებას
ძლივსლა ასწრებდნენ. ისევ ისე გაუტყავებელს ყრიდნენ ხეებში.
ბევრი ხელალებით თავს ანებებდა საქონლით სავსე ბაქებს და ისე
ღვთის ანაბარას უშვებდა. რაც იხოცებოდა, ხომ იხოცებოდა, რაც
ცოცხალი გადარჩენილიყო, — ისინიც უპატრონოდ ნაბინავრებში
და ბაქებში დალასლასებდნენ შიმშილით მიხრწნეულები, თავს დაჰ-
ბრუნავდნენ დახოცილ ამხანაგებს, ბუბუნებდნენ და ღრიალებდნენ

ნასისხლარებზე. არ იყო მთა, არ იყო ხევი და ლელე, რომ საქონლის ლეშით არა ყოფილიყო სავსე. ტყე და მინდორი ნადირითა და ფრინველით აივსო. ნამდვილი ყურთაგლეჯა იყო, ოხერ უპატრონო ლეშზე და საქონელზე ნადირთა და ფრინველთ ჰქონდათ გაზიდულობა და ლხინ-ქორწილი.

სად იყო სვაევი? რას აკეთებდა? არა ძლებოდა ლეშითა?

იქ იყო ისიცა და მრავალუთვალავნი სხვანაც, იმის მოღვმისანი. უპატრონო ლეშით ძლებოდა და იღეჭებოდა სვაეთა გუნდი და ყორნების შავი ლაშქარი.

ოჰ, რა საზარელი იყო, როცა ახლადმოჯარებული სვაეები, ორბები, ყაჯირები, ყორნები, ყველიერები და ყვაე-კაჰკაჰები ლეშის ახლო ხეებზე ჩარიგდებოდნენ და ელოდნენ, რომ, როცა ლეში მოიცილიდა იმათთვის, დასცემოდნენ და ეთქვლიათ.

დაგეშებული, წელამდე სისხლითმოსვრილი ძაღლები შიგა ძვრებოდნენ გამოფაშულ საქონლის ღრუში და ზედ დამსხდარ სვაეებსა და ყორნებს უღრენდნენ და ერეკებოდნენ, სანამ თავის მუცლებს არ გაიძობდნენ, მერე კი დამაძღრები ამოდიოდნენ ხევიდან და მწვანე მინდორზე გორავდნენ სისხლით გალექებულები.

სად იყო შავი სვაევი? ხომ არ შიოდა?

განა დაუშლიდა ვინმე იმას ლეშზე მისვლასა?! რა ენაღვლებოდა იმას ძაღლების ღრენა და ყაჯირების ქშენა. იჭდა ერთ ძთასავით ხარზე და თავის რკინის ნისკარტით გლეჯდა და ყლაპავდა ლეშსა.

გაუმაძლარი ყლაპვას ვერც კი ასწრებდა, ისე ხარბად თქვლეფდა, ლუკმა-ლუკმას ეწეოდა, ეტენებოდა ყრანჭა და მერე იგრძელებდა სვაეიც კისერს, რომ ლუკმას ხალვათად ჩაეველო ყელში და ახლა სხვისთვის დაეთმო ადგილი. ასე ყლაპავდა მთელი დღე და საკვირველი ის იყო, სად მიდიოდა ამოდენა ნაჭამი, რა მუცელი იტევდა?!

მზეც გადიწვერა, დაძლნენ სვაეები და გაფრინდნენ, ყორნებიც ყაჯირიც, ყველიერებიც, ყველა გალექებულ-გამაძლარი თავის ბინისაკენ მიეშურებოდა.

სცადა შავმა სვაემაც გაფრენა. რაკი ბინდი ახლოვდებოდა და ახლა მგლებისთვის უნდა დაეთმოს სუფრა; ეცადა აფრენას, დაიკაკვა მუხლებში, მხრები ღონივრად დაიქნია ჰაერში, მაგრამ მუცელი

აღარ აპყვა, ჰაერმა ველარ ასწია, ძალიან დამძიმებულიყო. იმოდენა ნაჰამი იმის მხრებმა ველარ დასძრა. გადმოვიდა სვავი ლეშიდან, ახლა გაქცევიდა სკადა გაფრენა. გაიქცა, გაიქცა და მერე ჰაერში შეხტა, მაგრამ მხრებმა ვერ დაიმაგრეს და ძირს გაიშხლართა.

მერე მალა ბეჭობის თავზე აფოფხდა, იფიქრა: რაკი მალლიდან გადმოვეშვები და ჰაერში მოვექცევი, მერე გავიშართებიო. მართლა გადმოხტა, მაგრამ ვერც აქ დაიმაგრა მხრებმა, ძირს ტყაპა მოსძვრა და კუნძივით გაგორდა. კინალამ დაიმსხვრა და დაილეწა.

რალა ექნა, მეტად ავგუნებაზე დადგა და დაუწყო თავის მუცელს ლანძღვა და გინება, ამ ღროს დაბინდდა კიდეც. სვავი აპირებდა სადმე შეძრომას და თავის მოფარებას, რომ ამ ღროს ორი მარჯვე ბიჭი კომბლებით და თოფებით გაემართნენ ხევისკენ, სადაც სვავი იყო, მგლების ჩასასაფრებლად. საჩქაროდ ჩამოირბინეს ხევში და პირქარისკენ აპირებდნენ ჩასაფრებას, რომ შავად რალაც გამოჩნდა ლეშზე.

— ბიჭო, ფრთხილად იყავ, მგონი მგელი მოსულა ლეშზე. ვერ უყურებ მაგათ გათამამებას? ჯერ არც კი დალაამებულა და ესენი ახლავე მოსულან, ლამის ქოხებშიაც შემოგვიცვივდნენ.

— დაიცა, პაპუავ, მარჯვედ მივიდეთ, ველარსად წავგვივა, ერთი უტყუპოთ ორთავ ერთადა!

პაპუა და სოსია მუხლის კვერებით მიფოფხდნენ ლეშის ახლო ისე, რომ გაარჩევდა კაცი რაც იყო, ნადირი იყო თუ ფრინველი.

— დაიცა, სოსიავ, ეგ ვერანა მგელი არა ჩანს, მგონი სხვა რალაც არის.

— რალა სხვა, სვავია კაცო, გამაძლარა და ველარ გაფრენილა, თორემ ამ ღრომდე მაგას აქ რალა დააყენებდა.

— თოფის სროლა არ იქნება, ხმაზე ნადირი დაფრთხება, მგლები აღარ მოვლენ ამალამ. მოდი და კომბლებით გადვუხტეთ, ვიცი ველარსად წავგვივა, ჩვენი წერაა, ერთი ამოვაშხამოთ ჩვენი საქონლის ლეში!

სოსიამ და პაპუამ მიჰყარეს იქვე თოფები და კომბლებით ჩაეტივნენ სვავს.

ცოტახანს შემდეგ ხევ-ხევ ქვების რახარუხი, ქვიშის ჩხრიალი და კომბლების ტყაპატყუპი ისმოდა.

შიშით გულგახეთქილი სვაეი ბარემ ისარივით მიჰქროლავდა თავდაღმართზე, მაგრამ კომბლიან ბიჭებს ველარსად წაუვიდა.

წელმოწყვეტილი და მხრებდამტვრეული თავის მკვლელებს მართლა უქშენდა, მაგრამ ქშენით იმათ რას შეაშინებდა.

შავი სვაეის ფრთებისა ქალებმა სანემსეები დააკეთეს, ბიჭებმა ისრები და მესტვირემ ლერწმები აჰყარა თავის სტეირისათვის.

სწორედ კაი ალაგას მოვაგენ აქა, მეტს ველარც კი ვინატრებდი. — იძახდა დიდი, გრძელფეხებიანი, შავი, ბანჯგვლიანი ობობა და თან თავის მტკიცე ქსელსა ქსელავდა, აღიოდა და ჩამოდიოდა, გარბოდა და გამორბოდა. ბადესავით ქსელავდა, ხლართავდა ერთმანეთში ძაფებს და სადაც გასაწყვეტი ეგულებოდა, მეორე და მესამე წვერს უტოლებდა და ამაგრებდა: იქნება რა ნადირი მოჰხვედროდა, უნდა გაეძლო თუ არა?!

— უყურე, ვარდო, უყურე, რა ჩოხას გიქსოვს ეს ფეიქარა. წმინდა, მტკიცე მოუქსოვე, ფეიქარ, ვარდოს, ე ჩოხა და იმდენ ბუზებს მოგართმევს, ქამას ვერ ასდიოდე.

— აბაღე ანდრიკო, სად არის ფეიქარა? ოჰო — შენიშნა ვარდო-მაც; — მოდი, ერთი მიზურგულე, ჩამოუგლიჯო მაგ ვერანასა. მანდ რა ქსელს აბამს! არც ეგ მინდა და არც მაგის მოქსოვილი ჩოხა!

მაგრამ ფეიქარას აგრე დაბლა როდი გაება თავისი ქსელი, რომ ბალღებს ჩამოეგლიჯათ!

• • •

ფეიქარამ გაათავა თავისი ქსელის ქსოვა, სამი მხრით კედელზე მიაბა, ერთი მხარე აუშვა; ძირსაც ლასტივით დაუყიდა თხელი ხაჩანა. თვითონ გახეთქილ კედლის კუნჭულში შეძვრა და მოიბლუნძა.

— ხომ არა გცივა, ოსტატო, რას მობუნძლულხარ, ან იქნება დაი-

ღალე ქსელის ქსოვაში? რამდენ ბუზს მოუქსოვე სუდარი? — ეკითხება ორთავიანი ყურმელა.

ფეიქარამ სტუმრის დანახვაზე წამოიწია, აიმართა და თავის გრძელ კაჩებზე შედგა. ეჭვით აათვალიერ-ჩაათვალიერა გრძელკუდიანი სტუმარი.

— რა დროს ხუმრობაა, შე სულკურთხეულის შვილო! ლამის შიმშილით მოვკვდე. წელეები მეწვის — ზრდილობიანად გაეპასუხა ობობა და თან გესლიანად გადაჰხედა. როცა მიბრუნდება, ერთი დავეტაკოვო, მაგრამ ყურმელა არ მიბრუნებულა, ისე უკან-უკან გაგლინდა.

— ეგ კაი სული არ იქნება, — იფიქრა ფეიქარამ, — თორემ მაგას ორი თავი ან ებმის.

ცოტა არ იყოს, ყურმელას მოსვლამ შეაფიქრია და თავისთვისაც ბუდე აზრუნებინა.

სძინავს ობობას, თუ ჰლვიძავს, ღმერთმა იცის! იმოდენა ფეიქარი ქინძის თესლის ტოლი აღარა ჩანს, ვინ იტყვის, თუ ცოცხალია: სულს არ იქცევს. ირგვლივ ერთი ბზუკუნი და ბზუილი ისმის. ობობას ქსელი ოდნავ იძვრის. როცა ერთბაშად შეიძვრის, მაშინ ფეიქარა ცალფეხს სჭიმავს და თუ ვერაფერს შენიშნავს, ისევ თავის ეშმაკურ ძილს ეძლევა.

— აქეთ მოდი, აქეთ, შე სულელო, ვერა ჰხედავ, ქსელია მანდ გაბმული, — ეძახის ერთი მწვანეკაბიანი ბუზი შავებში მორთულს.

— მაგ ქსელმა დამაქვრივა, შე ბრიყვო და შენც იქით იწევ?

— ქა, რა ქსელი, რის ქსელი. მაგისთანა სამასხაროს ჩვენი ბალებიც კი არ აკეთებენ! მოდი შენცა, ქალო, ვნახოთ, რასა ჰქსოვენ.

— ბზუუ, ბზუუუ! — ჭირვეულობს შავკაბიანი ბუზი, — ეს ერთი ფეხი რო გამეხლართა, ეს არაფერი, ვეორეს მოვჭიდო ხელი და სულ ჩამოვწყვიტო! — მაგრამ დახე უბედურებას, მეორე ფეხიც შიგ არ გაეხლართა!

— ბზზზ... — ისმის მოსაწყენი ბზუილი, ეხეთქება აქეთ-იქით შავკაბა, — აგერ ვილაც გრძელფეხა მორბის, მორბის... სწორედ ჩემ საშველად მოდის... ბზზ... ბზზ... — კენესის შავკაბა და თან ხმა უწყდება.

— წუუუ... — ისმის ძლივლა ფეიქარას კლანჭებიდან.

• • •

ვინ იცის, რამდენი ბუზი გამოსუტა ფეიქარამ, დიდი და პატარა, მკლე და მსუქანი. იმისი ქსელი სულ შავათლა იყო შესისხლული. ახლა რამდენი ძირსა ცვიოდა! როცა პატარა ან ბუზი მოხვდებოდა ქსელში, ან ქინქლა და მუმლი, გასუქებული ობობა ყურსაც არ იბერტყდა. — ჯერ ბევრი მოგროვდესო. შეასწორებდა თავის ბადეს და მერე ისევ სოროში შეძვრებოდა. არც თავის მოდგმას ჰზოგავდა, ვინც კი ხელში ჩაუვარდებოდა, ბუზების დღეს აყენებდა.

— როგორ შენ და შენი ქსელი, რასა კოწიწობ, ფეიქარო, მე შენი მოქსოვილი სამოსელი არ მინახავს; წამოდი ჩემთან, ისეთ ლექსებს მოგიყვე, პაპაშენსაც არ გაეგონოს, — ეჭარახება კრიკინა.

— ნეტაი შენ, უსაქმურო, ე ქსელი არ დამიგლიჯო, რას დალაჯუნებ უგზო-უკვლოდ, ბინა შენ არ გიჩანს, ცოლი და შვილი. ზაფხულში დიდი გული გაქვს, რაკი საკმელი ბევრი გაქვს და შენი კრიკინით ყურებს გვიყრუებ, ზამთარში კი, როცა სიცივე მოგიჭერს და მუცელი აურზაურს დაგიწყებს, მოჰყვები და ჰყვირი: „მიშველეთ, შიმშილით ნუ მომკლავთ, გამომკვებეთ, თქვენი მგოსანი ვარო“. მე კი ჩემი ქსელით დღესაც მაძლარი ვარ და ზამთრისთვისაც მრავალი ჩავამუყუთე. შენ კი მაგრე მშიერმა უნდა იტლიკინო.

— ფუ, შენც შეგარცხვინა ღმერთმა, შენი მუყუყი და შენი მუცელიც! — მიადახა კრიკინამ და ხტუნაობით განეშორა ადგილსა მას მაცდურებისასა და თან უკან ისეღებოდა, არავინ მომღვედესო.

* * *

ღამეა. ვარდოსა სძინავს. ფეიქარასაც სძინავს თავის მანქანასთან, თუკი იმას ძილი მიეკარება.

არა სძინავს ერთ კოლო მხედარს. მორთულ-მოკაზმული, ხმალხანჯლიანი, ფიშტო-დამბაჩიანი, ის მსუბუქად დააქროლებს თავის კანკმალალ ცხენს ვარდოს ოთახში. არც თუ მუცელი ამძიმებს, რამდენიმე კვირაა, ხორთუმი აღარ გაუწითლებია.

ასე დანავარდობდა ჩვენი კოლო მხედარი, ხან ერთ კუნჭულში მიახეთქებდა თავის მერანს, ხან მეორეში, ეგების სასუსნს სადმე წასწყვეტოდა.

აი, მიაგნო ვარდოს, გაუქროლ-გამოუქროლა, საბანზე ჩამოხტა, ზორთუმი მიუსვ-მოუსვა, სად არის სირბილეო, ვერა იპოვა რა. ახლა შუბლზე დააჯდა და ჩაუყარა თავისი წვეტი ხორთუმი, დაუწყო წუწნა.

სწუხს ვარდო, ხენეშის, აქნევს მძინარი ხელებს, მაგრამ მხედარი კოლო აინუნშიაც არ იგდებს, გამოძღა, გაივსო მუცელი, წითელი გუდასავით გაუხდა, გაძღა და მხიარულად გაფრინდა, თან საგალობელი შეჰოსძახა, და რა საგალობელი! სულ თათრული ბაიათები.

ეს ერთი ხო მაინც კიდევ გაძღა, მერე კიდევ სხვა ვარდო შეხვდება. „ახლა კი უნდა მოვისვენო სადმე კუნჭულში მოფარებით. სანამ მოვინელო და მერე მე ვიცი კიდევ“.

მოდის და მოიმღერის. აი, დახვდა წინ ობობას ქსელი. კოლო მხედარი დაეჯახა ზედა და კინალამ ცხენი დაეჩხა.

— ვინა ხართ, თქვე მუდრეგებო, რა გზა შეგიკრავთ, გააღეთ კარი, გამიშვით, არ იცით, რომ საჩალის ბატონი ვარ! — მაგრამ კოლოს ყვირილმა ვერავენ შეაშინა და ხმა არავინ გასცა. გაბრაზებულ კოლო ეცა კიდევ და ფეიქარას ქსელში გულდაღმა კი გადავარდა.

— იპ, იპ — იძახის ფეიქარა, — ეს რა კარგი ნოყიერი მაზა შემხვდა. შენ მოსვლას კი ვენაცვალე! — წუის კოლო, მაგრამ ტყუილად. მეორე დილით კოლო მხედრის ფეხები ობობას კარებზე ეკიდა. აფსუს!

* * *

თავის რჯულის ხალხში ჩვენ ფეიქარას ძალიან სახელი ჰქონდა გავარდნილი. კაი მოხერხებულ და დოვლათიან კაცად თვლიდნენ. ბევრს ენატრებოდა კიდევ იმისი ლუკმა.

ფეიქარა კი იტყოდა ხოლმე: „რად უნდა გმურდეთ, შვილო, ჩემ ალალ ლუკმასა ვჭამ, არავის რას ვართმევ, არავის რას ვეცილები. თქვენც გაისარჯეთ, თვალი გაახილეთ, წუთოსოფელი იცანით, ყურები გამოიჩიჩქნეთ და ერთ ლუკმას თქვენც შესჭამთ“.

ობობას მოდგმა, მოგეხსენებათ, მრავალია, და სადაც კი ბუზი გაუჩენია ღმერთსა, ობობაც თან დაჰყოლია. მრდგმა ერთი აქვთ, მაგრამ სხვადასხვა ქვეყანაში სხვადასხვა სახის ობობები ცხოვრობენ, ყველა კი ერთმანეთს იმით ჰგავს, რომ საშინელი მოსისხლეგებია

და თუ არ ცოცხალი არსების სისხლით, ისე არ შეუძლიათ თავის-
დარჩენა. თითქმის ყველა ქსელს აბამს და იმითი იჭერენ პატარა
მწერებს. ზოგი დიდია, ზოგი პატარა, უეჭველია, ზოგი რო საცოდა-
ვი იყოს, ზოგი უფრო ონავარი იქნება.

ჩვენი ნაცნობი ობობა ფეიქარა კაი ხანი ცხოვრობდა იმ კუნ-
ტულში. თუ ერთი ქსელი ჩამოუწყდებოდა, ან ჩამოგვიდნენ, ის სხვას
აბაჰდა. ძირს მუდამ მრავლად ეყარა იმისაგან გამოსუტვილი მწერები.
იმათში სულელი ბუზიც ბევრი იყო, კოლო მხედარიც, მკბენარა
კრაზანაც, მგოსანი კრიკინაც, ბანჯგვლიანი ბუზურაც, საქონლის
მკბენარა ბაურაც და მშრომელი ფუტკარიც. ვისაც რა ხერხით დასძ-
ლევდა, ყველას მიირთმევდა.

მართლა და ყოჩალი იყო სისხლისწოვაში ჩვენი ნაცნობი ობობა-
ფეიქარა! მაგრამ უკვდავ-უბერებელი ხომ არ იქნებოდა? არა მგონია.

ერთ ღამეს ძალიან ცუდი სიზმარი ეზმანა ფეიქარას და დაფე-
თიანებული წამოიჭრა ზეზე. იმღამეს თვალი ველარ დახუჭა, თუმცა
ბევრი ეცადა, აღარ დაეძინა და აღარა!

ფეიქარამ შენიშნა ამ ქსელზე მძიმე ვილაც დაიარებოდა და არა-
ჩვეულებრივ ანძრევდა. დაუგლო ყური.

— თუ ნადირი მოხვდა, რატო ხმაურობა არა ისმის რაო. არ
გაინძრა ადგილიდან, ჯერ რიგიანად გაიხლართოსო. მაგრამ ხმაურო-
ბა არა ისმოდა რა და ქსელზე კი ნამდვილად ვილაცა იყო.

— იქნება ჭია რამე ჩამოვარდა და უხეიროდ ლახლახებს. ის
ხომ ვერ მიკბენს, გავიდე, ვნახო!

წამოხტა ფეიქარა და საჩქაროდ გაექანა იქითკენა, სადაც რა-
ღაცა იძროდა, მაგრამ გულგახეთქილმა თოფნაკრავივით უკან მო-
ცხრილა. უკან ერთი შავი საზარელი ობობა მოსდევდა.

— ოჰ, შემობრალე, ნუ შემეჭამ! — კენესოდა ფეიქარა, — ახლა კი
გამიშვი და ამ ადგილიდან გადავიკარგები! ვაიმე, ვაიმე, გამიშრა
სისხლი, ვკვდები, ვკვდები!

ობობას ჩაეყარა თავისი ხორთუმი ფეიქარას წელში და შაქა-
რივითა წუწნიდა.

ჯერ ისევ ყინვა მეფობდა და ბატონობდა ზამთარი; ჯერ ისევ ზამთრის შიშითა იჭუჭკებოდა მთა-ბარი. ბარად, მტკვრის ველზე ერთად შეყვანილიყვნენ ყინვა, თოვლი და ნამქერი. ზამთარიც იქ იყო და დიდად თავმოწონებული შეჭკვეხოდა თავის ხელქვეითებს.

— რა სულელია ხალხი, რა უჭკუონი და უტვინონი არიან ეს ორფეხა ჭია-ლუები, ადამიანებს რომ ეძახიან! საწყლები! ვითომ იციან კიდევ რამე. ოთხმოცდაათი დღის მეფობა დამიწესეს, მარტო სამ თვეს უნდა იბატონოსო. ის კი არა, თუ მე ოთხ-ხუთ თვესაც არა ვჯერდები, ეს სულ ამ სამხრეთის ბრაღია, — მზე ახლო ახლავთ და იმისი იმედი აქვთ. ახლა ჩრდილოეთისკენ წავიდნენ, თუ ჩემი დიდების შეტყობა უნდათ, რა ყინულის ციხე-ქალაქები, სრა-სასახლეები მაქვს გადაჭიმული. აბა ჰკითხეთ ჩრდილოეთის მცხოვრებთა და ჩემი ძლიერების ამბავს ისინი გეტყვიან უტყუვრად.

— ფიცი არ უნდა, დიდებულო მეფევე, ზამთარო, — ხრიტინებდა ნამქერი, თითქო ყელზე თოვლი ადგებო, — მართალსა ბრძანებთ, თქვენს ძალას რაღა ქება უნდა.

* * *

ამ დროს ნამქერისგან გატიტვლებულ ადგილებისთვის მზეს მოესწრო და რაც დანარჩენი თოვლი ეფრქვია, გაედნო, მიწაც გაელხო და აეტალახებინა. ამ ალაგებში ენძელას თავი ამოეყო და ზამთრის ბა-

ქიბუქს ყურს არ უგდებდა. ზოგი თეთრი იყო, ზოგი სოსანი, ზოგიც ბაცი წითელი.

— მშვიდობა შენდა, გაზაფხულის სტუმარო, მშვიდობა შენსა მოსვლასა. მრავალ წელსაც გვახარებ გაზაფხულის მოსვლასა. გიშველა ღმერთმა, რომ ზამთრისგან დაჩაგრული გული გამიმხიარულე. — ეუბნებოდა ცალფეხზე მდგომი ღალღა ენძელას და თან თავის გრძელ ნისკარტს მიწაში ურევდა.

— არ გეშინია ზამთრისა, რომ მაგრე გულად აღ ამოსულხარ? უყურე ამ შენს ახლომდებარე თოვლსა, რამდენია! ან ნამქერისა არ გეშინია? დაუბერავს ნამქერი, დაჰქროლავს, დაიგრიანებს და ამ შენ აღგილს ყელამდე მოჰყრის. ხომ დაიხვრჩე იმოდენა თოვლისაგან, ხომ გაიჭყლიტე! მე ჩალა-ლერწმებში ვიმალები ხოლმე იმისი შიშით და ვაფარებ თავსა. მესმის ხოლმე, როგორ ზუზუნებს და ხვივის ნამქერი. მესმის ჰილს რომ ჰკითხავს ჩემს ამბავს:

— აქ რომ ღალღა დაიმალა, მითხარი სად არის, ჰილო, შე ეშმაკის კერძო, თანმასავით რომ იგრიხები, მიჩვენე იმისი ბინა!

— არა ვიცი რა, ან შენ ვის ეძებ, ან ვინ დაგემალა, — უპასუხებს ჰილი, — არავის ჯამუში არა ვარ, მე მოსულ-წასულების გზას არ ვუცქერი.

მესმოდა, როგორ გაჯავრდა, გაბრაზდა და ხრიტინებდა ნამქერი, როგორა ჰგრეხდა ჰილსა და დედამიწაზე აწვენდა.

— მშვიდობით, დაო, მშვიდობით, ფრთხილად იყავ, ზამთარს ნუ ეხუმრები, მე ბევრჯელ მიწვნევეია მაგისგან წვენი, — ეთხოვებოდა ღალღა ენძელას და თავის გრძელი კანკებით ჭაობებისაკენ მიაბოტებდა.

— მადლობელი ვარ, მადლობელი, ჩემო ღალღა, მეც ამ დროსა ვყვავი და ზამთრისგან გულგატეხილებს იმედს ვუღვიძებ, მოტიტვლებულ უსიცოცხლო მინდორზე აყვავებულს რომ მნახავენ, თორემ ზაფხულში მე სადღა გამოვჩნდები! მშვიდობით, მშვიდობით წადი!

* * *

ზამთარს ქრისტეშობის თვე და იანვარი წასვლოდნენ. თებერვალს მოელოდა, მგონი მოსელოდა კიდევცა. დიდ სიხარულში იყო ზამთარი. სად მთები თოვლით გადაელესა, ხეები ნამქერით აევსო. მღინა-

რეებზე, ხეებზე, ტბებზე ყინულის ბოგირ-ხიდები გაემართა. წყლის პირას მდგომ ბუჩქნარ-ბუწქნარებს თოვლი ყელამდე მოსდგომოდა.

— ფუ, ფუი, — იბერავდა და იფურთხებოდა კატა-ფშატა, — ლამის ამ ნამქერმა თოვლში ამომახროს, პირი და ყელ-ყური სულ თოვლით გამომივსო.

— ეჰ, შე მამაცხონებულო, შენ ყელ-ყურსა ჰჩივი და მე კი აღარა მკითხავ, ლამის წელი მომწყვიტოს ამოდენა არზანმა. — იძახდა თოვლიდან გამომძვრალი კვრინჩხი და თან იბერტყებოდა, — ამ ოხერმა. მომიმწყვდია ქვეშ და ზემოდან დამაწვა. სამი ღლეა სული არ შემიქცევია, კინალამ დამახრო.

— სამი ღლეა, ბალახი თვალით არ დამინახავს, — ბუზღუნებდა კურდღელი, — ვთხრი ფეხით თოვლსა, მინდა გამოვაჩინო ხმელი ჯოყარი მაინც, ვეფლობი შიგ, ლამის მეც დავიხრო, თორემ ბალახს კი რას დაუწვდენ. ხის ქერქსლა ვხრავ და იმით ვსაზრდობ.

ბელურა ჩიტები საბძლებსა და ღერეფნებში იმალებოდნენ. ყვავიც კი მობუზულიყო და საცოდავი ხმით ჩამოჩხაოდა მბოლავ ბუხრებს. ალბათ სუნი თუ მისდიოდა ცეცხლზე შედგმული საკმლისა.

* * *

— ადიდოს და გააძლიეროს დიდი და სპეტაკი ქვეყნის მპყრობელი ზამთარი! დღეგრძელ ჰყოს უფალმან ჩემი მბრძანებელი უკუნითი უკუნისამდე! — მიესალმა თავმდაბლად თავდახრილი თეთრსამოსლიანი თებერვალი ზამთარს.

— აბა, რა ამბავი მომიტანე ურჩი ქვეყნისა, ჩემო ყოჩაღო თებერვალო, ღალატი ხომ არსად შენიშნე, ჩემ ბრძანებას ხომ არ ეურჩებიან, ხომ ეშინიათ ჩემი? რას ამბობენ, წინააღმდეგობას ხომ არსად წააწყდი?

— თქვენი და ღვთის წყალობა ნუ მომაკლოს საშვილიშვილოდ! თქვენი ყველას ეშინია, ისეთს არავის შევხვედრივარ გზებზე, რომ კანკალს არ აეტანოს და სიცივით ჰიაყელასავით არ მობლუნძულიყოს. ხალხი სულ სახლებში იმალება. შიშით თავს ვერავენ ჰყოფს გარეთა. წუხელ სოფელში ჩამოვიარე. ვახშობა იქნებოდა. ჯერ ერთ კარებთან მივედი, სინათლე არ გამოდიოდა, შევიხედე, რას დავინახავდი, ყური დავუგდე, კენესა ისმოდა.

— მოკვდი სიცივით, — იძახდა თავგანწირულებით ვილაცა, — ნეტა, ერთი ღერი შეშა მაინც იწოვებოდეს სადმე, ლამის ბალები სიცივით დამეხოცონ. წუხელაც აკენის ბავშვი გაფიჩხებულიყო აკვანში, ბევრი ვათბეთ, ვზილეთ, მაგრამ ველარ გამოვებრუნეთ!

— ვაიმე, დედავ, ვაიმე, მცივა, მცივა, დამსურეთ ეს საბანი! — წრიპინებდნენ საცოდავად ბალები.

დედა იმედს აძლევდა: — მოითმინეთ, შვილო, მოითმინეთ, სადაც ბევრი გავქელით, შვილო, ცოტაც მოვითმინოთ. საცაა, მარტი დაღება და ძვლები გაგვითბებაო.

ახლა სხვაგან ჩავიარე. სინათლე გამოდიოდა. ჭრაქი ებუქტათ. ერთი მუგუხალი იღვა ბუხარში, სულ იმას შემოხვეოდნენ, ზოგს ფეხები დაეწყო ნაცარში, ზოგს გვერდი მიებრუნებინა, ზოგნი უბერავდნენ. იქაც ზამთარზე იყო ლაპარაკი.

— რამდენი ზამთარი გვინახავს და ამისთანა უღმერთო ყინვიან ზამთარს არ შევსწრებივართო. კიდევ მადლობა ღმერთს, თუ ცოცხლები გავალწევთო. ზაფხული ღონიერიო. საცაა ზაფხული დაღებაო.

სადაც მიველ, სულ გაზაფხულზე ლაპარაკობდნენ. არ მომწონს ამისთანა ლაპარაკი, მარა როგორ დავაშლევინოთ, არ ვიცი, რა ვუწამლოთ, — ამბობდა თებერვალი.

— სხვა კიდევ რა ამბავი?! — იკითხა ზამთარმა.

— არ მომწონს ეს დრო, არ მომწონს, — ნაღვლიანად წუწუნებდა თებერვალი, — სულ რაღაც ურჩობის ხმა ისმის, რაღაც სხვანაირი სუნი ტრიალებს ჰაერში. ჩვენ ჩვენსას ვშვრებით და მინდორს და ტყეს რომ უტყვირო, თითქო ფშვინვენ, თითქო დაცოცხლდნენ, თითქო რაღაცას ემზადებიან. სადაც კი მშრალი ადგილებია, სულ წითელ-ყვითელი ენძვლებით ავსილა. წნორები და ტირიფ-დვნალები სხვა ფერზე ბზინავენ. შემოდგომაზე ხეხილებს თითო ბეწვა კვირტები ჰქონდათ, ახლა გავსილან, დაბერილან, დაჭიკნულან. მზეცა გვლატობს, სულ მალლა-მალლა მიდის და დღე მატულობს. სულ ამ გაზაფხულის ბრალია, გაზაფხულისა! იმას არავისი ეშინია კაცებივით. ოპ, იმისი ჭავრი!

ამ ამბებზე ზამთარმა შუბლი შეიჭმუხნა, გრძელი თეთრი წვერები ხელით ასწია და შეუბერა. საშინელება რამ მოხდა; ატყდა საზა-

რელი ქარი და გრიგალი, დატრიალდა თოვლის სვეტი და სხეტი. დაბნელდა მზე, დაიბურა ცა და დაიწყო შესაზარავად სტვენა ქარმა.

თითქო ნიჩბებითა ჰყრიანო, დაიწყო თოვლის ყრა, გაივსო ქვეყანა თოვლით. გაიჰედა ხეები და ღელეები. მოიყარა ყელამდე ტყე და მინდორი. შეხედა ზამთარმა თავის ნაქნარს. ფრიად იამა. ახლა კი ენძელებიც დაიხრჩობოდნენ, ხეებიც დაიმტვრევიან და ველარც უიყო გაბედავს მიწიდან ამოძრომასა!

მოისვენა გული ზამთარმა; ასე ეგონა, ეს არის, გაზაფხული ვეღარ მოვაო. გაშალა თავისი თეთრი კარავი და მოსვენებას მისცა თავი. მარა მზეს არ ეძინა. გაზაფხულის წინამორბედი, თეთრად შემოსილ დედამიწას აჰერდა და შეშინებულ-შემკრთალი თოვლი დედამიწაში ძვრებოდა წყლის ცვრად ქცეული. ზამთრისაგან გაკეთებული ყინულის ხიდ-ბოგირები ინგრეოდა, ტყდებოდა და ხრიალით წყალი მიაქანებდა. თეთრი ფერის მაგივრად მწვანე ფერი ედებოდა არემარეს.

თვითონ გაზაფხულიც შორს არ იყო. მოწინავე მახარობლები კიდევ მოსულიყვნენ და გაზაფხულიც თავის ბრწყინვალე ამალით უკან მოდიოდა.

— გააღე კარი! — მოესმა ხმა ზამთარს, ქეიფში მყოფს და თან ძალიან დააკაუნეს კარები... — გააღე კარი! — მოისმა კიდევ.

ზამთარი ამ ხმაზე შეკრთა, ფერი ეცვალა, ხმა ვეღარ ამოიღო, მომკვდავს დაემსგავსა.

— დამიცალე კარავი, გააღე კარი! — მოისმა კიდევ ხმა და ეს უბრალო ხმა ჰეჰა-ქუხილად გადაიქცა. თითქო დედამიწა დაინგრაო, მინდორი და მთები სულ იძვროდნენ ამ ქუხილისაგან. მოხსნა პირი და დაუშვა შხაპუნა წვიმამ. კაი ხანი ისმოდა ხეების ღრიალი და შორეული ქუხილის რაკრაკი.

როცა ყველა დამშვიდდა, ღრუბელი გადაიყარა, ცამ გამოინათლა და მზემ გამოაშუქა, ზამთარი აღარსად ჩანდა. აღარც იმისი კარავი. ჭალებში მურყნები საამურად მწვანედ ბზინავდნენ.

— ჩირთი შემოვიდა, ჩირთი! გაზაფხული მოვიდა, გაზაფხული! — ისმოდა აღტაცებული ხმა სულდგმულთა.

თიბათვის დღე იყო. გაჭირვებულეული გუგული თავის „გუგუს“ გაი-
 ძახოდა. ბუდარობის დრო მოსვლოდა, არ იცოდა ჯერ კიდევ არავისი
 ბუდე, რომ კვერცხი ჩაედვა და გამოეჩეკა. ხმელწვერებიან წიფელზე
 იჭდომი დაშტერებით მისჩერებოდა ტოტქვეშ გამოხვრეტილ სათვა-
 ლეს, საიდანაც რაღაც ხმაურობა ისმოდა.

— კუკუუუ! — აჰიანურებდა გუგული, თითქო ვისიმე გაჯავრება
 უნდაო; თან ჰრელ ბოლოს ხან ასწევ-დასწევდა, ხან ჯარასავით ატ-
 რიალებდა.

გუგულის ხერხმა გასჰრა: ნახვრეტიდან ერთი ჰრელი კოდალა გა-
 მოძვრა და გაათორებულმა შემოუტია გუგულს.

— კუკუუ შენ გინდა და პანღურიც, შე უმსგავსო შენა! რა დაგე-
 მართა, რა ღმერთი გაგიწყრა, დღეს-დილანდელა აღარ მომასვენე.
 ვითომ კუკუუ გინდა ამოშკრა ჩემი ბუდიდანა, ჰა?! მანამდე ნურა ჰა-
 მე რა შენა, შე საკვენსო, შენა!

— ჰა, გაგონილა! ჰრისტიანებო, ჩემი ბუდიდან უნდა მე გამომაგ-
 დოს და თვითონ შიგ მოიკალათოს. ჰი, თუ თბილად ჩაჯდები და წყა-
 ლი არ ჩამოგივა, არჩევა კი იცი! შენთვის არ ვეწვალეთ მე და ჩემი
 ჰმარი მთელ ერთ თვეს, სანამ ამ საბუდარს გამოხვრეტლით. მაშინ-
 დელი დანჰრეული ტვინი ჯერაც არ დამღგომია აღგილასა, ლამის
 შაკიკის ჰარად გადამეჰცეს.

— არა, მე რომ კუკუ უნდა ამომკრა, შენ უფრო კუკუამოკრული არ დადიხარ? სახლი შენთვის არსადა ჩანს და კარი, შვილი და ბოლო. გაიგეთ, ქალო, რა ზნისა ბრძანდება ეს ქალბატონი?

— თვითონ ხო არც კი კადრულობს ბუდის აშენებას, რომ მერე შიგ ბარტყები დაზარდოს; აბა, თავს რად შეიწუხებს ბუდეში ჩაიწყალოს თვალი და გული. აბა, ხუმრობა საქმე ხომ არ არის, მაგან „კუ-კუ“ ველარ იძახოს და ყურები აღარ გამოუჭედოს გამვლელ-გამომვლელს თავის ყბედობითა. ის არ ურჩევნია, ეგრე იწოწიალოს და სხვის ბუდეებიდან კვერცხები იპაროს. — ცხარობდა კოდალა.

— მართლა! ქურდიც არის ეგ ქალბატონი? — შეეკითხა ჩხიკვი, რომელიც აქამდე წიფლის შიმელაზე¹ იჯდა და მუშტრის თვალით იცქირებოდა აქეთ-იქით. — აბა, ქალო, მაგისი ამბავი გეცოდინებარამე, ჩვენც გვიამბე.

ამავე აზრისა აღმოჩნდა ტილიანი ძერაც, რომელიც აქვე არყზე იჯდა და სითბოზე იქექებოდა.

— უჟაცრავად ნუ ვიქნები, ცოტა მკბენარი დამეხვია, უნდა გავიქეპო, — თქვა ძერამ, — ერთი გვიამბე მა გუგულისა რამე, ვიცი, არც ჩხიკვი მოცდება, ჭერ ჟოლა²-მაყვალის არ დამწიფებულა და არც ბალამწარა³.

სანამ ესენი ამ ბაასში იყვნენ, გუგულმა შეათვალიერა კოდალას საბუდარი და ხითხითით მოცხრილა ტყისაკენ. კაი ხანი ისმოდა იმისი სიცილი.

— თქვენ რომ მანდედან გამეცლებით, მე თვითონ ვიცი მაშინ, რასაც ვიზამ; თუ ჩემს შვილს შენ არ გაგაზრდევენებ, რაღა ქალი ვიქნები! — ფიქრობდა გულში გუგული, — ხომ არა გნებაეს, საძიძო მოგართვა?

— ქა, კიდევ რო დაგვცინის ეგ სასიკვდილე! — თქვა გულმოსულმა კოდალამ. — მოსულა აქ სისხამ დილაზე და მითვალთვალებს, უნდა გამიტყუილოს, მერე მოვიდეს და ჩემს კვერცხებში თავის კვერცხიც ჩაურიოს. ეგ ხო თავის დღეში ბუდეს არ იკეთებს, სულ სხვას აზრდევენებს თავის ბარტყებს. არა, რა საამურიია, შენი ჭირი-

1 შინლა — ახალი მოზარდი ხე.

2 ჟოლა — Малина.

3 ბალამწარა — გარეული ტყის ბალია, შავად მწიფდება, გემო მწარე აქვს.

შე, ვილაც ოხრის შვილების დაზრდა, როცა ჩემიც გამპირებია. შარ-
შან არ იყო, ე მანდ იელიანში¹ შაშვისთვის რა საქმე ექნა, — შაშვის
კვერცხები დაეჭამა და თავისი შიგ ჩაედვა. შაშვსაც ვერა გავგო რა,
სანამ არ გამოეჩიკა და არ წამოზრდილიყვნენ, ის პატარა არ დასაზ-
რდებლები. თურმე უზიდავს და უზიდავს საქმელს, მაგრამ იმ ღორმუ-
ცელებს რა დააძლობდათ. საწყალი შაშვი თვითონაც კინალამ შეეჭა-
მათ. თურმე სულ კვებენდენ და ჰგლეჯდენ, როცა საქმელი არ
ჰყოფნიდათ. რო ველარა გააწყო რა ადგა და იქიდან გადიხვეწა. საწყ-
ყალი, მე ვნახე, სული ხელთ ეჭირა სიგამხდრითა, — ყბედობდა კო-
დალა.

— ჰეე, კაი ეშმაკი ყოფილა, — თქვა ძერამ, — თვალით არა ჩანს
რა და მოხერხება კი დიდი ჰქონია; ერთი ღმერთმა გააბრიყვოს და
ჩემს ბუდეში ჩადოს კვერცხები, ჰნახავს, როგორ გამოვუჩიკავ, სულ
ნაქუჭებიანად შევსვლიპავ.

— დიახ, შენისთანა თავდასიებულს ის კვერცხს არ ჩაუდებს.
ლაშის შენ შენი კვერცხებიც დაჭამო, თორემ სხვისას რას გაუშ-
ვებ, — გამოეხმაურა ჩხიკვი. — ამასთან იმისი კვერცხები შენ კვერ-
ცხებზე პატარებია და შენი კვერცხები სულ დალეწენ, შენც რო არ
დაუქამო; ისიც იმიტომ თავის ტოლ-ფრინველებს ეტანება, რომ კი-
დევაც იმისმა კვერცხებმა სხვისა დაამტვრიოს.

— ის კი მართალია, ჩხიკვო, — შეეკითხა ძერა, — ვითომ საზრ-
დოდ გუგულისათვის ღმერთს დღეში ერთი ჩიტი მიუციაო; მე ჩემი
თვალთ მინახავს, ჩიტი რო დასდევნებია გუგულსა.

— ეგ ტყუილია, მარა ის კი მეც მინახავს, რო მართლა ხშირად
დასდევს ხოლმე რომელიმე ჩიტი გუგულს. ეს იმიტომ, რომ გუგული
კვერცხებსა ჰპარავს და რაკი მოასწრებს, ჩიტი ქურდს ბუდეში გა-
მოეკიდება, მაგრამ რას გამოჩიება!

— ყველა ყველა და მე გამიგონია, ძერავ, შენი და ჯორის ამბავი,
არ ვიცი მართალია, თუ ტყუილი, ვითომ შენა და ჯორს სანაძლეო
დაგედოთ, თუ რომელი გასძლებს უწყლოდ და რომელი უშვილო-
დაო. ჯორს უწყლობა ვერ დაუთმია და უშვილობა ურჩევია, შენ
წყლის უსმელობა დაგითმია და შვილოსნობა არა. იტყვიან ჯორს იმი-

¹ იელიანი — იელის ტყე.

ტომ არ ეძლევა შვილიო და ძერა რო ჰაერში გაჩერდება ხოლმე. წყალი წყურთან, ვერ დაუღევია და ქარსა ჰყლაპავს; თანა წივის დაჯორს აგონებს, აღთქმა არ გასტეხოვო.¹

— მართალია, ძერავ, მართლა არა სვამ წყალსა?

— ტყუილია, უწყლოდ რომელი სულდგმული გასძლებს. მე რო ჰაერში ვჩერდები, ძირს გველ-ხვლიკებს ვათვალიერებ, — თქვა ძერამ, — მერე დავეცემი და წავიღებ. ჩემი საზრდო ისინია.

— მშვიდობით იყავით, დამიგვიანდა, მეც ბუდეს უნდა მივხედო, — თქვა ძერამ და შეუარა წიფლიან² გორას, საითაც იმისი ბუდე იყო. ჩხიკვიც გაძვრა სადღაც.

როგორც კი კოდალა გაიგულა სხვაგან, გუგული მაშინვე იმის ბუდესთან დაერჭო; ჯერ შეძრომა სცადა, მაგრამ ვერ შეეტია; გამოძვრა ისევ და დაფიქრდა, რა უნდა მოეგვარებინა, როგორ უნდა ჩაედვა შიგ კვერცხი. დიდხანს არ მოუწდა ფიქრს. მაშინვე ბალახებში ჩაჯდა და კვერცხი იქ დადო. მერე ნისკარტით აიღო და კოდალას ბუდეში ჩააგორა. ერთი გულიანად გაიხითხითა და მოცხრილა ტყის-კენ.

— ფრთხილო ქალბატონო, ვნახოთ შენც როგორ გაგაზრდევინო — ჩემი შვილი, ძალიან რო თავს იღებდი, — ფიქრობდა გუგული.

კოდალამ ვერა გაიგო რა, თუ გუგულმა კვერცხი ჩაუდვა, რადგან გუგულის კვერცხი თითქმის არ ერჩეოდა იმის კვერცხებიდან.

სანამ ქორთა იყო პატარა გუგული, ისიც სხვებსავეთ ყვითელ ნისკარტს უღებდა ხოლმე კოდალას საჭმლისათვის, მაგრამ როცა მოიზარდა და კისერი დაუგრძელდა, მაშინ კი შეეცილა თავის ამხანაგებს საზრდოს, სულ თვითონ დაუწყო ჭამა, პატარა კოდალები კი შიმშილით იხოცებოდნენ.

რის ვაი-ვაგლახით დაზარდა კოდალამ ბარტყები, გაიზარდა გუგულიც. ისეთი ამაყი და ავი რამ იყო, რომ საცოდავ კოდალას დააფრინდებოდა ხოლმე საკბენლად, როცა საჭმელს დაუგვიანებდა. კოდალაც ითმენდა ყველაფერს და ერთხელაც არ მოსვლია აზრად, გუგულს თავი დაეანებოვო.

გაიწურა ზაფხული. დაფთიანებული კოდალები ბუდიდან ამოსხა

¹ ეს ლეგენდა ფშავშია გავრცელებული.

² წიფლიანი — წიფლნარი.

დედამ და სიხარულით ტყეს მოედნენ. შეუდგა ერთი ჟივილ-ხივილი ტყის მცხოვრებელთ; შეეხიზნენ ტყეს, თავის მასაზრდოებელს; შემოქმედს მადლი შესწირეს და ბუდეს მოშორებულებმა იწყეს ახალი თავისუფალი ცხოვრება.

გუგული? — ის ისე გაიზარდა, ისე დასქელდა, ბევრიც რო ნდომებოდა, სათვალღდან ველარ გამოძვრებოდა. ბევრჯელა სცადა გამოძრომა, ჰყოფდა ხოლმე თავს გარეთ, მაგრამ სულ ტყუილად, კოდალა მინც თავს არ ანებებდა, უზიდავდა კიდეე საქმელს და შიმშილით არა ჰკლავდა. როცა მოშიოდა ხოლმე საცოდავ გუგულს. საცოდავად ჩხაოდა. ამ დროს ყველა ფრინველი თავისუფლებით ტკებოდა. ყველა თავის ნებაზე დაფრინავდა. შორიდან ხანდახან ისმოდა, ათასში ერთხელ, გუგულის „კუკუ“; ეს ხმა გულამდე სწვდებოდა საცოდავ დამწყვდეულ გუგულს; გრძნობდა, რომ ის ხმა იყო იმისი სამშობლოს დედაენა; ესმოდა და შურით გული უკვდებოდა, რადგან თვითონ მოკლებული იყო იმ სიამოვნებას. თვითონ კოდალასავით უნდა ეჩხიკვინა, რომ იმისთვის გაეგონებინა და საზრდოს მოტანა ეთხოვნა.

გავიდა ზაფხულიც. მარიაშობისთვის გასულს თან მოჰყვა წვიმა და სიცივე. აქა-იქ ქარს ყვითელი ფოთლები მოჰქონდა. ფრინველნი გასაფრენად ეშზადებოდნენ. რიგი მიდიოდა, რიგი წასულიყო, რიგი ახლა ეშზადებოდა. გუგულები რახანია წავიდნენ. მერცხლებიც იმათ გაჰყვნენ. ჰაერს თანდათან სიჩუმე შეეპარა, კოდალებსაც ადგილის ცვლა მოუნდათ. მთიანი ადგილებიდან ბარისკენ გაიწიეს. ჩვენი გუგულის დედობილი კოდალაც სხვებთან ერთად ბარისკენ წავიდა. გუგული დარჩა ხის ღრუში გამომწყვდეული.

ნადირობიდან მოვდიოდი და ერთი გულსაკლავი ჰყვილი შემომესმა. შევხედე, გამოეყო სათვალღდან გუგულს თავი და საზარელი ხმით გასჩხაოდა ტყეს, მაგრამ ვის გააგონებდა; მშობელმა ღვიძლმა დედამ იმავთავიდანვე არ გაუწია დედობა. დროებით დედამ კოდალამაც დაანება თავი. მინდოდა როგორმე მეშველა, გამომეყვანა, მაგრამ ისე მალლა იყო ხეზე, რომ ვერასგზით ვერ მივუდგებოდი.

შორს, ძალიან შორს არის გადაჭიმული შირაქის ველი. აქ სოფლებს ვერსადა ჰნახავს კაცი. აქა-იქ მხოლოდ ფშავლებისა და თუშების ფარეხები მოჩანან და წივის ცეცხლის ბოლი იჰაფება. აქ ლამე ვერც არავინ მამლის ყივილს გაიგონებს, მხოლოდ დაყმენდილი მგლების ყმული მოისმის ივრისა და ალაზნის ჩალიანი ნაპირებიდან და მეცხვარეების ძაღლების წკავ-წკავი და ყეფა.

თოვლი იშვიათად მოვა და როცა კი დათოვს, მაშინაც დიდხანს არ გასტანს ხოლმე. შირაქის მეცხოვრებელი მეცხვარეა თავისი ცხვრის ფარების და ნახევრად განადირებული ცხენების ჯოგებით. მგლებიც მეცხვარეებთან ერთად მთა-ბარობენ; ზაფხულში მთაში დასდევენ ცხვრის ფარებს და ზამთარში შირაქს ეტანებიან; საჭმელი მუდამ ეგულებათ, თუ ცოცხალი არა, მკვდარს ხომ ბევრს გადმოჰყრიან მეცხვარეები. თუ ისიც არ არის და მაშინ გაონაერებულები დასდევენ და ჩასდევენ საქარავნო გზებსა. მინდვრის მგელი საშიშიაო, — იტყვიან მეცხვარეები, — ნამეტნავად, როცა ჯოგშიაო. კაი ბიჭი უნდა, რომ იქ თოვლიან ზამთარში ლამე გაბედოს და შორს მანძილზე წავიდეს.

* * *

ახალწელიწად ლამეა. შირაქის მინდორზე თოვლი ძევს. აქა-იქა ბინებზე ძაღლების ყეფა ისმის; ქვეზა (მდიდარი) ხარანაულის ბინაზე შეყრილან ფშავლებ-თუშები და საუბრობენ თავის ნაცად-ნახაღზე.

ალაზნის მხრიდან მგლების ყმუილი მოისმის. ეტყობათ, რომ მგლები გზის პირს მოსდევენ.

— ცივი ზამთარია, — თქვა თუშმა ლეომა, — ე ოხერი მგლები ძალიან იტანებიან. ლამის ფარეხები გამოგვითხარონ მაგ ოხრებმა. კაი ხანია, ასე მრავლად არსადა ყოფილან. მაგათი ყმუილი უერთოდ არ ჩაძირდება (ჩაივლის), ნავნებს იზმენ რასმე. მინდოდა ხვალისთვის ლაგოდებს მწყემსი გამეგზავნა, ღვინო გადმომეტაინებინა ბედნიერი დღისთვისა, მაგრამ ვერ გავბედე ნადირის შიშითა. ვიცოდი, თავის დროზე ვერ გადმოვიდოდა და ღამე სიარული ემ დროს საშინა.

— ღვინო ჩვენც გვინდოდა, — თქვა ხარანაულმა, — მაგრამ ისევ ხვალ დღით გავაქცევ ცხენით და კიდევ მალე მოგვისწრობს.

— სუთ, სუთ! — დაიძახეს რამდენიმე ბიჭმა ერთად, — აბა, ყური დაუგდეთ, იმ ოხერი ერთი მგლის ხმა როგორ ერჩევა, როგორა ღრიალებს!

მართლაც მოწმენდილი ცა და დაყუჩებული ჰაერი იყო. ისეთი გულის შემზარავი ყმუილი ისმოდა, რო იტყოდით, მთელი მინდორი მგლებადა ქცეულაო. ამათში უფრო გამორკვევით ერთი მგლის ხმა ისმოდა. რო დაიღრიალებდა, იტყოდით, დედამიწას გულიდან მოსწიაო. გააბამდა და ბოლოს თითქო იხრჩობაო, ხრიალით დააბოლოვებდა, მთელი მინდორი კვნესოდა. შეშინებული ძაღლებიც სულ ერთმანეთს ეკვროდნენ და საცოდავად გაჰყმოდნენ ალაზნის პირისაკენ...

— სწორედ ეს დრო იქნებოდა, ბიჭებო, — დაიწყო ხარანაულმა, — ფშავში მივიდოდი. ძალიანა ჰყინავდა და ახმეტაში შევსადილდი. ცოტა ღვინო გადავკარ სითბოსთვის და ამის გამო შემიგვიანდა. მაღალასადს! რო შევუდეგ, დაღამდა. მთვარიანი ღამე იყო და რაკი თოვლიც იდო, დღესავით იყო გავარვარებული მთელი კახეთი. მარტო ტყე იყურებოდა შავადა. რამდენიც შეღამდა, უფრო და უფრო მოუჭირა ყინვამ. ქალმები რკინასავით დაიყინა და დაილუსა, გზას სულ ლაწალუწი გაჰქონდა ფეხებქვეშ.

ცხენი მყვანდა, მაგრამ ამ სიცივეში ცხენზე რა შემსვამდა. ქვეითად მივიდოდი. გძელი ვახშმობა იქნებოდა, რო ავანახევრე მაღალასადის მთა. თან ჩემი ყელჭრელი ხირიმი! მქონდა მაშინ. ხო ბერ-

1 მაღალასადი — დიდი ტყიანი ქედია თიანეთსა და ახმეტას შუა.

დენკები არ იყო! გამეგონა და ვიცოდი კიდევ, რო მაღალახადაზღუ მგლები იცოდა და მეც ფრთხილად ვიყავ. ღვთისა წინაშე, შიშით არ შეშინოდა, მე მგლებს არაფრად ვაგდებდი; თოფიან კაცს როგორ შეჰბედვენ-მეთქი, ვამბობდი, თუკი ვაქაცი ვარგა და ან გული შერ-ჩა-მეთქი.

მე არხეინად მივდიოდი, რო' თოვლის ხრიალი და ფეხისხმა შემომესმა. ცხენმა ყურები ცქვიტა და უკან-უკან წევა დაიწყო. მე თვალი გზაზე დამრჩა. ესე, ოცდაათი ნაბდის გაშლაზე¹, ერთმა მგელმა გზა გადამიჭრა და გზის ნაპირზე დადგა და ცქერა დამიწყო. თან თოვლს დაუწყო ფეხებით თხრა და აქეთ-იქით სროლა, როგორც ძაღლებმა იციან მტრის დანახვაზე. მე ცხენს ვაუჯავრდი, რომ მომყოლოდა. თოფი გადმოვიღე და პირდაპირ წაველ. იდგა ისიც და რაკი შემატყო, რომ თოფი აქვსო, იკადრა და გორის პირისკენ გახტა. თოფის ხელმეორედ გატენა მეზარებოდა სიცივეში, დამიგვიანდებოდა კიდევ და იმიტომ აღარ ვესროლე.

არხეინად გავსწიე. ცოტა ხანს შემდეგ გორის პირიდან საზარელი ყმუილი შემომესმა. ყმუილს გაღმა-გამოდმა ამ გაუვალმა ტუჯე² ხმა მისცა და შორს, შორს ხევ-ხეუში ჩაიღუპა. მშიშარა არა ვარ, მაგრამ ამ ხმაზე სულ ჟრუანტელმა დამიარა ტანში. კიდევ დაიყმუვლა და ხეებიდან გაყინულმა კირხლმა წკრიალით დაიწყო ჩამოდენა ძირსა. ორჯერ თუ სამჯერ კიდევ დაიყმუვლა და მერე გაჩუმდა. ცოტა ხანი გამოვიდა და ილტოს მხრიდან ხმა მისცა ერთმა მგელმა. მეორემაც გაღმიდან მოსცა ხმა. მალე იმათ მესამეც მოემატა და გააბეს საზარელი ყმუილი. მე ვიცოდი ეს ყმუილი რისაც მომასწავებელი იყო და ფეხს აუჩქარე. გაქცევა კი არ მინდოდა და ვერც გავიქცევოდი. რადგან უფრო საშიში იყო.

მგლების ყმუილი თანდათან ახლოვდებოდა. ეხლა ველარ ვარჩევდი, რამდენი ყმუოდა. ბეჩავი ჩემი ცხენი ასეთი იყო, სულ ფრუტუნებდა, ფრთხებოდა და უნდოდა გაქცევა, მაგრამ გაჭირვებაში მე იმის იმედი უფრო მქონდა. მზესავით მთვარე იდგა და ჩემ წინ და უკან ისე ჩანდა გზა, თითქოს ხელის გულიაო. უკან მივიხედე და წე-

¹ ხირიმი (ყირიმი) საუკეთესო თოფად ითვლება ქართულ თოფებში, ყელ-ოქროთი აქვს მოზარნაშული.

² ნაბდის გაშლა — ერთი საყენია.

ლანდელი მგელი დამხვდა წინა, ამდევნებოდა და ელქეშად¹ მომდევ-
და. იმან იცოდა, რომ სხვებიც მიეშველებოდნენ და იმიტომ იყო ისე
გულადადა. მართლაც, იმედი არ გაუცრუვდა.

მოსახვევი გზა გავიარე და წინ ორი მგელი ამეყუდა. აქეთ-იქით
ცეცხლის ნაპერწკლებივით დაიწყეს მგლის თვალბმა ციცაობა და
ჩემ უკან გზაზე და გზის იქით-აქეთ შემომწკრივდა ერთი ათამდე
მგელი. ამათ ყმუილი შესწყვიტეს და მხოლოდ შორს, ცივ-გომბორის
მთის ტყეებშილა ისმოდა კიდევ სხვა მგლის ყმუილი. ის კი მე რას მი-
ზამდა, ალბათ იმან იქ სხვა თუ ნახა რამე კბილის გასასველებელი
და ამხანაგებს ეძახდა.

ის ორი მგელი ზედ შუაგზაზედ გაიხიდნენ. ერთი წამოწვა ტო-
ტებზე, თითქო გადაფრენა უნდაო და მეორე კი გაშეშდა და არ მა-
შორებდა თვალსა. წასვლას აღარ აპირებდნენ. მეც გადმოვიღე თო-
ფი და ჩახმანშეყენებულმა იმათკენ გავწიე: სხვა გზაც არა მქონდა,
რაც იქნებოდა. იქნებოდა, უნდა გამევილო. მართალია, ტყუილი კაცს
შეარცხვენს, რო მოვიტყუილო, რა იქნება, - შევკრთი, მაგრამ ეს
ვიცოდი, რო კაცის გაშტერებულ თვალს ნადირი ვერ გაუმაგრდება
და გზასაც თურმე, ლომის მეტი, ყველა მისცემს კაცს. მეც თუ მიშ-
ველიდა რასმე, ისევ სიგულადე, თორემ თუ შევშინებულეიყავ, საეშ-
მაკოდ გავხდებოდი. ხელში გატენილი თოფი მეჭირა და ხანჯალიც
მეკრა. ვთქვი: თუ გზა არ დამიგდეს, ერთ-ერთს თოფით გავაგორებ
და ერთსაც დავხანჯლაგ-მეთქი.

გამიგონია, რომ თურმე, თუ ჯოგში მგელი დაიჭრა და ამხანაგებმა
სისხლი დაინახეს, მიეხვევიან და შესქამენ. მგელიც რაკი კბილს გაი-
სისხლიანებს, მერე უფრო საშიში ხდება და კაცსაც ადვილად მიჰბე-
დავს.

მე კიდევ იმისი იმედი მქონდა, ნათელი ღამე იყო და მგლები ისე
ვერ მომეპარებოდნენ, რომ ვერ დამენახა. თუ ძალიან გამიჭირდებო-
და საქმე, გულში ისე მქონდა, ცხენი უნდა მიმეგლო მგლებისათვის
და მე თავისთვის მეშველა.

თქვენ კარგად იცით, რო სანამ თიანეთს არ გადახვალ, არსად სო-
ფელიზ და არსად სახლი. მართალია, ტყე კარგია, მაგრამ ხეზე ასე-
ლაც ხათბალაა, ჯერ ერთი ცხენს თავს ვერ დავანებებდი, მეორე ესა,

¹ ელქეშად — შორიახლოს, ნელა-ნელა, გაუგებრად.

რომ ხეზე სიცივე მომკლავდა, ან კიდევ მგლები აამყარებდნენ და ჩამომადგებდნენ. აგრე ერთი ფშაველი ასულიყო ხეზე მგლებისაგან გამოქცეული; მგლები ისე აყროლებდნენ თურმე, რო კაცი დაბნედილიყო და სარტყლით რო არ მივკროდი ხეს, უეჭველად ჩამოვევარდებოდიო...

მივდივარ მგლებისკენ და დგანან ისინიც ვამეშებულები. რაკი მივეუახლოვდი და მივეუახლოვდი, როგორღაც შეთოთქორდნენ — შევატყვე, ისე ახლოს ვიყავი, რო იმათი სულის ქცევაც მესმოდა. მაშინ კი გადვუდე ჩემი ხირიმი. თეთრმა სალტებმა და თოფის ბრჭყვიალა ლულამ რაკი გაიელვა, მგლები ისე გადახტნენ ტყისაკენ, რო თვალიც ველარ მოვკარ.

ჰაი, ბიჭებო, თოფს სხვა ზავთი¹ აქვს. თოფის ლულის წინ ვინ არ შაკრთება, ვის არ მოაგონდება სიკვდილი.

რაკი ისინი გაიქცნენ, სხვა მგლებიც უკან შედგნენ. ვიარე მე და შდიეს იმათაც. ვერა და ვერ მომწონეს (შემბედეს). ბოლოს და ბოლოს რაკი თიანეთისკენ გადავხედე, დამიწყეს მგლებმაც სათითაოდ ჩამოცლა. ბოლოს ორიღა მომდევდა. მგონი, წინ რო დამიდგნენ, ისინი უნდა ყოფილიყვნენ. რაკი სამშვიდობოს გაველ, მივუბრუნე თოფი და მივახალე. ღმერთს მადლობა შეეწირე გადარჩენისთვის.

— განა ბიჭებო, ბევრი თქვენგანი თავს შეირცხვენდა ჩემს ადგილას რო ყოფილიყო? — დააბოლოვა ხარანაულმა.

ბევრმა გაიკვირვა ხარანაულის ნაამბობი და ბევრმაც თავმომწონე ბიჭებმა, იუკადრისეს იმისგან დამცირობა.

— რავა, ჩემო ძმაო, ე ბიჭად შენ ჩვენ ვერა გვჯობიხარ და თუ შენ ქართული თოფი გქონდა, ჩვენ ბერდენკებიცა გვაქვს. ჩვენც სულაც არ შევეპუებით მგლებსა, თუკი საკმაო ტყვიები გვექნება.

— თოფი ხომ კარგია და კარგი, მაგრამ გული ყველაზე მეტია, ბიჭებო. — თქვა თუშმა ლეომა, — შეშინებული კაცი წარამარა დაიწყებს თოფის სროლასა, პატრონებს ტყუილ-უბრალოდ დასწვამს და მგლებსაც შეეჭმევა.

¹ ზავთი — კაცის სახის გამომეტყველებას ჰქვია, რომლისაგანაც მნახელი შიშსაც გრძნობს და კაცისადმი ძალაუნებურ პატივისცემასაც.

— მართალია, მართალი, — მოუწონა რამდენიმე ხანში შესულ-
მა მწყემსმა.

მხოლოდ ერთი თუში ნადიბაისძე იყო წინააღმდეგი, — ვერც
შემავინებენ მგლები და ვერც არას მიზამენო.

— არ გადაგხედია თავსა, ნადიბაისძე, ძმაილავ, იმიტომ ამბობ
შგარე, თორემ თუ სადმე დაგხვებინენ ის ყურდაუჭრელნი, ავად
გაცვლიენებენ ფერსა, — შეუხირდა ფშაველი ბეწინა.

— აი, ეს ბურთი და ეს მოედანი, — თქვა თუშმა ნადიბაისძემ, —
ახლაც ხო ნაკლები ღამე არ არის და არც ნაკლები მგლები, ხო
გესმით, რა ამბავი აქვთ. მე სანაძღვოსთვის ახლა ლაგოდებს წავალ
და იქიდან ღვინოს მოვიტან. ხო იცით, გზაც შორია და თავმოუფა-
რებელი მინდორიც, კაცს რო გაუჭირდეს, ერთ ხეს ვერა ჰნახავს.
აი, ვისაც უნდა ათ თოხლზე დავენაძღვევები. არც ცხენს წავიყვან,
ლეოს ბერდენკას წავიღებ, ერთი ოცდაათი პატრონა მომეცით და
ხმალს შემოვირტყამ.

ნადიბაისძის სიტყვებზე მწყემსებს ჩოჩქოლი შეუღდათ.

— არ იქნება, შვილო, რა დროს სიარულია, ხომ არ გაგიჟდი, —
უთხრა ხარანაულმა, — განა, ვისაც თავი არ მოსძულებია, ეხლა
ქარში გავა? მე კი შენს ცოდვას ვერ ავიღებ და სხვამ თავისი იცის.

— არა, ნადიბაისძე, დაჯექ, შენს ქურქში ეგდე, — გაუჯავრდა
თუში ლეო, — შენა, ძმაო, ერთს რასმე უბედურებას შეიმთხვევ და
შენ დედ-მამასთან რა პირითლა მიგვესვლება. არა, თამარ მეფის
მადლმა, მე კი ვერ გირჩევ და.

— ლაშარისჯვრის მადლმა შენ ტყუილია ტრაბახობ, თუში ხარ,
ცარიელა ტრაბახა, თორემ ვიცი, რაც გული გჩრია, — გაეპასუხა
ფშაველი ბეწინა, — შენ არ იყავ, შარშან რო თათრებმა გამოგაქ-
ციეს, ახლაც ისევ ნადიბაისძე არა ხარ?!

— მოდი და გაუწყრეს თამარ მეფეცა, ალავერდის წმინდა გი-
ორგიც, წვერის წმინდა გიორგიც და ფშავ-ხევსურეთის სალოცავე-
ბიც, ვინც პირს გადავიდეს, მოდი, დამნაძღვედი ათ თოხლზე, თუ
მე ამადამ თუქურმიშას გადაველ, იქ ხომ ნაცნობი მედუქნე გვყავს,
იმასა ჰკითხეთ, როდის მიველ, მაშინ ათი თოხლი შენც მომეც, ბე-
წინავ, თუ ვერ გადაველ და გზიდან დავბრუნდი, მე მოგცემ ათ
თოხლსა, — დაამთავრა ნადიბაისძემ.

— ჰა, ხალხნო, რას იტყვიტ, ყაბულსა ხართ თუ არა?

— მე ყაბულსა ვარ, — თქვა ბეწინამ.

ხარანაულმა და თუშმა ლეომ ბევრი უშალეს ნადიბაისძეს, მაგრამ არ დაიშალა.

დაარბეს, ვისთანაც უნდა მისულიყო და კაცებიც დაესწრო.

აილო თუშმა ნადიბაისძემ თოფი, პატრონებით სავსე, სასწრაფოდ ახსენა თუშეთის სალოცაეები და გაუდგა გზას...

მთვარემ გადაუარა შირაქის ველსა და ცივ-გომბორის მთას დადგა თავზედა. მრავალი და სასწორი საშუალამის გადასცდნენ. შორს, დასავლეთისაკენ, რომ ერთი ბეწვა ღრუბელი მოსჩანდა, დაიკარგა. ცა ისე მოიწმინდა, თითქო ცოცხით დაუგვიათო. წვრილი ვარსკვლავები უფსკრულში მიმალულიყვნენ და ოდნავდა ციმციმებდნენ. უფრო მსხვილ ვარსკვლავებს ბღღვრიალი გაჰქონდათ. იმათ არც მგლებისა ეშინოდათ და არც ძირს ჩამოვარდნისა. უჰ, რა მალლა იყვნენ!

შირაქს ეძინა. არ ეძინათ ხარანაულის ბინაზე მწყემსებს, ან კი რა დააძინებდათ! სახუმარო საქმე ხომ არ იყო, კაცი სახიფათო გზაზე იყო წასული.

— ძალიან მოვტყუვედი. — თქვა ნაღვლიანად ბეწინამ, — რო ავუხიბრდი. მე რო არ დავნაძღევებულიყავ, ის ხომ არ წავიდოდა. რო რამე აუტყდეს, კაცო, იმის ცოდვაში ხო მე ჩავდგები!

— არა უშავს რა, თუ ყოჩაღად მოიქცევა, — თქვა ხარანაულმა. — სიფრთხილეს თავი არა სტკივა, ცხენები მზადა გყვანდესთ, თოფები და პატრონებიც მოამზადეთ, დაძინება არ იქნება...

ერთხანად ძაღლებმა ხმა გასწყვიტეს და ღრმა ძილს მისცეს თავი. მგლებმაც ყმუილს უკლეს და ბოლოს სულ გაჩუმდნენ.

— იქნება ამ ბაღღმა ისახელოს თავი და მშვიდობით გადავიდეს ლაგოდებსა! — თქვა თუშმა ლეომა.

— ნეტავი არ იქნება! — წამოიძახეს ყველამ ერთად.

— მეძნელება კი, ლეო, და არ ვიცი, როგორღაც ცუდი მხარო შეუბნება, — დაეპასუხა ხარანაული.

ამ ლაპარაკში იყვნენ, რომ ძაღლებმა საერთო ყეფა და განგაში ასტეხეს.

მწყემსები მაშინვე გარე გამოცვიდნენ. ზოგი ფარეხის ბანზე ავიარდა!

— თოფის ხმა იყო! — დაიძახეს ფარეხზე მყოფებმა.

— თამარ მეფის გამარჯვებამ, თოფის ხმა იყო! აგერ მეორეც გაეარდა!

მართლაც პირველ თოფის ხმას მეორეც მოჰყვა, მესამეც და მეორე დატყვრა ზედიზედ.

— არიქათ, ჩქარა, ბიჭებო! ცხენები! ჩქარა, თორემ საქმე რომ არ უჭირდეს არ დაიწყებს მაგრე სროლასა.

ზოგი თოფისთვის გარბოდა, ზოგი ცხენზე ჯდებოდა. სულ ერთს წუთს უკან თუქურმიშისკენ მიმავალ გზიდან ცხენების ნალია წკრი-ალი ისმოდა და მწყემსების თოფის ხმა...

მართლაც თუშ ნადიბაისძეს დიდი გაჭირვება აღგა.

მწყემსები რო მივიდნენ, მგლის ჯოგი გაქცეულიყო მათ მიახლოვებაზე. ნადიბაისძეს თოფი გადაეგდო და ოთხივკუთხივ ხმალს იქნევდა, თანა ჰკიოდა. იქვე ორი მგელი შუაზე გაჭრილი ეგდო.

ბევრი უყვირეს მწყემსებმა, ბევრი უძახეს, ნულარ გეშინიან, ჩვენა ვართო, მაგრამ ველარა გააგონეს რა.

ზამთრობითაც იქ იდგა და ზაფხულობითაც. თუმცა ზამთარში სასტიკი სიცივე იყო და ზაფხულში სიცხისაგან კლდეებში იხრაკებოდა, მაგრამ იმას მაინც მაგრა ჩაეყარა თავისი ფესვები სალი კლდისათვის და გულზე მიჰკრობოდა და ჩაჰკონებოდა, როგორც შვილი დედას ეკვრის ხოლმე და ძუძუებში ეხუტება.

ძალიან უყვარდა ცირცელს¹ თავისი მშობელი მთა; თვალჩაუწვდომელი კლდეები, ჩამორეცხილ-ჩამოგლეჯილნი, რომელთაც აქა-იქა მიჰკვროდა თითო ბლუჯა ბალახი და ხავსი; უყვარდა ღრმა ხევები; ზამთარ-ზაფხულ ზეავით სავსენი და მთებიდან ჩამოგორებული მდუმარე ლოდები, მწვანე ხავსმოკიდებულნი.

ნეტა განა კიდე შეიძლებოდა იმაზე მეტი სიყვარული?! განა გულში კიდევ დარჩებოდა ადგილი სხვა სიყვარულისთვის? სულაც არა! მთაზე მეტად არც არა უყვარდა რა და არც არა ჰყვარებია რა.

ქარას კივილი, ნამქერის თეთრი ღრუბლები, მთების გუგუნე, კლდეებიდან ჩამოკიდებული უზარმაზარი ყინულის სვეტები, ზვავების ქუხილი და უძირო ხევებში ჩადენა — ცირცელისათვის დედის ნანა და და-ძმებში ღზინი იყო.

როგორი სიყვარულით ჩასცქეროდა ხოლმე, როცა ზამთრის

¹ ცირცელი — Рясина.

ყინვა იმის მეზობელ მთის ხეობაზე ჩამომყეფარ გიჟმაჟ მდინარეს გაჰყინავდა ხოლმე და ვეშაპივით კლდიდან კლდეზე აკეცილ-ჩაკეცილ მზეზე ლაპლაპი გაჰქონდა.

გაზაფხულზე ხო ისევ დნებოდა და წყალმომატებული დაიწყებდა ქოთობას და შხუილს. ზაფხულში ჩხრიალებდა წმინდა წყლიანი და ზამთარში ყინულად ქცეული მკვდარსავით უძრავად იწვა.

თქვენ გენაცვალოთ ჩემი თავი, მთებო, თქვენა, თქვე ჩემი სულის ჩამდგმელნო! განა, ქვეყანაზე იქნება თქვენისთანა რამე კიდევ! — შექლადადებდა. ირგვლივ მოჯარებულ მთებს ცირცელი.

— არა, ბრაწო?¹ ჩვენ სამშობლოს განა სჯობია კიდევ სხვა ვისიმე მხარე? მითხარ მართალი, ჰკვიანი ხარ, გეცოდინება, ან გენახება, ან გაგონილი გექნება, ათასი ფრინველი ბუღობს შენს ახლოს, — ეკითხებოდა ბრაწს ცირცელი.

— რა ვიცი, შენ გენაცვალოს ჩემი თვალები; შენ კარგად მხედავ, მე შენზე პატარა ვარ, სულ წელში მოღუნული და სევდიანი. ხო იცი, მეც შენსავით აქაურობას არ გავცილებივარ, გაგონილიც შენ უფრო მეტი გექნება. მართალია, ჩემს ახლო კლდის ეხებში სევდები ბუღობენ, ბევრსაც რასმე ლაპარაკობენ შორეული ქვეყნებისას, მაგრამ დაეჭვრებათ იმათ რამე? იმათ ის მხარე უყვართ, სადაც ბევრი ლეშია და სადაც თავის გაუმადლარ მუცლებს ლეშით გაიტენენ. აბა იმათთანა ხალხს განა დაეჭვრება რამე, რომელსაც თავისი სამშობლო არა აქვს? შე კარგო, შენ უფრო ხილს არ ისხამ, შენთან უფრო ბევრნი არ მოდიან სტუმრადა?!

ჩემი ნაყოფის საკმელად სუ ჩვენი მთის შვილებივე მოდიან, ზეენსავით ისინიც არ გასცილებიან თავის მიწა-წყალს. აბა როჰოს განა წაიყვანს ვინმე მთიდან? ისინიც სულ ჩვენი მთებისას მიაპბობენ. ჩვენ კლდეებს შესტრფიან და შეჰხარაიან. ასე ჰგონიათ, ამას იქით ქვეყანა აღარ არისო.

— შენა, შალშავო², შენ რაღას იტყვი, შე გულჩათხრობილო,

1 ბრაწი — კლდის მცენარეა. უცვეთელსა ჰგავს, იმის ტოტებისას ფშაელები რძის საწურაკებს ჰკრავენ.

2 შალშავი — ყერიხა, მთის მცენარეა, სულ ერთი მტკაველი იზრდება და ტბილ ნაყოფს ისხამს. მწიფე კვრინჩხსა ჰგავს ფერით. წარიაშობის თვეში მწიფდება. მარცვალი ხუნწის მარცელის ტოლა აქვს.

თვალშავო? არ ინაღვლი, რომ მოგგლიჯონ აქედან, შორს წაგიღონ, თუნდა იქ ცხრა მზე იყოს და ცხრა მთვარე? არ მოგაგონდება ეს ჩვენი სამშობლო?

— ეჰ, მე ვინა მკითხავს, როცა მთიბელი ცელს მისვამს და ძირიანად მტუხავს. ჩემი ფესვი რომ ჩემს მშობელ მიწაში არა რჩებოდეს, მაშინ ხო ჩვენი გვარის სახსენებელი ამოვარდებოდა ქვეყანაზე. მე კი, თუ არ ჩემი სამშობლო, სხვაგან ვერ ვიცოცხლებ და თქვენი კი არ ვიცი, ჩემო თვალის ჩინებო!

• • •

ამ დროს ქარი ქროდა და სისინებდა, თან მოჰქონდა სევთა ყვიტყვიტი, არწივთა ყეფა, შვეარდნის წივილი და ორბების ფრთათა ტყლაშა-ტყლუში, ცელ-ნამგლის წკრიალი, ძაღლების ყეფა და ცხვრისა და მეცხვარის ხმაურობა და ჟრიამული; მოჰქონდა წყაროთა ჩუხჩუხი და ტყის საამური შრიალი, კლდეთა ოხვრა და ჩანჩქართა ჩამოხვეილი.

მოჰქონდა შორეული სოფლებისა და ქალაქების ხმაურობა და განგაში, აღელვებული ზღვების ბობოქრობა და ქუხილი. მოჰქონდა ყოველივე ესა, უამბობდა გზა-გზა სულიერთა და უსულოთა და დაიხსოვებდა რა იმათ ნათქვამსაც — სიხარულს თუ მწუხარებას, ტირილს თუ სიცილს, მღერას თუ კვნესას, ჰკრებდა კვალწმინდად და მიჰქროდა ახლა სხვა ქვეყანაში და სხვა ერში და ახლა იქ უამბობდა უცხოთა უცხო ქვეყნის ამბებსა.

ცირცელი კი უკრავდა თავს ქარსა და წელიდანვე იხრებოდა და იღრკებოდა, თიოქო მადლობას ეუბნებოდა ქარს ამდენი ამბებისთვისაო. წითელი მტევნებიც შემოჰხვევოდნენ გარსა და ფუნჯებივით ქანაობდნენ ქარის მობერვაზე. იცნობდა ცირცელი ქარსა, არც ეშინოდა იმისი, არც უკვირდა იმისი ნაამბობი, რადგანაც ბევრჯელ სმენოდა მისგან ეს ამბები.

იმისი წითელი მტევნები ბევრს ფრინველს იზიდავდა თავისკენ. მაგრამ რაკი ჰნახავდნენ, რომ მკვახე იყო და ჯერ არ იქმეოდა, ისევ ანებებდნენ თავს. იმათ მაგიერად ახლა სხვანი მოფრინდებოდნენ, ჩაუნისკარტვანდნენ ხოლმე წითელ მძივის სისხო მარცვლებს და ისინიც თავს მიაბრუნებდნენ ხოლმე. მარტო მთიბელმა ფშაველმა

იცოდა, როცა თიეებს დგამდა მთაში, ამტკრევედა ტოტებიანად და თივას გულში ატანდა და ზამთარში, როცა ნაშალ თივაში იმისი მტევენები ამოჩნდებოდნენ ხოლმე წითლად ჩამკრახულები — ფერ-შეუცვლელად, პატარა ბიჭები ცას ეწეოდნენ სიხარულით.

ხშირად თავს დასტრიალებდნენ ფრამფრაშით წვინტილიპა სვა-ვები და იქვე ახლო-მახლო წიფლებზე და მუხებზე სხდებოდნენ.

— ცირცელო, — ეუბნებოდა კვარტლიანი სვაგი, — რას ირა-მევ ამ გაფხეკილ მთაში სულს, ამ უსულო და უსიცოცხლო კლდე-ებს რას ჩასციებიხარ. ზამთარში თოვლის მეტს ვერაფერსა ჰხედავ, ქარის გრიალის მეტი არა გესმის რა და ზევთა ქუხილი და გუგუნე ძილს გიკრთობს და ტანში გშლის. ან არ გეშინიან, მოზვავდეა აღდე, დაგეცეს და დაგლეწოს, ან დაიძრას მთიდან ლალი ზევაი და დედამიწიდან აფხეკოს? რას ჰხედავ აქ საშურველსა? ახლა ბარა უნდა ჰნახო, რა დიდი სოფლებია და დიდი ქალაქებია, საყდრებითა და სასახლეებით მორთულ-აჭრელებულნი, რა მღორე და ღრმა მდინარეებია, ათასნაირი თევზით საესე, ნავ-ხომალდებით აჭრელე-ბული და რკინისა და ქვიტკირის ხიდებით შემოსაარტყლული! რა ბალ-ვენახებია ათასნაირის ხილითა და ნაყოფით დაზნეკილი და და-ტვირთული ხეებით საესენი. შენი ნაყოფი იმათთან რა გამოჩნდება!

აი, ჩვენც მომეტებულად სულ ბარად არა ვართ, მხოლოდ ზაფხუ-ლის სიცხეს გამოვექეციით ხოლმე ამ შავსა და ბნელს კლდე-ებში. უჰ, რამდენი საჰმელი ლეშია იქა! უჰ, რამდენია საჩვენებლო! ქამა მაინც იცოდე ჩვენსავით, შე საწყალო, შენ ხომ აღარც კი დაგ-ვაკლიდი და პირველი დაანებებდი ამ მთებსა და კლდეებს თავსა-წახვიდოდი და სხვებსაც გააბედვინებდი ბარად ჩასვლასა. აი, თუნ-და ქუჩსა. ცოდვა არ არის, რომ ამისთანა ქალის თმასავით დაგარ-ცხნილო: ქოჩოჩა ბალახი ვაჟე მინდვრებზე არა ბიბინებდეს!

მართალია, მართალი! — იქნევედა ასკილივით თავს და კვერს უკ-რავდა ტილიანი ძერაც.

— მართალს ამბობენ სვაგები, — ბურტყუნებდა ყაჯირი, — ოლონდ კარგად ვიყვნეთ და სულ ერთი არ არის, გინდ მთა ყოფილა ჩემი სამშობლო, გინდ ბარში ვყოფილვარ ეული!

— არ გაბრეყდე, უბედურო და არ დაუჭერო მაგ ქვეყნის გამ-ცემ იუღებს, მაგ წყეულ-შეჩვენებულ მაცდურებს, განა კკუათამყო-

ფელი თავის სამშობლოს გასცელის რაზედმე! არ გაგიგონია ქართ-
ველთ ნათქვამი:

„არ გავცელი სალსა კლდეებსა უკვდავებისა ხეზედა
არ გავცელი მე ჩემს სამშობლოს, სხუა ქვეყნის სამოთხეზედა,
როგორც უფალი, სამშობლოც ერთია ქვეყანაზედაო“.

ესმოდა ღრუბლებზემოდან ამაყად მცურავი არწივის ყეფა.

— ძლიერო ღმერთო, დამიხსენ და დამიფარე განსაცდელისა-
გან! — ბუტბუტებდა ცირცელი.

— ეს ფუტკრები და ბუზები რაღას შემომბზუიან. ჩემს მეტი ვე-
ლარავინ დაინახეს ამ უსიერ მთაში?

შორიდან ისმოდა შურთხის სტვენა, თითქო მეცხვარე ცხვრის
ფარას უსტვენდეს და ერეკებოდეს.

არყის ბრჭყვიალა ზეთიან ფოთლებს ნიაზე გაჰქონდათ შრიალი,
როგორც ყინვისაგან დამზრალი თოვლის ფიფქი შრიალებს ხოლმე,
როცა ქარი უბერავს და ერთმანეთს აყრის შაქრის ფერფლებსავით
თეთრსა და ბრჭყვიალა ფიფქსა.

მუხები გაშეშებულნი იდგნენ და ერთი ტოტი არ ინძრეოდა იმათ
მძლავრ ტანზე.

ქვევით, მინდვრად, ქარზე ღელავდა თავდაწმენდილი ყანები და
რამდენადაც ყანა წვებოდა, იმდენადვე იზნიქებოდა ქარიც წელში
და ადგებოდა რა ყანა, აიწვედა ქარიც, და წელში ამართული თავ-
თავნი ხელახლად იდრეკდნენ თავებს და წყობისად აწყობდნენ თავ-
თავებს საომრად მიტევებული მხედრობის შუბებსავით. ჰხედავდა
რა ამას ცირცელი, გამმაგებით იმეორებდა გულში:

— წყეული ვიყო და შეჩვენებული, თუ ჩემ მშობელ ქვეყანაზე
ქარგი მინდოდეს რამე!

* * *

ხოლო ცირცელის ბედი კაცმა სხვანაირად გადაწყვიტა. დიდ ბალ-
ვენახების პატრონს, სხვადასხვანაირ მცენარეთა მოყვარულ კაცს,
გული შეუვარდა ცირცელზე და თქვა:

— მოვთხრი ამ ცირცელს ამ მწირი ქვიშიდან და გადავრგავ ჩემს
მსუქან და გაპოხიერებულ ბალში. იქ აღარც სიცივე შეაწუხებს,

ადარც უწყლოობა. მუდამ თვალს დავიჭერ და მოვუელი. მთის მძლავრი ზევი ველარ გაპქელავს და ველარც კლდიდან ჩამოგორებული ლოდი დააპტერევს და დალეწავს. ჩემი ვენახი შეღობილია მაღალი მესერით, რომელსაც ზემოდან ძეძვი ადევს. იქ კაცის ფეხიც ვერ მიეკარება, განა თუ საქონელმა გაკენიტოს, ან მშვიერმა დათუნამ დალეწოს!

მებალეც ბეჯითად დაიჭერს თვალს, გასწმენდს და გაპფხეკს ხმელ ტოტებს გააცლის და შემაწუხებელ ჭია-ლუებს გააყრინებს.

იქნება ჩემს ბაღში ცირცელი არხეინად, დამშვიდებით და ბედნიერად დაბერდება.

გაზაფხულის პირზე ცირცელის ფესვებთან ისმოდა წერაქვისა და ქარჩის¹ კაკაკუკი. წერაქვის წვეტი წვერი მაღიანად ჰკმეჭდა კლდესა და ლოდებს, ფშვნიდა და ამოპქონდა ზევით. ცირცელის ფესვები თანდათან ტიტვლდებოდნენ და, აქამდე მზეთუნახავნი, ახლა შზის სხივებისაგან იხრუკებოდნენ და იდაგებოდნენ.

ცირცელი კრთოდა და კანკალებდა, ხოლო ქარჩი და წერაქვი ერთმანეთის მემჭობიას ჰგლეჯდნენ ბელტს, როგორც მგელი გლეჯს შატყლიან ტყავს ცხვრისასა, აპობდნენ კლდის გულს და ქვების ნატეხებს ქვევითკენ მიაგორებდნენ. კობტა ლამაზი ქუჩი, რომელიც ცირცელის ფესვებთან იდგა, წერაქვის წვერმა მოგლიჯა და უფსკრულში გადაუძახა.

— ვილუბები, ვილუბები! — კვნესოდა ცირცელი; — ჩემი მეშველი აღარაეინ არის!

რომელი ფესვიც ღრმად იყო წასული, ჩიუტდებოდა და ხელს არ ამოსდევდა, იმას სჭირდნენ და ათლიდნენ.

ხოლო ცირცელი უფრო მეტად კანკალებდა და ხათხათებდა. ტყუილია იყო შიში. კაცი იმათ თავს არ დაანებებდა. რამდენიმე ხანს შემდეგ ცირცელს მთები და კლდეები შორს დარჩა. სამშობლო მხარე თვალთაგან მიეთარა და გრძელ მინდორს გაუდგა. აქ აღარც კლდეები იყო, აღარც ღრიანტელები, არც მთიდან ჩამოგორებული ლოდები, არსად მყვირალი ზევეები და მჩქეფარე ჩანჩქარი. უტყუო

¹ ქარჩი — ცალბირი წერაქვი, ბრტყელი პირი აქვს.

და გატიტვლებულ მინდორზე თავის შესათარებელი არსად რა იდგა.

მხოლოდ აქა-იქ შარშანდელი გამხმარი ნარი ეხირა, რომელსაც მინდვრის მძლავრი ქარი მიწაზე უხეთქებდა კომბალა თავსა და ჭრელი ნიბლიები აქეთ-იქით ეხვეოდნენ და აწყდებოდნენ, ეგები ქარმა თესლები გააყრეინოს რამე და მშვიერი მუცლები ამოვიესოთო.

მიდიოდა ცირცელი გაბენტარებულ-გაოგნებული, უყვირდა, რომ ისევ ცოცხალი იყო, რომ მაშინვე სული არ გასცივიდა, როგორც კი თავის სამშობლოს მოსწყვიტეს, რატომ იქვე არ დაბრმავდა, როცა ველარ დაინახა თავისი მშობელი მხარე.

— ნუგეშისმომცემელო ღმერთო, შენ მომხელე მე უბედურსა, ნუ დამტოვებ უპატრონოდ ბეჩავსა და ოხერსა! — ევედრებოდა ცირცელი ღმერთსა.

მაგრამ ცა ძალიან მაღლა იყო და მისი ხმა კი სუსტი, რომ ცისა და ქვეყნის მპყრობელამდე მიღწეულიყო. კაცები კი მიდიოდნენ და მიაქანებდნენ ცირცელს უცხო ქვეყნისაკენ. ცირცელს თვალწინ სულ უცხო და უცხო სურათი ეშლებოდა.

აგერ გამოჩნდნენ მრავალკომლიანი სოფლები, ვენახებსა და ბაღებში ჩანთქმულნი. აგერ მდორე და ზვირთმრავალნი მდინარენი, ზედ გადარკალული ქვიტკირისა და რკინის ხიდებით. აგერ უზარმაზარი ქალაქები თეთრი საყდრებითა და ბრჭყვიალა გუმბათებითა! და ცირცელს აგონდებოდა სვავებისგან ნათქვამი ბარის ქვეყნებზე.

— ეს თუა, სვავეები რომ მიქებდნენ, აქ თუ აქეთ სვავებს მულარალი (თავსაყრელი) სასმელ-საჭმელი. აქ თუ მეპატიყებოდნენ მეცა — ფიქრობდა ცირცელი. — ჰო და რით არის ნაკლები ეს ქვეყანა ჩემ სამშობლოზედაო, — გაივლო გულში, — მართლადა ჩემს სამშობლოს თუ არა სჯობია, არც ნაკლები ყოფილაო. — მაგრამ თვითონვე შერცხვა თავისი ფიქრისა და შეეზარა.

— სწორედ მე ჩემს სამშობლოში ყოფნის ღირსი არ ვიყავ და ღმერთმაც იმიტომ დამსაჯა, იმიტომ მომიგლიჯა გულიდან ჩემმა სამშობლომაც და აქეთ გადმომტყორცნა, აბა თუ მოგწონს, იქ წაბ-ძანდიო. — და გული ისევ წამებულ-დატანჯული ცირცელისა უფრო დაიწვა და დაისერა მწუხარებითა.

— მე ჩემს სამშობლოს ველარა ვნახავ, ღირსი არა ვარ იქ დაბრუნებისა, არა! — ბუტბუტებდა საცოდავი.

• • •
გამარჯვება შენი, ცირცელო! — გამოეხმაურა ახლადდარგულ ცირცელს ზღმარტლი. — სხვა, როგორ მოგწონს, მთიულო, ეს ჩვენი ქვეყანა? აბა რას მოგეწონება შენ ტიტველ კლდეებთან! ვიცი, მოწყენით იქნები, ნუ ინალვლი, შეეჩვევი, მალე დაგავიწყდება შენი ქვეყანა. აბა, მე მიცქირე, მეც შენსავით ტყეში სული მძვრებოდა, ჩემი ეკლების გამო ფრინველებიც კი მერიდებოდნენ. არც არავინ ავსა კითხულობდა ჩემსა და არც არავინ კარგსა. იქ შინდებში და თხილებში არც კი ვჩანდი, მზის შუქი მენატრებოდა; ჩემს ნაყოფსაც, სანამ სულ არ დატუნტლავდებოდა, პირს არავინ ახლებდა, ახლა კი ჰხედავს შენი ბედნიერი თვალი რა ადგილას ვარ გამოჭიმული ჩემთვის ფართოდ და ხალვათად. არც არავინ მზეზე მეფარება და თვალში მეჩხირება, არც არავინ ზედ მაწვეება და მჩრდილავს, არც არავინ მამტვრევს და მკაფავს ღობეებისთვის, როგორც იქ. ვარ ჩემთვის აქ არხეინად; ჩემი ეკლები კი თუმცა ისევ მასხია, მაგრამ ასე ამბობენ, ამას მოვჭირით და უეკლო, საუკეთესო მსხვილი ბალის ზღმარტლს ვამყნობთ ზედაო. რა უშავს, არა, ქალო? მე ახლა ერთი ხეპრე ტყის ხილი ვარ და მაშინ სულ სხვა ვიქნები, ჩემს ნათესაეებს ზედაც აღარ შევხედავ.

— ეჰ, ზღმარტლო, ნეტავი შენ, რო სადაც მიხვალ, ქუდს იქაურულად დაიხურავ. ეგ იუღობაა, სხვა არაფერი.

— რას ამბობ, მთიულო, — გამოეხმაურა ამ ლაპარაკზე ზამთრის ძილიდან გამოფხიზლებული ჭანჭური ცირცელსა. — მადლობელიც არა ხარ, რომ ამისთანა პატრონის ზელში ჩავარდი და მთიდან ასეთ ქვეყანაში მოხველ? მე ვიცი, იქ თავისუფლად რომ ჰყოფილიყავ, მაგრე გაგიფრთხილდებოდნენ, როგორც აქ გაგიფრთხილდებიან? ერთ მარცვალსაც ვერავინ მოაკლებს შენ მტევანს.

— ვიცი, რომ არავის რას შეაჰმევენ, მაგრამ თვითონ კი ყველაფერს შესჰამენ, — გაეპასუხა უგულოდ ცირცელი.

გავიდა გაზაფხულიც. ჩაიყვავილა ხეხილმაც, დაპურდა მინდვრად ბალახი. გაზაფხულს მოჰყვა ზაფხული, ცირცელისათვის ტანჯვისა და წამების დრო.

იმ დროს, როცა უზარმაზარი ვენახი ხილით ივსებოდა, ყვითელი დაშაქრული მსხლები, გვერდწითელი ვაშლები, წითელ-ყვითელი ქლიავ-ჭანჭურები მნახველის თვალს იტაცებდნენ, დამკრახული

მტევნები ვაზებზე დნებოდნენ, — ცირცელი კი სიკვდილის პირს მისული ძლივს იდგა ფეხზე. ჩამოქცნობოდნენ ფოთლები, დაღმეკოდა ქერქი და მწუხარე სევდით და სიყვარულით საესე თვალები თავის ქვეყნისკენ მიეღო. იქ, იქ, შორს მინდვრებსა და მთების იქით ეგულებოდა თავისი სამშობლო. ეჰ, რა იქნებოდა, ერთი კიდევ დაეკრა თვალი თავის მშობელი მთისთვის, ერთხელ კიდევ ჩაჰკონებოდა იმის მადლიან მკერდს, ერთხელ კიდევ ჰსხურებოდა იაზმის წყალივით ამის დამკნარ ფოთლებს მთის ნაში, — მაშინ უეჭველად მორჩებოდა, ისევ გამობრუნდებოდა, ისევ აუშმწვანდებოდა ფოთლები. ერთხელ კიდევ დაეკრა თვალი იმ დიდებული არემარისთვის, სადაც მეხისგან თავპირჩამოლეწილი მუხები იდგა, სადაც არყი და თხილი ზეავს მიწაზე გაერთხა და ცოცხივით დაეგო; ერთხელ კიდევ სმენოდა ჩანჩქართ ხვივილი, მთებიდან დაგორებული ლოდების გრიალი და ლეწა-მტვრევა, ზეავების ქუხილი, არწივის ყეფა და ნამიან დილაზე აშლილი როჭოების კაკანი და ჰყივილა. ერთხელ კიდევ დახმარებოდა პაწაწა ტკბილ ნაყოფიან შალშავს, ფრჩხილის ტოლა ფოთლებიანს, იმ პირშავსა და თვალშავასა და მოესმინა იმისი ბრძენი ბრაწის ნაამბობი, ბერიკაცის წვევრებივით კლდეს რომ ეკიდა. ოჰ, მაშინ უეჭველად ისევ გაცოცხლდებოდა და ამდენი ტანჯვა-დავიწყებული მტრისთვისაც ილოცავდა და მოკეთისთვისაც.

— ოჰ, კაცო, კაცო! რა მიყავ, რად მომწყვიტე ჩემს სამშობლოს, რატომ იქვე ცუღით არ ამჩეხე და ცეცხლზე არ დამწვი! ნეტა ამ ქვეყნად მაინც შეგხვდებოდე, ჩემო სამშობლოვ, ბედნიერსა, და იქ მაინც გამაძლო შენი ცქერითა! მაგრამ შენაც ზომ არ მოჰკვდები, რო სიკვდილის შემდეგ ისევ შევიყარნეთ. მშვიდობით, მშვიდობით!..

* * *

— კი არ გახმეს ეს ცირცელი, რა ყურები ჩამოუყრია, — თქვა ერთხელ ვენახის პატრონმა, — რა ღმერთი უწყრება.

— მაგათი ჯიში მაგრეთია, ბატონო, — მოახსენა მეზალემ, — თუ არ მთაში, ეგ ბარად არა გვარობს, ტყუილად გვექნება მაგისი იმედი. მეორე ვაზაფხულზე ცირცელს ფოთოლი აღარ გამოუტანია.

დღეს გულქანსა და იმის ამხანაგებს მასწავლებელმა „დედა-ენიდან“ „ნუცას სკოლა“ წააკითხა. იქ, წერია: „პატარა ნუცამა სთქვა: ჩემს დედოფლებს უთუოდ კითხვა უნდა ვასწავლოვო. გადუშალა წიგნი და ეუბნებოდა: ეს არის ანი, ეს არის ბანი, ისწავლეთ გენაცვალებო.“

— ისწავლიდნენ დედოფლები კითხვასა, თუ ვერა? — იკითხა მასწავლებელმა.

— ისწავლიდნენ, ისწავლიდნენ! — ყვირიან ზოგნი.

— ვერ ისწავლიდნენ, ვერა! — უპასუხებდნენ სხვები.

— მოითმინეთ, მოითმინეთ, — უბრძანებს მასწავლებელი, — აბა, თითი აიშვირეთ, ვნახოთ, რას მეტყვიო.

გამხიარულებული მოწაფეები წამოიყაყვნენ, გამოიშვირეს თითები, ზოგი სულ ზეზე წამოდგა, ეგები უფრო დამინახოს მასწავლებელმა და მე მკითხოსო.

— მე ვიტყვი, მასწავლებელო, — ველარ მოითმინა ერთმა ბიჭმა.

— მეე, მე! — იძახის მეორე.

გულქანიც ნუცასავით ექვსი წლისა იყო! ამანაც იცოდა კითხვა,

დედოფლები ამასაც ჰყავდა, მგონი სამი თუ ოთხი. დღეს გულქანიც იყო კლასში და მასწავლებელს ბეჭითად უგდებდა ყურსა:

— მაშ არ ისწავლიან დედოფლები კითხვას?! — ფიქრობს გულქანი, — ისწავლიან მაშა!

ის პაწაწა დედოფალი კი რას ისწავლის. ის ხომ ჯერ ისევ ძუძუსა სწოვს და აკვანში წვება, ის ჯერ გასაზრდელია. როცა დიდი დედოფალი გახდება, მაშინ ისიც ისწავლის. დიდმა დედოფლებმა კი იქნება იცოდნენ კიდევ კითხვა!

ამის მეტად არ მოჰგონებია გულქანს, რომ დედოფლებისთვის წაეკითხებინა წიგნი.

— ახ, ერთი წინათ მომგონებოდა, სანამ მასწავლებელი იკითხავდა, — ფიქრობდა გულქანი. — ერთი ჩემი დედოფლები მენახა, იციან თუ არა კითხვა. თუ არ იციან, ისწავლიდნენ თუ არა. დიხაც რო ისწავლიან. მაშ არ ისწავლიან? — ფიქრობს გულქანი.

კაბები ხომ დედამ შეუქერა დედოფლებისთვის; მერე მრგვალ ჩხირებს თავებზე თეთრი მიტკალი დაახვიეს, ზედ ჯვარედინად შავი ძაფით ცხვირი და წარბები ამოუნემსეს გულქანმა და თამარმა და ასე ააშენეს ეს კობტა დედოფლები. მოაგონდა ესენი გულქანს, ცოტა როგორღაც ეჭვი შეეპარა თავის დედოფლების უვიცობაზე, მაგრამ გულს ხომ ვერ შეიცვლიდა!

— გენაცვათ, ჩემო დედოფლებო, მოვიდე შინა, თუ ნუცა ასწავლიდა თავის დედოფლებს კითხვასა, თქვენ რალა იმათზე ნაკლები მყევხართ, მე კი ვერ გასწავლით, ჭა?! — ფიქრობს გულქანი და თან თითი აქვს აშვერილი.

დიდები იძახოდნენ: ვერ ისწავლიან, ჩხირებია, ადამიანები ხომ არ არიანო.

პატარები იძახოდნენ: ისწავლიანო, გულქანიც იმათში ერია.

— კარგით, კარგით! — უთხრა სიცილით მასწავლებელმა. — მაშ აბა, ქალებო, ვინა ხართ ყოჩალი, ვისა გყავთ დედოფლები, ხვალისთვის ვინ დაასწავლის დედოფლებს ასოებსა?

— მეე, მასწავლებელო, მე! — ეხვეწებიან აქეთ-იქიდან გოგოები მასწავლებელს.

— მაშ კარგი. აი, გულქანმა ასწავლოს დედოფლებს კითხვა. ამან უფრო ჰკვიანი და ლამაზი დედოფლები ეყოლება...

• • •
სახლში რომ დაბრუნდა, დასხა გულქანმაც თავისი დედოფლები რიგ-
ზე, დიდები აქეთ-იქით, პატარა ფაიფურისთავიანი და ცისტერთვა-
ლებიანი დედოფალი შუაში ჩაუსვა.

— აი, აგრე, გენაცვათ! რაც შეეშალოს ამას, თქვენ ასწავლეთ,
თქვენ დიდები ხართ და ეს პატარაა.

— შენცა გენაცვა, ჩემო პატარა დედოფალო, ყური დაუგდე დიდებ-
სა, რაც დაგარიგონ, გაიგონე, მე გასწავლით და თქვენ ყური დამიგდეთ,
ქკვიანად ისხედით, არ იეშმაკოთ, თორემ ბუას შეგაჰმეივთ ან ყუთში
ჩაგვეტავთ და ბნელაში დაგდგამთ. აბა, ყური, დამიგდეთ! — გადუშა-
ლა გულქანამ დედოფლებს „დედა-ენა“, სადაც ია არის დახატული.

— აბა, შემომხედეთ, რა არის აქ დახატული დედოფლებო? —
დედოფლები კი სრულებით სხვა მხრისკენ იცქირებოდნენ, თითქო
არც კი გაუგონიათო. — ჯა! აქეთ შემომხედეთ! აი, ასე! — აქ გულ-
ქანმა დედოფლები მოატრიალა და პირები წიგნისკენ აქნევინა.

— რას იციანი, ჯა, მერე კი არ გეყოფა სიცილი? — შემოუტია
ერთს დედოფალს გულქანმა, — სულ რას იკრიკვები, ჯერ ვისწავლოთ.

დედოფლები სულ ხმაგაკმენდილები ისხდნენ და უაზროდ გამოიცი-
ქირებოდნენ. ფაიფურისთავიანს გარდა, რომელიც სულ იკრიკვებოდა.

— ალბათ არ იციან, რა არის ია, — ფიქრობს გულქანი, ვენახში
კი არა ყოფილან და აბა სად წახავდნენ? — მაშ მე გეტყვით გენაც-
ვათ ისევ: ია მშვენიერი პაწაწა სუნიანი ყვავილია. ჩვენს ვენახში
ბევრნაირი ია იცის, ზოგი სოსანია, ზოგი ბაცი ნათელია, ზოგი თეთ-
რია, ზოგი მუქი ნათელი. ყველანი კი იმით ჰგვანან ერთმანეთს, რომ
მშვენიერი სუნი აქვთ. თუმცა უსუნო იაც არის. აყვავებაში ერთი
ენძელა დაასწრებს ხოლმე და მეორე თავყვითელა. სუნი კი ენძელა-
სა და თავყვითელას სრულებით არა აქვთ. გაიგონეთ?

დედოფლები კი, ალბათ, სწორედ დგომა მოჰბეზრდათ, გადახრი-
ლიყვნენ და ერთმანეთისათვის თავები მიედოთ. პატარა დედოფალი
გვერდიდან გამოიღრჩიებოდა.

ძალიან უგულისყურონი გამოდგნენ გულქანის დედოფლები.
რამდენი ეცადა გულქანი და იმათ ვერ შეასმინა რა. მხოლოდ გულ-
ქანის ჭრელი ციციუნია ისმენდა მის გაკვეთილს გულმოდგინედ და
მსიარულად შესცქეროდა ხან გულქანს, ხან იმის დედოფლებს. თან

თავის თივთიკივით რბილ კუდს ათამაშებდა, ათრევდა მიწაზე და ცოცხივით უსვამდა, თითქო მტვერსა სწმენდსო.

— თქვენ სრულებით უნიჰონი ჰყოფილხართ, თავები ბზითა გქონიათ გამოტენილი, — უთხრა გაჭავრებით გულქანმა. — იაც კი ვერ მითხარით, რა არის და აბა ასოებს როგორ ისწავლით! ტყუილად კი არ იძახდნენ დღეს ბიჭები, თქვენი დედოფლები უბრალო ჩხირები მორთულულებიო. აბა, რა გიყოთ, ჩემო დედოფლებო? იქნება თქვენთავად უფრო ისწავლოთ! იქნება ჩემი ან გეშინიანთ, ან გრცხვენიათ, გენაცვა! აბა, შე კრეჭიავ შენა, სულ რომ იცინი, სულ ილრიჭები და კბილებსა ჰყრი კიტრის თესლივით, აბა, ერთი დილაამდის კიდევ მოგიცდით. ვნახოთ, ხვალ მაინც ვერ მეტყვით, რაც არის აქ დახატული?

ჩაამწკრივა გულქანმა თავისი დედოფლები მაგიდაზე, გადუშალა წინ „დედაენა“, სადაც ია არის დახატული.

— დედა, გენაცვა, ამდამ სანათი არ გააქრო, ჩემმა დედოფლებმა უნდა წიგნი იკითხონ. დღეს დაიღალნენ, ამდამ არაეინ დაუშლის, უფრო თავისუფლად წაიკითხავენ...

გულქანის ციციუნია დღეს ძალიან ბეჯითად უგდებდა ყურს გულქანსა. ნახა, როგორ დაახა გულქანმა დედოფლები რიგზე, წინ წიგნი გადუშალა, თავებზე ხელი გადუსვა და კაბებიც გაუსწორა.

— მოიცა, გულქან, — ფიქრობს ციციუნია, — როცა შენ დაიძინებ, მე ვასწავლი შენს დედოფლებს კითხვას. ვნახოთ, თუ მე უფრო კარგი ოსტატი არ გამოვდგე, ქალბატონო!

• • •

დალამდა. ყველას ეძინა. გულქანიც დიდი ხანია რაც ტკბილად ხვრინავს. ათასნაირ სიზმრებს ჰხედავს: აგერ ამისი პატარა დედოფალა ვეებერთელა გაზრდილა, სწორედ იმორტელა გამხდარა, ქალაქის მალაზიებში რომ უნახავს ფანჯარაზე მიყუდებული, ყვითელთმიანი, ხელებგაშლილი დედოფალი.

— უჰ, გენაცვა! რამ გაგზარდა მაგოდენა, აკი არაფერსა სჭამდი?! ველარც კი მოგერევი, გენაცვა! შენ ეხლა წიგნის კითხვაც გეცოლინება, არა?

კითხულობს დიდი დედოფალი, კითხულობს სულ სხაპასხუპით, გადააბულბულა ნახევარი „დედაენა“, გულქანსაც კი აჯობა.

— რა მშვენიერადა კითხულობს, გენაცვა! ხვალ უნდა მასწავლებელთან წაგიყვანო. თუ ის ბიჭები არ დაგაცრუებინე, არ იქნება, მასწავლებელსაც როგორ გაუკვირდება!

ამ დროს გულქანის ჰრელი ციკუნია მოსჯდომოდა დედოფლებს და ფეხით შინჩავდა, თან სუნავდა, ვნახოთ თამაშობის გუნებაზე არიან, თუ არაო.

— მოდი აქ, შე ღრეჭიავე, მოდი წაიკითხე, თორემ ხვალ რომ არ გეცოდინება, გულქანი გაგიჩავრდება.

გადაათრია კატამ ერთი დედოფალი და ზედ წიგნზე დააგდო. — ასე უფრო ახლო იქნები, აბა, წაიკითხე! — დედოფალა არც იძროდა, არც ხმას იღებდა. კატამ შეურაცხებად მიიღო იმისი სიჩუმე. — არ გეკადრება, ქალო, რომ ხმა ამოიღო? აბა შენ მოდი, მეორე ქალო! მეორეც და მესამეც ერთი ზნისანი გამოდგენ.

— მაშ, არც ცეკვა იცი? — ჰკითხა კატამ, — აბა ძირს ჩამობრძანდით...

მეორე დღეს გულქანს ადრიანად გამოეღვიძა. წამოხტა, საჩქაროდ ჩაიცივა და დედოფლებთან მიირბინა. სადღა არიან დედოფლები, — ბუას შეუჭამია სულ ერთიანად. მოჰყვა ტირილს გულქანი, მოსთქვამს გამწარებული.

— გენაცვალეთ, ჩემო პატარა, ლამაზო დედოფლებო! რომელმაც ბუამ შეგყლაპათ, თქვენ გენაცვალეთ!.. საით გაგაქცუნათ იმ სასიკვდილემაც? ვაიმე, ჩემო პაწაწა დედოფალო, სად ვიყავ, რო ვერ მოგეშველე, შენ გენაცვალე!..

ამ დროს გულქანის დედაც შემოვიდა. ის უფრო ადრე ამდგარიყო და სახლს ალაგებდა.

— რა გატირებს, გოგო, რა დაგმართნია ამ დილაადრიანად, შვილო, რა იყო წენ გენაცვალოს შენი მშობელი?!

— დედოფლები აღარ არიან, გენაცვალე, დედა, ბუას წაუყვანია! — ღრიალებდა გულქანი.

— აქ ბუას რა ხელი აქვს, შვილო, მოძებნე, იმ ეშმაკმა კატამ ხომ არსად გადაათრია. აბა ტახტქვეშ ნახე!

მართლაც შეეთრია ციცას დედოფლები ტახტქვეშ, ზოგი პირქვე ეგდო, ზოგი გულდაღმა. ზოგს კაბა ჰქონდა ჩამოფხრეწილი, ზოგს სახე დაკაწრული. თვითონაც ზედ მოკეცილიყო და თავი კულზე დაეგდო.

მთაში იყო დაბადებული, წიფლის ტყეებით რომ არის დაბურული. ტყის შვილი იყო, იმ უღრანი ტყისა, სადაც ათასი წლები გასულა და არც კაცს, არც ფთხილს ნადირს მონადირისგან შეშინებულს და იქ შეხიზნულს, ცულის ხმა არ გაუგონიათ.

ათასში ერთხელ, ქარიშხალში, სიბერისაგან დაძაბუნებული და ჭიებისაგან გამოსრული ზეხმელი მოსტყდებოდა ხოლმე და ერთი ლეწა-მტვრევით ჩაიფხვებოდა ძირს ხეობაში სულ ნაკოდლებად გადაქცეული. დაივიწყებდა მაშინ იმას ყველა. თუ აქამდე ამ ზაფხულს კოდალა უკაკუნებდა თავის მაგარ ნისკარტს და ერთი ფერდობიდან მეორეში გაისმოდა მისი კრიალი, ეხლა აღარც ეს ხმაურობა დაარღვევდა ტყის სიჩუმეს.

ზეხმელს კი, თავის მეზობლებში გამოწყვეტილს, ახლა სხვა პატრონი გამოუჩნდებოდა: ან თოვლის ზეავი მიათრევდა ჭალისკენ, ან ზაფხულის ნიაღვარი მიაქანებდა ქვებთან და მიწასთან ერთად ქვევით, შორს. მინდვრად, სოფელში, სადაც ტვირთდამძიმებული ნიაღვარი სტოვებდა ჭერ ქვებს, მერე თიხას და ბოლოს ვაკისაგან შეშინებული სადმე მურყნებში მიპლამავდა ხოლმე ამ ტყის ცხედარსა. აქ გამოუჩნდებოდნენ ახლა სხვა ახალი ჭირისუფლები და სიხარულით მიათრევდნენ ცეცხლზე დასაწვავად.

ზოგი კი იქვე ტყეში რჩებოდა, მამა-პაპათა სასაფლაოზე, ისხამდა

კალმახა სოკოს, გაზაფხულისა და შემოდგომის წვიმისაგან გაჟღინ-
თული.

იმის გაშავებული ქერქის ქვეშ იმაღებოდნენ მრავალი მსხვილი-
და წვრილი ჭია-ღუანი, ხრავდნენ, ღრღნიდნენ და ბოლოს ნადერლ-
ლად ქცეული, იფუშებოდა მიწაზე და ააოხიერებდა იქვე ნამპალში-
ამოსულ ქოლსა და მწვანე მაყვალსა.

უყვარდა კოდალას ეს ტყე, უყვარდა და შემკვდარებულიცა ჰყავ-
და ამ ტყესა. უყვარდა და ასე ფიქრობდა, ვითომ ამ ტყეს გარეშე
იმისი სიცოცხლე სიკვდილი იქნებოდა. იცოდა კოდალამ ამ ტყეში-
თითოეული ხე. ხომ უთვალავი ხე იდგა ამ უღრანს ტყეში. მსხვილი,
თუ წვრილი, მაღალი თუ დაბალი, ტლუ თუ ტოტიანი, საღი თუ ჭიანი-
და დაძაბუნებულ-ფულუროიანი. მთელ დღეს დილიდან საღამომდის
კოდალაც ამ ხეების ალერსსა და შინჯვაში იყო. ხან ტანზე აეკვროდა
და კვერივით ურახუნებდა თავის სატეხე ნისკარტს, ხან წვერებში-
მოექცეოდა და იქიდან დასჭყიოდა თავზე მიბინარებულ ტყეს.

— კრა! კრა! — ისმოდა კოდალას ნისკარტის გაუწყვეტელი კრი-
ალი ამ სამარესავით მიყუჩებულს და ხმაჩაკმენდილს უღაბნოში, აჭ
ხომ ბუზის ბზუილიც კი არ ისმოდა ხოლმე! ძირს, თითქო სიცოცხლე:
მოსპობილათ, არც ხალხი, არც მწვანე ფოთოლი. სიცოცხლე მხო-
ლოდ წვერებში ეტყობა ამისთანა ტყესა. სადაც მზე უხვად ანათებს,
ფოთოლიც იქ ასხია, მწვანე, ხასხასი ნაყოფიც იქა მწიფდება და მწე-
რებიც იქა ბზუიან.

დაჰკრავდა კოდალა ნისკარტს სადმე ხმელ ხეს და ეს ხმა თოფის-
ხმასავით მოეცემოდა ამ უდაბურს ტყესა; ხან მიჩუმდებოდა, ხან
ზარივით რეკავდა და ხან, როცა ხეობა ჰქონდა გასასვლელი, ზეავის-
ხმასავით გაჰხვიოდა.

უყვარდა ტყეს ეს ხმა. იამებოდა გულში, დევივით აყაყულს, ტო-
ტებჩამოღწილს და ღარიბ-ღატაკ კაცივით გაშიშვლებულ ზეხმელს,
და ალაგ-ალაგ რომ ძონძებივით ეკრა ხმელი, ნახევრადაყრილი და
ძირს გადმოკიდებული დაფუტუროვებული ქერქები — კანკალს იწ-
ყებდნენ.

არ ვიცი, იქნებ ისინი კანკალებდნენ და თახთახებდნენ ქერქს-
ქვეშ, რომ ჭია-ღუები, ლელატუები, ბუტყები და ათასი მიღეთის მწე-
რი იფარავდა თავსა! კოდალა ამათი სულთამხუთავი იყო.

თუ ტყეს იამებოდა იმისი ნისკარტის ძგრიალი, ჭია-მატლების-
თვის სიკვდილის ხმა იყო. ელდანაკრავნი ხის ნახვრეტებში აფარებდ-
ნენ თავსა.

• • •

— კრა! კრა! — უკაკუნებს კოდალა თავის სატეხასავით მაგარ ნის-
კარტს საღ შიმელასა. — ხომ საღათა ხარ, შიმელავ, ყანდი ხომ არსად
გაგიჩნდა? ხომ იცი, თუ ყანდი შეგეპარა, ის ამოსავარდნელი ჭია-
მატლებიც მაშინვე გაჩნდებიან და მშვიდობით შენი მოსვენება. მუ-
დამ დღე რო მკურნალივით ჩამოგივლით და გშინჯავთ, ეს იმიტომ,
რომ არ მინდა ჭია-ლუებმა შეგკამოსთ. აბა ზეხმელს კი რაღა ვუყო?
იმას მე ველარ გავაცოცხლებ, ჭია-მატლებილა ხარობენ იმაზე.

— რას იმალებით, ჭია-მატლებო? სინათლეზე გამოდით, მე გახ-
ლავარ კოდალა, თქვენი სულთამსუთავი, აქა მაქვს ჩემი ნისკარტი —
სატეხე და ენაჩანგალი. საღ წახვალთ? ქვესკენლს ხომ ვერ ჩაძვრე-
ბით, მალე ამოგათრევთ მზეზე, თეთრად რო დასუქებულხართ და
რძე გაგლით.

ასე ემუქრებოდა შავი დიდი კოდალა, ყვითელნისკარტიანი. ფრე-
ნაში იმის მხრებსაც ისეთივე ხმა ჰქონდა, როგორც ხმელ ქერქზე
იმის ნისკარტსა.

არც ჭრელი კოდალა იყო ნაკლები მტერი ჭია-ლუებისა. ისე დარ-
ბოდა ხეზე, როგორც თავვი მშრალ დედამიწაზე, ისე მიეკვროდა
ხოლმე ხის ღერს თავისი გრძელი კლანჭებით და მაგარი შუბებივით
ფრთების ბოლოთი, როგორც ტკიპი. თან უბრაახუნებდა და უბრაახუ-
ნებდა გარედან ხეს, რომ შემინებული მწერები მზეზე ამოეყვანა.

• • •

გავიდა ხანი. პატარა შიმელეები დიდი ხეები გახდნენ, დიდებს წვერე-
ბი დაახმა და ყანდი შეუვიდათ, ზეხმელები დაიფეხვნენ და კუნძები-
ლა დასტოვეს. ტყეს კაცის ხელი შეეპარა. ცულის ხმა გაისმა და ტყე-
საც ტანში ჟრუანტელმა დაუარა. აქამდე თუ კოდალა არაკრავებდა
ნისკარტსა, ახლა ცულმა დაიწყო კაკუნი.

დაწვნენ ძირს დევივით წიფლები. იჩეხებოდა შიმელეები, რო-
გორც კაცის ხელით, ეგრეთვე მოჭრილი ხეებისაგან, რომლებიც თავ-

ვის სიმძიმით წვერიდან ძირამდე ჰყვლეფდნენ ტყის მორბელსა. ეჩოთირებოდა ყრუ კუნჭულებში ტყეს ცულის ხმა.

— ეს როგორი კოდალა მოსულა, რომ მაგრე მაგრა სცემს იმ ოხერ ნისკარტს, ტანი სულ მიკანკალებს! — ეკითხებოდა ხავსიანი არყი ცაში ატყორცნილ თელას.

— არ გინახია? რა ჯურაა? ან რა ნისკარტი აქვს მაგრეთი?

— ეგ კოდალა როდია, — გამოეხმაურა იფანი, — მაგას ცული ჰქვია. არ არის კარგი, ძმაო, რომ აქ ცული აჩქამდა.

— ახლა კი დავიღუბებით, საშველი აღარა გვაქვს, სუ ძირიანად დაგვჭრის და შეათხელებს ამ ჩვენს ხალხმრავალ ოჯახსა.

— აბა, ვისაც გვეიწროებოდათ აქ დგომა და მეზობლის მოშორებას ნატრობდით, ეხლა უნდა ყველამ მოვცალოთ ეს ადგილი და ჰხვას დავუთმოდ. ვინ იცის ჩვენი მიწა-წყლით ვინ გაიხარებს!

— ვინ იცის ჩვენთა მამა-პაპათა ძელებს ვინ ამოჰყრის და იმათ ადგილას თავის მკედარს დაჰფლავს?! ვის უნდა დარჩეს ჩვენი სისხლით გაპოხიერებული მიწა! აი, დედასა! — ამბობდა მწუხარედ იფანი.

— ამბობენ, რომ ცულში თურმე ჩვენივე მოძმეა გაყრილი, ჩვენი სისხლი და ხორცი, — ჩაურთო რცხილამ, — თორემ უმისოდ ცული ჩვენ რას გვიზამდა!

— უნდა გავიგოთ, ვინ მოიყვანა აქ ცულიანი კაცი, ვინ ასწავლა ეს ჩვენი მშვიდობიანი კუთხე, — ბუზღუნებდა ცაცხვი, — რომ ვუცქერი, ლამის ზეზეულად შიშით სული ამომძკრეს. მერე ხომ მომეტებულად სულ ცაცხეს არჩევენ, ადვილად სამუშაო ხე არის. კოდებს, სადღეებლებს, კასრებს სულ ცაცხვისაგან აკეთებენ. დიდებს ხომ სადღეებელ კასრებისთვის სჭრიან, ქორფა ბაყილოებს კიდევ ტყავს აძრობენ, უნდა მუში გავაკეთოთო.

ასე ლაპარაკობდნენ შეშინებული ხეები. მაგრამ ცულს აბა სად გაექცეოდნენ. ცულიც თავისას არ იშლიდა, სად ნაყვერს აკეთებდა, სად ახოსა სჩეხავდა, სად საანეულედ შეშას აკეთებდა. ტყე კი დრტყინავდა, შიშის ზარით მოცული.

კოდალა სადღა იყო?

ის ერთგულად ადგა თავის საქმეს და ბეჯითად აცლიდა ჭია-მატლებს დაზიანებულ ხეებს. რაკი ტყე შეთხელდა, კოდალაც თითოე-

ულ ხეს უფრო მალ-მალე ეწვეოდა ხოლმე და წინანდებურად გაქ-
ქონდა რაკრაკი იმის ნისკარტსა.

გაუჭირდათ საქმე ჭია-ღუებსაც კოდალასაგან, სწყდებოდნენ,
იმუსრებოდნენ და სამაგიეროდ ხეები ისვენებდნენ იმათგან.

აკაკუნებდა ცული, აკრიალებდა ნისკარტს კოდალა და ტყე კი
კვენსოდა. სადღა იყო წინანდელი მღუმარება ტყისა და სიმშვიდე?

— ვიღუპებით, ვიღუპებით, — გმინავდა ტყე.

— ვიღუპებით, ვიღვეით, — წუოდნენ ჭია-ღუები, უნდა ჩვენ
თავს რამე ვუშველოთ!

* * *

ამ დროს კი ხის ფუტურობებში, ქერქისქვეშ, ნახვრეტებში, ნაროკა-
ლებში, ყანდებში, ნაცულარებში, სადაც კი ჭიაბუჭყების საბუღარი
იყო, ერთი ჩურჩული და მითქმა-მოთქმა იდგა.

რალასაც ეპირებოდნენ ჭია-ღუანი, ჰქონდათ ერთი მიდენ-მოდენა
და მგზავრობა. ვისაც თავის დღეში გარეთ არ გამოუხედნია, ეხლა
მიცოცავდა დიდი ზებმელისაყენ, სადაც, ეტყობოდა, ჭია-მატლებს
კრება ჰქონდათ, ზოგი მირბოდა, ზოგი მიფრინავდა, ზოგი მიცოცავ-
და, ზოგი მიეთრეოდა, ზოგი მიფორთხავდა.

რა ჯურის ჭია-ღუანი და ბუჭყები არ იყვნენ აქა? დიდი რქიანი
ბუჭყა, ირემივით რო რქები აეშვირა; ლორწოიანი ლოკოკინა, გზაზე
რო ბრჭყვიალა კვალს ამჩნევდა. მზომელაც ოჩოფეხასავით მიაბო-
ტებდა და ზომავდა გზასა.

თეთრი გოდორ-გოდორა მატლებიც მიგორავდნენ, მუცელ დასი-
ებულები. ესენი იყვნენ, რომ მზისა ეშინოდათ და თავის დღეში სი-
ნათლესზე თავს არ ამოპყოფდნენ, სუქდებოდნენ ისე ბნელაში და ახ-
ლა კი გაებდნათ და აღარ ეშინოდათ სინათლისა. რა ჯურისა და რა
ყაიდის ბუჭყები არ იყვნენ აქა: შავები, ნაცრისფერები, ყავისფერე-
ბი, ოქროსავით ბრჭყვიალანი, ლურჯები, წუშის მძივებივითა, მხრია-
ნი, უმსრონი, დიდრონი და თვალით უხილავნი.

სხვა მწერებიც კი ბუზის მოდგმისანი, რომელნიც მუდამ ხის
ფოთლებქვეშ და ტოტებს შუა იმალებოდნენ, ან ბალახს ეფარებოდ-
ნენ, ისინიც კი იქ მიფრინავდნენ. ეშმაკცხენაც ისარივით გამალებუ-
ლი იქითკენ მიაქროლებდა. ბაურაც კი, რომელსაც თავის დღეში პი-

რუტყვთა სისხლის მეტი არა ეწონება რა, ისიც იქ მიფრინავდა. ხილისმჭამელნი და დამქიანებელნიც იქითკენ მიეშურებოდნენ.

გაივსო ზეხმელი ჭია-ღუებით და ბუზანკალ-ბუჭყებით. ძირიდან წვერამდე მთლად შეხურხლულიყო, თრთოდა და ზიმზიმი გაჰქონდა, თითქო ცოცხალ არსებათაგან აშენებულაო.

სადაც კი ერთი ბეწვა ადგილი ჰქონდა ზეხმელს, სულ ბუჭყებით იყო სავსე. ადგილი რო აღარ იყო, ერთმანეთსლა ასხდებოდნენ ზურგებზე.

— სად მიძვრები აქა? ვერა ჰხედავ ჩვენც ფეხათაც ვერ ვეტყვით ამ ერთ ბეწვა ხვრელში, გასწი ისევ გარედ, — უჩაევრდებოდა ბატილასავით თეთრი მატლი ნათელს, ზორბა ლეკის ჭიანჭველასა, რომელსაც მსუქანი მატლის სუნი მისვლოდა და პირის ჩაგემრიელებას ლამობდა.

— ნუ გეშინიან, მე ხომ აქ სადგომად არ მოვსულვარ, მინდა ცოტა ხანს ყური დაეუგდო, რას გადასწყვეტს ყრილობა, — მოიბოლიშა დიდმა ჭიანჭველამ, — ამ წუთში ისევ წავალ.

— ბზზ! ბზზ! რას შეჰყრილხართ ამდენნი, რას აპირობთ, თქვე ჭია-მატლებო, თქვენი ერთად შეყრა სახეირო არ არის. გინდათ ტყიდან კოდალა გააძეოთ, ჰა? — ჩაეკითხა გაჩაევრებული ფუტკარი. — გინდათ რალა, რომ მერე ტყე თქვენ ნებაზე დაგრჩეთ და რაც გინდათ ისა ჰქნათ, ჰა? ვინლა იქნება მერე თქვენი კბილის დამქერი და შიშის მომცემი. ჩემთვის კოდალას არა დაუშავებია რა, პირიქით, თქვენგან მოსვენება არც ჩვენა გვაქვს, კოდალას უნდა ვუმადლიდე, რომ ჩვენ მონაგარს სულ თქვენ არა ჰყლაპავთ.

— რასა ბზუქუნებ მანდა, ვილაც ბზუილა მოთრეულხარ, ხომ არ გინდა მოგისიო ბიჭები და კუდით ქვა გასროლინო, — დაემუქრა ჩრჩილი ფუტკარსა.

— თქვენ ეი, ხალხნო და ჯამათნო! სმენა იყოს და გაგონება. თქვენ ყველანი მიცნობთ, რომ მე ვარ ჩრჩილი, კაი გვარისშვილი და გამრავლებული შოღამისა. ჩემისთანა გამოცდილს სიზმარიც დაეჭვრება, განა თუ სიტყვა და დარიგება არ გაიგონოთ ჩემი. ხომ იცით, აქ რისთვისაც შევეყრილვართ; ყვირილს კი ნუ მოჰყვებით, რომ ტყემ არა გაიგოს რა. ჩვენი საქმე ისე საიდუმლოდ უნდა გავაკეთოთ, რო ჩვენვე გვიკვირდეს, „მჩხავანა კატა თაგვს ვერ დაიჭერს“. ყველას გა-

გონილი გექნებათ კოდალას სახელი. არა მგონია თქვენში ისეთი სულელი იყოს ვინმე, რომ კოდალა მეგობრად მიაჩნდეს, როგორც წესად უგვარო ფუტკარი ბზუოდა. თუ ეხლავე არ ვუწამლეთ ჩვენს თავს, მერე გვიანდა იქნება.

აბა ვინ არ დამეთანხმებით, რომ ტყე ჩვენ საქმელად გაუჩინია. ღმერთსა. კოდალა კი დავდგომია და ლამის ჩვენი სახსენებელი მოსპოს. ან განა ჩვენ იმდენ ზიანს ვუშვრებით ტყეს, რამდენსაც კოდალა? აი, თუნდა ემ ზეხმელსა ვკითხოთ. ჩვენ რო ხესა ვხვრეტთ, თავშესაფარს ვიკეთებთ, რომ დავემალეთ კოდალასთანა გაუმაძლარ სულიერთა, ან ხეებს რად უსნდა სწყინდეს, რომ ჩვენ ჩვენს თავს გავუფრთხილდეთ. რა ვქნათ, დავსხდეთ მზეზე და დავეუძახოთ გამველელ-გამომველელს, მოდი და შეგვკვამეო!

აბა ახლა კოდალას საქციელი გავსინჯოთ. იმასაც ხომ არ ეშინიან, რომ ვინმემ არ შექამოს. რას მისდგომია ამ მწვენიერ ხეებს და რას უბრაახუნებს თავებში, თითქო შინჯავს, რომელი ღრუა და რომელი სალი გულის მქონებელიო. რათ აჯულურებს, რათა ჰკორტნის? აბა თუნდა ამ მშვენიერ ზეხმელს უყურეთ, ირგვლივ ისე მოჰკვრიოთ, რომ თითოეულ ნახვრეტში მკლავი შეეტიევა. მერე შიგ ბუდესაც გაიკეთებს და არხეინად ჩაჭდება, თბილად და რბილად, მე ვიცი წყალი დაასველებს. ე ჩვენც ხომ აქვე ახლო ვართ, გასუქდება თვითონაც და ბარტყებსაც გაასუქებს.

— ვინ მოიყვანა აქ ცული, თუ არ კოდალამ? კოდალამ უქოცულს ეს ტყე და გზაც მაგან ასწავლა, ბრალი კი ჩვენ გვედება.

— ჩემი აზრი ეს არის, — თქვა დაბლა ჩრჩილმა, რომ ხეებს არ გაეგონათ, — უნდა წახვიდეთ ყველანი, მოედენეთ ტყესა და ჩააგონოთ ყველას, რომ ცულის შემოსვლა ამ ტყეში კოდალას ბრალია-თქო, რომ კოდალას უნდა ეს ტყე სულ ძირიანად გააკაჟინოს და თუმალე არ მოიშორეთ თავიდან კოდალა, ცუდად არის თქვენი საქმეთქო. როცა ამას ავასრულებთ და კოდალას თავიდან მოვიშორებთ, მაშინ დადგება ჩვენთვის ბედნიერი დღე.

— აბა, თქვით თქვენც, ვისაც გაქვთ რამე სათქმელი. მე ვთქვი და გავათავე. — სთქვა ხმამაღლა ჩრჩილმა.

ბევრმა სთქვა თავის თავგადასავალი და კოდალასაგან მიყენებულნი უბედურობა. ერთი იძახდა: დედაჩემი კოდალამ ჩაყლაპაო, სხვა

იძახოდა: მთელი ოჯახიდან მართო მე გადავრჩიო. მესამე ამბობდა: ჩემი კვერცხებიც და მატლებიც იმან დაყლაპაო, მეც რალაც სასწაულით გადავრჩიო.

დაადგნენ ერთ პირს და დაიშალნენ, მოედნენ ტყესა და დაიწყეს კოდალას წინააღმდეგ ქადაგება.

— ცული ჩვენთვის საზარალოა თუ სასარგებლო? — ჰკითხავდა წითელი ბუჭყა ცოფის ქიას.

— შე, სულელო, პირიქით, ჩვენთვის ცული დიდი მარგებელია. აბა საღ ხეებს ჩვენ რას გამოვრჩებით, მაგრამ როცა ცული მიწაზე დააწვენს ამ ბუმბერაზებს, მაშინ კი ჩვენი საჭმელი გახდებიან.

— თუ ცული არ მოვიმიზეზეთ, მაშ როგორ შევადქლოთ კოდალა ტყესა. განა ცოტაა ჭერაც ტყეში სულელები, რომელთაც ცულის კაცუნი კოდალას ნისკარტის კრიალი ჰგონიათ?

• • •

გავიდა ხანი. ვინც ამ დროს ტყეში შეესწრო, ის გაიგონებდა რა საზარლად ხმაურობდა ტყე, დრტვინავდა, შფოთავდა, ხვიოდა, გუგუნი გაჰქონდა. კაცს ამ ხმაზე ტანში ჟრუანტელი უფლიდა.

— გავდევნოთ ტყიდან კოდალა, გავდევნოთ! — ბლუოდა მუხა, თითქო ფულუროში ქარი უბერავსო.

— მოვკლათ, გავსრისოთ, მოვიშოროთ თავიდან, თორემ სულ დაგვლუპავს! — ჰრიალებდა ქორაფი. — ვერ გაიგონეთ, ჩრჩილი რას ამბობდა?

— გავაგდოთ, აღარ შემოვადგმეინოთ ფეხი ტყეში, — შრიალებდა ვერხვი. — ერთი კოდალას მოშორება რას გაგიძნელდათ? ვინც კიდევ მიიქაროს ახლო, ძირიანად ამოვავდოთ ტყიდან.

— ეგრე! ეგრე! მაგან გააოხრა ჩვენი ტყე, მაგან მოიტანა აქ ცული, სულ მაგისი ბრალია, რომ ჩვენ ასე ვიღუპებით! — ჰრაკუნებდა დგნალი.

ერთი თხილი იდგა ჩუმად, არ ვიცი, რაკი ყველაზე დაბლა იდგა და ყველაზე პატარა იყო, თუ იცოდა რამე და იმიტომ მდუმარებდა!

• • •

განდევნილი კოდალა უცხო ქვეყანაში გლოვობდა თავის სამშობლო ტყის უბედურებას და მოელოდა იმ დღეს, როცა ჰია-ღუებთან სიბრძოლველად ისევ დაბრუნდებოდა თავის მშობელ ტყეში.

ყვარლელ გლახს გიო ტუხაშვილს მეტ სახელად „ლიმონას“ ეძახდნენ სოფლელები. ალბათ ეს სახელი იმიტომ დაარქვეს, რომ ტანზე მუდამ მოყვითალო ჩოხას იცვამდა.

მაგრამ ამ ჩოხის ფერი არც ყვითელი იყო და არც წითელი. უფრო შემოდგომის ხიდან ჩამოვარდნილ ფოთოლსა ჰგავდა სიძველისა და გაურეცხაობის გამო.

სოფელ ყვარელს ტყე ზედ აკრავს. ძველ კაზარმებსა და გალავანს უკან თხილიან-წვრილიანია; ბლომად დგას შინდი, პანტა, ზღმარტლი, თხილი და მისთანა. მთელი ყვარელი წვრილ საგოდრე წნელს სულ ამ ტყეში სჭრის და ხალხი იოლად გამოდის.

შემოდგომის პირი იყო. როცა შინდი მწიფეა, ვენახებში ყურძენი დამკრახულია, წაბლი, რკო და წიფელა დიდ ტყეებში ჭერ შემოუსვლელია, ცხვარო მთიდან ჩამოსულია და დათვიც, რაკი ბარში სიციხე აღარ შეაწუხებს, ძირს არის ჩამოსული და შინდსა და პანტებზე დაეხტება. ამ დროს რათვი მხდალია, თუმცა კი სოფლის ხმაურობა, ძაღლების ყეფა, მამლების ყვილი, ბავშვების ტირილი, მებაღეების ყვირილი და თოფის ხმა აინუნშიაც არ მოსდის; არხეინად ზის შინდზე, ან პანტაზე და სვლეპს, ან ფოთლებქვეშ თხილს ეძებს და აკნატუნებს. ამ დროს ის კაცს არას ერჩის და თუ ღმერთი გაუწყრა და კაცი საიდანმე დაეხედვა, — ღრიალით გასკდება; პანტიდან

გულგახეთქილი ძირს ზღართანს მოიღებს და თავგადაგლეჯილი გარბის, საითაც მოჰხვდება.

„ლიმონა“ კაი გამრჯე გლეხი კაცი იყო, ყვარელში თავისთვის ვე-
წახიცი ჰქონდა და არც ლუკმა აკლდა. ლიმონა რთველისთვის ეშზადე-
ბოდა და რაკი გოდრები აკლდა, სთქვა: წავალ, ტყე აქვე ცხვირწინა
მაქვს, წნელს მოვჭრი და ორიოდე მოსაყიდს მაინც მოვჩხლართავ,
რომ სხვისა ღრეჭა და თხოვნა აღარ მომინდესო. ერთ დილას აიღო
წალღუნა და გასწია შინდიანისკენ.

ქართლში მანულის გოდორია განთქმული და კახეთში — შინ-
დისა.

ლიმონა რჩევაში არ შესულა და, რაც ხელში მოჰხვდა, ყველას
დაუწყო ჭრა: თხილს, შინდს, შინდანწლას და სხვას.

რადგან დათვისა ცოტაოდენი ხათრი და რიდი ჰქონდა, ამიტომ
შორს ვერ წავიდა და იქვე სოფლის ახლო სჭრიდა, ასე რომ კარგად
არჩევდა სოფლის ღრიანცელს, გზაზე მიმავალს და თავის სახლის
ბანსაც. მაინც „სიფრთხილეს თავი არა სტკივიაო“, ამბობდა და ყური
მახვილად ეჭირა.

ამავე დღეს ლიმონას მეზობელ მეღუქნეს, რომელსაც მეტ სახე-
ლად „კოლოტას“ ეძახდნენ, ქათმების გალიებისათვის წნელი დასჭი-
რებოდა და ისიც იმ ტყეში წავიდა, სადაც ლიმონა წნელსა სჭრიდა.

ამასაც გულში ცოტაოდენი შიშის ქარი ჰქონდა, რომ გაეგო ლი-
მონას წასულა, უეჭველად იპას გაჰყვებოდა.

— ვა! რა ვიცი, ნადირია, კაცი ხომ არ არის, — ამბობდა კოლო-
ტა, — ერთიც ვნახოთ, მე ჩემთვის არხეინად წნელსა ვჭრი, უცებ ერ-
თი მშიერი დათვი ზედ დამაწვეს. ვინლა მიშველის? ვის დაუძახო?
სანამ ვინმე მომეშველება, ნადირმაც რომ არ გამაფუტოს, შიში მომ-
კლამს ნეტა, რატომ არ ეშინიათ ამ ოხერ ფშაველებს და თუშებს,
ტყეში რო დადიან და ნადირობენ? ერთიც ვნახოთ, წამოხტა მგელი,
ან გადმოვარდა დათვი, — თოფიც არ გაუვარდა! რა? ძნელია? ეშ-
მაკს რა არ შეუძლიან. ბაზარში რომ მკედარ დათვს ჩამოატარებენ,
მე მაშინაც მეშინიან, — ბუტბუტებლა კოლოტა თავისთვის.

კოლოტას უფრო სუფთა წნელი უნდოდა და სულ თითოობით
უნდოდა მოერჩია. მაინც შორს ვერ წავიდა და სწორედ იმ ადგილას
მივიდა, სადაც ლიმონა წნელსა სჭრიდა.

ლიმონა თავის საქმეში იყო გართული და კოლოტას მისვლა არ ჯაუგია.

კოლოტასაც რა მოაგონებდა, თუ აქ ლიმონა იქნებოდა წნელის საქრელად.

კოლოტას ყური მახვილად ექირა და თვალებს აქეთ-იქით აცეცებდა, რომ უბედურება არა შემთხვეოდა რა, ნადირს არ გაეფუქებინა.

მართლაც, სულ არ მოეჭრა ოცი წკებლა, რომ კოლოტას რაღაც ფაჩი-ფუჩი და ფშვინვა მოესმა. კოლოტამ ყურები ცქვიტა. მართლა, რაღაც არის, არ მოსჩვენებია!

კოლოტას ტანში ცივმა ქრუანტელმა დაუარა, ბანალი აებურძგნა და თმა ჯაგარივით აუდგა.

მაინც უღური არ გაიტეხა და ფეხი წინ წადგა: იქნება კაცია, იქნება ვისიმე საქონელი ამოეხეტა, ან გული რაზე გაიხეთქოს, ან სოფელში რაზე შერცხვეს!

წაიარა კიდევ და დაუგდო ყური, — ჩაკიჩუკი ისმის, თითქო დათვი თხილს ამტვრევსო.

დაიკუზა კოლოტა, გაიხედა შინდებში და სულ რამდენიმე ნაბიჯის მოშორებით წითლად გამოჩნდა რაღაც; არც წითელია, არც ყვითელი, სწორედ იმ ფერია, რა ფერისაც დათვია შემოდგომით. დააშტერდა კარგად, აგერ ზურგის ბალანიც დაუნახა, კულიც, უკანა ფეხებიც.

კოლოტას გულმა ისე დაიწყო ბაგაბუგი, თითქო წისქვილის ქვა აბრაგუნებსო. კოლოტას შეეშინდა, ეს ჩემი გულის ბრაგაბრუგი დათემა არ გაიგონოსო. აბა რაღა ფეხს წასდგამდა, იქვე გაშეშდა. დათვიც კი ხან აიმართება, ხან დაიკუზება, თითქო კოლოტასაკენ მოდის.

— ვაიმე დათვი! — ერთი საზარლად დაიდრიალა კოლოტამ, დაჰყარა ზელიდან წნელიც, წალდიც და დაეშვა ამ შინდიანზე სოფლისკენ. მირბის კოლოტა, მირბის, ერთი ლეწა-მტვრევა და ფაჩი-ფუჩი უდგას. უკან რაღა მოახედებს, სულ ზედა ხტება თხილებზე და შინდებზე.

— დათვიო! — ამ დაყვირებაზე წაკუზულმა „დათვიმაც“ შეკბლაღელა „ვაიმეო!“ და დაეშვა ესეც ტყე და ტყე კოლოტას კვალდაკვალ.

მირბის კოლოტა, მირბის, რაც ძალი და ღონე აქვს, მიხტის; აბა რა-
ლა ეშმაკისათვის დაზოგავს ჯანსა, თან ესმის, რომ დათვიც შორი-ახ-
ლო მოსდევს.

ჰა, ეს არის დაეწევა, ეს არის კბილს ჩასჭიდებს კისერში და წა-
ათრევს სოროში. შიშით კოლოტა განაღა უკან მიიხედავდა. შიშით
აღარც ის მოაგონდა, რომ ხატისათვის და ღმერთისათვის რამე შე-
ეთქვა, ოღონდ ამ უბედურებას გადარჩენოდა.

როგორც იყო, რის ვაი-ვაგლახით, ჩამოგლეჯილ-ჩამოფლეთილი
გამოვარდა ტყიდან და ველზე დაეშვა. ეს „დათვიც“ გამოვარდა ტყი-
დან და შეხედა, რომ კოლოტა გარბის ქვეითკენ ქუდგადაგლეჯილი.

რაკი ღიმონა ტყიდან გამოვარდა, თავი სამშვიდობოს გამოსუ-
ლად ჩასთვალა, გული მოიბრუნა, ოფლი მოიწმინდა და ჯერ ყური
დაუგდო, აბა ტყეში მორბის ვინმე, თუ არაო და რაკი ვერაფერი და-
ინახა, მერე კოლოტას მიაძახა:

— კოლოტ! ჰაი კოლოტ! რაღას გარბიხარ, შე ოხერო, რაზე გა-
მიხეთქე გული, სად იყო დათვი?...

მთელ ერთ თვეს ყვარლელები კოლოტას ყელს აჭრევიანებდნენ,
ღიმონა დათვად მოეჩვენა და კინაღამ ქელეხი გვაჭამაო.

— ახ, შე რჩულძაღლო ყვავო, შენა! კიდევ ხელცარიელი არ დამსვა ამ გასატიალებელმა! თუ არ ამოგაშხამო და ვანუა ნულარ ვიყო! თუ შეგარჩინო ჩემი ყველისა და პურის პარვა, მაშ რაღა ბიჭი ვყოფილვარ. განა შენც მე უნდა ამიგდო მასხარადა?! — გაშფოთებული ვანუა ქრიკინაშვილი, რაც ძალი და ღონე ჰქონდა, იფურთხებოდა და იგინებოდა.

კაი ხანია, რაც ის აქ სიმიინდს თოხნიდა. მარტოხელი იყო და სულ მარტოდმარტო დაიარებოდა სოფლის ბოლოს სიმიინდის სათოხნაჲად.

სოფელ ყვარელს სიმიინდები და ყანები კარგა მოშორებით აქვს. დილით, როცა მარტოხელა მუშა სამუშაოდ მიდის, თუკი რამ აბადია, თავისი სადილი-სამხრის სამზადისი თან მიაქვს ხელსახოცით და თანაც ლიტრით წყალი, რომ სახლში რბენა აღარ მოუნდეს მოღალულ-მოქანცულს! პურს მაღლა ჰკიდებს, რომ არაფერმა დასუნთქოს, წყლიან ლიტრას პირში ბალახს უტობს და ან ჩრდილში სდგამს, თუ არის სადმე, თუ არ არის და ზევიდან ფარაჯას აფარებს.

— ვერ უყურებთ, კაცო, ამ ვერანა ყვავს, რას მიშვრება?! — გზოხებმაურა ვანუა თავის მეზობელს, რომელიც იქვე შორი ახლოს. თოხნიდა. — ლამის შიმშილით მომკლას მაგ ყვავმა. გუშინ იყო ხელსახოციდან მთელი პური ამოეღო და წაეღო. იმ დღეს იყო და ყველი მქონდა, — აი, ჩვენებმა ფშაელებს ყაჭზე გამოართვეს, — ისეთი ვიყავ, ძლივ შევეცქეროდი, სამხრობას სულწასული მოველოდი, ყველითა და პურით ყელს გავიგემრიელებ-მეთქი, მაგრამ, შენი მტერი

დარჩეს ისე ხელცარიელი, როგორც მე ხანამშრალი დავრჩი. ხელსახოცში შებვეული მუხაზე შევდე, ორჯერ იყო ჩანასკული, მაგრამ მაინც კიდევ ამოელო და მაშინლა შევასწარ თვალი, როცა თავზე გადამიარა. მუშტისოდენა ყველი ნისკარტით ეჭირა და მიაქროლებდა ბუდისკენ. თვალი თან გავაყოლე იმ ვერანას.

დაიცა, ყვაეო, შენთვისაც მოვიცილი!

ყვაემა თავისი არ დაიშალა: ხან უსაუზმოდ დატოვა, ხან უსამხროდ გაუშვა და ხან სამხრის-სამხარი შეუჭამა.

• • •

— ადამიანო, არ მეტყვი რა ვუყო ამ ვერანა ყვაესა? — ეკითხებოდა ერთ საღამოს სამუშაოდან დაბრუნებული ვანუა თავის ცოლს, — აღარ ვიცი, სადღა რა შევინახო, ველარა გადავარჩინე რა, მაშინვე მიაგნებს და ისე არ იქს, ერთი ნაჭერი მაინც არა წაილოს რა.

— რაღას ელი, კაცო, ი ოხრადღასარჩენი ბუდე ხო იცი, სადაც უოხრია, ადი და ჩამოუშალე, წავა და გაგეცლება.

ეს ხომ ვანუამაც იცოდა, მაგრამ ისეთი ოინი უნდოდა ექნა ყვავისათვის, რომ სამუდამოდ იმისი ჯავრი ამოეყო და გული მოეფხანა. ბუდეს ჩამოვუშლი, სხვას აიშენებს, კვერცხებს დაუშტვრევე, — სხვას დასდებს. არა, სხვა რამე უნდა მოვუხერხო! — ჰო, მართლა! — წამოიყვირა ვანუამ, — ყველას ის ემჯობინება, სწორედ ეგრე უნდა ვუყო, რა კარგი იქნება და!

მეორე დღეს ვანუამ თან პატარა ქვაბი და წუმწუმა წაიღო. ყვავის ბუდე შიგ კაკლის წვეროკინაში იყო.

მერე ბუდისთვის ისეთი წვრილი ტოტი იყო არჩეული, რომ თუ არ ძალიან გულადი და თანაც მსუბუქი კაცი, იმაზე ასვლას ადვილად ვერავინ გაპბედავდა, რადგან ტოტი ადვილად მოტყდებოდა და იქიდან ჩამოვარდნილ კაცს მიწამდე სული აღარ დაჰყვებოდა.

მაგრამ ვანუა ისე იყო გაბრაზებული ყვაეზე, რომ ტოტის სიწვერილე არც კი შეუშინებია. მერე ყვარელელი კაცი! მთელი წელიწადი კოდალასავით ხეს აკვრია, ჯიგოს ჰკაფავს მუხაზე, რცხილაზე, იფნაზე, ლაფანასა ჰყრის, კვერნას ეძებს და ფუტკარს გამოჰჭრის ხოლმე. ხელიც შეჩვეული აქვს ხისათვის და თვალიც.

ვანუა ბევრს ეწვალა კაკალზე ასვლაში. გაწოწლოკინებული ტო-

ტი ლერწამივით იღრიკებოდა და იკაკვებოდა. ხან იჭით მიეხეთქებოდა ვანუა, ხან აქეთ; ხან ერთ ტოტს წაავლებდა ხელს და ხან მეორეს, თან ოდნავ ადგამდა ფეხს და სულგასუნთქული მიცოცავდა, რომ მთელი თავისი სიმძიმით არ დასწოლოდა ხეს და არ მოეტეხა.

რის ვაი-ვაგლახით ავიდა ბუდემდე. ბუდემი ოთხი თუ ხუთი შავი ქორფლიანი კვერცხები ეწყო. ეტყობოდა, რომ ყვავი კრუხად იჭდა. სანამ ვანუა ბუდემდე ავიდოდა, ყვავი არხეინად იჭდა ახლო კაკალზე და დაცინვით გადმოცქეროდა ვანუას. „რას ეწვალეები, — ამბობდა გულში ყვავი, — ბევრიც რო ეცადო, შენ ჩემ ბუდესთან ვერ ახვალ. არც მაგრეთი სულელი ვარ, რომ პირში ჩაგივარდე.“

მაგრამ რამდენიც ვანუა ბუდეს უახლოვდებოდა, ყვავი როგორღაც სწუხდა, ტოკავდა, მოუსვენრობა ეტყობოდა. როცა ბუდესთან ავიდა, გულგახეთქილი ყვავი აფრინდა და ჩხაგლით დაუწყო თავზე ტრიალი.

ვანუამ ფრთხილად ამოაწყო ყვავის კვერცხები ბუდიდან. რბილად ჩაილაგა უბეში და კატასავით ჩამოცოცდა ხიდან — ახლა მე ვიცი, ყვავო — დაემუქრა ყვავს.

ვანუამ საჩქაროდ დაანთო ცეცხლი. ჩააწყო ყვავის კვერცხები წყლიან ქვაბში და ცეცხლზე შედგა. წყალი როცა ადულდა, კვერცხებმა, თითქო სიცხე იგრძნესო, თამაშობა დაიწყეს. იდგა ვანუა და ჭიამოვნებით ილიმებოდა.

— შენა ხარ ყვავი, მაგრამ არც კი ნაკლები ბიჭი მე გახლავარ. დაიცა, ამ მოხარშულ კვერცხებს ისევ მანდვე მოგართმევ, არ გეგონოს, ვითომ საკმელად პინდოდეს შენი მყარალი კვერცხები, — დააჯექ და გამოჩეკე! მაშინ ბატის ჭუჭულებს დი ინდაურის ჭუჭებს მოგვტაცებ, არა?!

* * *

კარგა ხანს იჭდა ვანუას მტერი ყვავი მოხარშულ კვერცხებზე. კარგა ხანს ელოდა ბარტყების გამოჩეკას, მაგრამ ტყუილად. მეტისმეტი ჭდომით თვალები ამოუცივდა, ფრთებმა ცვენა დაუწყო. ვანუაც შორიდან შეცქეროდა ხოლმე იმის საცოდავობას. ის დღე იყო და ის დღე. ვანუასათვის სამხარ-სადილის პური აღარავის მოუპარავს, რადგან გაბეჩავებული ყვავი სადღაც გადიკარგა, მოშორდა იმ არემარეს.

ჯერ ისევ ადრე იყო, როცა რეზიკოს მამა გორიდან მოვიდა და სა-
ახალწლო ტკბილეულობა მოიტანა. სხვადასხვა ჭურის კამფეტები
პარკებით, ინდის ხურმა, მყინვარშაქარი, ქიშმიში, ნუში, თაფლი და
შხვა. ყველა ეს ფანჯარაზე დააწყო. ამ ფანჯარასთან იდგა რეზიკოს
საწოლიც. ხვალ ახალწელიწადი იყო და ყველა ემზადებოდა ბედნიე-
რი დღისათვის. შეძლებული გლეხები ღორებს ფუფქავდნენ, ზოგო
ახლაც აქყვირებდა ბურვაკსა.

რეზიკოს დედაც გოზინაყისთვის კაქალს ამტვრევდა, რეზიკო ნი-
გონს არჩევდა, უღლებს ჰყრიდა. ხანდახან პირშიაც ჩააპარებდა
ხოლმე.

— დედი, ხომ არ გამიჯავრდები, რომ ეს ცოტა შავი ნიგოზები
შევქამო ხოლმე?!

— მიირთვი, შვილო, მიირთვი, ბევრი კი არა ქამო, თორემ ყელს
დაგწვავს და დაგახველებს.

გახარებული იყო რეზიკო. სულ ახალ-ახალი ტანისამოსი და წა-
ღები ჰქონდა ამისთვის დედას შენახული. ის დიდრონი კამფეტიც
ამისი იყო, პარკიდან რო კოხტად ამოეშვირა ფოჩები, თითქო რეზი-
კოს აჯავრებდნო.

— რა იქნება რომ ის კამფეტი დღესვე ვნახო, ერთი რაფერია, იმ

კრელ ქალაღდსქვეშ, ან რა გემოსია. ხვალ ხო სხვებიც მომილოცავენ.

— დედი, არ იქნება, რომ ერთი დიდი კამფეტი ამოვილო და გავფეცქვანა, ვნახო და მერე ისევ შევახვიო?

— არა შეილო, როგორ იქნება, მოითმინე ამაღამაც და ხვალ აქ არ იქნება!

ამ დროს ტაფით გოზინაყს საამურად გაქონდა შიშხინი და ტაკატკუცი. რეზიკოს დამწვარი თაფლის და ნიგვზის სუნი ცხვირის ნესტოებში უღიტინებდა.

საკმაო გოზინაყი ჭამა რეზიკომ, ტაფა მოფხიკა და გოზინაყიან თეფშებს შეციებული გვერდები უციცქნა. მაინც ამ კამფეტის ჭავრი არ მოეშვა, ზედ რომ ფერადი წამლებით დახატული პატარა ბიჭი შემოღრეჭოდა.

— დაიძინე გენაცვალოს დედა, დაიძინე, ხვალ ადრე უნდა ავღგეთ, რომ ადრე ადგომა დაგვეკვებოს.

ცოტა ხნის შემდეგ, კამფეტის ახლო, ტახტზე ხვრინავდა ჩვენი რეზიკო და სიზმარში სულ ჩურჩხელები, გოზინაყი და ის დიდი კამფეტი ეღანდებოდნენ.

— აბა, თუ კაი ბიჭი ხარ, მობრძანდი რაღაც რეზიკო ხარ,—უძახის დიდი კამფეტი და თან მუშტს უღერებს, — ისეთს ჩაგცხებ კბილებში, რომ სულ ჩაგამტკრიო!.. მობრძანდი, რაღა, — უგდებს ენას კამფეტი და დასცინის, — აბა თუ კაი ბიჭი ხარ! უჰ, რამოდენა ჭაზრდილა კამფეტი. რა ყვითელი თმა ასხია, რა ცისფერი თვალეზი აქვს! რა კოხტა წაღები აცვია და მშვენიერი ხალათი!

— მაგას ვერც კი მოვერევი, — ფიქრობს რეზიკო, — სჯობს ჩუშად ვიყო, — რეზიკო ჩუშად არის, მაგრამ ხალხი ირევა, აგერ ახალწლის მოსალოცად მოდიან ნაცნობი, უცნობი, ბავშვები.

დიდ კამფეტსაც ამხანაგები მოსელია. ზოგი მოგრძო კამფეტი ამომძვრალა და თეფშზე წამოწოლილა, ზოგი სულ გაუფეცქვნიათ, ერთი ბეწო ქალაღდი აღარ ახვევია, ზოგი შაქრის კუჭალასა¹ ჰგავს. ყვირიან, იცინიან, აფხაკუნებენ. აგერ დაჰსტაცეს ხელი ბიჭებმა კამფეტებს და დაუწყეს ჭამა. ზოგი ფეცქენის, კვენტს, სულ ხრაშა-ხრუში უღვიათ.

¹ კუჭალი — პატარა ქაღის კერია.

• • •
როცა რეზიკოს გამოეღვიძა, ოთახში სანათი ძლივსღა ბეუტავდა-
ყველას ეძინა. კარგა ხანს იფშენეტდა თვალებს, ეძებდა სიზმარში
ნანახ ხალხს, მაგრამ არსად არავინ იყო. ბუხართან კატა კრუტუნებ-
და, დედასაც იქვე ახლო ეძინა. რეზიკომ ჯერ დააპირა დედისთვის
დაეძახნა, იფიქრა: „ახლა დრო იქნება აბრამიანით სახლს შემოუა-
როს მაპაჩემმა და დაგვაბეროსო“ — მაგრამ ამ დროს თავის გვერდ-
ზე დალაგებული პარკები მოაგონდა:

— რა უშავს, რო ვნახო, სანამ გაულღვიძნიათ, რა ჯურის ხილია?
ქურდობა ხომ არ იქნება, რომ დამეკვებოს, მერე ასე ახლო აწყვი-
წამოჯდა რეზიკო ლოგინში. ჯერ ყური დაუგდო, დამე იყო და
თუმცა სანთელი ენთო, მაინც როგორღაც ეშინოდა. შიგნითი ოთა-
ხიდან თავეების ფხაკაფხუკი ისმოდა. შკაფის უკან რაღაც ღრღნიდა.
სოფელში ძაღლები ჰყეფდნენ და ერთი განგაში ედგათ. თვით რე-
ზიკოს ყურებმაც რაღაც ბურბური დაიწყეს. რეზიკო ისევ ლოგინში
ჩაწვა, პირი პარკებისკენ ჰქნა. თავზე საბანი წაიხურა და მხოლოდ
ცალი თვალი იჩინა. ბევრჯერ დახუჭა თვალი, მაგრამ ის დიდკამფე-
ტიანი პარკი მოსვენებას არ აძლევდა, თითქო ჯიბრზე იქვე თვალწინ
ეღო.

დასძლია ბოლოს შიშსაც, სირცხვილსაც და ნელა-ნელა ადგა
ჩვენი რეზიკო. ნელა-ნელა მიუახლოვდა პარკს და ჯერ ერთში ჩაპ-
ყო ხელი: „რა ტკბილი იყო ის ინდის ხურმა! ბევრის ჭამა კი არ შე-
იძლება, დედა გაიგებს“. მერე მეორე ნახა. ბოლოს კამფეტების
პარკშიაც ჩააპარა ხელი. ის იყო უნდა დიდი კამფეტი ამოეთრია,
რომ უცებ რაღაცამ გაიფანთხალა, ეცა პერანგის სახელოში რეზი-
კოს და გაქანდა ილლიისაკენ.

— ვაიმე, მიშველეთო! — ერთი კი დაიყვირა რეზიკომ და ღრია-
ლით ლოგინზე გაიშხლართა. იმის ყვირილზე საწყალი დედა ფეთია-
ნივით წამოვარდა. გულგახეთქილი მივარდა რეზიკოს და გულში
მიიკრა. ხან წყალი დაასხეს, ხან ძმარი, როგორც იყო ძლივს მოასუ-
ლიერეს.

თურმე თავს მიეგნო დიდი კამფეტის ფოჩებისთვის, თავის სა-
ბურდრისთვის ძალიან მოსწონებოდა და როცა იმას ფტკვნიდა, რე-
ზიკომაც მაშინ ჩაპყო ხელი. მეორე დღეს დიდ კამფეტს ვერც კი
შეხედა ჩვენმა ქურდმა.

ითამაშე, ითამაშე, ჩემო გიულ-ხანუმ! კარგად ასიამოვნე ჩვენი მუშტარი! იხტუნე გიულ, ჩაბუქნე გიულ, უფრო ბევრ ფულს მოგცემენ! „გიულ-ხანუმიც“ ხტოდა, უვლიდა, ბუქნავდა, ტრიალებდა ზვითქში გაცურებულის; ხან ჩაქუქდებოდა და მაშინ თავის ჭუჭყიან კაბის ბოლოს ფეხს ადგამდა და ზედა ჯდებოდა. ეს კაბის ბოლო ალის ჩითისა იყო, ავლაბარში ან შეითან ბაზარში შეეკერილი. თავის დღეში არ გარეცხილიყო, რის გამოც ბრტყელი ფოთლები და ყვავილები ძლივსლა ეტყობოდა.

გიულ-ხანუმს (ასე ეძახდნენ მოთამაშე მაიმუნს) ყელზე რკინის წვრილი და გრძელი ჯაჭვი ჰქონდა მობმული და ერთ ახალგაზრდა თათრის ბიჭს ეჭირა ხელში. ეს ბიჭიც მაიმუნთან ერთად. რაც ძალი და ღონე ჰქონდა, წრეს უვლიდა და თან ჯაჭვიან ხელს იქნევდა, რომ მაიმუნს თამაშობა არ შეეწყვიტა. ჯაჭვი ხან ასწევდა მაღლა გიულ-ხანუმს და ხან მიწაზე ახეთქებდა. რა მეტი ღონე ჰქონდა, იმასაც, უნდა ეხტუნა.

— აგრე, გიულ, აგრე! აი, ყოჩად! აი ყოჩად! — ამხნევებდა მოთამაშე ბიჭი. მეორე ბიჭი კი ჭუჭყიან დაირას ძალზე აბრაზუნებდა და რაღაც ბაზრულ სათამაშო ხმას დაჰმღეროდა. საკვირველად აყოლებდნენ ფეხებს მაიმუნი და ჰასანა ყურბანას დაირის ხმას. როცა ისა ჩქარობდა, ესენიც გარბოდნენ და ხტოდნენ, როცა დაირა ჩუმ-

დებოდა და ნელ-ნელა ჩქამობდა, ისინიც დაღალულებივით მიცოცავდნენ: მიწაზე სხდებოდნენ და მჭდომიარე ბაყაყურად ოთხზე ხტუნავდნენ, ხან წელში გამართულები წრეში უვლიდნენ ხელებგაშლილები და ხან ყირამალა გადადიოდნენ.

— აგრე, გიულ, კიდევ გიულ! ხომ არ დაიღალე, გიულ! — ეძახის მოღარიე ყურბანა მაიმუნს, — ჭერ კიდევ, კიდევ! ხომ ხედავ, ჭერ ისევ ფულს აგროვებენ. კიდევ ცოტა გიულ, კიდევ. კეთილი მუშტარია, შაქარს გაკმევენ.

— აჰამეთ კეთილო მუშტარებო გიულს შაქარი, უფრო კარგად გასიაშოვნებსო, აჰამეთ! — ამბობს ყურბანა და თავის მოღუნებულ დაირას უბრახუნებს, თითქო დაირის ბრალი ყოფილიყოს ესეთი სიცხე და ამათი სოფლად კარიკარს ხეტიალი. — აჩუქეთ, კეთილო ხალხნო, გიულ-ხანუმს ფულები, ხომ ხედავთ, კაბა ძველი აცვია, თვითონაც დაიღალა, აჩუქეთ ღვთის გულისათვის! — ყვირის ჰასანა.

ხალხი ძალიან ბევრი მოვიდა. რაც სოფელში წვრილფეხობა იყო, სულ აქ მოგროვილიყვნენ და ერთმანეთს აღარ აცლიდნენ, ყველას უნდოდა წინ გადასულიყო და ახლოდან დაენახა ეს კაბიანი მოთამაშე მაიმუნი. ზოგი ბალლი დაირის ხმაზე თვითონაც ხტოდა და ბუქნავდა, მაიმუნს აჯავრებდა. დედაკაცებიც ბლომად იყვნენ. ზოგი ცომიანი ხელით გამოქცეულიყო, ზოგს სარეცხისთვის გაენებებინა თავი და ჩამოვლეჯილ-ჩამოფლეთილი სეირს უცქეროდა. ზოგს საჩქაროდ აეყენებინა აკენიდან ქორთა ბავშვი და სეირის საყურებლად გამოჰკრილიყო. რომლებიც უფრო დარბაისლობაზე სდებდნენ თავს, ისანი უფრო ცოტა მოშორებით იდგნენ.

— ჯა, აბა, რა ნამუსია, რომ პირში უვარდებით მაგ ხალხსა. აქედან კი ვეღარ დაინახავთ! ცოტა უკან დადექით, ჩვენც დავინახოთ რა-მე, — იძახდა ერთი.

— ჯა! ადამიანს არა ჰგავს! სულ თორტელ აზნაურს არა ჰგავს! — იძახდა მეორე და იფიცავდა კიდევ, რომ ის აზნაური ცოტა მაღალია და ჩოხაც აცვია, თორემ პირწავარდნილი ის არისო.

— აბა მაიმუნო, ერთი უზუნდარა ითამაშე, გეცოდინება, ქალაქელი ხარ! — ეუბნებოდა მესამე.

— იი, ჩაქრი შენცა და შენი კაბაცა! შენმა მზემ, მშვენიერი რამა ხარ მაგ კაბაში! — ამბობდა ერთი ბალდიანი ჩამოხეულ-ჩამოფხ-

რეწილი დედაკაცი, რომელსაც თვითონაც ვითომდა კაბაზე, ათასი კონკი ეყერა და თან ქოქოლას აყრიდა საცოდავ მაიმუნს. — რა გეთამაშება, შე საცოდავო, წადი შენ სახლში, შენმა მზემ ქვეყანა არ გააკვირვო შენი ნივთეულობით!

!

* * *

მხარზე პარკაკიდებული თათრის ბიჭი ჰასანა მიუძღოდა წინ მაიმუნს და თან სოფელში მოგროვილ შავ ფულებს ითვლიდა ჯიბეში. ყურბანაც უკან ჩანჩალით მისდევდა.

— ღმერთმა ააშენოს ქვეყანა, არა უჭირს რა დღევანდელ ნაშოვარს, არა ჰასან! გვეყოფა დღესა და ხვალ ეგ გროშები, სხვაც რომ ველარა ვიშოვოთ რა. გიულ-ხანუმსაც ვვაქმოთ რამე, თორემ, შეიძლება ადვილად გამოგვეცალოს ხელიდან. რა შეუძლიან, მთელი დღე ზვითქი გადასდის ხტუნვაში და ტრიალში, მერე ამ პაპანაქება სიცხეში. თუ რამე აუტყდა მაგას, მაშინ მე და შენ ან ისევ დუქნებში უნდა ვეთრიოთ მშიერ-მწყურვალნი, ან სანაგვეებზე ჭლანები და ჩვრები ვაგროვოთ. აქ სუფთა ჰაერი მაინც არის, სოფელია, უცხო ხალხია, არავინ გვიცნობს, რომ კიდევ ვითხოვოთ ზოლმე ხანდახან, არა უშავს რა, „ჩვენ გიულ-ხანუმს აჩუქეთ-თქო“. ბევრია სოფლად კეთილი გულისა, თეთრ ფულსაც ბევრი გაიმეტებს. თორემ განა კი ძალიან მეხალისება კარისკარ თრევა და მუდამ ტანტალი, ან დაირის ბრახაბრუხი და ჩვენი უგემური სიმღერა?! რა გვაქვს სათამაშო ჩვენ ოხრებს, გვიხარიან რამე?!

— ფული, ფული, ეგ ოხერი! გიულ-ხანუმსაც იმიტომ ვტან-ჯავთ და ჩვენც ბოშებივით იმიტომ დავეთრევით ასე, რომ ცოტა რამე მოვაგროვოთ. მერე წვრილმანი ვიყიდოთ და ფული მოვიგოთ. ბოლოს იქნება ალახმა მოგვხედოს და ერთი საწვრილმანოს დუქანი ჩვენც გავაღოთ. ჩვენც ახალი ტანისამოსი ჩავიცვათ, ჩექმა, კალოში, სუფთად გამოვიდეთ ქუჩაში, ხალხში გავეროთ. მერე ვერცხლის ქამრები... ვისლა ეხსომება, თუ ჩვენ მაიმუნს ვათამაშებდით! ოჰ, ალლახ! მოგვხედე და გაგვიგონე შენს მადლსა!

ჰასანა და ყურბანა, რაც ძალი და ღონე ჰქონდათ, მიჩანჩალებდნენ და თან გიულ-ხანუმს მიათრევდნენ.

შუა დღე გადასული იყო. მკათათვეში შუადღის უკან უფრო

ცხელა ხოლმე. მზე უღმობელად აქერდათ დაღალულ-დაქანცულებს. კისრებში ოფლი წურწურით ჩამოსდიოდათ. გიულ-ხანუმს ენა გადმოეგდო ძალღვივით და ქაქანებდა. მეორე სოფლამდე კიდევ შორს იყო.

— ვიაროთ, ყურბან, ვიაროთ, ავუჩქაროთ ფეხი, — ეუბნება ჰასანა, — ეგები ცოტა მაინც ვიშოვოთ რამე იმ სოფელში, ვახშმისა და საწოლის ფასს ხომ ავიღებთ.

— რა ვქნა, ჰასან, მე კი მოგყვები, მაგრამ ეს მაიმუნი მებრკოლებს, აღარ მოდის, არ ვიცი, დაიღალა, თუ აღარა სწადიან, კისერზე მაინც შევისვათ.

— კისერზე კი არა ახლა ნეტა უბეშიაც არ ჩაისვა! დაჰკარ, მაგის ეშმაკობა აქამდე როგორ არ გაიგე? არ იცი, რა ციგანიც არის?!

— ცოტახანს კიდევ, გიულ, — ეუბნება ყურბანა, — აი, მივედით, აქაც ვითამაშოთ და მერე დავისვენოთ. ამაღამ კარგი ვახშამი ვჭამოთ და დავიძინოთ არხენიანად.

რაკი სოფელს დაუახლოვდნენ, რიგ-რიგით გიულ-ხანუმი კისერზე შეისვეს, შეისვენებდნენ თქვეს და მერე უფრო შესძლებს თამაშობასაო. გიულ-ხანუმმა ყურბანას კისერზე ცოტა დაისვენა და შეღავათი მიეცა. გული გაუგრილდა და აღარ ქაქანებდა. ძაღლების შიშით მოკრუნჩხული იჯდა და იმათ დანახვაზე ყურბანას ეკვროდა.

სოფლის ბაღები, თითქო ძაღლებმა ლეში გაიგესო, იქიდანვე აედევნენ უკან და მთელი ხროვა შესდგა უსაქმური ხალხისა.

— მიირთვი, გიულ, შაქარი! — ეძახის კეთილი მუშტარი გიულ-ხანუმს და თან მოზრდილ შაქრისნატებს აწოდებს.

რახანია გიულ-ხანუმს წყურვილითა და სიცხით ყელი ამოეწვა და ამოეხრანწა, უნდა შაქარით პირი გაისველოს და მადლობით უშვერს ხელს შაქრისათვის.

— მოიცა, მოიცა, ჯერ შაქრის ჰამის დრო არ არის, — ყვირის ჰასანა, — ეგ შაქარი აქ მომეც, შეგინახავ საღამოსთვის. აბა, დაუარე! — თან ჯაჭვს სწევს და მაიმუნს ძალის-ძალით მიათრევს. დაქანცული გიულიც, თუმცა ფეხებს ძლივსდა მიათრევს, მაინც ტრიალებს თავბრუ დასხმული, საჩუქარი კი მოდის და მოდის. ზოგი პურს აწოდებს, ზოგი ყველს, ზოგი შაქარს, ხილს. კაპეიკიანებს ქულში ჩხაკაჩხუკი გააქვს.

— უჰ, აბა რამდენი იშოვა გიულმა! — იძახის ყურბანა, — ეგრე, კეთილო მუშტრებო, ეგრე!

მაგრამ გიულს ხომ ერთი ნატეხი შაქარიც ეყოფოდა, რომ პირი გაესველა. სული ეხუთებოდა, ყელში უჭერდა რაღაც, ხროტინებდა, თვალები უზნელდებოდა, ოფლი წურწურით ჩამსოდოდა. თვალები სისხლით ევსებოდა. ხალხი სულ ახლო და ახლო იწევდა და ჰაერი უფრო და უფრო იხუთებოდა. ნიავე არსაიდან არ მოდიოდა. ცხელოდა! გიული კი თამაშობდა და თამაშობდა!

დაბინდდა. ხალხი ნელ-ნელა დაიშალა. ჰასანა და ყურბანა თავის მაიმუნით ერთ საბძელში დაბინავდნენ და იქ დაუწყეს დახლს თვლა.

— ღმერთმა ააშენოს ქვეყანა, თუ მუდამდღე ასე ვიშოვეთ, ქალაქში ხელცარიელები არ დავბრუნდებით, არა, ყურბან?!

— დიახაც ჰასან! დიახაც! ცოტა გიულ-ხანუმი დაგვეღალა ძალიან. ისეთია საწყალი, სულ კენესის. ვაჭამოთ რამე, დაისვენოს ხვალისთვის. ჩვენც ვჭამოთ, დავიძინოთ, ხვალ ადრე უნდა ავდგეთ.

ვახშამი გიულ-ხანუმსაც უწილეს. მაგრამ იმან ზედაც არ დახედა საკმელს, მხოლოდ წყალი კი ხარბად სვა. — მე ვახშამს აღარ შეგეცილებით! — ამბობდნენ გიულის ამღვრეული თვალები: — თქვენ მიირთვით. კინწმომწყვეტილი გიული იმათ ფეხებთან ბზეზე მოკრუნჩხული დაეგდო და მძიმე-მძიმედ სუნთქავდა. სული ეხუთებოდა და გახურებული გული გახეთქვას უპირებდა.

— ჰამე, რაღა, შე ოხერო, ნახე და! არ მოგშივდა, მთელი დღე არაფერი გიჭამია, — უყვირის ჰასანა.

* * *

გიულმა ვერ შესძლო იმოტოლა ჯათა სიცხეში და ახლა ავადმყოფი ბურანში იყო და კენესოდა. სულ გათენება ელანდებოდა, თითქო დღე ბედნიერებას მოუტანდა რასმე! ძვალი და რბილი სულ სტკიოდა, გმინავდა და ბორგავდა...

აგერ, უცხო სოფელში მივიდნენ. ხალხი კალიასავით ირევა. ერთი ჟივილ-ზივილი და ხმაურობაა. ბაღლები, ბებრები ამათკენ გამორბიან. აგერ ჯაჭვით მიათრევს ჰასანა გიულს, უნდა ათამაშოს.

— არ წამოვალ, არა, მოვეკვდები, ამის მეტი აღარ შემიძლიან! — კენესის გიული, მაგრამ გამგონი ვინ არის!

— მოდი რაღა, შე მუდრეგო, თორემ აგიწვი ზურგი!

— ოჰ! ოხ! — კენესის გიული, — ღმერთო, მომკალი, შე დალოცვილო!

ალარ მისდევს გიულ-ხანუმი ჰასანას, გასაქცევად იწევს, უნდა გაიქცეს, წავიდეს იმ თავისუფლების ქვეყანაში, საიდანაც ბოროტმა კაცებმა ის მოიტაცეს და ამ ტანჯვა-წვალების (ქვეყანაში) მხარეში მოიყვანეს. იწევს გიული, ეწევა ჰასანაც, მაგრამ გიული მაინც იძრობს უელიდან ჯაჭვს და მირბის, სულ მიფრინავს. აღარაფერი სტკივა, მორჩა, დაღალულობაც დაავიწყდა, ფრთები შეესხა.

მიფრინავს გიული თავის სამშობლოსაკენ, როგორც ფრინველი. მიჰქრის, როგორც ქარი, მისცურავს, როგორც ღრუბელი. სულ ცას გაეკრა, რომ ბოროტი ჰასანა ველარ დაეწიოს.

მიჰფრინავს გიული თავის დედისაკენ, თავისი უტეხი ტყეებისაკენ, თავის ტოლ-ამხანაგებისაკენ. თავზე გადაუარა მწვანით შემოსილ მინდვრებს და ველებს, თოვლ-ყინულისაგან დაზნექილ მთის ქედებს, მშფოთვარე ზღვებს, თვალუწვდენელ ხეებს და კლდეებს.

აგერ, თავისი სამშობლო ქვეყანაც! თავისუფალია ახლა გიული, თავისუფალი! აგერ ნათესაეები, ძმები, დები, დედა!.. ეკვრის გიული დედას ძუძუებში, ჰკოცნის დედას, ველარ გამაძლარა იმისი ალერსით.

— დედავ, დედავ! შენს ძუძუებს ვენაცვალე, რომ კიდევ გნახე, დედავ! ჩემო ძვირფასო დედავ! — სიხარულით ტირის, ტირის გიული!

— გიულ, შეილო, შეილო, სად იყავ, აქამდე, ვინ გამოგწუწუნა მაგრე და გამოგხრა შეილო?! რაღასა ჰგეეხარ, შეილო, ეგ კისერი რაღას გადაუქლევტია შენთვის და დაუსისხლიანებია შეილო? სად იყავ, შეილო, სად მემალეობდი?! წავიდეთ, შეილო ჩვენს ტყეში, წავიდეთ!

მეორე დღეს ბევრი აჯანჯლალეს ჰასანამ და ყურბანამ გიულ-ხანუმი, მაგრამ ველარ გამოადვიძეს. მართლა დედას წაეყვანა!..

მეტ სახელად „ტურას“ ეძახდნენ, რადგან ბეწვი და დაუქრელი ყურები საშინლად უგვანდა ტურისას. მოწითალო წვრილი ცეცხლივით თვალები ქურდობას უმტკიცებდნენ. თუმცა ქურდს ეძახდნენ, მაგრამ მუდამ კი მშვიერი და ფერდიფერდს მიკრობილი დაწანწალებდა. საკვირველი იყო, რისგანდა ედგა სული, რა აცოცხლებდა, რა არჩენდა? ბევრი ძაღლებს კი ამრავლებს და იმას კი აღარ ფიქრობს, თუ ჭამაც უნდათ და შენახვაც. ტურასთვის ერთხელაც არ უჭმევია არავის სასვარი და თავის სიცოცხლეში არც გამაძლარა. შიმშილისაგან შეწუხებული ან სოფელს ირგვლივ უვლიდა, ან სადმე საბძლებს ძირში მკვდარივით ეგდო და ეძინა.

თუ სოფელში ან ქორწილი ჰქონდა ვისმე და ან წირვა გადასახდელი და საკლავი სადმე იკვლოდა, ტურაც შორიხლოს იდგა და ილოკებოდა, ელოდა, იობის მოთმინებით, სანამ ვინმე გაიმეტებდა და ფაშვის ან წელეების ნაგლეჯით მოიგონებდა.

სისხლიანს მიწასა პლოკავდა და ხორცის ნარეცხს წყალსა სლაპავდა. თუ ვისმეს სიგამზდრით ან ცხენი ჩაეხრჩობოდა, ან კუტად ჩავარდნილი საქონელი დაეხრჩობოდა, იქნება მაშინ რგებოდა რამე ტურას, ისიც მაშინ, როცა სოფლის ძაღლები დაძლებოდნენ და ლეშს თავს გაანებებდნენ. უმისოდ კი საიმისოდ რას გაჰხდიდნენ საქმელსა! ყველა იმას უღრინავდა და უტევედა.

როცა სხვა ძალები დაძვებოდნენ და ლეშს თავს დაანებებდნენ, ტურას მაშინღა თუ ეღირსებოდა რამე, ისიც გამოხრულ-გამო-კაწრული ძელები.

აითრევეა ტურა ერთ ძვალს და მიახობიალებდა სადმე მოთარე-ზულ ადგილისაკენ, ან ნაოხარ საბძელში, ან ვისიმე ჩამონგრეულ სა-თონეში, ან არა და ვენახის ღობეების ძირში, სადაც კაცის და ძაღლის თვალი იმას ადვილად ვერ შენიშნავდა, მერე წამოუწვებოდა და ღრღნიდა მთელს დღეს. დიაღაც, სულ შიმშილს, ძვალი სჯობდა, ცოტა ხორცი მაინც ეკვრებოდა და შიგაც ტვინი იქნებოდა, პირის ჩასაგემრიელებელი.

საშოვარზე გამოსვლას ისე დღე ვერა ჰბედავდა, როგორც ღამე. ყველას სანაგვე კარგად იცოდა. ჩიჩქნიდა ნაგავს, ეძებდა პურის ნამცეცებს და გადმოყრილ ძელებს, ტყავის ნაჭრებსა და ქალამნის ჯღანებს და ყოველივე ამას მადიანად შეეჭყეოდა, თუმცა კი ერთხე-ლაც არ გასძლომია მუცელი.

ან კი რა გააძლობდა? იმისგან ნაპოვნი ნამცეცები ჩიტსაც ვერ აპურებდა და აბა ი სიყმილისაგან გადამღრძვალს რა გაუხდებოდა, და ან რომელი გლეხი გაატანდა ნაგავს იმდენ ნახორხალსა?

ასე დაეთრეოდა სოფელში მურა მშვიერ-მწყურვალნი. მაძღრები-სათვის სიმძღრე ჰშურდა და თავისავით მშვივრები დასანახავად ეჯავრებოდა. პატარა ბალები ჟყვარდა და სულ იმათ შესტრიალებ-და. თუ ზელში პურს დაუნახავდა, ბალებიც ან ცოტ-ცოტას უციც-ქნიდნენ ხოლმე, ანდა თვითონ ასწაპნიდა ხოლმე ხელიდან პურს და გაიმეღუზნებოდა, ვითომ და აქ არაფერიაო.

ალბათ დიდები ამიტომ თუ ეძახდნენ ქურდსა, სულ უჯავრდე-ბოდნენ და უტატანებდნენ.

ძალები კი არას ერჩოდნენ, კარებზედაც რომ გაეარნა, არ ვი-ცი თვალი ჰქონდათ შიჩვეული თუ ეცოდებოდათ. თუ გულფიცხი გამოდგებოდა რომელიმე ძუკნა ან ხვადი და დაეცემოდა თავსა, ტურა მაშინვე გულაღმა წაუწვებოდა, ულოკდა ტუჩებს, ყელს, ცხვირს და მტერი თუ მაინც მტრობას არ დაიშლიდა და ღრინვას დაუწყებდა, მაშინ კი იკადრებდა ტურა ზეზე წამოვარდნას, ერთს მიუკაწუნებდა კუდამოძუებული თავის მჩაგვრელს და სულგამწა-რებული დასცოცხავდა სახლისაკენ.

• • •

ყველიერი იყო. ყველა, ვისაც კი ჰქონდა და არა ჰქონდა, ქეიფსა და დროების ტარებას აპირებდა. დარი მშვენიერი იღვა, დღეები თბილი და მშრალი, ამინდი სანატრელი.

ქართველობა ქადა-ნაზუქებს აცხობდა, სომხობა ქათამ-ბატ-ინ-დაურებას ხოცდა. მეღუქნეები სიამოვნებით ხელებს იფშვნეტდნენ. კარგ ვაჭრობა-მუშტრობას ელოდნენ და მოგებას წინდაწინვე ანვარიშობდნენ. ჩველი ბიჭები თავებს იკრეკდნენ. ქალები კიდე ფერუ-მარილსა ლესდნენ.

კოკოჩანთ ბაღლები რაღაც ცხვირს აცემინებდნენ, იზმორებოდნენ და ქალებმა იფიქრეს, ალბათ ბატონები თუ შეხვდათო. სოფელში წითელა იყო მოდებული და რადგან მერე საკლავი აღარ დაიკვლოდა, ამიტომ სამი დღის ულუფა—სამი ბატი ქალებმა წინდაწინვე დააკვლევინეს კაცებს. ბატებს ბოსელში აკეთებდნენ; ჰყვლეფავდნენ და ფუფქავდნენ. სისხლის სუნს ძაღლები მიეზივნდა და კარებში შეციტქინებდნენ. ერთმანეთის მემჭობიას სულწინდაწინ იწევდნენ, ეგები მე უფრო მეტი მერგოსო.

საცოდავი ტურა სულ უკან მოექციათ. თითქო რისამე რცხვენია და პირი ეწბილებო, კუდამოძუებული ყველაზე უკან იღვა. თეითონაც ბოსელში შეიციჩრებოდა და ტუჩებს ილოკდა ბატების ეშხით.

ქალებმა დაყვლიფეს ბატები, დაწიწკნეს, დატუსეს, ფეხებსაც ჰარი წააძრეს. მერე გამოწელეს, კუჭები დაატყავეს, დარეცხეს და ხონჩით იქვე ტახტთან თაროზე შედგეს. წელები, ფეხების ჰარი, კუჭების კანი და განაყვლეფი გინგლი ნარეცხი, სისხლიანი წყლით ნეხვზე გადააქციეს.

ძაღლები თან მიჰყვნენ. რომელიც ყველაზე ღონიერი იყო, ჰერის ეცა და ყლაპვა დაუწყო, რაც მოხვდა პირში, — ცოტ-ცოტათი მეორემაც მიჰბედა და დანარჩენებს მოკრძალებით დაუწყო კრეფა და ჰამა. ტურაც მივარდა, მაგრამ ერთი ისეთი შეჰღრინეს, რომ ისევე გაცლა არჩია მშიერი მუცლით. მიბრუნდა და იქვე შორიახლო დაწვა. იმათ გაცლას ელოდა.

ძაღლებმაც დიდხანს არ ალოდინეს, — რაკი შესანსლეს, რაც შე-

საქმელი იყო, გზაზე მიმავალ ოსებს გამოეკიდნენ და ყეფა და-
უწყეს. ტურას ახლა დარჩა დრო. ნელ-ნელა ადგა, ჯერ სანებზეზე
დაიწყო სუნსული, მერე ბოსლის კარებზე მივიდა და ფრთის ძირებ-
სა და წაძრობილ ნისკარტებს დაუწყო კვნეტა. მერე ბოსელშიაც
შეიხედა და მოკრძალებით ფეხი გადადგა ზღურბლზე. ქალები
სახლში გასულიყვნენ და ბოსელი უპატრონოდ დაეგდოთ, ბატებიც,
რასაკვირველია. მერე რა ბატები! თითო-თითო ჯერად ეყოფოდა
ტურას!

— ეჰ, იმათკენ არც კი შევიხედავ, — სთქვა ტურამ, — ჩემთვის
ხომ არ დაუკლავთ, რაც იმათთვის არ ვარგა და მე კი გამომადგე-
ბა, იმას მოვძებნი და პირს გავანძრევ, თორემ ბატს საჩემოდ ვინ
გახდის!

დაიწყო სუნსული ტურამ ბოსელში. ბუხართან დამწვარი ქადის
ყუის ნატები იპოვნა და მადიანად მიირთვა, ბოძთან ქუჩი იპოვნა,
ის გადაყლაპა, ქათმის საბუდრიდან ნაჭუქები გადმოეყარათ, რაკი
წიწილები გამოეჩიკა კრუხს, ისინიც ჩაახრახუნა, თუმცა მაღლიდან
კრუხი რაღაც უსიამოვნებას აცხადებდა. მაინც ვერ გაძლა, ისევ
ჰშიოდა! მადა უფრო გაუცხოველდა.

— ეჰ, რაღა სიცოცხლეა, რო სულდგმული თავის დღეში ერთხელ
მაინც ვერ გაძლეს! — იფიქრა ტურამ, — მე აქ შიმშილით სული
მძვრება და ის ნასუქი ბატები თახჩაში აწყვიდა. მერე რა ბარჯედ!
ვითომ რა უშავს, ან ვინ დამინახავს, რომ ის ბატები გავაპარო და
ერთი ლაზათიანად გავძლე. ძაღლები გზაზე ოსებს ჰყეფენ, პატრო-
ნები აქ არ არიან, სწორედ კარგი დროა! და ვაი, სირცხვილო! ტუ-
რამ ნელა-ნელა ორი ბატი ჩამოაცოცა ხონჩიდან და მოძუძგა კარე-
ბისკენ.

ცოტა ხნის შემდეგ კოკოჩაანთ რძლებს ერთი ყვირილი და თავში
ცემა ჰქონდათ, ერთი მეორეს აბრალებდა, — არა შენ გაგიშვია კა-
რი ღა და არა შენაო. ისე ბატების დაკლება არ ანაღვლებდათ, რო-
გორც კაცებისა ეშინოდათ.

— რა წყალში ჩავევარდეთ ქალო, რა ვუთხრათ გიორგი და გიგა
რო მოვლენ? ხო დაგვხოცეს! როგორ ვუყვით, რა ვქნათ? რამ ჩაყლა-
პა ის საოხროები ასე უცებ, ანლა არ გავედით?! იმ გასაზრდელმა
ბაღმაც მაშინ დაიწყო ტირილი, ძუძუ მივეც და ბატები სუ დამა-

ვიწყდა. ის საოხრო ტურა წაიღებდა იმათ უეჭველად, რო კარებზე-
დაც არ ჩანს!

დააპირეს ქალებმა, ტურა უნდა ეპოვნათ და ბატები წაერთმიათ,
მაგრამ ტურა ამ დროს მეზობლის მინგრეულ-მონგრეულს საბძელში
ცარიელი გოდრის უკან გადამძვრალიყო და შეექცეოდა მადიანად
თავის ნაწვევ-ნადაგსა. ერთი ბატი როგორ გადაყლაპა, ვერც კი გაი-
გო, ხოლო მეორე ბატს კი ნაზად დაუწყო ჭამა. ძვლებს აღარა კად-
რულობდა და ხორციებს აცლიდა. თავის ნება არ იყო? ახლაც ხომ
ვერავინ შეეცილება?! იმ ღამეს ტურას საკმლისთვის აღარ უწანწა-
ლია: მთელი ღამე მკვდარივით ეგდო და ეძინა იქვე საბძელში..

* * *

მეორე დღემდე კიდევ დაავიწყდა, თუ ბატები მოიპარა და შექაშა.
ნელა-ნელა კუდამოძუებული თავიანთი ბოსლისაკენ მიიპარებოდა,
რა იცოდა, თუ ხელდახელ შეკრებილმა მოსამართლეებმა ქურდობი-
სათვის ჩამოხრჩობა გადაუწყვიტეს!

ნაცემი, ნაქეფი, პირსისხლიანი ტურა, ყელზე წნელმობმული
ორმა ბიჭმა ამოატარა გზაზე, დასახრჩობად გამზადებული.

ჯანდაბას! ერთხელ ხო გაძლა!

„ზაფხული მაძღარიაო“, უთქვამს ქართველს. დიალაც: ტყე ხილით არის სავსე და მინდორი ქირნახულით. მგლიდან დაწყებული, უკანასკნელ სირამდე ყველას მუცელი აქვს გამძღარი.

— მგელიც ხო ხილსა და ქირნახულს არა სჭამს, მას რაღა ქირი აძღობსო, — დაეკითხებოდნენ ხოლმე გოგოები ბებიაჩემსა.

— საქმე იმაშია, შვილოვო, — აუხსნიდა ბებიაჩემი, — რომ. როგორც ბალახი და მიწის მოსავალია ბევრი, ისე ფრინველი და ნადირიც მაშინ ნაშენობს. ფრინველები ბარტყებსა სჩეკენ, შვლები და ირმები ნუკრებსა ზრდიან, გარეული ღორი — გოჭებსა, ტურა და მელია — ლეკვებსა, კურდღელი — ბაჭიასა და მრავალი სხვა, ახლა ზედ თხა და ცხვარი დაურთე. მთა და ბარში მოდებული ყველა ეს ახალი თაობა გამოუცდელია, ცხოვრების ქარცეცხლში გამოუვლელი, მგელიც სარგებლობს იმათი გამოუცდელობით და მუღამ მაძღარი მუცლით დაიარებაო.

ალბათ მართალი თუ იყო ბებიაჩემის სიტყვები, რო მთელს ზაფხულს მიმინოც არსადა ჩანდა, რომელზედაც ახლა მე უნდა გიამბოთ. თუმცა ხანდახან სოფელს ნიავექარივით გადაუქროლებდა, მაშინაც მერცხლები დასცემდნენ ხოლმე ყიჟინასა.

მაგრამ მსუქანი ზაფხული გადნა და-გაიპარა. მომეტებული ნაწილი ფრინველებისა თბილი ქვეყნების გზას გაუდგა და ტყე და მინდორიც დაუურსდა. ბევრი აღარავინ დარჩა ბინადარი. ისინიც, როცა

ცივმა შემოდგომის ქარმა უფოთლო ხის წვერებში სტვენა და ბლუილი იწყო, სულ აქეთ-იქით მიიმალ-მოიმალნენ. რანიც სოფლად იყვნენ, საბძლებსა და ღობის ძირებს შეეფარნენ, ტყეში მყოფი კიდევ ფოთლიანი ზეარეს წიფელა მოძებნეს, ან ხის ღრუებსა და ფესვებში შეიძარნენ.

მოშივლა მიმინოსაც. ახლა კი მოშივლა, მაგრამ ათასში ერთხელ კიდევ ჩაიგემრიელებდა ხოლმე პირსა. კარგად იცნობდნენ ჩიტები ამ მტაცებელსა. ერთი იმისი მხრის ტლაშუნი, ელემელეთსა ჰგვირდა ამ საწყლებს. რომელიც კი თვალს მოჰკარავდა, მაშინვე გაბმული წიწინით სხვებსაც ატყობინებდა. „ჰა, ფრთხილად იყავით, სულთამხუთავი მოდისო“. და მაშინ უნდა გენახათ საცოდავი ჩიტუნიები, როგორ შემოდგომის ფოთლებივით ხეებიდან ძირსა ცვიოდნენ და მიწაზე ეგებოდნენ, ღობეებში ძვრებოდნენ და ჩირგვებსა და ეკალუკალს ეფარებოდნენ. ბრალი იმისი, ვინც ჰაერში შერჩებოდა და ვერ მოასწრებდა ძირს ჩამოშვებას, — აუბოჭავი არ გადურჩებოდა. ამის შემდეგ კიდევ კარგა ხანს ისხდნენ ხოლმე გარინდებულები, სანამ გაბედავდნენ და თავს გამოჰყოფდნენ გარეთა.

რაც დრო გადიოდა, მიმინოს საჭმელი თანდათან აკლდებოდა. ზოგი თვითონ დაჭამა, ბრიყვი გულადები და უმწეო ლაჩრები, ზოგიც სხვებმა. ბევრმა ჰკუა ისწავლა და თვალში აღარ ეჩხირებოდნენ მიმინოსა. მთელი დღე დაყმენდილი დალაწლაწებდა მინდორში, ჰალეებში და სოფლად, სადაც კი რამე ეგულებოდა, ან ოდესმე ნისკარტი გაეისხლიანებია.

— ჰაი და ჩიტებო! — ჩაიკრავდა ხოლმე გაბრაზებით მკერდში მუშტსა, — ჰკუა ისწავლეთ რაღა, თქვენცა! სულ დროს ბრალია ახლა კაცი შიმშილით მოკვდება. ყველა მცნობს, ყველა ჰკუაზე მოვიდა. ჩემი მტაცებლობით ამ გაქნილებთან ველარას გავხდები, თუ არაფერი მოვიგონე და სხვა არა ვილონე რა.

ასე ფიქრობდა მიმინო და ერთ ტყემალზე იჯდა, ვენახის კუნძულში რო იდგა. თვითონაც ჩიტებისგან ესწავლა სიფრთხილე. ისეთ ადგილას იჯდა, სადაც საფანტი ადვილად ვერ მიუდგებოდა, თორემ ბევრი გულგადაღლეული მონადირე დაეხეტებოდა და დღეს გაუმწარებდნენ.

იქდა და ფიქრობდა. იმისი ფიქრი არც მთას იქით იყო და არც ცის რაიმე საილუმოებას შაეპყრო.

— უნდა ვკამო, ვკამო! ეგ წვრილი ფრთოსანნი ღმერთს ჩემს საქმელად გაუჩენია და დახე, მაგათ კი ლამის მასხარად ამიგდონ! უყუჩრეთ იმ ღობემძვრალს, ჩემს პირდაპირ კვრინჩხებში რო ხტის ლა ბოლოს აქნევს! ან, აი, ის მამალი ბელურა, ღობეში რო შემძვრალა და ისე არხენიად იწილება, ვითომ მე აქ არც კი ვიყო! დროების ბრალი არ არის, მაშ რა ჯანაბაა? — შფოთავდა მიმინო. და ჩიტები კი, თითქო უნდა გული გაუხეთქონო, ღობეებში მხიარულად წიწინებდნენ და ყივილი გაჰქონდათ. ზოგი ერთმანეთს შელაზლანდარებდა და მიმინოზე თვალით ანიშნებდა.

— რაო, ბიძია, ჩიჩია ხომ არ მოგინდა; მგონი კაი ხანია, რაცა მარხულობ, პირი აღარ გაგინსნილებია. რომ ვინმემ განახოს, ბერი ეგონები, სულზე დამდგარი.

მიმინო კი ფიქრობდა, იმისი ფიქრი მძიმე და სასტიკი იყო, ჭკვიანი და საშიში იმიტომ გახლდათ. რა უშავდა, რომ თავცარიელი ყოფილიყო. მარტო მოსისხლეობით იმდენ ზარალს ვერ მოუტანდა ჩიტებსა, მაგრამ ჭკვიანი იყო და! ფიქრობდა და ხეები კი იცრცვებოდა, მინდვრები ტიტვლდებოდა. წვრილი ფრთოსნები სოფლებში იყრიდნენ თავს საზრდოს გულისათვის. სიცივე თანდათანობით მატულობდა. ჩიტებიც ადრე იბუდებოდნენ და გვიან ძვრებოდნენ თავის სამალავეებიდან. რამდენჯერ მინახავს, ადრე დილით და გვიან ბინდზე, გაცოფებით მფრინავი მიმინო: იქნება ჩემზე უარესად მშვიერი შემეფეთოს ვინმე და შეეკამოვო.

ზამთარი დგებოდა. თანდათან თოვლსა სდებდა და მიწის შავს ზედაპირს ზედ ეფარებოდა. სოფელში ბანები და კრებებილა იყო მშრალი. ღობეებზე თუ თოვლის ბარდანი იღო, ფიჩხებქვეშაც მოიპოვებოდა მშრალი ადგილები. სანაგვეებზე დედაკაცებს ნაგავი გაჰქონდათ, ნეხეებზე ნაგავსა ჰყრიდნენ და გზებზე სოფლის ბიჭები ბზეს აბნევდნენ და შიგ მახეს აგებდნენ ჩიტების დასაჭერად. ჩიტების საყვარელი ბინაც ეს იყო, აქ ეძებდნენ საზრდოს და მთელ დღე და ღამეს ერთ-ორ მარცვალსა სჭერდებოდნენ, თუკი ან იმას იპოვნიდნენ. მიმინოსაც აქეთ უყვარდა ჩამოვლა. აქედან ადვილად გაიგდებდა წინ ჩიტს და აბოჰავდა, მაგრამ ჩიტებიც ხო გიყები არ იყვენენ. იმა-

თაც კარგად იცოდნენ მიმინოს მოსასვლელი გეზი და თვალი ფრთხილად ექირათ, რომ გაჭირვების დროს უცებ მოესწროთ საბ-
ძღვებ-ლობებში შეძრომა. ამიტომაც იყო, რომ მიმინო ხშირად ხელ-
ცარიელი დარჩებოდა ხოლმე და უეცარად მუცელცარიელი თვითო-
ნაც უნდა თბილ ალაგას შემძვრალიყო სადმე. ტყეში ხომ არ გამოი-
ღევა ფოთლიანი ხე და ზოგს ახლობამდე ასხია ხოლმე ისევ, მაგა-
ლითად ნაკაფ მუხას და წიფელას. ეს ხეები ზამთარში მშვენიერი
თავშესაფარია ფრინველებისათვის. მიმინოც იქით გააშურებდა. მე
ვიცი ცხენი არ დასდგომია!

* * *

ერთ სუსხიან დილას მშვიდი და შეცივნილი მიმინო მოწყენით იჭდა
ერთ პანტაზე თავჩაქინდრული და ფიქრობდა, ან უკეთა ვთქვათ,
ოცნებობდა თბილს საკმელზე, რადგან რამდენიმე დღე იყო ნაყრი
არ ენახა.

— ერაპა, რას დაძმარებულხარ, მეჩიტაევ? რაო, ხომ არ და-
კვიანდნენ ის ბრიყვები, ან ხომ არ შეათხელე და ნანადირევს ველარა
შოულობ? ხომ არ მოგშივდა? თვალები როგორღაც შეგმღვრევია,
კარგს არას მოასწავებს ეგ შენი გარინდება. შენი ცოდვა არა მაქვს,
მეც შეშკამ რო ხელში ჩაგივარდე, არა? კარგი მოგცეს, კაი გემოს
მე ჩამატან. ქონი კი არ ჩაგადნეს ყელში! თუ შენ, ჩიტების სულთა-
მხუთავს, ლუკმა გენატრება, მე რალა ვქნა ჭიხოლამ, მე შენი მეხუ-
თედი არც ტანი მაქვს და არც კლანჭები, მე რა გამასულელებს!
ათასში ერთხელ თუ გავაბრიყვებ ვისმეს და გამოვწიწკნი, თორემ
ხელდახელ ხომ ვერ დავიჭერ ვერავისა. აბა შენვე ბრძანე, მე ვის
დავეწევი ჩემი მოწყვეტილი წელით, მე ვიცი, შენსავით არ გამოვუქ-
შუვლო და ხელდახელ არ პეიტაცო ჰაერში. ან რო გამიგონ ჩიტებმა,
რომ მეც იმათა ვქამ, (თვითონ ხო მეც ჩიტი ვარ), მგონი ხელდახელ
ჯამწიწკნონ. აბა, მე რა ყურადღებას მომაქცევენ! ჩემი ტანი შეაში-
ნებთ, თუ ზავთი და რიხი. მე სარულებით სხვა ხერხით ვიქცევი: რო-
მელ ჩიტსაც შევატყობ რო საჩემოა, მოვუმიზუნებ რამეს და აურ-
ზაურს ავუტეხ, ისიც ხელს შემომიბრუნებს, გაგვიხდება ჩხუბი,
ამაობაში ამოვიღებ ქვეშ და წავახრიბ. მერე რაკი მოკვდება, ჩემს
ნადავლს ვინლა შემეცილება, დავჯდები სადმე მოფარებით და იქ

გიახლები. აბა, ხედავ, მეც კი მშვიერი არა ვკვდები და გემრიელ ჩიტის ხორცს მეც მივირთმევ ხოლმე. ეს სულ ამ ჩემი დიდი თავის ბრალია. იქნება შენ ორი შესჯამო და კი არ გაგიხდეს რა, მე კი ერთი ჩიტი თავსა მდის. რაო, რაკი ღონიერი და შენსავით მარდი არა ვარ, შიმშილითა ვკვდები? ახლანდელ დროში ჰკუაა, ძმავ, საქმე ჰკუა.

მიმინომ შეიბერტყა, მხრები აიკრიფა, თითქო გაფრენას აპირებდა და ზარმაცად შეხედა პატარა ჰრელ ჩიტსა, რომელიც პირდაპირ ტყემალზე იჯდა. ტოროლასოდენა იქნებოდა, თეთრი ზურგი და მუცელი ჰქონდა. ცოტა ზომაზე დიდი თავი და წერილი და გრძელი კლანჭები, ბოროტი და სისხლისმსმელი თვალები, ძალზე მოკაუჭებული ნისკარტი, ცხადყოფდნენ, რომ ეს ვაჟბატონი სხვა ჩიტებივით არ იყო და მტაცებელსა ჰგავდა.

— ესეც ჩიტებსა სჯამს! — გაიფიქრა მიმინომ, — კაი საქმეა შენა მზემ, ჩვენ რალა ვქნათ, ეს მასხარაც მტაცებლობს, ჰა!?

ჯიხოლა შოუსვენრად იჯდა და თვალებს აქეთ-იქით აცეცებდა, თან მიმინოსი ეშინოდა, მიმინოს კლანჭებთან ეს ვერას გაჰყიდდა. მართალია, ლურჯი ხორცი ჰქონდა, მაგარი და დღარძი, მაგრამ მშვიერი მიმინო ბევრს არას დაგიდევდა, ოღონდ თბილი სისხლი ჰქონდა.

— იცი, — დაიწყო ისევ ჯიხოლამ, — ჩემგან ჰკუა არ გესწავლება, ჩემო მეჩიტავ, მაგრამ მაინც არას ვაკეთებთ და ცოტა ხანს ვილაპარაკოთ. ახლა ისეთი დროა, რომ ყველამ თავისი ყადრი ისწავლა. ის დრო წავიდა, როცა უგონო ნიბლია ფიქრობდა, მიმინოს ლუკმა ვარ, იმან უნდა შემჯამოსო. მაშინ თავისი თავი ჩვენს საქმელად გაჩენილი ეგონათ და არავის არ უყვირდა, თუ მიმინო, ალალი და თვიათონ მეც უსამართლოდ ვიქცეოდით. ახლა კი მტაცებლებს გვიძახიან და სისხლისმსმელებსა. თავის სიცოცხლეს და პირადობას უფრთხილდებიან და ჩვენ აღარაფრად გვაგდებენ.

მოდრი და ისევ ჩემს ჰკუას დაუჯერე, ერთს გეტყვი, ისე მოიქეც და თუ მშვიერი დარჩე, პირველად მე შემჯამე მაშინ. ეს კია, ბევრი ჰკვიანია და ჩვენს დაწყობილობას ექვის თვალით შეჰხედვენ, არ მოგვეკარებიან, მაგრამ ვინც გაბრიყვდება, ისინიც გვეყოფა ჩვენასანამ სულელები დაჰკვიანდებიან, ზაფხულიც მოვა და მაშინ სხვა

ბრიყვები დაიჩიებინან, მერე რაღა გვაქვს საზრუნავი, როცა მინდორ-ველი სხვადასხვა ჰანგზე ახმაურდება.

აი, მზეწვია არის ძალიან ეშმაკი, თვითონ ხომ ათასნაირად მღერის და ხან წვიმას შეჰხარის, ხან მზესა, ზაფხულის მოახლოვებას ყველაზე უწინ ეგ იგებს და დაყურსებულ ჩიტებს გულს უნაფარდებს, სიცოცხლეს უღვიძებს. ეგ მზეწვია იყო ფრინველთ ბუ რო ხელმწიფედ ამოირჩიეს, დიდი თავი აქვს, ჰკვიანი იქნებაო. აბა, ჰკუას მაშინაც კი იმდენი გასავალი ჰქონია! თუმცა დასვეს ტახტზე და ყველა ულოცავდა, თურმე, მაგრამ მზეწვია ჯერ არ მოსულიყო. ის მთაში იყო მახარობლად წასული; გაზაფხულის მოსვლას და ჩირთის¹ გაშლას თურმე ულოცავდა. აბა, ვინ რაღ ჩააგდებდა იმ პაწაწას, ვინ მოიკითხავდა, ვინ დაეკითხებოდა, როცა არწივი და სვავიც კი იქ იყვნენ.

როცა მზეწვია მოვიდა და ამოდენა ფრინველების ყრილობა ნახა, — რა ამბავიაო, — იკითხა.

— ვინა გკითხავს შენა, გასწი, მიულოცე ჩვენს ხელმწიფეს მშვიდობით ტახტზე აბრძანება, — უყვირის გზირი.

— არ მეტყვიოთ ხალხნო, ვინ აირჩიეთ მეფედ, რომ მივიღე და თავყანი ვცე?

— ბუ ავირჩიეთ, ბუ, ჩვენი ბრძენთა-ბრძენი, მაგის მეტი ჩვენს აწეწილ-დაწეწილ საქმეს ვერავინ მოუვლიდა, ყველაზე დიდი თავი მაგას აქვსო, — შესძახეს ყველამ ერთად მზეწვიასა. შეხედა მზეწვიამ, მართლა ბუ დაუსვამთ ზელმწიფედ. ისიც დამჯდარა ერთ დამპალ კუნძზე და ცხრილის ტოლა თვალეებს აბრიალებს.

— ვაჰ, შენ ჩემო თავო, რა გიქნიათ ხალხნო, ეგ არის ჰკვიანი, მაგას აქვს დიდი თავი? — თურმე შესძახა მზეწვიამ, — მაგისი თავი ხომ ცარიელი ბუმბულია და შიგ თხილის გულისტოლა ტვინიც არ უღვეს, — ესა თქვა თურმე, ეცა ამ ბუსა, გაუბღღენა, გაუწიწკნა თავი და მართლა ერთი ბეწვა თავი კი ჰქონდა. ამოჰკრეს კუკუ და გააგდეს საწყალი ბუ. — ეგრე ჩემო ძმაო, სოფელი ბრმაა, რასაც ერთი დაიყვირებს, ცხვრის ფარასავით სხვებიც იმასა ბლავიან. თუ ხანდახან შიგადაშიგ თვალისამხელი არავინ გამოუჩნდა, როგორც გვინდა, ისე მოვიქცევით.

რაც ჯიხოლამ ურჩია, მიმინოც სწორედ იმ გზას დაადგა.

¹ ჩირთი — ახლადრო ფოთოლი იმლება, ტყე რო მწვანედ შებზინდება.

სოფლის განაპირას, ერთ ვენახის ღობეში შემძვრალიყო მიმინო. იქვე მდგომ ვერხვის წვეროკინაზე ჯიხოლაც შესკუპულიყო და ორივენი თავგამომეტებით გალობდნენ. გაჰკიოდნენ რაც ძალი და ღონე ჰქონდათ, თავს არა ზოგავდნენ. ზამთრის დილა იყო, ციციგი და სუსხიანი. მგონი არც ჩვენს აშულებსა სცხელოდათ, რადგან ხან ერთ ფეხს იმაღლდნენ ბუმბულში, ხან მეორეს.

საბრალო ჩიტებიც მობუზულიყვნენ, შიმშილი და სიცივე საქმეს უჭირებდა. ბედნიერი საბძლებისა და თივის ძირის გვერდებში შემძვრალიყვნენ, უბედურები ღობეებსა და ჩირგვებქვეშ მიუუუულიყვნენ და სიცივისაგან იკრუნჩხებოდნენ. თან მწუხარე ხმითა წრიპინებდნენ. ეს ამათი გაჭირვების გალობა იყო. განა ვისმე შეპჩიოდნენ თავის გაჭირვებასა? ან განა დახმარებასა და შველას ვისმე სთხოვდნენ? სრულიადაც არა! იმათ კარგად იცოდნენ, რომ იმათთვის თავს არაფერს გაიცხელებს. ეს იყო, ერთმანეთს უზიარებდნენ თავის გაჭირვებასა. შეიყრებოდნენ ერთად და გააბამდნენ წიწინს, ამ ხმაზე ყველა მხრიდან მოდიოდნენ მშიერები და ერთმანეთთან გულს ართობდნენ, მშიერ დღეს აღამებდნენ.

ეს იყო შიზეზი, რომ მიმინო და ჯიხოლა ამ დილით სწორედ იმ ხმაზე გალობდნენ, რაზედაც ჩიტები. მართლა გალობა კი არ იყო: ხან ბედურებივით ყიყვიებდნენ, ნიბლიებივით წიწინებდნენ, ხან მზეწვიასავით წრიპინებდნენ და ღობემძვრალასავით წიოდნენ.

— გვიშველეთ, გვიშველეთ, მტრის ხელში ნუ ჩაგვყრით! — წრიპინებდა „ბედურა“-მიმინო. — სადა ხართ, ჩემო ძმებო და ბიძაშვილებო! მიშველეთ!

— ვაიმე, ვაიმე! — გაჰკიოდა მალლა ვერხვიდან ჯიხოლა, — არა გრცხვენიათ, რომ არა გეშველით?!

ანდა ხმამალლა იპატიყებდნენ მსუქან საუზმეზე ხალხსა: მოდით ჩქარა, სანამ რთველი არ წასულა, დაეშურეთ, ამოდენა მარცვალი ყრია აქა და მკამელი კი არაფერს არის. ჩიტებიც ფაცხა-ფუცხით მიეშურებოდნენ მიმინოსაკენ, ზოგი ვითომ — და გაჭირვებულის საშველად, ზოგიც მუტლის გასაძლობად. ივსებოდა ჯაგები ჩიტებითა. იღგა ერთი ჟრიამული და ყივილ-ხივილი. ეძებდნენ გაჭირვებულს და

საშველად მზად იყვნენ, მაგრამ იქ მიმინოს მეტს ვერავის ჰხედავდნენ.

— რა ვქნა, რა აწიწინებს ამ მეჩიტას, — ამბობდა ერთი ბრიყვი. — განა, რა გასჭირებია ისეთი!

— ეგეც, ეგ საწყალი, შიმშილს შეუწუხებია, — იბრალებოდა მეორე ბრიყვი.

— არაო, — ფიქრობდა ჰკვიანი. თან კლანჭებში შესცქეროდა, — მაგას, ალბათ, ჩვენი მოძმე ვინმე ჰყავს კლანჭებში დაბლუჯული და ის გვეძახისო, — და უმჯობესად სთვლიდა, იქაურობას გაცლოდა.

მიმინო კი გაქვავებული იჯდა ჩირგვში და გამწარებული წიწინებდა. არ იძვროდა, სიცოცხლე სრულებით არ ეტყობოდა. ვინ იტყოდა, თუ ის მტაცებელი იყო. რა რიგად ჰკვიანად იჯდა, არავის რას ერჩოდა.

— ეგ გაბელურავებულა, ახლა კი ღმერთს უშველია ჩვენთვის. ჰაიდა, ბელურებო! ახლა კი აღარას გვერჩის, პირიქით ჩვენ გამოგვესარჩლება. — ასე ფიქრობდა მესამე ბრიყვი და კინალამ სიხარულით „ურა“ დაიღრიალა.

— გაფრთხილდით, ბელურებო. მახეში არ გაგაბათ. მაგ მწუხარე აშულმა. — ეძახდა შორიდან მზეწვია. — ან შენ რაღას გამოყეყეჩებულხარ და პირდაღებული შესცქერიხარ, ქერონავ? შენისთანა მსუქანი მსმენელები უყვარს მაგ მკლე აშულსა.

გარემოების მიხედვით მიმინოც სცვლიდა ჰანგსა. როცა იცოდა, რომ ახლა ჩიტებს შიმშილი აწუხებთო, მაშინ იმისი გალობა ჩიტებს იწვევდა საკმელზე, თითქო თვითონ გამაძლარი იყო და მონარჩენს იმათ უწილებდა.

— აბა დაეშურეთ, სანამ სხვას დაუსწვრია და აუკენკია, დაეშურეთ, — წიწინებდა მიმინო. მართლაც ბევრი იყო ბრმა-ყრუ, მშიერი; იმათ სულ მართალი ეგონათ მიმინოს სიტყვები და სულ ფაცაფუტით მიეშურებოდნენ იმისკენ. შემოეხვევოდნენ ირგვლივ მიმინოს, იქექებოდნენ, იბერტყებოდნენ, იზმორებოდნენ და თან გაკვირვებულები უსმენდნენ — ამ ჩიტების ენაზე მოლპარაკე მტაცებელსა. ისიც იჯდა თავმოკატუნებული, არავის რას ერჩოდა, არავის რას უშავებდა.

ჰკვიანებიც, ცოტა არ იყოს, ექვში შევიდნენ, იქნება მართლა

ჩვენთვის გული შესტკივაო. რამდენჯერ მომხდარა, რომ მოსისხლე სწორ გზაზე დამდგარა, შეუნანია თავისი ცოდვები და მერე სულ მაღლზე უვლიაო. მაინც გული კი როგორღაც არ ენდობოდათ. ძალიან შორს არ იყო ის დრო, როცა ეს ვაჟბატონი აქ შეყრილი ჩიტებისას ზოგისას დედას იჭერდა და სჯამდა, ზოგისას ძმას, დას, მამას, შვილს, ნათესავს. ბევრი ამათგანიც რის ვაი-ვაგლახით დაღწევია იმ აშუღის კლანჭებსა.

• • •

კარგა ხნობამდე ვერაფერს მიუხვდა მიმინოს, თუ რას მოასწავებდა იმისი დილა-საღამოს გალობა. თუმცა ბევრი ამ მსმენელთაგანი უნიშანგემოდ იკარგებოდა, — აღარც მკვდარი ჩანდა და აღარც ცოცხალი. მართალია, მეორე ღღეს მრავლად პოულობდნენ ახალ-ახალს ბურტყულს, თოვლზე მოდებულს იმის შესწვრივ, სადაც მიმინოს ჩვეულებადა ჰქონდა ჯდომა, მაგრამ მიმინოზე ხომ ვერ იფიქრებდნენ ვერაფერს. ალბათ თავის გაუფრთხილებლობით, ან მეღია შეჰქამდა, ან თრითინა.

რამდენიც დრო გადიოდა, ხევის პირზე ღობის ძირები და ჯაგმაგები ბუმბულით ივსებოდა. ხოლო მიმინოს მსმენელებს თანდათან აკლდებოდა. იქნება მოჰბეზრდათ და სოფლად გაფრინდნენ? — რა ბრძანებაა! — თუ აქამდე თითო სამალავში შვიდი და რვა ჩიტი იჯდა, ახლა ორი-სამიღა ეყუნტა. ზოგან ერთიც აღარ იჯდა. ეს გარემოება ბალღებმაც შენიშნეს, სარზე ჩამოცმულ კალანხხებით საღამოობით თივებში და საბძლებში ჩიტებს რო იჭერდნენ. „ნეტა, რა იქნენ იმდენი ჩიტები, სად წავიდნენ. თითქო არც ისეთი სასტიკი ზამთარია, რომ სიცოცხეს გაეწყვიტა. ან თუ სხვაგან წავიდნენ სადმე, — ჩიოდნენ ბიჭები, — აქამდე კალოებიდან და საბძლებიდან სულ ბოინი და ბოინი გამოიშლებოდა ხოლმე და ახლა კი თითო-ოროლაღა დაყიალებს, ეს ოხრებიო.

• • •

მიმინო კი სუქდებოდა. ჯიხოლას ჰკუთნა კარგად დაუჯდა. ახლა არჩევანშიაც შედიოდა. უფრო მსუქნებს ეტანებოდა და ყარტალ-ყურტალს ყურადღებას აღარას აქცევდა. ახლა უფრო თამამად იქცეოდა

და ჩიტებს აღარ ეპუებოდა. რამდენმა დაინახა, როცა ის მსუქან ქე-
რონას შეეჭყეოდა, ან ტოროლას სწიწნიდა.

მზეწვიამაც ბევრი სიკეთე დასდო საჩიტეთსა. ვისაც შეხვდებო-
და, ყველას ეჩიჩინებოდა, მიმინოს გაუფრთხილდითო, და მიმინოც
დაფიცული იყო, სადაც კი მოეწეოდა, მზეწვიას მზეს დაუბნელებდა.

— ეგ არის, რაც არის, — ამბობდა გაცოფებული მიმინო. — დას-
წყველა ღმერთმა, თუ ქვეყანაში ერთი მოუსვენარი არ გამოერია,
როგორ იქნება! ვინა გკითხავს შენა, ვინ ამოგირჩია ქვეყნის პატრონ-
ნად, ეგდე შენს ქერქში, რა გინდა, რად მიშლი ხელსა? ხო იცი,
როცა ხელში ჩამივარდები, ხეირს არ დაგაყრი და პირს არ დაგიკოც-
ნი... მაგრამ მზეწვია თავისას არ იშლიდა.

— გამოიჩიჩქნეთ ყურები, ძმებო, — ეჩიჩინებოდა წიპრია (მზე-
წვია) შეყრილ ჩიტებს, — მართალია ვშიანთ, გცივათ, მაგრამ მიმი-
ნო გაგაძლობსთ? ეგ თქვენგან მოელის გაძლობას. ქვეყნის მასხარა
ნუ ვხდებით, ტკბილი სიტყვებით ნუ ვტყუვდებით. ე ჩვენ ძალად
მაინც ნუ ვეჩრებით პირში და ვისაც ძალით მოასწრობს და დაიჭერს,
რა ვუყოთ. ერთმანეთს მხარი მივცეთ ყველაშა. მართალია, პატარე-
ბი ვართ, უღონონი, უკლანჭონი, მაგრამ სიცოცხლე ხო ყველას
გვიყვარს. ჩვენი ბუდე და ჩვენი მიწა-წყალი ხომ არავის მოგვძულე-
ბია. შევკრათ პირი, შევრყარნეთ ერთად, დავეხსნეთ თავს და თუ
ვერ მოვკლავთ, აქედან ხომ გავაძევებთ. გაიგებს მაინც საჩიტეთი,
რომ მიმინო ჩვენი სულთამხუთავია და საკვლავად გაფრთხილდებიან.

— იცით? — იძახდა სოფლის ზემოთ ფერდაში თეთრ რცხილაზე
მჯდომი ჩხიკვი, — ჩიტებს გადაუწყვეტიათ მიმინოსთან ომი და არ
ვიცი, როგორ წავა მაგათი საქმე, მე კი მგონია, უნდა გაიმარჯვონ.
თავგამომეტებულს კაცს ბევრი შეუძლიან.

— დაიკარგნენ ის მასხარები, იმათ თავის მზემ მიმინოს ყურებზე
ხახვი არ დააქრან სკინტილიანმა ჩიტებმა, — ბურტყუნებდა ბეცი ბუ,
ბებერი წიფლის ღრუში მჯდომი.

— შენ რაღას იტყვი, შაშვო? — დაეკითხა ჩხიკვი.

— მე იმას ვიტყვი, რომ მიმინო არც ჩვენ გვაყრის ხეირს. სადაც
სამართალია, ჩვენც უნდა მივეშველნეთ, სულ ხო ერთბაშად ვერ
გაგვწყვეტს. სულ მუდამ შიშში და ელდაში ყოფნას „ერთხელ სჯო-
ბიან სიკვდილი, სულ მუდამ დაღონებასაო“, უთქვამთ კვეიანებსა.

წიფლის ჩიტაც ამასვე ამბობდა.

კოდალა და ჩხართვიც თანახმანი იყვნენ. ტურფა დედოფალა ჩიტი, წითელ-ყვითლად რო იყო მორთული პატარძალსავეით და ქალს უფრო ჰგვანდა, ვიდრე ბიქს, ისიც კი თავგამოდებით იკვებოდა: „მიმინოს თავზე ლაფს დავასხამთ“.

ნიბლია, ღობემძვრალა, წყლისჩიტა, ღალღა, წუა, მწყერჩიტა და ათასი სხვა, სულ ყველა საომრად ემზადებოდა. ჩხიკვიც კი, ჯაფარას რო ეძახიან მეტ სახელად, იქ იყო და „რაზმს აწყობდა“. — მართალიაო, — იძახდა, — ჩემთვის არა დაუშავებია რა, მაგრამ თქვენთან მეც თავი მიდევსო.

— აბაო, — იცინოდა ჩხიკვი, — ემ ჩემს ლურჯ ხორცს რა გემოს ჩაატანდა, თორემ ჩემი ჰრელი ქათიბი კი არ ენანებოდა დასახევადაო. ახლა მიმინომა ნახოს იმისი რუსული მაზარა! როგორ დევეფხრიწოთ ამ პატარა ჩიტებმაო.

ყველა რასმე იმუქრებოდა და სისხლის აღებასა ფიკულობდა. რომელნიც უფრო გულადები იყვნენ, ისინი ოხუნჯობდნენ და ხალხს აცინებდნენ. — მალე გაიგებ, ჩვენო ხმატკბილო აშულო, შენგან დავალებული ჩიტები რა წვეულებას გაგიმართავენ. გიყვარს მსმენელები და იმდენს მოვასხამთ, რომ ქეიფი წაგიხდესო.

მეორე დილით ბუმ რომ ღრუდან თავი გამოყო, ტყეში ძე ხორციელი აღარ იყო. — კიდე არ გაბრიყვებულან ის ტუტუცებო, — თქვა და ისევე შეიმალა ბნელაში.

• • •

მეორე დღეს უვილ-ხივილი და ხმაურობა იდგა. გუნდი და გუნდი წვრილფრთოსნებისა სოფლისკენ მიეშურებოდა. ზოგი ტყიდან, ზოგი მთიდან. ზოგი მინდორ-ქალებიდან და ქაობებიდან, რა ჯურის ხალხი არ იყო იქა. მომეტებულს ერთმანეთის სახელიც არ გაეგონა, თორემ თვალი კი დაეკრა. ყველა კი ერთმანეთს ულოცავდა და ესალმებოდა. თვითონვე უკვირდათ, როცა ვენახების ხეხილები მთლად დაიხუნძლა ფრინველებით, ამდენნი სად ვყოფილვართო. ტყიდან მოსულებს ბაირალტრად ჩხიკვი აერჩიათ და წინამძღოლიც ის იყო.

1 მიმინოს ლევა ფერი აქვს.

ჰილყვაჲი გაკეირჲებით შესცჲეროდა ამოდენა ლაშქარს და თან ყვაჲს ეკითხებოდა: „რას აკეთებენ აჲ ეს ჩიტები, ყვაჲო, არ იცი?“ რას იფიჲრებდა მიმინო, თუ დაჩაგრულ-დამონებული ჩიტები ხელს გამოიღებდნენ და ომს გამოუცხადებდნენ.

აბა, რაღა გავაგრძელო ომის აღწერა. უეჲველია, ბევრი მოკვდებოდა. ლეჲსი ამბობს, რომ:

ჩიტთა შეჲამეს მიმინო,
შეიჲნა დროთა ცელილობა...
აბა, თუ შეგრჩესთ, ჩიტებო,
მაგაზე თავმოვლილობაო.

აღბათ გადარჩენილი ჲიხოლა იტყოდა.

[1902 წ.]-

ნიღლია (გვ. 13)

პირველად დაიბეჭდა 1891 წ., ჟურნალ „ჯეჯილში“, № 4, გვ. 4.
ქვესათაური: (საყმაწვილო ამბები).

თედო რაზიკაშვილი ავტობიოგრაფიაში აღნიშნავს რომ ეს მოთხრობა მან დაწერა 1886 წელს.

იის ამაპვი (გვ. 18)

დაბეჭდილია 1890 წ., ჟურნალ „ჯეჯილში“, № 3, გვ. 21.

ამ მოთხრობის შეახებ ნ. ჯანაშია ვორიდან თედოს სწერდა: „შენი „იის ამაპვი“ ძალიან მომეწონა, ნიკო ლომოურმა სთქვა: მშვენიერი არისო. ეს მოთხრობა ძალიან ჰგავს ერთ შენს ლექსს, აქ (სეზინარიაში) დაწერილს. ლექსიც მშვენიერია“ (წერილები თედო რაზიკაშვილისადმი (სოლ. ყუბანეიშვილის რედაქციით), კ. მარქსის სახელობის საქართველოს სსრ სახელმწიფო საჯარო ბიბლიოთეკის შრომები, წიგნი III, 1937 წ., გვ. 169, ქვემოთ დასახელებული იქნება შემოკლებით: წერილები).

შურიან (გვ. 22)

პირველად გამოქვეყნდა 1891 წ. ჟურნალ „ჯეჯილში“, გვ. 5.
ცალკე წიგნად დაიბეჭდა 1903 წ.

ქვესათაური: მეცხვარის ძაღლის ამბავი ყრმათათვის.

ამ მოთხრობის ცალკე წიგნად გამოცემა განზრახული ჰქონდა ივ. როსტომაშვილს, რისთვისაც 1902 წ. ავტორისაგან გამოითხოვა

ნებართვა და თან სთხოვა, დაესახელებინა რომელ მოთხრობას სცნობდა ის კიდევ ცალკე წიგნად გამოსაცემად. ავტორისაგან თანხმობის მიღების შემდეგ 1903 წ. 1 იანვარს ივ. როსტომიშვილი თელოს ატყობინებდა: „პირველად „მურიას“ გამოვეცემ იაფ-ფასიან წიგნად სურათებით და თუ კარგად გაიყიდება, რაზედაც იმედი მაქვს, სხვა-საც გამოვეცემ შემდეგში“ (წერილები, გვ. 188).

1903 წ. „მურია“ ილუსტრირებული სახით დაიბეჭდა წიგნად ს. ზუბადალაშვილის საფასით. ამ გამოცემის ტექსტი ავტორს შეუწოვრებია. ჩვენი პუბლიკაცია ემყარება უკანასკნელ გამოცემას.

გარიელა (გვ. 27)

გ. ლეონიძის სახელობის საქართველოს სახელმწიფო ლიტერატურულ მუზეუმში (ქვემოთ დასახელებული იქნება ლიტმუზეუმი). დაცულია ამ მოთხრობის ასლი, № 12390. პირველად დაიბეჭდა 1892 წ. ჟურნ. „ჯეჯილში“, № 6, გვ. 37.

ქვესათაური: (თამარ დედოფლის ლეკენდა).

კულგრძელა წრუწუნას ნაამბობი (გვ. 82)

დაიბეჭდა 1893 წ. ჟურნალ „ჯეჯილში“, № 4, გვ. 5.

კულგრძელა წრუწუნა ამბობს, რომ ჩემი მამა-პაპა დღევანდელ ადგილას „გადმოსახლებულან, როგორც ი ა კ ო ბ ი ე გ ვ ი ბ ტ ე შ ი გ ა დ ა ს ა ს ლ დ ა.“ ბიბლიური თქმულებით, მოუსაველიანობის წლებში იაკობი თავისი სახლობით გადასახლდა ეგვიპტეში, სადაც შიმშილობა არ იყო და იქ ცხოვრობდა. ბიბლიის ამ თქმულებას ვულისხმობს ავტორი ზემოთ მოყვანილ ცნობაში.

სათაგავეთის ამბავი (გვ. 89)

პირველად დაიბეჭდა 1894 წ., ჟურნალ „ჯეჯილში“, № 1, გვ. 35.

მეორე ამბავი.

მოთხრობა დაწერილია არა უგვიანეს 1893 წლისა, რადგანაც საცენზურო ვიზა დასახელებულ ჟურნალს მიუღია 1893 წლის 10 დეკემბერს.

დავით გოლიათი — ავტორს მხედველობაში აქვს ბიბლიის შემდეგი თქმულება: დავითი იყო ებრაელთა გამოჩენილი მეთე და ძლიერი ღონის პატრონი. ვრთხელ ებრაელებს ბრძოლა ჰქონდათ მეზობელ ხალხთან. მტრის ბანაკიდან გამოვიდა ერთი უსარმანარი გმირი, გოლიათი, და გამოითხოვა შებმოლა ვინმე ებრა-

ელთაჲან. ვერც ერთმა ებრაელმა ვერ გაბედა გაიოსკლა. მაშინ და-
ხოთ მეფე გაიდა და შურდულით მოკლა მტრის გოლიათი.

პატარა ხანუშა (გვ. 48)

დაბეჭდილია 1893 წ. ჟურნალ „ჯეჯილში“, № 5, გვ. 14.
ქვესათაური: (სოფლის ცხოვრებიდან).

რკიანი (გვ. 58)

ხელნაწერი: ასლი, ლიტმუხეუმი, № 12390, ფ. 42-52;
გამოქვეყნებულია 1894 წ., ჟურნალ „ჯეჯილში“, № 2, გვ. 44.
მოიხრობა დაწერილია ნამდვილ შემთხვევაზე: ერთხელ თედოს
ბიძას მწარის კარზე მიდგომა დაღლილი და შეშინებული შევიდა:
მწარის ის არ დაუნდვია და ყელი გამოუჭრია. ამ შემთხვევაზე და-
უწერია თედოს მოთხრობა „რკიანი“, რომელიც წაუკითხავს თავისი
ბავშვებისათვის. ბავშვებს ძალიან შებრალებიათ რკიანი და მამისა-
იგის უთქვამთ: „განა კაცი მგელზე საშიში უნდა იყოს?“ თედოს
უპასუხია: „ეს ნამდვილი ამბავია და, იქნებ, სხვა დროსაც მოხდეს
ასეთი რამ და მეტი აღარ გაიმეორონო. (ე. რაზიკაშვილი, ცოტა რამ
მეჩანემ ბიძაჩემებზე. „მნათობი“. 1961 წ., № 10, გვ. 171).
მოთხრობამ გამოქვეყნებისთანავე მიიპყრო მკითხველთა ყურად-
ღება. „რკიანმა“ დიდი ფურორი გამოიწვიაო, სწერს თედოს „ჯე-
ჯილის“ რედაქტორი ან. წერეთლისა.

მელიანს ხრიკაზი (გვ. 50)

ხელნაწერი: ასლი, ლიტმუხეუმი, № 12390, ფ. 90; პირველად
დაიბეჭდა 1894 წ. ჟურნ. „ჯეჯილში“, № 4, გვ. 5; № 5 გვ. 5.
„ჯეჯილი“ — იგულისხმება საყმაწვილო ჟურნალი „ჯეჯილი“.

მანანს ბოგოლა (გვ. 50)

ხელნაწერი: ასლი, ლიტმუხეუმი, № 12390, პირველად დაიბეჭდა
1894 წ. ჟურნალ „ჯეჯილში“, № 3.

ფალანგეზი (გვ. 98)

ხელნაწერი: ასლი, ლიტმუხეუმი, № 12390, ფ. 35; დაბეჭდილია
1894 წ. ჟურნ. „ჯეჯილში“, № 6, გვ. 29.

მშრომელი (გვ. 98)

ხელნაწერი: ასლი, ლიტმუხეუმი, № 12390, ფ. 27;

პირველად დაიბეჭდა 1895 წ. ჟურნალ „ჯეჯილში“, № 2, გვ. 18;

ამ მოთხრობას საფუძვლად დაედო ნამდვილი ამბავი, რაზედაც თედოს ქალიშვილი ე. რაზიკაშვილი ე. დმოკვეცემს: „ეროხელ დედაჩემი წინდებს ქსივდა და დაუმთავრებელი დაღო ფანჯარაზე. ღამით კატას თამაში დაუწყია. ჩხირები დაუქრია და თითქმის გაოაგებული წინდა სულ დაურღვევია. ეს რომ თედომ დაინახა, ბეერი იცინა, დედას უთხრა, კატა დაგენმარა ქსივამიო. მერე წაგვიკითხა მოთხრობა „მშრომელი“. ჩვენ ვიცინოდით, დედაჩემი კი წყველა-კრულვას უგზავნიდა კატას“. (ე. რაზიკაშვილი, ცოტა რამ მაშინემ ბიძაჩემებზე, „მნათობი“, 1961, № 10, გვ. 171).

„მარიაშა“ კამეჩი (გვ. 108)

ხელნაწერი: ასლი, ლიტმუხეუმი, № 12390, ფ. 63.

გამოქვეყნებულია 1895 წ. ჟურნალ „ჯეჯილში“, № 4, გვ. 5.

არქვა ჟურღანი! (გვ. 118)

ხელნაწერი: ასლი, ლიტმუხეუმი, № 12390, ფ. 6; აკლია დასაწყისი და ბოლო ნაწილები. დაბეჭდილია 1896 წ. ჟურნალ „ჯეჯილში“, № 1, გვ. 6.

ქვესათაური: (სახალწლო სურათი).

მოთხრობა დაწერილია არა უევიანეს 1895 წლისა, რადგანაც საცენზურო ვიზა ჟურნალს მიუღია 1895 წლის 28 დეკემბერს.

ფითრი (გვ. 124)

ხელნაწერი: ასლი, ლიტმუხეუმი, № 12390, ფ. 2; აკლია დასაწყისი და ბოლო ნაწილები, დაზიანებულია შიგადაშიგაც. პირველად დაიბეჭდა 1896 წ., ჟურნ. „ჯეჯილში“, № 4, გვ. 5.

მოთხრობაში აღწერილია სინამდვილე: ხელთუბანში თედოს ეზოში სეჭეჭური მსხლის ხე ედგა. გემრიელ ნაყოფს ისხამდა. ერთ წელიწადს ხემ ყურები ჩამოყარა, ნაყოფიც მცირე მოისხა. თედომ ნახა, რომ ხეს ფითრი ჩაკონებოდა. მაშინვე მოაშორა ფითრი ხეს და ამრიგად გადაარჩინა გახშობას. ამაზე შექმნა შემდეგ მოთხრობა „ფითრი“ (ე. რაზიკაშვილი, ცოტა რამ მაშინემ ბიძაჩემებზე, „მნა-

ობი", 1961 წ. № 10, გვ. 171). ვინ იყის ამ მოთხრობის წყალბობი, რაძდენი ზე გადარჩენილა ფიარისაგან დაღუბეს.

მოთხრობამ გამოქვეყნებისთანავე მიიპერო მკითხველთა ყურადღება. აკაკი წერეთელი მის შესახებ წერდა: „ეს პატარა ბოტანიკური მოთხრობა „ფიარის“ თ. რასუკაშვილისა, როგორც ხელოვნების მხრივ, ისე თავის კილოთიც აამრციო ასაღჯაზრდა გრძნობა-გონების და იმავე დროს დიდათ საკულისსპიერო დიდებისთვისაც. აქ არ გვინდა ამოქვეყნოთ შინაარსი, რომ არ დაეამაჩინჯოთ, ვერჩევთ ყველას, თავის თავად წაიციოთონ. აქ არის გამოსატული ჩვენი ქვეყანა და ძველთაგანვე მის ეულში შემოსხნული ერი. ეს არის ისტორია ჩვენის ცხოვრების და იმავე დროს ებრაული წინასწარმეტყველება მომავალზე. და ვინც გულდასმიო წაიციოთხავს, ჩვენთან ერთად იტყვის, მადლობა ღმერთს, ახალი ხანა დგება ჩვენს მწერლობაში და მისი განთიადიც მოახლოებულიაო“ (ყურნ. „კვალი“, 1896 წ. № 21, გვ. 354).

სპაში (გვ. 186)

ხელნაწერი: ასლი, ლიტმუხეუმი, № 12390; ფ. 167; პირველად დაბეჭდილია 1897 წ. ყურნალ „ჯეჯილში“, № 8, გვ. 7.
ქვესათაური: (ამბავი).

ოაოა (გვ. 144)

პირველად დაბეჭდა 1898 წ. ყურნალ „ჯეჯილში“, № 1, გვ. 27. მოთხრობა დაწერილია არაუგვიანეს 1897 წლისა, რადგანაც ცნხურის ვიზა ყურნალის ამ ნომრისათვის გაეშულია 1897 წლის 30 დეკემბერს.

მოთხრობამ გამოქვეყნებისთანავე მიიპერო საზოგადოების ყურადღება. „ოაობითი“, — წერს ლ. ბოცვაძე, — ბავშვები გაიცნობენ საზოგადოდ თობას ცხოვრებას, იმის მოსისხლეობას. დედაზარი ამ მოთხრობისა ის არის, რომ ფეიქარა, მოსისხლე თობა მისივე მეზობლის შავი თობასაგან იღუბება, ბოროტება ისჯება. ამგვარს მოთხრობებს, იმისდა მიუხედავად, რომ შიგ შეკვლეობაა აღწერილი, იშვიათად არ შეხედებით საბავშვო მწერლობაში“ (ივერია, 1898, № 54, გვ. 3).

განაფხული (გვ. 140)

დაბეჭდილია 1898 წ. ყურნ. „ჯეჯილში“, № 3, გვ. 4.
ამ მოთხრობას ლ. ბოცვაძემ შემდეგი შეფასება მისცა: „მოთხრობათა შორის „ჯეჯილის“ ამ ნომერში [111] პირველი ადგილი

უჭირაჲს „გაზაფხულს“, რომელიც შეიცავს ზამთრის აღწერილობას და გაზაფხულის დადგომას. ამ აღწერილობას, ამხალ მოთხრობილს, ბევრი ღირსება აქვს, რომელთა შორის უნდა აღვნიშნოთ ხელოვნურად და ცოცხლად აღწერა ზამთრის ბუნების სხვადასხვა სურათისა, ზამთრის მიწურულობა და გაზაფხულის დადგომა. ყველა სურათსა, რომელიც აწერილი აქვს წერილის ავტორს, პატარა მკითხველებს ნათხი და ვაჭიანილი აქვთ წარსულს სამთარში, რომლის მივიანებო, როცა ვერ გასაფხული სრულიად არ გაიფიქრებულა, ბაჲშის ვისე-ბაში ცოცხალია, მხოლოდ ლექსიკონის სიღარიბის გამო, პატარა მკითხველს არ შეუძლიან გამოსთქვის, გამოხატოს ის სურათი ისე ხელოვნურად, როგორც უფროებს შეუძლიან სოლმე. აი, ამ სურათების ხელოვნურად და ცოცხლად აღწერას სიამოვნებით წაიკითხავენ ბავშვები და აღვიღადაც შეიგნებენ, რადგანაც ამისთვის სა-ბარო ნიღაჲც ყველა მკითხველის ვინებაში მოიპოვება“. (ივერია, 1898, № 91, გვ. 1).

პუბლი (გვ. 161)

გამოქვეყნებულია 1898 წ. იურნალ „ჯეჯილში“, № 9, გვ. 4. ამ მოთხრობის შესახებ ცნობილი პედაგოგი და საზოგადო მოღვაწე ლ. ბოცვაძე წერდა: „ჯეჯილში“ [№ 9, 1898 წ.] დასტამბულია მშვენიერი მოთხრობა „გუგული“, რომელშიაც მკითხველები გუგულის საზოგადო ჩასიათისა და ცხოვრების გარდა, ვაიწნობენ, თუ რა შედეგი მოჰყვება იმისთანებს საზოგადოდ, ვინც თავისთავად არა კშრომობს და მხოლოდ გუაჲლის-აჲით სხვისი ნაშრომ-ნაღაწით სარგებლობს. ეს სწავლა, რომელიც გატარებულია მოთხრობაში, კარგად არის დასრულებული. მოთხრობა ეკუთვნის ბ. ნ. თ. რაზი-კაშვილს, რომლის ნაწერებს სიამოვნებით კითხულობენ „ჯეჯილს“ პატარა მკითხველები და წაკითხვასთან ერთად კიდევ ესმით, გაუ-გნობთ, რასაც კითხულობენ. წაკითხვით ბაჲშის ერთხელ მოთხრობა „გუგული“ და თუ ის ცოტა ვინება ვახსნილია, მაშინვე, ერთხელ წაკითხვის შემდეგ, მშვენიერად, დალაგებით მოგიყვებათ მთელს შინაარსს მოთხრობისას. ეს შეადგენს დიდ ღირსებას მწერლისას. ამისთანა მწერალს კარგად ესმის პატარა მკითხველის პსიქოლოგია და მისი კანონები, ამიტომ თითოეული ღიბევა, თითოეული ამბავი მოთხრობისა ისე ხელოვნურად და მოკლედ არის აღწერილი, რომ შესაფერ კვალსა სტოვებს ბაჲშის ვინებაში...

საზოგადოდ მთელი მეცხრე ნომერი „ჯეჯილისა“ რივიანია, — ასკენის რეცენსენტი, — სხვა რომ არა იყოს რა, მარტო ერთი „გუგული“ ჰხდის იურნალს უურადლებისა და წაკითხვის ღირსად“ (ივერია, 1898, № 235, გვ. 2).

შპლზბი (გვ. 146)

ხელნაწერი: ასლი, ლიტმუხეუმი, № 1239, ფ. 139—151; დაიბეჭდა 1899 წ. ჟურნალ „ჯეჯილში“, № 1, გვ. 27.

ქვესათაურად აქვს: (ნამდვილი ამბავი).

მოთხრობა დაწერილია არა უკვიანეს 1898 წლისა, რადგანაც ჟურნალის ამ ნომრისათვის ცენზურას ვიზა მიუცია 1899 წლის 19 იანვარს.

თ უ ქ უ რ მ ი შ ი დღევანდელი ქ. წითელაწყვიროს (წითელაწყვაროს რ.).

ცირცელი (გვ. 107)

ხელნაწერი: ასლი, ლიტმუხეუმი, № 1239, ფ. 151 (დაზიანებულია 155 ფ.).

პირველად დაიბეჭდა 1899 წ. ჟურნალ „ჯეჯილში“, № 3, გვ. 8. ავტორს ნამდვილი ამბავი აქვს აღწერილი. „მამა, — წერს ე. რაზიკაშვილი, — დარკო ერთი ხე, ფშავიდან ვადმოტანილი, უნდა გეაჯანრო სახსოვრადო, ამბობდა. ის ხე ვახსია, სამშობლოდან მოშორება ვერ იტანა“, ჩვენ, ადამიანები კი, ხად არ ვაკძლებთო, უთქვამს თედოს (ე. რაზიკაშვილი, ცოტა რამ მამანემ ბიძანემებზე, „მნათობი“, 1961 წ., № 10, გვ. 17).

171 გვ. მოყვანილი ლექსის ნაწევები ამოღებულია რ. ერისთავის ლექსიდან „სამშობლო ხეესურისა“.

გულქანის დედოფლები (გვ. 170)

დაბეჭდილია 1900 წ. ჟურნალ „ჯეჯილში“, № 5, გვ. 5.

კოდალა (გვ. 181)

პირველად გამოქვეყნდა 1900 წ. ჟურნალ „ჯეჯილში“, № 12, გვ. 34.

ქვესათაური: (ამბავი).

ღათვი (გვ. 189)

დაიბეჭდა 1901 წ. ჟურნალ „ჯეჯილში“, № 2, გვ. 3.

ქვესათაური: (ნამდვილი ამბავი).

მოთხრობა დაწერილი უნდა იყოს არაუკვიანეს 1900 წლისა. რადგანაც „ჯეჯილის“ დასახელებული ნომრისთვის ცენზურას ვიზა გაუცია 1901 წ. 27 იანვარს.

სამაგიერო (პ. იო)

დაიბეჭდა 1901 წ. ჟურნალ „ჯეჯილში“, № 12, გვ. 8.
ქვესათაური: (ნამდვილი ამბავი).

პურჯი (პ. იო)

დაბეჭდილია 1902 წ. ჟურნალ „ჯეჯილში“, № 1, გვ. 56.
დაწერილია არა უგვიანეს 1901 წლისა, რადგანაც საცენზურო
ვისა ჟურნალის ამ ნომრისათვის გაცემულია 1901 წლის 20 დეკემ-
ბერს.

მომთავაზე მაიფანი (პ. იო)

პირველად დაიბეჭდა 1902 წ. ჟურნალ „ჯეჯილში“, № 4, გვ. 6.
მოთხრობა რეალურ ამბებზეა აგებული. მაიფანისა და დათის
ქრონოლოგია და შემოსაელის მიზნით მათი დასახელება ქველად ჩე-
ხლებრივი მოვლენა იყო.

ერთი ბაძა (პ. იო)

დაბეჭდილია 1902 წ. ჟურნალ „ჯეჯილში“, № 5, გვ. 33.

აზული გიგინო (პ. იო)

ლიტმუზეუმში დაცულია ამ მოთხრობის შავი ავტოგრაფის ბო-
ლო ნაწყვეტი, № 12270, გვ. 123. თარიღი 1902 წ., დართული აქვს
ავტორის შენიშვნა: „ვადაწერაში შევასწორე“. პირველად დაიბეჭდა
1903 წ. ჟურნ. „ჯეჯილში“, № 1, გვ. 44. ცენზურის ვიზა: 1902 წ.
21 დეკემბერი.

ს ა რ ჩ ე ვ ი

ნიბლია	13
იის ამბავი	18
მურია	22
გარიელა	27
კუდგრძელა წრუწუნას ნაიბობი	32
სათაგვეთის ამბები	39
პატარა ხანუმა	48
რქიანი	53
მელიას სრიკები	59
ყანეს პობოლა	86
ფალანები	93
მშრომელი	98
„მარიაშა“ კამეჩი	103
არიქა, ქურდები	118
ფიორი	124
სვაენ	135
ობობა	144
გაზაფხული	149
გუგული	154
მელები	159

ციტცელი	167
გულქანის დედოფლები	176
კოდალა	181
დათვი	189
სამაგიერო	193
ქურდი	196
მოთამაშე მაიმუნსი	199
ერთხელ გაძლა	205
აშული შიმინო	210
შენიშვნები	222

БИБЛИОТЕКА ГРУЗИНСКОЙ
ДЕТСКОЙ ЛИТЕРАТУРЫ

Тедо Разикашвили
СОБРАНИЕ СОЧИНЕНИЙ
ТОМ I
Рассказы

(На грузинском языке)
Детиздат Грузинской ССР
«Накадули», Тбилиси, 1972 г.

რედაქტორი ლ. ვოგოხია, მხატვარი
ი. დივოგორცევა-გრიგოლია, მხატვრული
რედაქტორი შ. დოლიძე, ტექნიკური რე-
დაქტორი ბ. ასათიანი, კონტროლიორ-კო-
რექტორი მ. კალანდარიშვილი, კორექტო-
რი მ. ლალაძე, გამომშვები ც. ხაზაშვილი

ხელმოწერილია დასაბუჭლად 27/1-71 წ.
ქალაქის სიმა 60×84¹/₁₆, ნაბეჭდი თა-
ბასი 14,5, სააღრიცხვო-საგამომცემლო
თაბასი 10,6, ტირაჟი 20.000 შუკვ. 6366
ყასი მაგარ გარეკანში 92 კაბ.
რბილში — 64 კაბ.

გამომცემლობა „ნაკადული“, თბილისი,
მარჯანიშვილის ქ. № 5
Издательство «Накадули», Тбилиси,
ул. Марджанишвили № 5

საქართველოს სსრ მინისტრთა საბჭოს
ბეჭდვითი სიტყვის სახელმწიფო კო-
მიტეტის შთავარბოლიგრაფმრეწველობის
სტამბა № 2, „ნაკადული“, თბილისი,
ფურცელაძის ქ. № 5

Типография № 2, «Накадули», Глав-
полиграфпрома Государственного Ко-
митета Совета Министров Грузинской
ССР по печати, Тбилиси, ул. Пурце-
ладзе № 5